

六月十三

寒霄編述  
蘭廬題

# 六月十三總目

## 上編

第一節 黎大總統被迫出京

第二節 曹錕派兵劫車

第三節 曹錕以高凌霄攝政

第四節 吳景濂捏造之會合會

第五節 內外時論之誅討

## 中編

第一節 國會南遷之運動

第二節 南遷之籌備及其經過

第三節 出京議員主持正義

第四節 輿論之傾向

第五節 黎大總統之南下

下編

第一節 六月十三以後之賄選形勢

第二節 賄選前後之政團

第三節 賄選之經過

第四節 賄選議員題名錄

第五節 憲法歟穢史歟

第六節 曹錕小史

附錄 討曹文電

## 六月十三 上編目錄

### 第一節 黎大總統被迫出京

總論 軍警直接向總統索餉 軍警出索餉而罷工 馮玉祥之活動與外交團 外報對於以首都治安供政爭之評論 上海對於軍警罷工之輿論 軍警第二次向黎邸索餉 請願團之包圍黎邸 軍警第三次索餉未湊成 黎總統電請曹吳並函告國會通電全國 馮玉祥王懷慶之辭職 外電紀馮玉祥脅迫總統去位 時論對於馮玉祥之斥責 外電中之北京政潮 曹錕主謀作亂之內幕 北京各報論政變之原因及其內幕 結論

### 第二節 曹錕派兵劫車

總論 黎大總統出京之文電 出京時之情形 順天時報紀黎總統出京之原因 曹錕主使馮玉祥作亂之明証 北京各報號外紀王承斌劫車 順天時報紀劫車情形 黎總統車次派秘書發出之通電 北京逼印之情形 奪印與放行之前後 王承斌逼簽之辭職電 黎大總統出京始末記 論王承斌叛國之陰謀 黎總統脫險後之文電 外電關於劫車之紀載

### 第三節 曹錕以高凌霨攝政

總論 六月十三日黎大總統在北京發表免去張紹曾等全體閣員本兼各職之命令 高凌霨等呈請總統回京電 黎總統復高凌霨等電 黎總統咨國會任唐紹儀爲國務總理請同意案 高凌霨等維持治安之通電 高凌霨等通告攝政之電 論張紹曾之不能復職 曹錕對議員表示意見 王承斌反對張紹曾復職之通電 張紹曾之父 黎大總統聲明高凌霨等違法攝政之通電

### 第四節 吳景濂捏造之兩院會合會

總論 十四日衆議院之談話會 某議員所述談話會情形 十四日談話之議員態度及其意

見 十六日衆院會場之實況 衆院小議場之小會議 十六日會合會之預聞 議員會前出  
京 袁家花園發放津貼 會合會與談話會 會合會以前之提案 議員褚輔成等列舉會合  
會十大違法之通電

第五節 內外時論之誅討

總論 京津公民代表團之刪電 京津公民護法團之通電並致曹銀函 北京公團聯合會致  
兩院議員書 上海總商會對於時局意見之通電 上海二十二路商會代表會之宣言及通電  
旅滬贛商會致北京議員電 上海全國學生會聯合會致北京議員電 上海自治促進會致  
北京議員電 旅滬廣東自治會之通電 杭州總商會之通電 浙江各法團公電 安徽各法  
團公電 安徽各公團致高凌霨等公函 安徽自治會據日通電 江蘇公團聯合會通電 南  
通學生聯合會代電 川民自決會致川議員電 漢口日報公會之代電 湖北省議會公電  
江蘇省議員馮世德等公電 蔣作賓之通電 梁啟超與曹銀書 曹銀舊部之一書 字林報  
之評論 大陸報之評論

# 六月十三 上編

## 第一節 黎大總統被迫出京

編者曰直隸軍閥之首領曹錕與其部屬吳佩孚馮玉祥等驅逐前大總統徐世昌之後閱時才期年又逐其躬自擁戴大總統黎元洪此類行爲顯然怙兵作亂以法紀論則國賊也顧當時一般論者懾於直派勢力不能中國法以致討且從而爲之辭曰徐與黎之就任總統在國法上均有疑問因而對於直系之任意放逐不復加以深究又以黎之復任全由直系推戴例以趙孟賁賤之說亦以爲無甚關係予以爲不然徐黎在法律上之大總統地位乃爲另一問題此項疑問自當由立法之國會裁決之在未經決定時期彼所依於約法而具有之大總統職權與夫一國元首對內對外之尊嚴仍然在國法保障之內若就事實而言則徐黎皆爲直系及北部與東南各省區所共戴之元首黎則尤爲當時自居法統之國會所公認而與之共同行使民國之統治權者且及一年此而指爲直系擁戴之人謂爲法律有疑問不亦異乎且果如所云則曹錕等擁戴放逐之時果認爲合法抑不合法乎不合法而擁戴之與合法而放逐之進退元首惟所欲爲將置國法與國民於何地國賊之罪任何辨飾而可道哉曹錕逐黎之時亂黨吳景濂馬驥等宣言於國會謂黎氏爲直系所立而總統與君主不同國會無從而殉之之理其說之謬尤可怪駭總統君主之殊乃就實質或體制而言若論其地位與身分之尊嚴則固無別而總統或尤尊於君主蓋君主定於一尊而總統則選自羣衆也且正惟時非君主而曹錕等之爲國賊尤爲顯然如在君主時代若曹操之篡漢而司馬氏效之以取魏時人或可不問以其爲曹氏家事耳今則異是一國之元首關係於國家與國民者至鉅豈得以一姓之家事視之哉國會議員對於本案失職獎勵其罪不在賄選之下吾書當別爲紀錄(本編第四節)關於黎氏出京之事則其紀於此以供政論家之評斷至於曹之逐徐事迹不甚顯著有謂由曹錕迭次派人告徐風以退位者有謂最後僅由吳佩孚致徐一電限於四十八小時內出京者傳聞之詞極爲簡單犯罪證據尙不完全故從闕如然而曹吳之逐徐則爲不

可掩之事實國民一時雖無討賊之力而歷史不滅豈能無操春秋之斧鉞從而誅之者哉讀是編者幸致意焉

中華民國十二年六月十三日大總統黎元洪氏爲馮玉祥王懷慶等迭次以軍警流氓肆行脅迫不得已而出京惟時首都騷亂中外駭然擬之前清義和團之變而主謀作亂之人乃爲曹錕初曹氏謀奪大總統以自爲而以黎久在職不利於進行乃令其私人高凌霨吳毓麟等嗾使馮玉祥率領所部軍警在京作亂其初則爲索餉次爲罷工次爲圍邸次爲辭職茲就當時亂事之實況以次紀之於後

軍警直接問總統要餉 六月九日下午三時陸軍檢閱使署蔣參謀長會同九師十三師毅軍步軍統領衙門警察廳等高中級官長二百餘人直往公府請謁黃陂黃陂先派秘書代見衆不允黃陂乃親出至贊華門接見首由黃陂詢問來意並謂現在財政毫無辦法張閣正在總辭職之中財政負責無人你們直接向我要錢豈非來逼我出京衆答謂吾等披堅執銳捍圍國家乃餉項積欠數月之久困憊情形不堪言狀現在節關伊邇深冀政府籌款接濟不料政潮驟起內閣全體辭職發餉一節恐將無人過問吾等爲存活身家起見不得不直接叩求總統爲籌辦法別無用意云云黃陂云軍警困苦余所深悉容即籌措款項提前發給各官長謂總統恩遇極爲感戴請明示發餉日期以便轉告同人使其安心黃陂至此頗現躊躇之狀良久始云陰歷五月初三日以前必爲籌發各官長云總統既如是說法吾等當遵諭靜候領款遂相率退出但多數意見均以黃陂空言搪塞不足憑信昨晚擬爲二次之集商云又據某通信社稱九日下午二時由衛戍司令部第十三師軍警督察處憲兵營京畿一帶稽查處提署警察廳等各機關派出中下級官約有二百名齊集馮檢閱使司令部內會商辦法當由馮之下部決定逕赴公府謁見大總統要求撥款放餉即由府壇寺馮軍司令部出發直入公府請見總統斯時黃陂正在府內與左右策士等計議組閣事忽聞軍警中下級官數百人入府索餉因此甚覺不安乃派唐將軍者出而招待詢問來意唐乃勸衆先回俟轉達總統後必有辦法見覆衆等因唐將軍所言不得要領仍堅請見

總統面諭示下唐氏見不能搪塞只可入稟黃陂移時黃陂始邀衆在寶光門內單棚下會見衆等聞言便趨至寶光門內時黃陂已立於廊下候待衆等與黃陂行禮畢卽由各機關各代表二人向黃陂訴陳軍警官弁兵士等因欠餉之窮苦不堪再耐種種緊迫情形請黃陂立即籌款維持現狀俾免釀出危險等語總統答謂我（總統自稱）亦是軍人之一凡軍人所有之苦狀我皆親自嘗過況去歲各法團要求我來京我本爲救國救民始肯入都否則我在天津閒住不問時事何等安閒現在內閣今日可定定後先解決軍警餉銀及整理財政好在我在京不走明後日貴代表等可以來府聽信我抱退志然亦須將種種事體解決始走衆又陳請總統曰我無錢政府亦無錢非借款不可總之種種事體必須履行衆又紛紛請求告以數月無錢家中老幼幾乎餓死總統曰有飯大家吃我一定設法先辦你們如此莫非要逼我上天津去麼衆曰不敢最後總統允以五月初三日以前必有結果又談數語齊向總統行致敬禮而退

軍警由索餉而罷工六月九日晨內外城廿區巡警及提署所屬之左右翼五營遊緝隊忽然罷工實爲從來未有之舉動據警界中人云此次軍警罷工乃爲索薪而起警察之薪餉自三月起積欠到今適張閣總辭職財部無人負責八日下午八時薛總監遂召集王懷慶司令聶憲藩統領及京師警察廳行政處長兩翼總兵各要人在廳開會討論維持方法迄九日上午三時尙無辦法至四時各區警士遂實行罷崗索餉凡交通街衢均一致罷崗偏僻地面之各小胡同恐匪人乘機妨害地面秩序則仍照常服務各派出所亦酌留一人照料薛總監見事機已迫於是由廳內派出自行車一隊分赴東西四東單西單及前門一帶偵探地面情形隨時報廳又派出便衣警士五百人在各地方彈壓一切保安隊各警士於上午六時全部武裝出發分作四十組每組官長一員警士四人分布內外城巡查京師憲兵司令部亦派出乘馬憲兵二十隊每隊官長一員憲兵四名在滿街緩步徐行東交門巷各街口均有武裝保安隊一小排輪班駐守故地方治安一如平常各商號亦深信賴軍警當局仍照常營業毫無驚恐態狀



至下午七時內外城罷崗之軍警一律復崗執行勤務馮玉祥本擬派遣陸軍十一師入城因未實行計由昨晨四時起至下午七時止共罷十五小時此昨日軍警罷工之經過也至軍警罷工之原因外間謂多由於索餉而起但據另一消息則謂此次軍警罷工與最高問題頗有關係蓋某派欲用非常手段迫走黎總統也至其復崗之原因其說亦不一有謂由當局籌付中行支票二十萬零二千元此數足發一月之餉故即復工者有謂由商會方面暫爲籌墊者總之昨晚軍警復工由于得到二十萬餉款實爲惟一重要之原因也又據國聞通信社消息九日下午三時保曹忽有電報來京達王毓芝謂非常舉動極端反對如仍進步本人決不願與聞等語自此電到京以後滿天風雲倏化烏有頓開晴朗之境同時馮玉祥亦致電於軍警當局謂將遣軍入京維持秩序云云蓋馮於事前曾致函外交團以北京治安責任自負也津系以保曹既極端反對非常舉動馮軍入京更足引動外人觀聽遂於下午七時令全體軍警同時恢復站崗此又軍警復工之一說也

馮玉祥之活動與外交團口據外交團消息外交團方面接馮玉祥王懷慶聯名信函一件大意略謂北京軍警因欠餉過久將有罷崗風潮惟此事萬一實現余等(馮王)當負維持秩序之責望外交團方面勿生疑端云云昨日下午外交團遂召集緊急會議討論北京之現狀問題當即議決致函中國政府請其注意地方治安無論用何種方法總須維持秩序云又據某社報告軍警罷工後馮玉祥王懷慶兩人直接致公函於外交團領袖葡公使表示此次軍警行動實迫於饑餓所致然對於在京之外人生命財產絕對負保護之責葡公使遂於昨日下午三時謁見黃陂將原函呈閱並表示意見略謂中國內亂外人雖不便干涉然如京畿秩序無法維持外人於必要時當採取相當行動以保護僑民之安寧黃陂答曰此次軍警罷工累及各國公使深虞遠慮本大總統殊爲抱歉但本大總統對此事件認爲單純索餉非無方法可以救濟至於個人去留一聽國會依法解決云云

軍警罷工後之商民當軍警罷崗後商民等之情形雖驚愕但尙未呈恐慌之象所有街市秩序悉如平

日惟一班人力車夫等見無巡警干涉因此頗得自由但稍具智識之商民大多不滿意於軍警加入政潮漩渦中以商民生命財產爲孤注一擲故在城南一帶繁盛區域之商家立派商團嚴重戒備不虞又昨日上午十一時京師總商會爲軍警大罷工事曾召集緊急會議討論商民自衛之辦法云

順天時報「勿以首都治安供政爭」之評論曰十日北京順天時報社論云昨日九城警察因索餉而罷崗一時首都治安頓陷於驚風海浪之中中外人士動色相告亦若大禍之迫於眉睫也者幸不久即恢復原狀然此種震驚之程度亦大足予中外人士以深刻之印象矣此種破天荒之罷崗事件固不能謂與政爭無關如巡警以饑餓所迫自動的出於罷工吾無責焉若不幸如論者所云有人爲之嗾使以首都治安中外人民之生命財產作孤注一擲供政爭上之犧牲是不啻殘民以逞其居心之險直與臨城之匪無異吾人固不願其不幸而言中也諸君猶憶壬子之往事乎項城不願南行乃嗾使兵變十年以來兵變不息即項城作之俑也作法自弊所得幾何拼命造亂者盡廢然而知返乎

上海對於軍警罷崗之輿論上海十一日中外各報之論調僉謂北京軍警罷崗驅逐黎元洪之運動中外人士極不以此舉爲然際此臨城事件長沙事件及其他各地不穩事件勃發之時政府內部爲一黨一派政爭釀成此種事態將愈墜國際之信用而治安不能維持且與外人以口實他非所願慮僅埋頭於政爭實爲國家之大賊云此種議論盛行於中國人問一般對於前途之形勢頗懷憂慮云

軍警第二次大舉向黎邸索餉六月十日下午一時又有京畿軍警軍官三百人至東廠胡同請見總統當由蔭昌出爲招待略謂總統現正在積極進行組閣問題在內閣未產出以前對於軍警餉項自無從發放希望各位安心靜候解決云云各軍官以節關日迫非早日發放則兵士家族嗷嗷待哺勢難維持務請轉達總統速爲設法蔭昌再三勸慰各軍官始允暫行退回云

請願團之包圍黎邸六月十日下午三時有所謂北京市民請願團者在中華門聚會約四五百人齊赴東廠胡同黎宅請願手執白旂有書「市民請願」「總統不管商民」「市民餓總統肥」等等字樣沿途

散發傳單其中措詞則仍謂「軍警罷崗了市民不得了呀我們快去見總統想法子呀」既抵東廠胡同黎宅裏面請推代表入內面見總統乃有十四人走出進謁總統餘衆則包圍門外東廠胡同途爲之塞約半時許祇見各代表等洶洶出來向大衆高聲喊令「進來」「進來」門外潮起浪伏紛紛奪門欲入門內軍警密布急攔阻入路衆不得入門內代表數次吶喊門外大衆則隨聲附和聲如雷動門內代表一鼓掌門外大衆鼓掌之聲亦如鞭砲四起至下午五時始由田德山勸散又上午十一時許軍警代表二百餘人第二次前往東廠胡同索餉黃陂派蔭昌接見竭力解說無詞退去其餘各師參謀長及軍需處長數人由金永炎招待再三告以黃陂對於軍警的種種着急苦衷此數人始允暫去又一報告云十日下午二時左右有一千餘人聚集天安門各執旗幟標語不一或書「府院勾結種種失政」或書「財政無辦法」或書「速即退位」『總統不管市民』『市民餓，總統肥』等等一望而知爲勸黎下野三時十五分整隊前行導以兩大白旗上書「市民請願團」字樣由長安街北行經南池子東安門大街皇城到東廠胡同沿途散布傳單甚多無非指摘黃陂失政而已本報因警廳已有禁令故未便錄載該隊到東廠胡同時黎宅早得此項消息戒備特嚴胡同內已布滿軍警黎宅門首衛隊亦全體上崗荷槍上刺嚴陣以待當有該團推出代表十四人携帶呈文請見總統聞總統拒而未見由某副官略爲周旋並將呈文退回不收該團見總統態度強硬搖旗吶喊嘩噪益烈至六時許駭團仍不肯去黎宅始用電話告知步軍統領聶憲藩請其派隊解散並當派游緝隊右翼總領田德三前來勸導並有警察廳楊督察長亦極力勸告謂總統對於內閣問題不久自有辦法云云該團見天已將黑始行散去又一報告云十日下午二時有乞丐式之市民數百人組織國民請願團在東城隆福寺集合隨即列隊前往黎邸籲請黃陂退位手中各執白布小旗上書「破壞責任內閣制」「縱使彭允彝摧殘教育」「驅黎自救」「爲治安問題而驅黎」各字樣到東廠胡同時推定代表和秉清等十人要求接見當經黃陂派衛侍武官張某出告大衆云總統已有辦法並有兩咨文送往國會代表問咨文內容如何張答一係辭職咨文一係解釋

任期已滿咨文代表云此兩咨文皆屬不合蓋總統已知任期已滿即應退位更何必備文辭職且實際上亦無職可辭現在國人意思擬請總統自行宣布無總統資格立刻退位請將此意代為轉達并候答復張遂人內許久不出各代表屢次催問旋由內右一區警察署長偕同府中職員二人出與代表接洽勸令大眾先暫退日內必有辦法各代表見此情形知難解決乃聲明姑先率衆退回明日若無辦法仍當來此請願云云

軍警請第三次索餉未湊成口昨十一日下午二時京中各師軍官及警察部下相約在東廠胡同西口聚齊向黎邸第三次索餉等至下午三時半而第十一師及衛戍司令部仍未到第十三師程參謀發言謂我們原爲第十一師及衛戍司令部所約現在該兩部分軍官迄至此時仍未到似不便單獨進行鄙意擬今日暫散後弟赴第一師及衛戍司令部詢問究竟改定日期再行電約遂散時已四時矣按第十一師及衛戍司令部未到係因王馮昨日辭職正在本師會議之故云

六月十日黎總統以軍警作亂情形電告曹錕吳佩孚並通電全國一面以公函報告國會茲錄文電各件於左

(一)致曹吳電萬急保定曹巡閱使洛陽吳副使鑒連日留張紹曾不獲請人組閣皆畏不敢就罷崗開會全城鼎沸謠言紛起皆謂有政治作用本日復有軍警中下級官數百人無故闖入住宅藉名索餉此豈元首責任所在又有公民請願團團民大會約近千人續來圍宅元洪依法而來今日可依法即去六十老人生死不計尙可留戀軍警等如此行爲是否必陷元洪於違法兩公畿輔長官當難坐視盼即明示元洪蒸黎發電後並以原電轉致各省藉示政變之真相云

(二)致各省通電萬急(全銜)虞電計達本月六日張揆辭職赴津次日派劉金兩次長前往謝過極力挽留據敬輿言此次政潮蘊釀極久原因複雜個人力難消弭只得遠避等語辭意極決無法挽回八日即有軍警官佐數百人佩刀入新華門圍居仁堂藉口索餉經當面再三開導始各散去夜商議長勸願

少川組閣業經應允卒以形格勢禁合作難期謝不肯任同時向國務院詢取張揆副署空白命令兩紙亦未交出九日清晨城郊警士一律罷崗領袖公使來電質問天安門前復有數十人號開國民大會散放傳單虛構罪狀新華門外及東廠住宅守衛盡撤比午住宅數處電話不通查係軍隊派人監視不許接傳軍警當局推存顏駿人組閣促先發命令並詢是否政權即交新閣當答組閣並無成見至個人來去一聽國會正在約駿人商籌而十日午後京畿各師旅軍官數百人闖入住宅包圍索餉三時後復有自稱市民請願團公民大會接踵圍宅將近千人手執改造政局總統退位總統懋棧等紙旗呼喝之聲響震屋瓦百般勸諭均不見聽傍晚並推舉軍官二十餘人守索不退駿人初似肯相助嗣因坐中商議元洪曾表示守法之意亦不敢担承此日來元洪困難實在情形也竊念元洪津門伏處與世何求既以依法而來自應依法而去接漸可行成言俱在六十老翁飽經憂患身命弗恤豈懋其他若專爲一己計安全遂致爲後來開惡例海內健者相率效尤國紀不存亂源曷已京師首區元首住宅演此怪劇成何事體直魯豫巡閱正副使爲畿輔長官本目已電詢辦法一面仍物色閣員以維現狀暢述顛末川告邦人元洪蒸成

(三)致兩院公函逕啟者本月六日張揆辭職赴津七日派劉金兩次長前往謝過極力挽留據敬輿言此次政潮纏釀極久原因複雜個人力難消弭只得遠避等語辭意堅決無法挽回八日即有軍警軍佐數人佩刀入新華門圍居仁堂藉口索餉經當面再三開導始各散去夜商議長勸少川組閣業經應允卒以形格勢禁合作難期謝不肯任同時向國務院詢取張揆副署空白命令兩紙亦未交出九日清晨城郊警士一律罷崗領袖公使來宅質問天安門前復有數十人號開國民大會散放傳單虛構罪狀新華門外及東廠住宅守圍盡撤比午住宅數處電話不通查係軍隊派人監視不許接傳軍警當局推薦顏駿人組閣促先發命令並詢是否政權即交新閣當答組閣並無成見至個人來去一聽國會正在約駿人商籌而十日午後京畿各師旅軍官數百人闖入住宅包圍索餉三時後復有自市民請願團公民

大會接踵圍宅將近千人手執改造政局總統退位總統懸棧等紙旗呼唱之聲響震屋瓦百般勸諭均不見聽傍晚並推舉軍官代表二十餘人守索不退駿人初似肯相助嗣因座中商議元洪曾代示守法之意亦不敢担承此日來元洪困難實在情形也竊元洪伏處津門無心問世去夏國會諸君爲恢復法統計主張元洪復職既係依法而來自應依法而去若在國會未經依法解決以前潔身以去未免政治上開一惡例元首不負直接處理政務之責此理至明何得以索餉爲名踞守住宅更何得以政治不良爲辭率逼退位現在環境險惡亂象分呈舊閣既不獲挽留新閣復動遭破壞因守法之一念竟陷於困難之境甚至個人約法賦予之自由亦且剝奪殆盡將來波詭雲譎後患更不知胡底似非國會諸君保護法統維持正義之本意直魯豫正副巡閱使爲畿輔長官本日已電詢辦法一面仍設法組閣以維現狀誠恐國會諸君不明真相謹將日來經過情形即祈報告會內諸君希望特別注意爲荷此致參眾議院

馮玉祥王懷慶之辭職口軍警迭次索餉包圍黎邸之際馮玉祥王懷慶乃有合詞呈請罷職之舉茲錄其通電中所述呈文於後

(銜略)本日上大總統一呈其文曰呈爲危急日迫鎮弭無方懇請立予罷斥事竊自大農告匱月餉屢稽近幾軍警積欠多者一年少者亦將半載諸將士餐風宿露枵腹荷戈艱苦情形屢陳鈞聽近以端節已近計援無方以致警士罷勤偏裨譁譟上煩鈞慮濫語撫綏仰託德威暫行安輯雖望梅止渴一時可川爲權宜而畫餅充饑終竟難蘇其困頓含辛待命又已連朝實惠之來爲期難必京師重地中外俱瞻再有疏虞何堪設想欲繼之以法知非分外之要求欲動之以情莫解切身之痛苦此誠法律所不能制止父子所不能代謀不敢不直陳於大總統之前者也懷慶玉祥對於部曲撫馭無方知之者謂爲竭盡智能不知者謂爲別存作用上無以對鈞座下無以對人民中夜徬徨罔爲之計欲求之於財陸兩部則兩部負責無人不得已而求之於大總統又謂非責任所在呼籲無門實成待斃之勢再四思維惟有仰

懇大總統俯賜矜全立予罷斥免致戀棧愈久貽悞愈深至懷慶等治軍無狀不敢自寬應如何付諸有司加以處分不勝惶恐待命之至謹呈大總統等語京畿衛戍總司令兼陸軍十三師師長王懷慶陸軍檢閱使兼陸軍十一師師長馮玉祥全叩文(二十一年六月十二日)

辭呈係十二日下午二時遞到黎邸黃陂見此頗覺不安當派張懷芝將辭呈送回派哈漢章金永炎分頭赴南北苑挽留然馮王均謂必須黃陂有根本之覺悟不能以空言搪塞故不肯打消辭意云並聞王馮上辭呈後即在北苑南苑招集部曲面諭辭職之舉純係爲弟兄欠餉而然對於京畿治安仍應照常負責丁此時艱深望所部一體加意勤務故馮王之辭職與地面治安可無影響也

編者按馮王所云必須黃陂有根本之覺悟者即謂此舉非黃陂去職不能了事故曰非空言所能搪塞也其對內對外完全負責治安之責者亦即謂吾等具有發縱指揮之權今日之事所劫奪者黃陂一人決不至影響治安也據是以觀則索餉之舉圍邸之事全由馮王等指揮蓋無疑矣王懷慶北部一老兵耳本不足責馮則僞竊時名在軍閥中且稱爲較有知識者而其行動乃如此茲錄國內外對於馮氏之評論於後俾作亂之徒知道跡宗教之下不能掩蓋其罪惡或亦稍資儆惕乎

東方通信社十三日北京電黎元洪出京之直接原因由於馮玉祥於今日午後十二時三十分遁黎即刻離京否則將令軍隊入城

路透社十三日北京電今日午後一時三十分黎總統赴津因受馮玉祥恫嚇如不退位將調兵入京之故

十三日北京電馮玉祥於昨日辭職黎總統仍圖留任今晨邀諸名流開會討論組閣事適聞十二時三十分有消息傳入謂總統若不退位則馮玉祥將調兵入京驅之於是黎乃決議赴津

十二日北京電馮玉祥王懷慶今日午後均辭職黎總統派代表請重行考慮此事但馮王迄今固執不變志在困迫黎總統

順天時報對於馮玉祥之評論云九日赴黎邸請願面見總統之代表等內有二名一係陸軍部之汽車司機一係張某介弟張英芳宅之看門人黎問彼等係奉何人之命而來彼等答稱係奉某使之命更問彼等請願團每名均給銅元三十枚以酬其勞自以上情形觀之所謂請願之來歷及操縱者爲何人均可察知查某使自移駐以來中央政界極爲器重且向以正義爲標榜故在中國軍閥中可稱一異才深受中外之贊仰自經此次之變某使之正義假面業已剝脫至所弄之手段完全暴露月之九日保府兩派暗鬥之劇第一幕開幕時該氏曾參議軍警罷崗之舉是日拂曉該氏曾派心腹某某兩部赴北苑某總司令部所轄之某師面見團長告以是日(九日)軍警罷崗時可慫恿所部兵士騷擾京師該師儻然實行則該氏將以維持京師治安爲名統率所部及京畿某某部入城辦理善後然該團長深明大義立即拒絕並轉稟師長某總司令結局某師長對於該氏之陰險計畫陷人於不義怒不可遏當即轉達某使由是觀之該氏從來所探之曖昧模糊灰色政策將受一大打擊結局爲保持自己之地位或謀抗保系盡忠總統或參加保派之某項運動不得不使其旂幟鮮明惟自茲事發生後其無上推戴該氏之國人姑勿俟論即外人間亦目該氏不過舊軍閥之流亞以是該氏公共的運命當不難推測也

有基督教徒魯耀淵致馮玉祥一書痛責其違背教旨語多中肯照錄於下煥章先生道察教化東漸風俗頓易邇年來爲國服務產自基督教者指不勝數先生尤卓卓也吾輩丁此狂風暴雨時正宜發皇光大基督之眞道與世俗罪惡憤戰以救國人然位卑而言高勢所難必惟有期望於先生耳昔者耀淵肄業武昌時已欽佩先生之品望幾欲投筆向往爲快今先生荷天父眷佑位高望重坐鎮畿輔天下繫之人心已向而乃聞逼黎助曹演攘奪之怪劇爲之詫異不置竊思吾輩奉基督之道與基督聯合自宜以基督救世之苦心爲心知道深遠者固不待言矣惟願始終保守眞道以淑身世而全盛德倘置身漩渦助桀爲虐犯天下之不韙與道背馳則何異叛教賊教故日來輿論有謂先生稗販耶穌步猶太之後塵者蓋由此也語曰狂夫之言聖人擇焉又曰惟善人者能受盡言用佈區區尙希採擇



西報論馮玉祥之與政變口上海泰晤士報十一日北京通訊云當此中樞絕續之際馮玉祥出而向外交團及北京人民担保維持京畿治安事固可喜然亦不能緩和其參預直系驅黎陰謀之咎馮之預聞驅黎陰謀情跡昭然毋待贅論馮氏居常戴嚴守中立之幌子以黎氏良友自命乃至危急之際竟出而叛黎當吳佩孚遣馮至京時馮揚言對於政治嚴守中立因是每星期中六日專心於政治而於第七日休息之期則向兵士演說干政之如何無益不若往教堂禮拜上帝虔奉十誡中所言法律秩序與良政府原則之有益乃至今日竟結合張紹曾而欲驅黎去位夫黎氏有無總統資格非記者所能論列而於黎氏記者亦不願加以謬譽但黎雖庸弱猶愈於無總統其事甚明且就私德言黎亦大勝於前總統徐世昌徐氏在任時無日不營念金錢而黎則不受俸給徐氏事急時倉皇出京黎至今日既無內閣之助又明知國會議員大半受邊守靖吳景濂指揮力與己爲難而猶不肯即去今日之局顯見張紹曾與曹錕已有成約而成此約即締於今日前張氏負氣辭職之時至吳佩孚反對曹錕總統運動之說亦非事實兩人舉動完全一致曹氏在此進行毋使有不虞之事發生吳佩孚在南進行使不致有意外之反對記者此言聞之特別時局留心之中外人士非敢臆說今日時局可以三言包括之即總理之言曰「總統不走余不能回任」總統之言若曰「余今不走請驅余可耳」而馮氏之言若曰「余之機會至矣」記者常晤總統總理及馮將軍於此三人均敬之重之雖然總統總理政見容有不同顧不如馮將軍前後言行何竟若是矛盾也

#### 東方時報對於馮玉祥王正廷之評論

自本月九日警察罷崗發生政變以來至十二日黃陂出京之數日間東廠胡同黎宅每日均召集名流會議王正廷無日不被邀在座茲據本報所得確息王正廷在此數日間雖日日參與黎宅會議而同時又每晨馳往南苑與馮玉祥接洽當日黎宅會議座中諸人雖見王氏默然不語深覺可異然均不知彼每日暗與馮玉祥有所協商也馮王兩氏皆基督教徒不意兩氏近日之所爲敗壞基督名譽之甚爲近

年中國所罕觀之事當日參與黎宅會議諸名流如顏駿人雖對通電措辭不當表示一種視個人利益太重之態度而能鼓起勇氣具有魄力者仍當數顏氏一人惟參與該會諸公遇盤根錯節毫無建白名譽因此銳減自無庸諱而數月之後必有多數新人物崛起又可斷言就近日觀之中國之老派人物實較少派人物心志堅決真貽產新教育矣至今日之政府以打電報爲事國務院近日拍發電報刊諸政府公報即無印信又無權力爲民國以來最亂時代所未有誠空前之特色亦政府日將就斃之表徵耳徐謙爲馮玉祥進言

煥章兄鑒黎已出走兄若擁曹卽爲司馬昭之成濟千古唾罵若任張代行卽系間接擁曹亦難逃清議弟愛國愛兄特進逆耳之言望兄速統兵入京維持治安自任（狄克推多）解散滿期國會通電全國召集和平會議解決統一問題如須相助弟卽來京如不見聽而擁曹此後弟卽與兄割席勿謂責兄所難兄敢爲惡獨不敢爲善輿論已有攻擊同爲非常之舉何不爲善法律禁人叛國不禁救國上言卽救國善法一舉成功願上帝福汝徐謙

外電中之北京政潮 東方通信社九日北京電張總理辭職赴津後天津派開始大活動邊守靖於昨日入京在吳毓麟宅密議其法似疑令保派閣員收買苦力迫總統府一面則藉維持治安之名令馮玉祥之軍隊入城一舉而覆總統之地位云又電馮玉祥與王懷慶聯名向各國公使館通告云京師警察廳巡警因不發月俸故同盟罷工形勢不穩然余二人當充分負維持治安之責又電外交團鑒於北京目下之情勢今日開緊急會議之結果已向中政府警告當以全責任負維持治安之責矣又路透社九日北京電大局更見緊急願顏仍拒代閣聞乃受保定壓力所致軍警均於今晨罷工京中各街道現無人巡邏表面雖爲欠餉不發但政界之意均認此爲驅黎運動之一端豫料將調馮軍或其他直軍入城陽爲維持秩序實在迫黎去位又九日北京電外兵司令今晨開會乃考慮由津調兵至京問題外交團將於正午開會討論時局聞外交團似將通告北京當道須負維持治安責華人紛將貴重物品移入使館

界美兵已派巡邏隊上街注視時局之發展又九日北京電今晨黎總統召軍警監察長入府允先付每機關十萬元軍警尙未允可馮玉祥王懷慶照會各使署目下軍警罷工馮王願負維持治安之責各使署衛隊現巡邏使署附近之各大街及保護各銀行總理之住宅城中較遠之部分現無警察當舖均閉門迄今尙未聞有搶劫案

曹銀主謀作亂之內幕 初曹銀謀當選爲本屆大總統由其駐在天津之家奴曹鏡王承斌邊守靖張英華潘復等暨在北京之高凌霨吳毓麟王毓芝張志潭劉夢庚袁乃寬等與衆議員議長吳景濂密謀進行之策以驅黎總統爲促進大選之著手辦法計劃已定乃藉口府院權限及軍隊索餉等事由馮玉祥王懷慶等首先發難而本月九日十日之亂作矣茲錄各報所紀曹銀主謀作亂之內幕於後亦當時之實錄也

張內閣藉口府院權限問題提出辭呈政局風雲陡然變色中樞空懸人心惶惑京畿軍警始而直接索餉繼而相率罷工幸於十五小時之內即能恢復原狀惟軍警罷崗雖已解決而新閣組織仍難實現且有將因此而惹起某項問題之謠言大有山雨欲來風滿樓之勢張閣之去確係某派預定之計劃日來京津道上時有潘某邊某張某踪跡此中消息不言而喻據聞八日晚邊某復潛行來京在潘宅召集某派人物密開重要會議夜深三時始散其決議事項有三(一)以治安問題恐嚇某公(二)召集流氓冒稱公民勸告某公出京(三)請某使人京維持秩序由此觀之則外間傳說似可靠也總之內閣遲遲不決則勢必牽動全局不獨京師一隅在在可憂即後此之政治局面亦將釀起無窮風波政無常軌則國必亂行不受法則身必敗殷鑒昭昭無能倖逃此所警告政局背面之陰謀家也

新閣問題府方本擬勉徇保定之意請顏惠慶担任此七晚十二時以前所決定也不幸吳景濂從中作梗意欲連絡比較漸進之津派與長江某有力者擁出顧維鈞以與急進之津派及與府方失感之保派一致進行某項問題故顧維鈞一時突佔優勢此八晚十時以前之情形也顧維鈞以時會所至頗欲一

試初不知吳及漸進之津派有此一段計劃遂極力拉攏王克敏欲挽其出爲帮忙俾財政上得一臂助則過節或可不生問題即今後之財政亦可介王而得保曹之厚援不意後有人告以内幕顧始恍然大悟彼固一機械也乃急趨府辭謝舉顏自代而顏因府方對已既不十分信用徒以時勢所迫不得不請其帮忙亦姑持不就態度此九日上午十時之情形也現時府方認爲可以救濟時局祇有顏顧二人彼等均不肯來內閣問題自歸停頓不幸於閣揆飄搖未定之際適有軍警罷崗之事風聲鶴唳詠繁興乃不能不急謀解決之方昨晨九時總統復召饒漢祥金永炎彭允彝李根源王家襄張國淦等在東廠胡同密議衆以軍警罷工雖未必如外間所傳含有或種意味唯餉項積欠太多自不能不亟求發放而閣揆人選尤應從速決定以安人心而維大局今顧維鈞既絕對不來則舍再敦勸顏惠慶外則無善策同時復有國會議員電股等來邸求見亦主顏閣總統意乃大決遂派人訪顏而顏預囑家人以外出辭時適東廠胡同黎宅電話不通故對外接洽益感不便一面復派王家襄往訪王克敏勸其爲顏帮忙聞王克敏以本人此時決無人閣之意無論顏顧皆難答應因過節一層固易打算而此後之某項經費究竟需款若干此時尙難預見何能貿然担任蓋王因保派態度尙未明瞭自未便承諾且王早有不爲黎帮忙之言則其辭也自亦有因下午五時總統復派人往徵吳毓麟意見並代答總統之意謂自身決無戀棧之念特以合法替人未至不得不勉撐大局藉維現狀極望吳高諸人和衷共濟以救危急且提出三項意見（一）顏惠慶組閣（二）吳高仍舊（三）張國淦入閣聞吳對黎之使者云（時高凌霨亦在吳宅）顏閣彼極贊成望總統從速發表張國淦入閣亦不反對惟彼自身能否帮忙則此時恐難做得到言下意頗決絕高凌霨神色亦現無可商量之概黎之使者不得結果下午七時乃轉赴紅羅廠往見張國淦時顧維鈞適亦在張宅使者陳述來意張自極表贊成顧聞訊亦謂彼願促成顏閣使者復命總統大悅九日晚八時派王正廷章士釗二人往求顏同意先是顧維鈞自張國淦宅出後即走訪顏報告總統最後決心勸其勿再堅勢已見顏意已動王章又至顏對府方雖有芥蒂惟見勢已至此似難堅辭乃

作半推半就之語以敷衍來者王章知顏非絕對不幹者徒因財政一席難覓適當人物頗爲躊躇耳乃回報總統謂如先發表及代覓財長則顏不至不來總統得此消息喜出望外惟以發表之前非當面與顏一談不可且閣員分配尤待磋商故以電話促顏即時來邸會商而顏則以此事須與以相當考慮之時間約今日(即十日)下午二時相見但顏閣即能成立而種種難題亦將接踵而至萬不能因此便可樂觀萬一顏閣又復流產則時局變幻真不知伊於胡底矣聞張國淦在顏宅會議至夜分十二時尙未散去云至新閣閣員一時尙未決定高吳有引退之說且八日晚有人謂高出京吳將於九日晚八時赴津後經調查高尙未行吳亦未必即走但入閣問題則似難承諾兩人均爲保方血統其態度既如此可知新閣成立障礙甚大結果則項莊舞劍意在沛公益瞭然也

字林西報北京專電云時局情形變化甚速致新聞電報前後輒報告迥異黎元洪之不屈頗得憐惜而保曹方面之行動則爲人所輕視在昨日下午二時顏惠慶組閣王克敏財長已準備發表乃是時馮玉祥明白表示援助保方運動之態度宣言黎若在任不許有新閣產出並主張張紹曾復職攝行行政權至總統選出時爲止王懷慶於此不贊成張之復返聲音自此以後本人對於京師治安不再負責當退居北宛云云而馮則謂彼當於必要時派隊入城維持秩序凡上述消息記者係得之於某大中立議員團又據該團云曹氏以武力迫黎退位後曹之當選爲不可避免之事實雖國會中有二百餘各派之議員不願受賄然津派勢力仍足使選舉成功現津派傳言如黎不退位蘇督齊燮元將宣告獨立惟刻尙未有正式報告足以證明此說爲事實也云云又電云前電所述馮玉祥之態度據領袖公使及公府他要人方面傳來消息証明其確係事實領袖公使於星期六日見黎時黎即且聲言彼信任以王懷慶維持秩序如馮玉祥及其軍隊入城則彼不能担保京師之治安現王軍正在撤退馮將接轄地方故一般社會對於日下前途殊爲懸心云云又字林西報北京十日電云據可靠方面消息顏惠慶組閣令昨晚(九日)業已發出但至今未予公布黎所選內閣繼任人物之顧維鈞繼閣完全無望聞保曹最高運動

之經手人王毓芝已明白示意於顧謂現在各方均尊重直系意旨勸其勿冒昧從事將來將任財長之王克敏亦勸顧勿允繼閣昨日警察罷崗係一種驅黎之政治動作惟當實行之時手續上乃發生一大錯誤該警察等在上午並未罷崗此爲全城所共知乃至中午忽有此事可見係此時忽受高凌霄之命令而然津派方面見外間發生如是惡劣印象而各使館尤甚乃亟命警兵再行復崗馮玉祥軍隊帶軍用物品於下午開到永定門及聞巡警已上崗乃於下午五時覆開回南苑矣

觀以上述情形則知所謂府院爭權內閣辭職以及張紹曾出京繼任內閣之不成立均爲曹錕奪位計畫中之預定步驟惟其進行之際略有參差變化之處其一則張高爭攝政其一則京津爭首功是也茲就各報所紀略述於後關於政潮原因之傳說其最重要者約有兩項一謂此種風潮爲津保兩派所鼓動一謂係張紹曾之陰謀屬於前者則（一）有路透電之報告據路透九日電云據可靠消息直系之津首領邊守靖昨日抵京昨夜參與在京保派要人秘密會議對於總統問題當經議定下列三步辦法（一）王懷慶將軍今日六點鐘起將街市軍警一律撤退以欠餉問題爲藉口（二）收買數千苦力在總統府外遊行示威（三）藉恢復秩序爲名馮玉祥率兵入城實行驅黎第一步業已實行早九句鐘總統府外已有一種遊行示威但其性質未能如所預料之重要至今亦未見有何種之紊亂云現下之時局全視馮玉祥之態度以爲轉移馮昨仍在南苑並宣言彼並未發出何種反對黎總統之通電亦無意干預政治雖如此仍聞彼之軍隊今日午後或可入城（二）國聞通信社之報告該社云據昨日（九日）上午山各方面所得之消息均謂時局即將有嚴重變化天津方面將取非常手段促黎出京前日（八日）小邊來京在交通博物館議決三步辦法第一步軍警罷崗第二步公民團代表勸黎退位第三步馮軍入京維持秩序以待來者聞此項辦法係程克條陳謂如此辦法則最高問題省事又可省錢云（上海時事新報九日北京電略同）屬於後者則証之於神州通信社之號外該號外云今日北京軍警全體罷工黎總統又復表示不入公府市面謠言紛起本社爲維持治安計特急起而披露其真相如左張紹

曾匆匆辭職出京其預定之計劃第一步不副署繼任內閣第二步使少數猪仔議員通電反對派署內閣第三步軍警全體索餉第四步召積流氓式的國民大會第五步全體軍警罷工爲一個人之地位忍心川種種方法破壞北京市民治安今者第一第二第三第四等步之種種陰謀已完全失敗遂不惜犧牲一切爲最後五分鐘之決鬥此今日軍警罷工之遠因也

北京益世報記政潮之經過云連日政潮激激鬧得北京城內天昏地闇究竟由最高問題影響到府院問題歟抑由府院問題牽掣到最高問題歟因果錯雜已令觀者迷離恍惚不可卒辨而自最近軍警之罷崗與索餉公民團之遊行請願形勢益趨嚴重說者羣疑爲一出於甲方之主動將實行逼乙出走其實此種望風捕影之談尙毫未知把戲之真相本報記者昨晤接近甲方之某要人談及此次政潮之動因頗足揭穿其內幕與一般人之皮相大有出入故特表而出之爲觀者一解嘲也無論甲方對高位是香熱衷而一般家丁走卒想到攀龍附鳳的佳境却個個急不可耐所以出頭活動者東一起西一夥各自分途進行實際則無甚聯絡更毫無組織至於先後的步驟更說不到即以國會一方面說關於解釋黃陂任期及選舉總統之提案忽然提了這樣多一時又無從解決反倒令對手方得從容想法抵制譬如這一方解釋任期那一方也解釋任期這一方有冰炭敬那一方也籌制憲經費這樣一來甲方面能不忙了手脚於是一個個辦事員跑到甲方請示辦法甲亦不能不爲之動容結果由甲指定兩個籌辦專員以一事權在國會方者爲某君另以某某二君副之在政界方面者爲某督辦另以甲系某某兩總長副之同時甲並言明不令津派著名之兩四（即曹四邊四）出頭參預蓋一因二四聲名不佳甲亦時有所聞頗爲嫌惡一因某副使屢有表示決不容邊四出來胡鬧並有長江下游某督出來調停且作担保之故計畫已定適津方某要人誕辰所謂甲系某總長而接近津派者前往祝壽席間把前項計畫全盤托出當時邊某不禁面紅過耳尙未有若何表示某總長亦即回京不久其他一保系總長接天津方某當局電話表示某督辦不能代表甲方這樁大事應由天津某當局與四爺（即曹四）承當不然萬一

失敗津派不負責任原來接電話之某總長亦尙不知內幕故當時莫明其妙緊接府院爲爭執權限起了問題前接電話之某總長又接天津方之電話不知說些什麼於是張紹曾遂匆匆赴津矣張爲効力於最高問題先與保定接近但津派對之仍不甚融洽至是始與天津聯成一氣蓋在此際一走將來仍可想法使之復職也其實此舉並不在甲方計畫之內當張赴津時某督辦（王毓芝）正在保定而代表某督辦在京辦事却屬於津派號稱小人標本者（劉彭壽）當即電知某督辦謂敬輿走了快來罷某督辦莫知所以趕緊來京遍覓保系閣員不見只是着急萬分却尋不着要領是時津派之一四（邊守靖）由津來京不期而有軍警罷崗之舉又不期而報載保曹來電反對軍警罷崗之說其中關係何如固非局外人所能妄測也甲方預定之計畫既被掩於政潮之內津派乃步步加緊說者疑彼方之策略有五日以內（自九日起）逼乙出走令張閣復職代行職權辦理選舉之風言綜之無論乙果肯出走與否尙未敢定而連日各方面之相逼已大有令乙難堪者至國會方面之某議長因津派之擁護張閣又力與邊某爲難既不高興決定顏閣而顧又一時出不來故東廠胡同每日都有策士會議結果仍是無計可想一方保系而接近津派者每日均有會議特地址無定異常秘密蓋非欲奪得首功不止也簡言之此次政潮完全爲保系之津派與保系之非津派爭功惟津派志在急進乃不恤以京師治安爲犧牲社會之憤慨有由然矣

綜上所述此次政潮之真相其爲曹錕擁兵奪位毀法作亂情跡瞭然在昔清季庚子之禍毓賢剛毅之流猶膺顯戮於市朝今茲之變豈惟不聞誅伐且以舉國之大僥焉擁一作亂之罪魁以爲元首嗟夫民國其何以立於世界國際之列乎



六月十三

上編

二十

## 第二節 曹錕王承斌劫車

編者曰直系軍閥之擁兵怙亂奪攘矯虔恣爲不法至於劫車奪印之役可云極矣黎氏爲國人所共戴之元首且經國會之共認劫之以兵迫其交印辭職是干國法也曹錕爲巡閱兼督軍王承斌爲師長率兵劫車犯上作亂是干軍法也對於黎氏強暴迫脅斷絕水火侵害自由是干刑法也有一於此雖膏斧鑽肆市朝不爲過當然而其人方且尸大位擁節旄恣睢貪黷舉國莫之誰何中華民國之所謂法中華民國之所謂民將舉而置之何地吾人其能無深恫乎哉爰紀其事以告姒續無窮之國民俾來者知所懲懲焉

六月十三日上午黎大總統函達參眾兩院及外交團聲明在京不能自由行使職權將於本日移津等語並通電全國是日下午二時由北京東車站專車出京

致兩院公函  
逕啟者本大總統認爲目前在京不能自由行使職權已於本日移津特聞此致參議院眾議院  
致外交團公函

逕啟者本大總統認爲目前在京不能自由行使職權已於本日移津特聞並希轉致各友邦駐京大使公使查照此致符禮德領袖公使閣下

瀕行之通電

蒸電(十一日通電見第一節)計達昨日又有軍警官佐多人圍集門前復雇流氓走卒數百人手執驅黎去位救國促黎下野等紙旗包圍住宅馮檢閱使王衛戍司令聯名辭職比派參謀總長退還辭呈拒不受曹巡閱近在咫尺疊電不應人言嘖嘖豈得無因元洪自武昌首義以來未養一兵未樹一黨冀以誠心公道容納衆流去年復職歷經咨催國會遴選替人但得憲法早成於願已足若謂延長任期競爭選舉匪特毫無是跡抑且毫無是心何嫌何疑而加脅迫個人自由橫被侵奪更何能執行職務萬不

能獲已權移天津。所望邦人君子鑒諒苦衷。主持正義。俾毀法奪位之徒絕迹。吾國皇天后土。實式憑之。

### 黎元洪元(十二)

黎大總統出京情形。十二日晚京中各機關均互相傳述黎總統於十三日有出京消息。十三日晨八時各名流如顏惠慶顧維鈞王正廷張耀曾張國淦谷鍾秀章士釗福開森等十餘人羣集黎宅聚餐。黎在席表示彼早已辭職。因國會未能解決。延遲至今。云云。旋黎復招孔雀電影公司駐京攝影部在宅攝影。以留紀念。時已十二時半。黎即乘汽車赴東車站。送之者除各名流外。餘人甚少。一點零五分到東車站。黎穿青色西服。直入車站。登車一點二十五分。即行開車。同行者有金永炎福開森等。李根源則早於前晚赴津。彭允彝則於昨日四時後赴津。顧維鈞顏惠慶等送至車開始回。惟黎走形勢極為匆匆。並未多談。北京軍警當局事先未知黎於午間出京。及黎到車站始得消息。急派隊到站相阻。專車已開去矣。

又十四日某通信稿述黎總統出走情形。頗有可注意之處。特錄於下。以備參考。據云黃陂於昨日下午一時由東廠胡同乘卸去紅牌自川汽車。由東車站赴津。出邸時共有七輛汽車。前後兩輛為親信衛隊所乘。每輛乘坐六名。荷槍實彈。警隊森嚴。中間之三輛陪乘者有孫寶琦督辦。金永炎次長及徐指揮官暨侍衛武官諸人。聞事前係由陸軍部以各部總次長連袂赴津。挽留張總理復職。為名特屬交通部飭車站預備頭等車二輛。車頭一輛以備不時開發。交通部遂遵照辦理。一面呈報該部長官。由孫次長電詢保系閣員。有無是事。而高程各總長竟不知情。逾時黃陂即帶同簡單衛隊親赴東站到站。後由衛隊告知車上司機。手令其即刻開車。勿得稍緩。須臾該時車站並無絲毫警備。而外間亦莫知黃陂潛行如是之速。此昨日臨行前之情形也。迨專車出發後十七分鐘。即由保系閣員電達交通部。轉令車站勿使專車出發。然已後時無法挽留矣。

關於黎總統出京之原因。據北京順天時報所述云。黎黃陂掙扎數日。昨午突然離京。頗出意表。而馮王

聯名辭職實爲黎氏去京之一大原因。蓋馮王既有此種決心，黎於當晚派人挽留不果，聞於馮王呈辭之後，軍警方面尙有大規模之索餉，公民團亦有較甚之請願，府中人物以爲京師地方久居恐出危險，遂於前晚即決定出京，另爲打算。云按該報以馮王辭職爲總統出京之原因，所見甚是。然曹、迫、元首之主動者，則爲曹銀而非馮王。觀於黎總統出京以後，曹銀致馮王等之電，足爲事前主使最有力之明証矣。曹電云：北京王衛戍總司令馮檢閱使聶統領薛總監陸師長劉京兆尹車司令均鑒。頃聞大總統於本日赴津，連日以來內閣總辭，今又值元首離京，首都人心恐因此益生惶悚，國會爲國家法律根本，所在務望極力尊崇保護，以及人民治安，使館僑民一切交通秩序均希協力維持，以重首都而奠國本，是爲至要。曹銀元印。

編者案：曹銀對於連日軍警索餉、流氓圍邸種種擾亂治安之事，一言不發，經大總統迭電通告，亦一字不復至。總統出京後始有此種「自鳴得意」之語，此與小說中所記「元帥有令城破之後，焚掠三日，再行出示安民」者，何異宜乎國人視之如見其肺肝也。

黎總統既去，曹銀第一步奪位之計畫，可謂成功而馮王等爪牙攪擦之使命亦既終了矣。同時曹之家奴高凌霨、吳毓麟等計議迎曹或攝政等事由是而「印信」問題以起，又因是日下午黎總統通告移津之公函發現由是而「辭職」之問題以起。曹銀及其家奴所養等在此數小時內「說時遲那時快」而北京天津保定之電話絡繹交接，王承斌遂奉曹銀之命，率領軍隊一千餘人飛奔楊村，截劫黎總統之專車而逼勒交印。曹發電報之種種強盜行爲均於此數小時內演成之。我中華民國之人格與國法亦於此數小時內爲曹銀及其家奴摧毀淨盡。茲就各報所紀劫車奪印之事述之於後，爲國事前途計爲垂戒。將來計國民將必有最後最嚴重之裁判，是則吾人紀錄本編之微意也。

十三日下午三時，黎總統專車行抵楊村時，天津方面先時已接京保各方電話，王承斌帶領省署衛隊數十人荷槍實彈，逕登總統所坐之車，少事談判，即向黃陂案交印信。黃陂不允謂印信現在北京法國

醫院王力逼交出謂不交出不能下車只好暫不到尊府去說話之間車已開到新車站當地預備有衛隊多名上前包圍並暗將車頭摘去不令開到車站嗣山王請黃陂到曹家花園去謂該處早已預備妥當並有省署衛隊三連保護總統請即往該處暫駐云云黎不允最後乃請至省署暫駐黎亦不應現正相持於新站云

按以上所紀乃當時某通信社十三日晚間之號外

順天時報載王承斌等劫車情形云黎總統昨日午車到楊村時王承斌楊以德之車已到並帶有軍隊多人聲稱歡迎總統而談吐間即呼黎元洪三字強迫至新車站換車將車頭除下先有黎氏子女四人在老車站預接因知黎在新站不能開到老站比即趕到新站時軍隊層層圍繞不令相見駐津各領事旋到車站軍隊亦不令其見黎其大女公子求英領帶領欲見黎氏軍隊亦不之許英領云汝等對待外人亦用武力耶某軍官應曰用武力則武力矣英領不願仍欲直入兵士以槍柄擊之終未得見各領事憤憤而去黃陂自昨日下午四時到津直至今早三時王承斌始在新站袖出替黃陂擬好之電稿三道即(一)向國會辭職文(二)令國務院代行總統職權文(三)聲明臨時所發命令無效文一即免張任李令見另條一逼令簽字並索取印信黎堅決拒絕王遂斷其飲食黎在站十一小時未有一滴茶水入口困頓萬分通身冷汗如洗中間相持最烈時黎曾用手槍自戕為福開森等竭力攔救未果今早三時黎被逼萬分不得已只得含忍簽字並電京法國醫院交印王電院印信已得始將車開至老站放黎回寓黎到寓後立即備具公函詳述在新站被困情形並聲明強迫簽字之電稿一概無效此函係專人送京其原函已交議會現存吳景濂手容俟覓得照抄後再行披露但黃陂另有單日通電一道其大意略謂王承斌強迫繳交印信否認解職等語云

按該報此項記載為駐京訪員在車站目睹實況王承斌衛隊用槍托攔擊英領一節事後尙費許多交涉也

黎總統車次派秘書發致各報館之通電「其一」元洪今日乘車赴津車抵楊村即有直隸王省長上車監視抵新站王省長令摘去車頭種種威赫已失自由特此奉聞元洪單「其二」單電計達王省長率兵千餘人包圍火車先迫交印查明印在北京法國醫院逼交薛總監尙不放行元洪自張揆辭職以後所有命令皆被扣未發如有由北京正式宣佈之命令顯係偽造元洪不負責任特聞元洪覃亥

按當時爲曹銀收買之北京各報並稱此電之僞以爲既稱被人監視何以尙能發出此電云云查上錄二電均見十三日晚間之津報號外並載明係由與黎總統同車至新車站之秘書某君所發蓋當王承斌脅迫黎總統逼令偕赴省署時黎厲聲詰王如此相逼是何用意一面顧謂隨從諸秘書云我爲國事受此脅迫義所應爾諸君不必相從可以各自下車並請將車次情形通電全國以待公判發此言時王固在座某君時雜稱人中故作未聞旋即混入兵士僕從之列潛行下車疾抵英租界黎邸拍發此電並分送各報館故此電發現至早而報告最確也

北京逼印之情形口先是黃陂出京在津直隸省長王承斌天津警察廳長楊以德即帶衛隊乘專車往楊村迎黃陂且保護印璽尋黃陂車抵新車站衆即逕前迎迓王承斌當問黃陂云「總統出京目的何在」黃陂答「在京不能行使職權故特移津辦公」王又問「總統此次究以元首資格來津抑以私人資格來京」黃陂答「日來精神缺乏殊無暇答此問題但你們如此苦問究竟何意」王謂「並無他意不過忝爲地方官應保護總統」王並請黃陂到省公署休憩黃陂拒之王因黃陂不往省公署即請示黃陂印璽「今在何處」黎初不告最後經幾度之交涉黃陂始云印璽均在如夫人黎本危手中而黎本危今則居於北京東交民巷之法國醫院王等當即川電話請京中人派人就近接收時已八時許矣京中得電後即由薛之珩等前往法國醫院交涉因交涉數次均不得要領最後乃由王承斌等請黃陂派公府秘書劉鍾秀公府監印官夏炎甲於前夕十一時由津來京會同辦理劉等於昨日晨二時抵京後警廳總監薛之珩及院秘書長張廷諤即會同劉夏帶同衛兵十餘人分乘三汽車逕往東交民巷法國醫

院至是而法國醫院之索印一幕遂開始矣關於索印情形外間傳者不一本社茲從法國醫院方面探得較確實之消息特述之如下先是薛之珩張廷諤等在醫院前下車後即逕入醫院該院有看護婦名嘉左林者即將院門閉而懷鑰自去蓋恐薛等或有其他舉動也後薛等遂往謁黎夫人請即將印信交出黎初謂印信不在此後則謂此時決不能交出雙方相持勢成決裂院中人乃通知交民巷之警察警察又召市政局主任斐克與之同往醫院詢問情形嗣斐克在院門前查詢後知院內正演索印一幕乃以電話通知美國領事報告情形正報告間又聞黎本危已允交印但須津當局先將黎總統釋放然後方能交出而天津當局之釋放黎總統必須由黎總統親來電話證明方能認為正確斐克聞此乃又以此報美領事後因美領事哈斯咨稱黎總統已回英租界本宅裴氏乃歸院當衆證明而黎本危亦即交出大小印璽十五顆由張廷諤接收張廷諤並以院秘書廳名義具一收條作證於是而索印一幕始告停演云

按本項記載爲中美通信社十四日通稿所述曹之家奴等逼奪印信各情至爲詳晰又據另一報告所載當時實係逼得印信之後始將黎總統釋放此則較社稿爲確並可證明王承斌之劫車奪印與土匪之擄人勒索手段絲毫無異也茲錄於後

奪印與放行之前後□前晚爲印信一事薛之珩張廷諤至法國醫院交涉到十二時餘尙無結果昨晨(十四日)上午二時四十分黎元洪特派公府監印夏炎甲秘書劉鍾秀二氏隨同直隸省長公署衛兵八名來京於五時許偕同張薛到法國醫院黎夫人處索取始行交出按先是前晚八時天津曹家花園電話到京謂總統印在黎三夫人手三夫人在法國醫院昨晨薛之珩張廷諤夏炎甲劉鍾秀遂同到醫院向黎夫人索取印信三夫人言事關重大未敢輕易交出須國務院予以公事並蓋印其上薛言隨身未帶印信可給予親筆收據三夫人不許薛張夏劉遂找閣員商議此事時已夜深國務院寂無人關員亦不容易找到程克獨告奮勇赴國務院找到監印秘書川印草一收証交薛將去四時薛等再赴法國

醫院黎夫人乃將印交出計大小十顆收印者亦不敢停留未及天亮即將印送往國務院一場大風波於以平息印到手院方當即以電話告天津將黎放出此事總算告一段落劉鍾秀夏炎甲遂於昨日上午乘專車回津當曹黨在醫院奪印之際保定曹銀北京高凌霨吳毓麟等均以電話告王承斌以黎尙未辭職高並於電話中以黎致兩院及通電聲明移津辦公之函件原文告王令其魯黎通電辭職王比即登車詰黎云總統有無此類函電總統答以此係我本日出京所發王厲聲云總統不應該如此辦總統亦正色答之此乃我職權以內之事何得說是不應該王無詞尋於衣囊內出電稿一紙置案上云我有一電請即簽名我等候要發語畢躺於廳側之椅上緊握手槍之柄向總統作獠笑總統奮然起立向車中諸人言曰王省長如此無理國家的法紀何在楊以德見彼此決裂恐出意外乃起立向王云請省長在站內稍坐我等與總統細商王遂下車向站長室而少間衛隊三數人登車厲聲云省長立候發電等語旋去而復返如是者三數次站內外軍隊集中車之四周包圍數匝斷絕水火楊及府顧問福開森秘書某某等均向總統進言謂已經有移津辦公之電文在前車站所發之電出自脅迫人所共知當然無效即予簽發亦無不可總統不得已簽名稿內交楊以德持去時已十四日晨四時後矣

王承斌脅迫總統在車次簽名之電一致參衆兩院一致國務院一致各省區三電同一電文如左

本大總統現在因故離京應向貴院辭職所有大總統職務依法由國務院攝行敬此電達希即查照黎元洪寒印

按上紀黎總統出京及在天津新車站被匪首王承斌截劫情形均係根據北京各通信社及報章所載茲復就天津漢文泰晤士報所紀出京始末詳述於後該報記者某君係當時隨同出京並在車次冒險報告一切其所紀錄始末至爲詳晰吾人讀之可見曹銀王承斌等之種種強盜行爲實爲古今中外所罕見民國不亡人心不死此輩之罪其能道於後世哉

黎大總統被迫出京始末記



黎大總統因連日在東廠胡同私邸被陰謀派僱用暴民流丐所包圍極爲煩惱且對外交通一切被阻軍警壓迫日甚一日內閣又無人担負財政異常拮据撫今追昔不勝浩歎顏惠慶雖答應組閣復爲陰謀派及保方惴惴卒辭不就迺於十三日下午一時餘乘專車出京略情已誌昨報惟聞時倉卒遺漏殊多茲特將黃陂出京之動機及抵津之詳情追述於下聞者當不致譏爲明日黃花也先是總統之二夫人危氏因見暴民吆喝受驚成疾乃於十二日遷入東交民巷法國醫院調治黎大總統因恐暴民攻入宅中強搶印信故先期密遣親信將總統印信送至危夫人手巾以免發生意外嗣因軍警暴氓包圍日亟朝不謀夕一夕數驚十二日上午有軍警官佐多人在門外集合下午又有流氓走卒百數十人手執驅黎旗幟包圍私邸王懷慶與馮玉祥復聯名辭職拒絕挽留此等狀況實在忍無可忍總統辭職書已交院數月迄未開會解決至是不得已於十二日晚十時決定去職離京惟如何離京與何時出京則未決定

離京時之情形。十三日上午十時總統忽接報告謂王懷慶與馮玉祥定於本日下午二時率兵至東廠胡同強攝總統上車出京否則將發生莫大危險云總統聞訊乃命陸軍次長金永炎往東車站預備專車出京下午一時專車備妥隨命人通知危夫人將大總統印璽五顆皆重畫者派人送往參議院看管蓋國務總理辭職無人接印又因黎總統係國會所選出按照法律如內閣無人負責時此印須交參議院院長看管但以茲事體大黎總統曾囑咐危夫人謂於交印時須得總統親口說出方爲有效云各事囑畢即於下午一時十分由東廠胡同私邸乘坐第一號汽車往東站出京當時同行之汽車共有七輛總統之車居第二其第一與第三之車係衛隊乘坐其餘之四輛係侍從武官與各秘書等乘坐到東站時爲一時十五分車至前門時見顧維鈞顏惠慶等數輛汽車停在路旁候駕其餘各部長官皆鮮有知之者甚至日夜環伺東廠胡同陰謀派各暗探皆莫名其妙到車站時聲氣寂寂不見一人站上已預備普通頭等車二輛總統即行人內而顧維鈞顏惠慶孫寶琦王正廷彭養光等相繼至與總統握手

道別總統語頗曰內閣請爲主持顏頰搖首而車已開總云至車站時尙有湯薌銘及彭養光二人因事不克出行同行者有副指揮使唐仲寅將軍陸軍次長金永炎秘書劉鍾秀夏炎甲韓玉辰侍從武官蕭慕何總統府顧問福開森本報記者熊少豪等八人及庶務司員唐子香內衛處長謝起副官黃炳坤武官張長勝柳國祥內尉葉洪樹魏金鑑冷斌刁保田王清元劉樹森武承宣官韓誠王仁山陳明勝田福塘三等警衛邵玉山王監廂馬繼成李得洪及弁丁占元等二十餘人

黎總統在車上之態度口火車開行後黎總統與屬員談笑自若見沿途禾稼肥美草木暢茂深爲欣羨爲各農人慶幸並謂連日在京被困消息不通現在始能吸收一點新鮮空氣精神爲之一快福開森君復談諧百出重將抱犢齒中外人士被劫之情形互相引証成爲笑談舉座爲之絕倒車行甚疾吾人尙計劃定下午四時一刻卽能抵津也

王承斌在楊村之截留口車行至楊村時爲三時三刻忽然停止初以爲有車上行須爲讓路隨見有軍士多人擁着王承斌楊以德由站台至云特由天津北上迎接黎總統黎信之請同乘火車回津王省長並向總統殷勤問候眞所謂口是心非者也蓋彼已命令軍士持鎗將開車人監視不准妄動惟聽彼之命令行事至三點五十五分卽與王承斌之專車一同開行向新站進發孰知自此時始黎大總統與車上各人卽爲彼之囚犯嗚呼閱者稍待須臾且觀黎大總統在此數十分鐘後被此班武裝軍人之待遇慘酷乃爲中外歷史所無有者有此一段慘酷歷史試問中國向成何國家從今可不必再談法治亦不必希望強國福民惟靜聽各國共管一任強鄰瓜分可矣

黎總統與王承斌之談話口王承斌上車後與黎總統握手畢卽曰我第一次接報告祇聞謂金次長乘專車來津此是何故黎云此次出京實因經費無着且不堪受各暴民流丐之騷擾交通斷絕行動不能自由是以決計出京王問總統出京曾否通電聲明黎曰予每日必有一電但均爲電局所扣留故須俟抵津在行通電表示時車過北倉總統與王談論他事並及直省之收入與夫教育之概況王只唯唯否

否隨又問曰總統此行極不妥當中央既無內閣政治行將誰管黎曰予無實力故逼得出京國事大概由顏惠慶担任云時已四時二十分車抵新車站王云本地軍民長官均在車站歡迎總統請表示此行之宗旨並請總統到省長公署休息休息言時車抵新站即有軍警密布不准專車前行王承斌力勸總統下車與各人相見總統云予數夕未睡精神甚疲乏俟抵家更衣膳後再與諸君子相見可耳王曰不可必下車是時已聲色俱厲黎曰既必要見可請諸人上車見面於是羣衆上車畢總統即欲命車開往老站王曰不行吾人既至此務必請總統到省公署發表意見黎曰請俟異日王曰總統雖然出京我等仍承認是大總統應當保護總統曰我現在是平民毋須爾等保護王曰總統此行大背民意危害京城非去表示一番不可黎曰現在不便去已數次聲言然則個人行動之自由權汝曹亦欲剝奪之耶予在京汝曹又不願意日夕僱用流氓地棍驅予出今既出京矣又不許歸家况我身曾爲元首汝曹之野蠻若此尙有法律耶王至是亦覺語塞乃將其心目中所欲言而未語之言吐出曰總統出京總統之印信何在自是而取帥印之劇開幕矣是日天色黯淡昏晦無光一若爲黎總統及中華民國抱無限悲感者惟吾人苦中取樂是日已連觀兩幕佳劇矣原來王省長之不憚煩勞奔走呼號者乃爲大總統印無着落而起實則作總統係人非印也試問當年孫文在南京作總統時有何印信又有何人爲之交代乎總統語王曰此印已命人送交參議院王曰予適接京電據云全無此事印何所在務即交出黎曰印在北京眷屬手中予於離京時已命其派員送交參議院送到與否此刻則不知矣王曰否並無其事總統非將印信交出不可黎曰予豈謊人哉予不信可任便在車搜查至是車上各人皆曰請王省長打電晉京問查王始唯唯下車時五時二十二分矣然王仍阻止專車不准放行且已派兵一隊先乘火車在新站與老站之門把守路軌防止通行

黎公子及小姐到站請安曰王承斌去後至六時五分黎大公子及二公子及大小姐二小姐等在東站聞總統在新站被困立刻乘汽車前來請問總統金安總統向其公子小姐曰予以効忠國家受此冤抑

被困在此倘有差池汝等須爲國爲父好自努力去年因受彼等請求泣跪並至挽予復職今日言猶在耳彼輩竟以野蠻手段加諸予身既驅予出京又不許予歸家此等恥辱須切記勿忘言盡此矣黎公子等聞語慨慷聲言曰敬聞命矣說畢而退

王承斌拒絕各國領事入見總統。六時二十分天津英總領事及副總事聞黎總統抵津恭自到新車站拜謁不料爲王承斌所拒絕英領欲遽行前進王命軍士排隊持槍阻之英領忿極而退法日美國各領事亦聯袂至甫至站門即爲王軍所阻不得入內嗚呼總統既非罪犯何以受此監禁王承斌此等舉動豈不破壞一切邦交試問國民有人於此不問皂白殘害平民罪且不道况黎氏爲國之元勳革命偉人乎王氏見各國領事皆來尉問總統深恐總統忽爾身生二翼從天飛去乃立加發號令將總統所坐之車重重圍困如臨大敵其部屬且聲稱非得許可而遽行下車者將受重創云車上連總統共二十九人而站台軍警不下數百皆刺刀閃爍鎗鮮明縱能插翼亦難飛出也

黎夫人不允違法交印。總統爲慎重印信起見曾於臨行時再三叮囑危夫人將印信送往參議院參議院若無人收受須收付他人時須得總統面諭方許交與以昭慎重迨危夫人送印至參議院時參議院因正副議長均未選出不肯收受王承斌逼令總統下諭將此印另交別人是時總統被兵包圍已有二時半之久不但聲嘶力竭汗溼重衣且滴水未曾入口困乏異常尤爲打電話入京命將印信交與王家襄議長但須將車移近站台電話室俾得方便上落迨車移動畢總統於六時四十五分躬自入站長室電話危夫人將各印交秘書送往參議院交畢取回收據。總統說畢立返車上至七時五十分王承斌忽接京電謂失去印信一顆大總統云重要印信祇有五個海陸軍大元帥印大小各一顆及中華民國之璽大印一顆餘皆在府內監印處但王省長之北京代表實不知大總統多少印信見有兩顆小印合而爲一就認兩顆爲一顆自己冒失謂失一顆真令人冷齒時已八時十八分王承斌又報告云危夫人不允交印及法國醫院不許入內總統聞語又於八時二十八分再打電話入京但北京方面云一

王家襄不知去向參議院秘書廳不敢代收。王承斌命將印交與警察總監薛之珩黎夫人不允謂此乃違法總統因是再打電話云國會既不受印可交與薛總監現在新車站被困行動不能自由故將印交與薛總監便安總統年逾耳順聽不出電話當時甚覺困難而站長室又太淺窄不通風氣沉悶萬分說畢退回車上至八時四十二分王承斌又入告總統謂印信依然不允交付還是請總統到省長公署辦公去罷總統不允曰汝既聞在電話之言語印信已命交付又何必如此王承斌乃外出旋復手持一紙質問總統曰汝既出京何以又書此函至國會此豈不是總統又要在津行使職權乎該函文曰「本大總統認目前在京不能自由行使職權已於本日移津特聞六月十三日」總統曰然則汝意何居王曰非請總統到省長公署不可總統曰何必到省長公署予要去住可住公園或省議會但去否我有自由權他人不能干涉若逼我我寧死在車上因此又發生爭執適總統所坐之車既無電扇又無電燈不勝其苦且從清晨迄今並未用膳迨晚九時北京電話仍謂危夫人不允交與薛總監並云此乃違法舉動不敢擅為云第四次再往站長室打電話費去四十分鐘之久尙無結果乃派秘書劉鍾秀與夏炎甲二人乘專車入京辦理此事黎總統原患有糖尿病去年在津休養已漸痊癒不料在京過於勞碌舊疾復發昨夜十時十五分復令醫士到站看病劉夏兩秘書於十時四十五分乘專車入京總統惟有靜在車中守候略爲養神而已包圍共十二小時今日十四日上午三時二十七分總統接報告謂各印均妥交云云總統問王承斌尙欲何爲王派秘書一名持三電至請總統簽名否則仍不放走總統曰所有印章均已付託此種電報有何用處該人非逼總統簽字不可相持再三始允勉強簽字茲將該三電文錄下（一）致參議院衆議院兩院電云本大總統現在因故離京向貴會辭職所有大總統職務依法由國務院攝行敬此電達希即查照寒（二）致國務院電云本大總統因故離京已向國會宣告辭職所有大總統職務依法由國務院攝行應即遵照寒（三）京外通電云本大總統因故離京已向國會宣告辭職所有大總統職務依法由國務院攝行即應遵照寒以上電簽名畢王承斌省長尙登車向總

統間病並謂各事已了特來送行云云時乃(今日十四日)上午四時二十三分東方已白始聞汽車鳴鳴車輪輾動復我自由於四時三十四分抵老站乘本宅汽車歸家計被困於新車站共十二小時可謂酷矣

編者按圍邸之舉馮玉祥爲總指揮劫車之役王承斌爲總司令馮與王所以勇於作亂甘居家奴斷養之列者固由攀龍附鳳爭居首功而兩人對黎又各有其私憾馮因爲私人薛篤弼攘奪崇文門監督之事銜恨於黎之拒絕蓋印而土則本係旗籍仇視武昌起義之人至於次骨聞劫車之際王本擬對黎出以窮兇極惡之手段其在車站與保定通電話且有「不如索性做乾淨」之語其蓄念之險惡可想而知馮玉祥狡詐小人攘利自固作偽之迹既經敗露國人當共知之王則鱗目豺聲蓄謀深險此次既敢於仇視創造民國之元首肆行迫脅將來得勢亦復何所不至聞所部多張動舊人其地位又在畿輔輻輳之區領袖羣帥之列一旦因緣際會叛國作亂其爲國家根本之禍曷可勝言自古元惡大憝亂臣賊子之行爲均非一朝一夕之故履霜堅冰由來也漸予記此編甚冀國人采辨奸之微意杜禍亂於將來有以預防而嚴戢之俾吾言之不獲驗則國家之福也

黎總統脫險後在天津邸次致參衆兩院公函

逕啟者昨日元洪以連日軍警藉口索餉無業流氓逼請退位顯係別有作用情勢險惡迫不得已暫行移赴天津一面另行任命閣員以維現狀而是日下午三時行抵楊村即有王省長承斌等登車監視抵天津新站王承斌即傳令摘去車頭百般要脅數千軍警密布堅不放行始則要求交印迨交出後復要發電辭職交院攝行否則羈禁車內永不放行旋出所擬電稿迫令簽名直至本日早四時後方得自由到宅此在天津新車站被迫時情形也竊維被強迫之意思表示應爲無效此爲通行法法例王承斌以行政官監禁元首強索印璽古今中外皆所罕聞應如何維持法統主張正義敬希貴會諸君迅議辦法是爲至盼再十三日上午已發有命令數道均由國務員李根源依法副署恐印鑄局不刊布特並照錄

各一通送請查照爲荷此致參衆兩院議院黎元洪

按各命令原文見後節茲不具錄

黎總統在津邸致各報館通電曰上海各報館鑒全國報館鑒迭電計達王承斌逼索印信已在北京法國醫院取去復派人持寒電三通一致參衆兩院一致國務院一致全國譴元洪因故出京向國會辭職交國務院執行職權道令簽名否則羈禁車內永不放行兵隊密繞凶惡異常已迫簽名發出此種被強迫之意思表示依法決不生效力當此政象險惡時一身去就關係過鉅決不能率言辭職即去年補行民六辭職咨文亦已備咨撤回不能牽強附會作爲此次根據如國會竟據此咨討論元洪決不承認特此通知元洪寒(十四日叩)

撤回去年向國會辭職咨文曰爲咨行事本大總統去年復職之始曾補公文向貴院聲明辭職在案現在國難方殷萬難卸責特向貴院聲明將去年辭職公文撤銷即希查照除分咨外此咨參議院衆議院中華民國十二年六月十三日黎元洪農商總長署國務總理李根源

外電關於劫車之記載曰路透社十四日北京電京津時報載黎總統秘書孫氏之談片孫氏代表黎總統稱彼願切實聲明者總統印璽之交出實爲強迫之結果總統自津發出宣佈退位之電文亦由威逼所致此二舉非出自願黎總統不能視爲合法黎今仍爲總統仍民國之元首須至國會依法選出新總統而後已黎總統惟服從國會不能服從他人如國會願其留任則彼即留任孫又述車站之事端謂直系人物及兵千名見黎到站即要求將印璽交與彼等黎以印璽在北京夫人處未能照交通告王承斌後王即來親索之並勸黎勿抗黎後由電話囑其夫人交出黎夫人疑有詭詐不肯照交厥後因無別法乃派總統秘書兩人乘專車赴京黎夫人始遵命交出然直系人物仍不許黎總統回寓王承斌立於黎前迫黎草退位電後又迫黎草命高凌霨代理國務至新總統選出時止之電文此舉亦屬違法黎到寓後即加認否孫又謂黎總統今將審慎注視大局但不欲再有行動惟靜待國會之主張云

十四日天津電黎總統於今晨四時下車昨日深夜有專車載總統秘書赴京勸黎夫人將印交與警務代表旋來電謂印已交出乃許黎總統赴東站下車回英租界私寓

十四日北京電黎總統於今晨四時始得下車黎之被阻因其如夫人居法醫院非得黎之許可不肯將印五顆交出之故京畿警廳長力勸黎夫人交出黎夫人直至接津寓總統之命始於晨間五時十分交出現由國務院收管管印官於昨晚乘專車赴津向黎索得餘印五顆十四日天津電黎總統所乘之火車在天津總站爲兵士圍阻乃奉省長王承斌之命令出此因總統之印在京不知下落也總統言未携印出京據傳黎離京前黎夫人携印至使館界法醫院黎總統現仍在京火車非俟印有下落不能下車黎總統秘書孫氏語路透訪員謂總統並未退位僅至津一行耳黎總統致國會書並未退位文東方通信社十三日天津電王承斌等自得黎氏由北京出發之報遂出迎至楊村車站午後五時五分抵天津中央停車場強迫停車且絕對拒絕訪問之人似有何事會談自抵站後經過三小時餘尙不見有下車之狀況停車場禁止人之出入戒備極嚴又十四日北京電黎於今日向國務院聲明辭職並言將由國務院代行職權遂由在法蘭西之病院黎夫人以大總統印經薛警務總監之手交付於國務院秘書張廷諤據傳此由王承斌等之脅迫所致非黎氏本意也又天津電黎元洪由王承斌等強迫交印之結果遂承諾之至十三日午後一時半乃由劉夏兩秘書乘特別列車歸北京至十四日午前四時似在北京將交印事完畢停車於中央火車站至十一時黎氏所乘之列車遂許出發至四時三十分遂抵東站黎即入英租界私宅



六月十三 上編

三十六

### 第三節 曹錕以高凌霨攝政

編者曰高凌霨等之奉曹命而自居攝政也議員中之擁護張紹曾者或詆爲非法謂若果攝政當由張紹曾復職然卒以非曹氏所屬意莫之應也予以爲當時北京之狀態烏有所謂法亦烏有所謂內閣攝政者哉曹黨遂黎之後直系各軍閥與曹之厮養駟卒以及津保蘇洛各派所豢養之無恥政客不肖議員等齎集於北京之袁家花園與南長街邊宅等處漏夜計議以爲宜先組織一擁曹入京與籌備竊位之機關而所謂國務院者適於其時闌無其人曹黨乃入而據之其名旣可以公開其地尤勝於私宅其人如高凌霨程克允毓麟之流又不啻曹之養子也執是以圖居中馭外因利乘便於勢至順其後賄選之策旣定所謂國務院者乃成爲磋商商票價交付証券之場所與同時化爲叫賣場之參衆兩院乃鼎峙而三高凌霨等實際卽爲經紀行市交易證券招待估客之人內而吳景濂王家襄等外而王承斌熊炳琦等均加入此項市場分任駢儉之事當時此類牙會各自徵集部下頭二三等之繚客分途四出與兩院議員徵逐往來出入於國務院兩院之間或則接洽於飯店娼寮與高吳等私宅之中是卽當時所云內閣攝行大總統職權之真相也予紀其事以曹黨遂黎之後賄選之前當然有此一幕之過場而竊慮夫後之人不悉其內容或沿而爲法與非法之爭爰爲之加以解剖如上所述俾後之論政者爲國法稍留價值焉

六月十三日黎大總統免去張紹曾高凌霨等本兼各職之命令

大總統令國務總理張紹曾呈請辭職張紹曾准免本職此令農商總長李根源署名

特任農商總長李根源兼署國務總理此令農商總長李根源署名

署外交總長顧維鈞內務總長高凌霨署財政總長張英華海軍總長李鼎新兼陸軍總長張紹曾司法總長程克允教育總長彭允彝交通總長吳毓麟呈請辭職顧維鈞高凌霨張英華李鼎新張紹曾程克彭允彝吳毓麟均准免本兼各職此令農商總長李根源署名

按以上命令爲黎總統十三日上午在京時所發身未去職令經副署依法當然有效吳景濂等所召集之兩院會合會未知依據何法乃並此項命令而亦否認之議員昏昏知有勢力金錢而不知有法律並不知有人格國家之亂尙有已時哉

高凌霨等呈請黎總統回京電萬急天津探投黎大總統鈞鑒本日鈞座赴津事前未蒙通諭攀轅弗及北京爲政府所在之不可一日無元首合懇鈞座即夕旋都川尉喁望凌霨等備位閣員謹暫維持行政現狀祇候還旌伏希迅示凌霨英華鼎新克毓麟瑞憐寒

黎總統復高凌霨電曰北京高澤畚張月笙李承梅吳秋舫諸先生鑒元電悉盛意極感執事等呈請辭職挽留不得已於元日上午有依法副署蓋印命令發布准免本署各職並特任農商總長李根源兼署國務總理請稍息賢勞容圖良覲特此復謝並轉沈次長爲荷元洪寒

黎總統咨國會任唐紹儀爲國務總理請同意案

大總統爲咨行內閣總理張紹曾呈請辭職業經照准自應遴員接替茲擬特任唐紹儀爲國務總理依法特提交國會徵求同意即希公決爲荷再唐紹儀未到任以前暫行李根源兼署合併咨達此咨參衆議院民國十二年六月十三日黎元洪農商總長李根源署名

按據上記各節高凌霨等均爲奉令免職之人果使法律而有效者無論何人不能承認高凌霨等有攝政之資格也

高凌霨等維持治安之通電(銜略)凌霨等前呈請辭職並通電奉達諒邀台覽本日午刻黎大總統突然飭備專車離職出京凌霨等趨往攀留業已不及節關在邇京師地方人心浮動政府無人主持危險萬狀經京師總商會等及軍警長官地方紳耆再三面請出維秩序凌霨等查京師都爲根本重地秩序堪虞國會使館保護尤應周密凌霨等值此意外事故不敢置身事外已會商軍警地方長官切實維持市面藉保安寧以後情形如何再隨時電達特先馳聞高凌霨張英華李鼎新程克吳毓麟沈瑞麟元印

高凌霨等通告攝政之電高凌霨等稟電（全銜）本日奉大總統寒電本大總統因故離京已向國會辭職所有大總統職務依法由國務院攝行應即遵照等因奉此本院謹依大總統選舉法第五條第一項自本日起攝行大總統職務特此通告國務院高凌霨張英華李鼎新程克沈瑞麟金紹曾孫多鈺鹽印

按高凌霨等通告攝行政之電以黎總統車站之寒電為依據而車站之電由於迫脅與大總統選舉法第五條第一項條文所載因故之意義不同不能援以自解且高等業經有令免職在前又未諭以何資格而自居於國務員之列總之高等攝政實為曹銀奪位之預定計畫觀於張紹曾之不得預於攝政之則知高凌霨等之毀法亂國自命攝政皆秉承於曹銀固無疑也茲就當時之實況述之於左

張紹曾不能復職口張紹曾日前辭職本想以退為進黎氏既去彼非無意回京復職代行總統職權惟張之能否復職須視保曹之態度如何據保定消息十三日上午七時國會八致團代表雷殷王乃昌司徒穎胡祖舜李燮陽王玉階王玉樹等晉謁曹銀徵詢對於解決時局之意見曹有種種之表示其對於張紹曾辭職問題曾謂張敬與既為國會多數不信之人當尊崇國會多數之意見阻止其復職云云曹之態度如此張當然知之故前日各閣員致電促其回京復職攝行總統職權維持大局張既連覆兩電力辭態度頗為堅決外傳張氏將於昨晚同交吳聯袂回京自屬不確又昨日上午馮玉祥曾派薛篤弼劉之龍赴津外間又有謂為迎張而往亦非事實據本報所聞薛劉天津之行係奉馮氏之命與王承斌吳毓麟二人對於時局問題有所接洽且薛劉二人昨晚亦已回京矣茲將張氏十三日兩電附錄於後

第一電（銜略）前以輔弼無狀懇予罷免方冀接替有人用匡危局茲奉元電敬悉元首出京彌深惶惑紹曾以待罪之身恐無維持大局之力辱承敦勉漸感莫名特電復敬張紹曾叩元戊（十二日）第二電（銜略）前以輔弼無狀懇予罷免方冀新閣早成用匡危局茲讀元電知元首出京殊深惶惑至攝行職權一節紹曾以待罪之身萬難當此重任謹電奉復張紹曾叩元（十二日）亥

曹錕對議員表示意見口十三日上午七時國會八致團代表雷勝王乃昌司徒穎胡祖舜李燮陽王玉階王玉樹等馳往保定於當日下午三時謁見保曹對於解決時局之意見雷等到光園見曹時曹已得北京電話知黎元洪業經出京比即與雷殷等反覆協商鄭重表示態度如下(一)張紹曾既爲國會多數不信任之人當尊崇國會多數意見阻止張紹曾復職(二)總統職權依約法須由國務院攝行當然即由合法閣員負責(三)北京治安由馮王兩使負責完全責任(四)過節之軍政各費業已完全籌就不日即可發出分放(五)爲促成憲法鞏固國會起見國會經費由彼負責籌畫(六)政治問題聽從法律解決(七)擁護國會促成憲法此外各政團及公民團代表前往敦請曹即日入京者甚多曹表示在法律問題尙未解決以前決不輕率入京云

按張紹曾不能復職固由議員之反對然探原而論張雖附曹驅黎自居功狗若以曹派人物言之則始終爲疏支不如高凌霨吳毓麟等之爲嫡嗣也當保曹與議員表示後曾授意王承斌發出一電致直系各省區長官反對張紹曾復職其文如左

敬輿回京反對甚多恐於政治法律種種問題反惹起無限糾紛益難收拾影響將來更爲可慮查總統因故不能行使職權約法定有明文係由國務院攝行並非專指總理當此政局混莽至於此極張撥既爲國會多數反對倘再復職糾紛愈多必陷於危險狀態惟恐同志各省未悉此中真相特此通告王承斌鈺印

按當時齊燮元等有主張以張紹曾復職之電故王承斌代表曹錕聲述各節此電出而張紹曾復職之聲浪遂即沈寂若張氏者可謂枉作小人者矣

張紹曾之父曰北京某報載張之運動復職其老父亦不贊成云云茲錄於下

張紹曾運動復職種種陰謀本社迭經披露茲據天津電話張紹曾不敢遽然來京復職實受庭訓嚴責所致張氏於黎元洪出走之後一心夢想復職雖經國會多數議員反對仍不甘心前日本已預備專車

擬赴保定謁見曹銀面陳一切王省長承斌雖力勸以曹使決不違反國會大多數議員思而贊助足下（指張）復職張仍不肯信迨由省長公署返河北本寓張太公（張紹曾之父親已七十餘歲）見張預備行裝聞將何往張告以上保定見曹大帥去張太公此時赫然大怒拍案叫罵說「黃陂待你也還不錯爲什麼這樣給人下不去人家都說你是三國志的華歆你還不夠難道還想作司馬昭麼你要去北京攝政不是我兒子」等語張氏比即再三叩頭請老父息怒說兒子不去就是了一般人謂張雖於國不忠而於父尚非不孝云

黎大總統聲明高凌霨等違法攝政之通電有人假借國務院名義擅發銑日通電內稱各節語多謬妄查元洪爲暴力所迫認爲在北京不能自由行使職權乃於元旦離京參衆兩院及公使團均經函達有案國境以內隨地均可行使職權即越境出遊各國亦有先例此次出京何得謂爲離職大總統選舉法第五條第二項之規定係指定大總統因故不能執行職務副總統同時缺位時而言所謂因故之故當然以本身自然之故障爲限若謂曾迫元首爲法律所定因故之故國會加以承認是不啻獎勵叛亂開將來攘奪之惡例至元洪由京移津並非離職更不得妄爲援引且前總理張紹曾前總長顧維鈞高凌霨張英華李鼎新程克彭允彝吳毓麟等早經辭職經於文日由國務員李根源依法副署命令准免本兼各職元洪蓋印交印鑄局發布在高凌霨等既經免職國務院資格業已喪失尤不容任其假借六月十三日上午元洪尙在北京所發命令手續並無缺誤國會依何法律可以追加否認即元洪出京以後乃爲在職之大總統所發命令只須有國務員依法副署自應一概有效若夫個人文電其無關政令者更非國會所得干預至六月十三日兩院不根據法律私開會合會其人數及表決率意爲之尤爲不合元洪遲暮之年飽經凶釁新站之厄已拚一死以謝國人左輪朱股創痕尙在夫以空拳枵腹孤寄白宮謂爲名則受謗多謂爲利則辭祿久權輕於纖忽禍重於邱山三尺之童亦知其無所依戀徒以依法而來不能不依法而去使天下後世知大法之不可卒斬正義之不可摧殘庶怙兵干紀之徒有所憚而不

敢出雖糜軀碎骨亦所甘心國會若以元洪爲有罪秉良心以判之依約法以裁之元洪豈敢不服若舞文弄法附合暴力以加諸無拳無勇之元首是國會先自絕於天下後世也元洪雖辱決不承認自今以往元洪職權未得國會確當之解免無論以何途徑選舉繼任概爲非法特此聲明黎元洪皓

#### 第四節 吳景濂等所捏造之兩院會合會

編者曰當六月十三日前後曹錕指揮馮玉祥王承斌等圍邸劫車之時北京現狀已在強盜掠奪白晝橫行之下曹氏及其家奴若馮玉祥高凌霨吳毓麟等本不知國會爲何物其驅逐元首劫掠脅迫以及其指揮在京之厮養僕從僭竊國政自命閣員攝行元首職權之種種強盜行爲固已視中華民國爲曹氏一姓之私產視舉國之國民如其家奴厮養無不可以挾金錢武力蹂躪而戕辱之有何却顧而借重於國會之事後附和然在吳景濂與國會中卑污無恥之分子等既參預奪位之密謀於前迨見夫馮玉祥王承斌等披堅執銳均已獲告成功國會此際不能不疾起以爭元勛之一席六月十六日之兩院會合會其爲違法僞造吳等豈不知之徒以事前帷幄之陰謀與臨時爭先擁戴之熱誠迫於不及自覺此其用心蓋與洪憲時代迭次勸進之參政固無少異茲述所謂會合會之實況於後俾國人知此輩破壞法紀擁戴亂賊其罪固不在馮玉祥王承斌之下也

#### 十四日衆議院之兩院談話會

十四日下午二時參衆兩院議員在衆議院大議場開兩院會合談話會由衆議院議長吳景濂主席延長時間至二時三十分主席報告出席議員參議院一百二十人衆議院二百五十七人宣告開會繼續報告前日十三日在第五休息室談話會討論時局之辦法後旋約軍警當局到院會議維持治安諸問題是日來院者爲王懋宣聶憲藩兩氏馮檢閱使因事未到會議結果王聶兩氏力允擔任維持地方治安保護國會之責同人頗表滿意黎總統昨日出京後曾有公函分致兩院謂彼在京不能自由行使職權已移津今日復天津來電辭職此應諸公討論衆議員吳宗慈首先登台發言略謂黎元洪既已出走兩院同人宜用快刀斷亂麻之手段一速開一會解釋總統任期二依據約法於正副總統因事故不能行使職權時應請國務院代行總統職權三從速組織總統選舉會選舉正式大總統以挽危局吳發言後議場上發言者在五六人以上秩序極爲紊亂主席乃以本星期六即十六日開一兩院會合會討論



一切問題諮詢有無異議衆無異議遂宣告散會時三點十五分云

十四日談話會情形據議員某君所述較爲詳實茲錄於後前日兩院議員數十人曾在衆院商決於昨日下午開兩院議員談話會一節已誌昨報茲探悉昨日出席議員參議院一百二十人衆議院二百五十七人於下午二時三十分宣告開會由衆院議長吳景濂主席吳報告前日十三日在第五休息室談話會討論時局之辦法後旋約軍警當局到院會議維持治安諸問題是日來院者爲王懋宣聶憲藩兩氏馮檢閱使因事未到會議結果王聶兩氏力允擔任維持地方治安及保護國會之責同人頗表滿意黎總統昨日出京後曾有公函分致兩院謂彼在京不能自由行使職權已移津今日復由天津來電辭職此應請諸公討論衆議員吳宗慈首先登台發表意見略云時局糾紛至今已極合法機關祇有國會兩院同人不能不正常表示本席以爲當務之急一應即定期開兩院會合會解決黎總統辭職事件其日期以星期六爲宜二總統未舉出以前應由國務院攝行職務三俟平時秩序完全恢復後即組織大總統選舉會吳發言後卽有報號發言之宋汝梅欲行登台李載康謂吳君主張辦法三條均已發揮盡致即可照此步驟辦理無庸多加討論有一部分人拍掌和之褚輔成登台謂國會對於此次政潮應有所表示語至此台下多方阻其發言叫囂之聲幾震屋瓦褚不得已退下而議員亦紛紛出場主席亟以星期六開兩院會合會諮詢大衆均無異議遂散會以如此重大之事自應許人盡量討論然後乃能求得一致之點今乃以少數人不諳大體致各方意見無從發表恐明日十六兩院會合會中不免須多費時間以資討論也

又一消息兩院重要分子於談話會散後在衆議院總統休息室作非正式之討論其態度約可分數種一黃陂既經辭職應由兩院開聯合會解釋任期准黃陂辭職再組織總統選舉會速選繼任二則以黃陂任期已不成問題不必再行研究應迅由兩院組織總統總舉會產出繼任人物三認國務院攝政爲不合約法應由兩院組織委員會以會議制攝行最高職權四主張審慎考慮暫緩舉辦大選云

按十四日所擬開之兩院會合會法律上本無根據事實上尤多牴牾就當時形勢觀之十六日之會不易成立殆可斷定乃吳景濂等擁戴曹錕之念至爲迫切竟視此次之會與圍邸劫車之役同爲不世之功觀於後述是日議場之情形可以洞見此輩之日無法紀與馮玉祥王承斌及曹氏之諸家奴殊足輝映一時也

十六日衆院之實況口衆議院大議場於十六日下午二時舉行參衆兩院會合會由衆議院議長吳景濂主席延長時間至三時主席報告簽到人數五百六十人出席者四百六十七人如照憲會五分三之出席距離法定人數尙缺五十餘人但休息室尙有百餘人有人主張請主席派兩院同人去請主席乃派定參議院議員雷殷陳銘鑑鄭江灝衆議院議員王茂才景耀月陳某等六人分頭至休息室邀請陳銘鑑回到議場報告謂不願出席之諸君皆一致主張延會再行協商有主張改開茶話會者藍公武登台發言以憲法會議規則上之兩院會合會雖有五分三之規定但以民國二年及六年組織總統選舉會以前之會合會即係過半數並非三分之二以此先例言之今日會合會自適用過半數張我華則請延會吳宗慈以黎元洪辭職本係分別向兩院辭職並非對憲法會議或總統選舉會辭職據此以觀並無開會合會之必要大可兩院分別開會解決黎之辭職林長民亦主張過半數王乃昌主張改開談話會庶不出席之議員於談話會上發表意見再定正式開會之辦法主席遂以王乃昌主張改開談話會之動議諮詢大衆無異議仍派雷殷陳銘鑑等六人去請不出席之議員出席並表示容納諸君意思協商辦法陳銘鑑去請各位議員後復登台報告休息室之諸君意見不一致仍不願出席籍忠寅登台發言謂本席有簡單意見發表以刻下時局重大國會祇有根據法律行事而法律上對於總統不能行使職權時祇有根據總統選舉法上第五條第二項之規定辦理此條既合法當然一方面國務院攝行職權一方面於三個月內組織總統選舉會至黎元洪之辭職可不必討論且總統究應向何處辭職並無規定明文况黎元洪於就職時即宣言暫行云云是其職位已無根據但黎走以後之命令文電以及個人

舉動應否發生效力應加一表決云云劉澤龍登台報告謂本席主張以爲黎元洪與張紹曾皆應復職恢復以前原狀馬驥登台發言謂欲解決時局須以快刀斬亂麻之手段所有黎之辭職一層可不必討論現在只有按選舉法第五條第二項辦理且不必表決但對於黎元洪走後之亂命加一表決以杜亂源云云吳宗慈贊成馬說請再改開正式會合會即以過半數行之衆贊成主席宣告取消談話會聲明改開會合會重復查點在場人數報告在場四百五十二人遂以馬驥提案一大總統黎元洪六月十三日離職出京應依照大總統選舉法第五條第二項之規定辦理所有自十三日起黎元洪所發命令文電概不生效付表決贊成者起立三百五十四人大多數贊成通過遂宣告散會時已五點二十分云衆議院小議場之小會議口昨日兩院會合會之經過情形已如另條所述矣當下午二時開會之際反對不信任案一派議員李載麇郭同等因不願出席會合會特揭出反對不信任案同人請於下午二時至四時到小議場開會討論一切重要問題之紙條至三時李等即在小議場開會到會者八十餘人議決當日即十六日暫不出席會合會其理由爲一無總理之國務院依法不能攝行總統職權則黎元洪之辭職問題尙有考慮之必要二黎於去年復職之時卽有咨文辭職今又撤消此中尙有研究之必要不能遽然在會合會討論三依法過半數之人數不能有解決總統辭職之權能有以上之三理由須俟協商後始允出席云當時郭同又題議主張黎張同時復職一切恢復十三日以前之原狀全場竟一致贊成云

同時十六日各報紀載會合會之預聞頗可注意袁家花園發放之津貼尤足爲會合會臨時之奮劑茲錄於右

今日十六兩院會合會預聞國會自前日兩院議員會合談話會決定應付時局三項標準後當即發出正式通告定於今日開會解決黃陂辭職事件文云逕啟者茲定於本月十六日星期六下午二時開兩院會合會解決黎大總統辭職事件屆時務希準臨爲盼順頌公祺參議院衆議院啟六月十四日

今日會合會能否開成開成後能否便把黃陂辭職問題圓滿解決自不無多少疑問惟一般人之揣測已不甚一致持樂觀論者云此項會合會關係重大前昨兩日各政團皆開會討論而籌備最高問題者亦分期派代表與各政團接洽已得有相當交換條件而素與保方接近之各政團均無問題此外除府派政系民黨外其他各小政團雖有小小要挾亦不難疏通照今日十五形勢觀測明日十六大會若能開成則總統辭職問題不難解決也云云惟持悲觀論者云據今日十五日之調查明今之會恐無好結果因贊成最高問題之份子訂有暗約凡非本派議員發言即哄之下台或助以吶喊使其言不得入大家之耳又云現在接近保派之全民新民壬戌羣治聯社法治統治會宣外二百號石駙馬三號各政團固無問題惟如護法派政學會東三省議員安福議員現正暗中預籌抵制之法一以制憲與選舉併行為言如某某等請速開憲法會議是也一預先出京使人數不足如東三省議員十餘人之回奉政學會議員二十餘人之出京等是也云云各方之揣測如此雖不足以規定事實但為維持會場秩序起見聞已有人建議公備汽車請議員出席並擬在衆院左右增加衛隊以示兩院會合會之尊嚴云未審果能實現否

議員頗有出京者口此次政變聞頗有一部份議員表示不滿擬以一走為抵制者殊不乏人現已赴津者約有一百五十餘人或曰一百二十餘人聞天津設有招待處而目下在京之政系民黨及浙籍東三省議員亦尚有整理行裝準備出京昨晚十五浙籍議員復在明湖春開聚餐會對於此事有所討論云又據上海十四日電云當地國會議員十四日致電北京護法議員略謂北京國會不能認為真正國會無制憲及選舉總統權現受督軍團之嗾使令所戴大總統出走北京已陷於無政府狀態所望護法議員早離北京勿與不法份子合為一爐云云亦打趣之甚也

袁家花園發放津貼口邇來兩院議員因某種問題出京者時有其人接近保方之某政團恐如此下去將來選舉總統會有不足法定人數之虞乃公推張某趙某等馳赴保定向保曹獻計結果除由保方趨

緊託王某代籌一筆款項送交兩院發放歲費外議員每人又有五百元津貼之發給此種津貼自前晚十四起已由袁家花園籌備處實行發放截至昨晚十五止議員往領者近二百人或曰五百人聞未往領者今晨十六由該處派員分送云又此次發放津貼依某議長意思擬由兩院於發給歲費時一同發放其後某君以爲如此做去未免過於招搖不如由袁家花園發放爲妥乃始由袁家花園發放至此次往領津貼之議員其中願爲最高問題盡力者固不乏人惟領此款項作爲出京之旅費者想亦大有人在云

會合會之狀況如上所述而是日各通信社之報告又均載有會內人數不足改開談話各情形可見當時由談話會而忽成會合會由於吳景濂馬驥吳宗慈等數人所捏造固無疑也

據某社報告炙手可熱之最高問題其正當辦法當然由國會解決但本月十六日兩院會合會到院議員同床異夢各有懷抱在休息室不肯出席遂改開爲談話會據國會方面消息議員所以到院不出席之原因約分四端一政學會議員爲擁黎失敗故爲消極抵制以窘實力派二擁盧派議員欲擁盧永祥爲副座以爲交換條件藉此以促對方之允諾三東三省議員基上同一之隱衷欲擁張爲副故取一致之步調四擁閣派議員意在張紹曾復職故持此消極態度一面以促倒閣派議員之反省一面使保方須表示張紹曾復職爲交換條件至吳景濂向抱包辦一切之宏願近見黃陂下野急行轉舵一變而傾向保方則變化中之可注意者也

又兩院議員之提案漸多傾向准黎辭職定期開總統選舉會茲將最近之提案擇要錄下

甲王家襄等提案准黎元洪辭職應依照大總統選舉法第五條第二項辦理王家襄陳家鼎籍忠寅馬驥劉奇瑤童効先駱繼漢趙世鈺林長民江聰王茂材陳邦燮胡祖舜陳壽和藍公武鄭人康谷思慎陳策陳銘鑑趙金堂周珏金詔厚王伊文雷殷張嘉謀郭同烏澤聲康士鐸乙周兆沅等之提案一依大總統選舉法第五條第二項之規定組織總統選舉會於八月十五日選舉大總統二繼續開憲法會議期

於選舉大總統以前完成憲法提案人周兆沅潘大道楊肇錫劉哲辛漢佈霖尹宏慶毛玉麟張振烈桂殿華吳子青胡鈞雷殷趙成思李安陸車林瑞多布劉鳳翔黃金聲趙守愚張漢章李瀾等

丙吳連炬等之提案第一屆正式大總統任期本席曾經提案主張嚴格解釋現在情勢變遷本席主張辦法如左一由兩院會合會解決黎大總統辭職二定期開大總統選舉會行次任大總統之選舉理由臨時說明提出者吳連炬

觀於上述狀況議員意見既不一致出席人數復無根據忽而談話會忽而會合會聽諸吳景瀛等三數無恥得小之口與手尙復成爲立法之場所乎當時主持正義之各議員反對十六日之會列舉其種種違法之處茲錄於左

褚議員輔成等禡日通電

萬火急分送大總統國務院各部院署各省巡閱使督軍省長總司令督辦督理檢閱使護軍使鎮守使督統師旅長省議會總商會教育會各工會各農會各法團各報館均鑒昨接兩院通告稱茲定本月十六日下午二時開兩院會合會解決黎大總統辭職事件屆時務希惠臨爲盼等語又閱十七日各報載稱是日開會由衆議院議長吳景瀛主席延長時間至三時報告簽到議員五百六十七人到場列席者僅四百六十七人其餘各員因主張不同均在休息室不願列席不足憲法會議或總統選舉會之法定人數不能開議經林長民駱繼漢等先後動議主開談話會照章旁聽人一律退席乃突由馬驥提出動議謂大總統黎元洪六月十三日離職出京應即依照大總統選舉法第五條第二項之規定辦理自六月十三日起黎元洪所發命令文電概不生效旋由主席當場宣告改開大會即以馬驥之提議付表決通過遂宣告散會並以此項提議備具咨文鈐川參衆兩院印信會銜咨達國務院等語此種舉動種種違法同人萬難緘默不言查國會組織法第二十一條第一項民國憲法之議定由兩院會合行之前項會即名曰憲法會議非有議員五分以上之出席不得開議非出席議員三分二以上之同意不得議

定又查大總統選舉法第二條大總統由國會議員組織選舉會選舉之前項選舉以選舉人總數三分二以上之列席投票人數四分三者爲當選是前者由兩院機關之會合而成獨立之憲法會議後者則國會議員份子之集合而成之總統選舉會各有一定之職權各有一定之名稱遍民國法規並無所謂兩院會合會者今此次通告開兩院會合會儼成一種獨立之機關究竟根據何法何條此違法者一民國總統准否辭職辭職程序應由何種機關主辦法律本無明文縱總統之職可辭亦必由原選機關所謂大總統選舉會者辦理乃此次通告不催開大總統選舉會解決而付諸毫無根據之兩院會合會其意何居此違法者二是日到場列席人數既未足總統選舉會之三分二且不及憲法會議之五分三當然非國法上之機關改開談話會以便私人意見之交換原無不可惟向例談話會與私室議心無異不能適用表決不能發生拘束力安能對外有所表示此違法者三查臨時約法第二十一條國會之議事須公開之是日改談話會後乃乘旁聽人之完全退席忽又宣告改開會合會任意變化以政權更迭之重大事件竟付之秘密議決不令天下共見共聞謂無隱情其誰信之此違法者四兩院會合會國法既無此種機關會合會以過半數列席列席過半數之議決尤爲絕對無據議員除名依院法第七十九條尙須出席議員三分之二以上之可決議長解職依院法第二十一條須得有總議員三分之二以上之可決彈劾國務員依約法第十九條第十二款且須總員四分之三以上之出席出席三分之二以上之可決今對於國之元首解除其職務移轉其事場議員之演說詞本一致承認惟富場有人出而解釋謂此次突生政變非法律問題乃政治問題之一現象兩院既爲謀統一意思起見不妨以簡單辦法行之遂置辭職事件於不問避重就輕由馬驥提出此種含混其詞之動議果屬政治問題原專屬國會之職權自應由兩院各別開會行之豈容於法無據之機關妄行越俎此端一開此後凡屬國會職權以內者隨時可爲會合會攘奪以去兩院制之精神將根本破壞此違法者六查大總統選舉法第五條第二項大總統因故不能執行職務時以副總統代理之副總統同時缺位時以國務院攝行其職務各國元首離京遠

適異地數見不鮮而執行職務之地點法律更無限制之明文出京固不得即謂之離職出京亦不能逕認爲選舉法上之所謂因故軍警流氓圍宅騷擾直搆成刑法上之妨害公務罪安得釋爲因故不能執行職務如以此種犯罪行爲強作因故不能執行任務之解釋則總統選舉法實爲教亂獎奸之資耳同人並無所愛於黎元洪亦無庸爲其辯護即退一步言之此次黎氏離職出京洵爲選舉法上所謂因故不能執行職務亦應由憲法會議解釋萬不能由兩院會合會認定之此違法者七查國務院官制第二條國務院以國務總理各部總長組織之第三條國務總理爲國務員首領第十條國務會議時以國務總理爲議長今之國務院既無總理合法閣員不及數半且全體辭職復經免職當然已無國務院之資格亦安能攝行總統職務此違法者八黎氏受迫不能死守殉國誠難寬其課責惟辭職問題既未經總統選舉會之解決而繼任之日期又未經憲法會議之解釋則未經依法解職以前其所發布之命令函電是否生效豈能任意宣告况兩院會合會之自身既爲非法機關又安能宣告他機關之行爲無效而該會竟悍然行之此違法者九此次馬驥所提之動議咨達國務院既非在兩院提出亦未報告兩院許可何得擅用兩院會銜之咨文擅鈐兩院之印信會合會之自身並印信而無之更何得謂爲依法組織此違法者十同人等對於今次政變並無擁護何方反對何面之成見惟議員職責所關在法言法不能知而不言况以一國元首受軍警流氓之騷擾致不能安於其職而國會未聞主持正論整飭紀綱乃組織一似是而非之機關與軍警流氓相呼應合力以去之天下後世其謂之何而今後之爲總統者亦危矣覆轍相尋政變迭生將永無寧歲矣夫以法律無據權責不屬人數不定之機關若竟聽其任意處決國之大政舉國熟視無覩不亟爲匡正則一切法律可以燒毀一切機關亦可退聽矣毀法兆亂同人怒焉憂之茲合鄭重宣言六月十六日兩院會合會之議決種種違法根本無效除要請兩院依法組織合法機關另行議決以維法紀外特電聲明尙祈國人嚴重監視一致匡持大局幸甚參衆兩院議員褚輔成吳昆郭同王用賓白逾恒李爲綸高仲和黃雲鵬潘江沙彥楷杭辛齋詹調元丁惟汾茅祖權丁超五



劉榮棠王恒張大昕凌毅邱冠芬田桐田稔王篤成于洪起趙舒彭養光于恩波楊時傑時功玖劉燮元  
覃振張善與王安富王汝圻王紹鑿盧仲琳汪乘忠葉夏聲蔣鳳梧鄒魯胡應庚尙鎮圭高杞丁佛言訥  
謨圖周澤苞萬瞻湯漪劉星楠解樹強向乃祺王葆真鍾才宏梁昌浩孔昭晟李執中孔慶愷王兆離劉  
監訓耿春宴劉重蔡達生秦肅三寇遐李正陽唐支厦景定成舒祖勳陳國璽袁弼臣孫鏡清唐玠丁鑑  
黃汝鑑王廷弼霍椿森楚緯經陳宗常范熙壬劉振生王立廷楊振春張瑾雲吳淵李汝翼湯用彬黃肇  
河熊兆渭邢麟章余司禮廖希賢王秉謙焦易堂董耕雲蕭輝錦蕭炳章童杭時周震麟王樂平續桐溪  
寶應昌李文治呂志伊馮自由王鴻雁謝良牧侯元賀昇平張華祖王法岐陸祺王宗堯徐蘭墅邵瑞彭  
王人文孫光庭趙仲陳祖基張大義丁文瑩徐傳森李自芳李鳳威王源潮劉新桂李安陸陳祖烈金兆  
棧楊永泰文登瀛符鼎升王有蘭李肇甫李英銓雷煥猷潘大道黃攻素周之翰李克明楊士聰丁佩穀  
萬寶成趙守愚張華瀾梁登瀛蕭汝玉姜繼魏鴻翼韓玉辰章士釗唐禮淮張光煒陳光譜張則川阮毓  
崧王斧黃伯耀朱溥恩蔣曾煥陳尙裔徐兆璋瞿啟甲楊擇孫熾昌郭椿森高家驥金溶熙沈椿年張世  
禎周繼濬鄭際平陳時夏周學宏丁儁宣王式蔣著卿余名銓孫棣二陳燮樞傅師說盧鐘嶽朱騰芬楊  
山光楊夢弼沈智夫張映蘭張全貞陳時銓蔣宗周樂山劉楚湘陳光勸蔡靈潘學海凌鴻壽劉緯曾劉  
映奎李燮陽胡兆沂彭邦棟祝光樾等全叩禱

第五節 內外時論之誅討

編者曰政治之良楛國民爲之國民之心理爲之政治非能爲良楛也予於六月十三日之事有以徵之矣曹錕以近畿強藩馳驟輦轂之下內置心腹外樹爪牙泱歲之間兩逐元首雖在炎漢之季乃祖阿瞞跋扈凶狡未之有加當其陵轢東海黃陂之際視中華民國之國法與四萬萬之國民渺乎其若塵垢白以爲威福惟辟孰敢侮予然而東廠圍邸之流氓楊村劫車之土匪四海之內鮮不認爲曹錕之所爲指爲亂首詈爲國賊其家奴高凌濤等所參養之新聞社員以狂噪辨之其騶卒馮玉祥王承斌等以暴力箝之未見其稍挫也予以爲國民此種最初最純潔之心理乃根於人類秉彝平直之理性擴充利導發揮事實即爲政治之正軌至若事後情勢之變成敗之數因而幻爲好惡易其情感豈得撫爲定論哉爰就當時一般輿論彙錄於左以存直道倘亦讀是編者之所樂取也

京津公民代表團之刪電 萬萬火急大公報轉全國父老昆季姊妹鈞鑒恭讀大總統覃寒兩電賊勢囂張普天同憤凡有血氣莫不髮指慨自民國肇造禍亂頻仍推其禍始厥在軍閥之爭奪茲者曹錕覬覦神器不惜毀法亂政迫走元首京師震盪天下騷然舉全國積年渴望之憲典一旦破壞於垂成擁曹驅黎一味專橫等元首如玩其視國法如弁髦發縱指使罪惡滔天若不同聲致討任彼狼子野心僭號稱尊何以對武昌首義之化血公民等謹持興亡有責之義保持約法擁護共和誓必除此國賊以奠山河正義所在威武不屈萬望邦人君子共起圖之京津公民代表團叩刪

京津公民護法團代表之通電並致曹錕函

(一) 泰晤士報轉各報廣州孫中山唐少川上海章太炎浙江盧子嘉奉天張雨亭諸先生暨各省督軍省長各法團鈞鑒此次曹錕毀法亂政逼走元首行同操莽性類土匪凡有血氣莫不髮指敵團抱護法救國之心本興亡有責之義屢電仗義聲討實期殄滅國賊不料曹逆豺狼成性仇視異己竟與本月二十三日密令軍警至廊坊車站逮捕我代表周君子勻楊君西橫日來生命未卜道路傳聞多謂已被馮

玉祥鎗決是否屬實殊難憶度竊維如此橫暴之軍閥殘殺國民恣行無忌不加制裁國何以立民何以依想諸公歷年護法中外同欽務希主持公理同聲討伐申張賊義除此國賊以固國本而救民生幸甚幸甚京津公民護法團叩助(二十八)

(一)各省軍民長官各法團各報館及全國父老昆季姊妹鈞鑒敝團發出刪巧二電各省函電紛飛仗義討賊誼無二致足徵公理未沒人心持正民國前途大可有爲也自吳子玉號電搨布賊跡益夥自敝團代表被逮賊勢愈凶憲法未成舉國以爲隱憂學生仗義四民幸有屬望乃一則阻撓憲法破壞共和一則逮捕學生仇視國民嗟乎國本何託民命何寄四萬萬同胞生聚之場詎容肥此虎豹四萬萬同胞平等福利豈讓一姓尊榮即彼篡竊成功何以勸衆賊人之性造亂爲生將見禍變循環國無寧日然則生民苦痛焉有已時是故凡我國民或仗戈矛或秉筆伐興賊週旋誓靖國難昔者紂師億萬不敵周師三千可知正義所張已足先寒賊胆况我國民仗義討賊全國一致義旗朝舉賊黨夕亡四方義師何由遲發凡我國民俱是強援箠食壺漿爭爲先導京津公民護法團叩助

(二)保定曹仲珊先生鑒溯自客歲奉直戰終先生擁黎復位至再至三此時海內明達無不洞悉其奸用黃陂爲過渡總統易於異日可取而代也茲者果爾盜心難遏明目張胆窺竊神器法爾祖先孟德之故習重演逼宮迫走總統破壞約法以尊榮爲前提置國亡於不題尤復殘忍成性逮我代表罪惡昭彰普天同憤敝團抱護法之主旨發救國之赤忱正義所在頭顱不惜國賊兇橫殄滅是期茲特逕陳希即從速覺悟力蓋前愆若其怙惡不悛篡奪爲心敝團不惜犧牲一切手鎗炸彈唯公是嗜特預忠告幸鑒察焉京津公民護法團叩助

又昨日京津公民護法團投函泰晤士報云頃接北京總部函開周楊二君於二十三日被逮後即被判決死刑幸蒙各界營救及時現已改判監禁一載並准以金贖罪云現由本部致函二君家庭催款贖罪餘容後達特此聲明云云

案京津近在曹銀暴力之下發言至爲困難然如上錄各電足徵群情激昂非權勢所能箝制雖言出禍隨該代表周楊兩君橫被羈縶而人心不死正義自昭讀前各電所以爲國賊警者至嚴至正孰謂民意而可以暴力完全剷除哉至若滬上人士其政識常較北京爲高而言論主張則亦常較北京爲雜政變以來滬上輿論極形繁複或主質問陷於無政府之責任或主開國民救國大會以救危機或主否認曹銀首座及北京政府利川廣東政府或主以各省人民組織護法商政府督促商會早日制定單行憲法實行自治廢督裁兵等意見紛紛頗聳動一般之視聽嗣經總商會迭次召集會議漸見端倪結果發出通電宣布對於時局之意見茲述於下本埠總會十月二十三日午後開臨時會員大會討論對時局策席間決議建設問題如左

(一) 否認高凌霨等之非法攝政宣布曹銀無候補總統資格

(二) 通電全國軍民長官請其維持地方秩序加力保護外人大局問題依民意解決

(三) 在京國會議員不能代表民意其一切行動均爲無效

(四) 一切建設問題組織民治委員會討論進行方法同時分向各方面通電如左

(一) 全國國民公鑒此次京津事變開民國史上未有之惡例曹銀高凌霨等或則躬膺兼圻或則身任閣員乃陽持觀望陰懷播煽對於直轄部屬動亂行爲不加制止致令首都重地魑魅橫行元首出亡律以國法民彝此等煽亂助虐之徒皆應受政治上嚴重之制裁豈能任其濫竽高位敗壞法紀用敢掬誠宣布中外自本月十四日起所有曹銀高凌霨等因僭竊政權對內對外種種行爲凡我國民概不承認其有代表國家資格除通電各省軍民長官請各自維持其境內之治安以維現狀外其善後建議事宜謹當與全國國民共謀解決特此宣言上海總商會謹

(二) 參眾議院及全國國民公鑒國會恢復後失職照然久負民望証以近來種種經過更難望其清白乃心爲民盡職本日經會員大會議決所有在京議員等一切行動概爲無效特此奉達上海總商會謹

(二)全國軍民長官公鑒曹錕高凌霨等干法亂政開共和政體未有之惡例本日已另有宣言通電中外不承其有代表國家之資格此後建設事宜經緯萬端謹當合全國國民之心思才力共謀解決以符主權在民之旨惟現當政府中斷局存亡絕續之交地方秩序關係重要防閑稍疏牽動全局應請力任保境安民緝奸禁暴務使中外人民不因政潮之起伏陷入恐慌之境應國民有從容自謀建設餘地掬誠奉達務祈察照施行上海總商會謹

編者案上記商界主張雖不必盡能實行然其認此次政潮爲國家非常之變而對於曹錕及其家奴高凌霨等毀法亂紀之罪則中告國人同聲誅討商界參加政治運動當以此舉爲最嚴正而最有進步矣滬上商會向分爲各路商會與總商會北京政變後各路商會召集聯合會共同討論能決時局之策發表宣言一種提出國民自決辦法三項通告全國一致進行文云謹啟者近閱連日京電北方軍閥爲最進行最高問題使張內閣藉口府侵院權自行拆台一面設法搗亂使繼任內閣不能即時成立一面資僱流氓喉令軍警迫走黎氏再由張紹曾以內閣總理名義暫攝大總統職權斯時各省區直系軍人聯銜通電劫持國會舉行選舉而臨城禍首之曹錕即可乘間一過其朝思夢想之總統癮不圖阿滿逼宮陳橋加冕之活劇竟重演於今日之民國夫共和國之總統雖非專制帝王可比然以一國之元首應有相當之敬禮黎氏繼任之是否合法有無能力爲另一問題若謀繼大位者不循政爭之常軌而效土匪之行徑此則非惟貽羞於國外亦且種惡於將來既損中央之威信更喪國際之令名循是以往我燦爛莊嚴之中華民國將永淪於萬劫不復之地敵會二十二路商界代表會議再回僉謂民國猶一公司國民猶之衆股東京內外凡百執政總分公司中之職員耳今各職員橫行無忌居股東地位者斷無任其取壞破裂置公司血本於不問之理從前全國同胞對於曹陸章三人之賣國尙不惜犧牲無量數之精神與夫巨額之金錢務達驅除之目的今則亡國妖孽滿佈朝野國命又不絕如縷共管干涉之聲浪喧傳於中外報紙既以主人翁自命之諸同胞對此存亡絕續之交宜如何急起直追速謀自決若猶是醉

生夢死恐牛馬奴隸之慘辱不日即及身印度朝鮮借鑒不遠川是不憚大聲疾呼公決救亡辦法數條臚列如下以供採納尙望立即召集會議一致進行實深切禱（一）在京文武各官員中速擇較爲國民所信仰者選電責令暫維現狀一面由全國各界發起召集國民會議公推德望較孚者組織一國委員會處理國是並解決一切糾紛（二）通告中外無論何方如以臨城禍首之曹銀繼任總統國民誓不承認設有甘心從逆助桀爲虐者決與國人共棄之（三）在政局未以前所有國民應納各項捐稅暨盈務署應撥還之盈餘關餘通告中外一律暫停繳解北方當局俟國民組織之財政監督委員會成立時再行移交以上三條爲目前救亡之治標辦法倘荷贊同務乞一致主張時機危迫稍縱即弛諸同胞乎欲爲救亡之功人或甘爲千秋萬歲之罪人惟在我父老伯叔昆季諸姊妹之自擇耳謹此宣言諸希公鑒云云

上項宣言外並有通電宣布主張之大意其文如左

全國各界及各報館公鑒時局變化本會曾一再通電發表主張期與國人合作挽救危亡連日迭開緊急會議慎重討論一致議決反對曹銀爲總統否認在京國會爲真正之民治運動良以十二年來干戈紛擾喪權誤國皆爲軍閥政治所製造最後一線之希望全在純潔商人與平民惟真正之純潔商民起而救國乃可救本此宗旨以全力奮鬪民治或可實現政治庶有澄清之日邦人君子其共圖之上海各路商界總聯合會馬

同時各商界發據義憤通電絡繹不及備載茲錄旅滬贛商之電一則蓋亦致北京議員者所云以武力謀大權者與國人共棄之洵屬片言居要也

參衆兩院均鑒慨自變亂迭起國本漂搖亟圖補牢猶恐不及迺二三民賊惑於武力統一之迷夢不惜殘民以逞近感日暮途遠益不倒行逆施弄潢池之兵忘跋扈之罪逼宮活劇重演於今暴戾恣睢貽毒國外夫黎氏繼任合法與否姑置不論但昔則迎之惟恐其不來今則拒之惟恐其不去視同兒戲任意

去留陷國家於無政府之險地軌法亂政莫此爲甚四民憤怒寰宇怨警事勢所趨不亡何待現聞共管干涉之議已由美人提出謁蚌之爭不休螳螂之禍立至真會職權所在國本所關對於繼任內閣選舉總統皆富特別注意依法解決凡憑藉武力謀竊大權者望與國人共棄之矧際此存亡絕續之交尤富籌撥亂反正之策務懇振議席之精神納國人於正軌主張政局未定之前所有國民應納之捐稅及稅司稅務署撥還之關餘盈餘通告中外一律暫停繳解俟紛爭已解再行移交方足稍戢賣國之野心即爲救國之良法而民意機關亦不至純爲武人所利用也敝會同人念民生之日蹙憤國純之不張願爲聲援期收後效時機迫切幸早圖之臨電激昂諸維齊照江西旅滬工商聯合會呂靜齋等叩元

上錄滬上商界文電外其他團體宣言通電無日無之茲錄全國學生聯合會上海自治促進會致北京議員電及旅滬廣東自治會電各一件於左餘不備載

(一)上海全國學生會聯合會諫電口參衆兩院議員公鑒日來政局反常軼出恒軌野蠻決裂騰笑友邦國民人格幾被掃地以盡諸君代表人民爲一切行政機關所從出丁此局勢應不爲利誘不爲威迫斷然爲澈底之處置消極方面不選舉禍國殃民之曹錕爲總統不承認高吳等宵小竊弄政權積極方面即日南下另行覓地集會以自正義於天下如此豈獨民之幸諸君抑且不朽萬一稍涉狐疑患得患失則爲萬代罵名之代價若諸君悍然不顧一切拂逆民意以舉錕則彼偷之亡固翹足可待而在民國一致中討共同否認之下諸君亦甯有倖理敝會志在救國一息尙存義無反顧除通知各地學生聯合會及各民意機關以誦萬一外先此警告萬祈垂聽全國學生聯合會叩諫

(二)上海自治促進會公電口北京參議院衆議院議員諸公均鑒年來軍閥弄權國勢凌亂政客助桀益加分裂神明帝胄罹浩劫於無窮燦爛山河將陸陳而萬復數千年文明古國殆將純迹天壤亡國痛史徒洒新亭之淚臥薪嘗胆誰饒撥亂之心議會爲人民代表之機關關係國家較尤痛切主持正義責有攸歸邇者萬惡軍閥曹錕吳佩孚等逞其淫威窺竊大位勢將蔑視人民奸惡議會有識者宜如何痛

恨同聲致討諸公仍伏都門一言不發將欲助長罪惡耶抑設法對付耶元首爲一國領袖此次選舉之合法與否姑不具論僅就曹錕各人能力言當此萬國交通強鄰四逼宜有過人識力了解世界大勢始足應付繁劇增長國權而彼井底小蛙目不識丁其不能者一也民國十二年來禍亂相循迄無寧日考其原因實有武夫專政以致於此今日更爲混亂非具特別政治學識不能收統一之効而彼一介莽夫督軍造反洪憲時勸進不解團體爲何物政治爲何事其不能者二也兼此人心日非道義沈淪之日亦宜有德化被服匡正人心之主宰方能挽狂瀾於既倒而彼則剝削民財以肥一己塗炭生靈以厚爪牙將來上行下効國家伊於胡底其不能者三也報載彼將與某國續訂路約喪失國權在未登台以前尙敢肆行賣國舉動其當國以後更可想見其不能者四也有此四者而以之爲總統是盜賊皆可以爲總統矣同人等份屬國民常安天命都此大難義憤填膺特不揣冒昧請諸公不畏強禦爲國民求福利爲諸公存人格南下奮鬪誓滅此獠同人等將集四百兆健兒之赤血爲諸公後援否則非寢其皮而食其肉不足以謝國人大好時機望諸公好自爲之也臨電神馳不勝盼禱之至上海自治促進會叩

(三) 旅滬廣東自治會馬電

粵軍許司令李軍長魏總指揮梁師長鄭師長呂師長陳策司令滇軍楊

李兩總司令朱范蔣各師長桂軍劉總司令劉軍長閩軍臧司令黃指揮暨西南議法諸將領同袍諸將士鑒北庭武人跋扈政局洶洶最近如馮玉祥逼宮高凌霨之攝政明目張胆聯合捧曹夫曹一介武夫臨城劫案之發生在彼肘腋之下威望何在軍閥搗亂與吳佩孚同屬一邱之貉言苟去之愈速國民尙有一線生機共管之羞可資一洗本會當此一髮千鈞之際以爲非強有力之偉人堪爲全國模範而出建設斷難收効敢祈籲請孫公中山恢復公府行使總統職權並望諸公鼓張士氣先平粵難繼續揮戈北指滌盪瑕穢奠定中原與民更始使四萬萬最親愛同胞皆澤及三民五權法治之下庶普天仁化薄海歡騰大局告成至若師行糧食自古皆然當協力以爲後盾臨電不勝切盼之至旅滬廣東自治會叩

馬印



京滬兩地之輿論如上所紀已見一班同時各省團體主持正義聲討國賊之函電亦復星流霆擊義正詞嚴茲擇錄數件於後餘則從略

(一) 杭州總商會電 新聞報轉各報館各省總商會均鑒頃致北京參眾兩院電文曰臨城之變國體喪失極矣乃禍未已北方軍閥忽以前所擁戴之總統迫而出走年纔一周東海黃陂相繼被逼退位一國元首任憑軍閥之好惡以爲去留法紀蕩然國將不國兩院爲立法最高機關近在咫尺詎無聞見乃竟一無表示猶復虛與委蛇人民代表之謂何清夜捫心能無顏汗今中國亦陷於無政府之地位殘缺不完之內閣何能代行大總統職權際此中樞失運宜如何審慎考慮奠定國基應請速成憲法以資補救俾慰國民渴望倘再迷於武人金錢致有不軌動作即係吾民之敵迫切陳詞佇候明教等語特此奉達浙江杭州總商會馬

(二) 浙江各法團公電 北京參眾兩院各省議會農會工會商會教育會北京外交團均鑒北京近畿軍閥既縱其轄境內匪盜劫中外旅客於臨城茲又嗾其部屬逼逐前所擁戴之總統而又劫於津站篡奪印信繼輔已成匪窟本會對於臨城劫案前已電主嚴懲匪魁並電兩院專心制憲以定國是北京軍閥演此惡劇願全國一致討賊誓不與同中國兩院諸公請仍依本會陽電離開北京惡勢力範圍集合合法議員限期制憲在憲法未成立以前不得選舉總統昔魏泰之監墨西哥美國拒不承認天下義之並望各友邦對於我國糾紛時期勿借債於北京軍閥予虎添翼助長內亂各省議會速起制定省憲以爲憲之先導臨電神馳統惟公鑒浙江省教育會篠本省各法團鑒近來軍閥橫行政局椒擾元首被脅根本搖動揆厥原因皆由曹吳諸梟包藏野心謀竊總統所致夫以中華民國之元首常有青天白日之下竟被多方逼迫作爲俎上肉釜中魚是不特弁髦法紀國威蕩盡且吾四萬萬中華民國人格人權亦爲蹂躪無遺影響所及後患無窮貴會爲地方團體領袖羣流扶危定傾責無旁貸敬請仗義執言共襄大局臨電迫切無任盼禱浙江公民大會篠

(三)安徽各公團聯合會代電 各報館各法團各省父老兄弟諸姑姊妹公鑒民國成立十有二年禍亂相尋幾無寧歲昔之日曰洪憲曰復辟曰督軍團曰皖直戰爭曰奉直戰爭卒至南北戰爭統一無期黃雀螳螂更迭興仆其結果無一非豪強奪吾民何罪供彼犧牲然猶據片面理由自以爲有詞可託從未有野心卑劣無故興戎如今日之驅逐黃陂動搖國本致演逼宮索印之醜現象較甚曹馬之所爲者夫黃陂之復任是否合法黃陂之爲人是否眞賢茲已不成問題特去年既迫之使來是明明承認其賢承認其爲合法矣承認其與合法奉之爲一國元首之尊斷不容任我去留視如兒戲彼二三軍閥十數官僚卽不讀詩書罔知大義試一觀世界趨勢亦當假此以顧全局面鎮懾人心何昔則招之惟恐其不來今則麾之又恐其不去後先矛盾孰是孰非藉曰黃陂非賢黃陂非法何以處去歲被驅之東海何以處今日國會之自身藉曰野心家方力行最高問題而惟恐黃陂之戀棧則總統辭職書久交國會國會之提議組織總統選舉會又已不下二三十起新元首票選當不出百日間又何不可稍忍須臾穩作從容合法之大總統乃必出最野蠻最卑劣之非常舉動藉一稅關監督悍然掀起大波內閣之拆台軍警之索餉猶可言也至僱買流氓圍闔府宅拆卸電線斷絕交通甚之基教名流亦如華歆之效忠魏武天津車站不滅朱溫之手刃唐哀衡以督軍團之橫行則手段尤酷徵諸籌會之往事則思想更愚顧忌毫無綱紀何在對於依法復職之元首如是遑問人民惡例一開寧復有國存亡呼吸一疑千鈞今不必研究對人問題宜研究對法問題如承認此種行爲爲合法無論繼任者道德如何功業若何來日方長設羣起效尤竊恐大總統不暇暖矣如認此種行爲非法國會萬惡不足責備五分鐘熱度三人上團體之人民又將奈何敵會同人越在草茅粗知愛國禍變亟矣是猶可忍全無心肝同人等懷匹夫有責之言盡涕泣而道之誼四海之大不乏賢哲願各扶持正義一致主張羣起呼號元首元兇是在人心決擇耳專此代電聊寫殷憂凡我同胞幸毋忽視安徽各公團聯合會同叩

(四)安徽各公團聯合會致高凌霨等公函 北京國務院高凌霨張英華李鼎新程克吳毓麟諸先生

均鑒閱國務院刪日更正益日之通電悉公等以國務院名義代行大總統職權欣羨之餘不無疑問查大總統法第五條第二項之規定公等固應有攝行政務之權第自張閣總辭職以來大總統雖無批准之明文亦無挽留之確據案懸未決是公等本身之職權責任當然在停頓時間况大總統被逼出走之先一時曾以明令准免公等各職是公等本身之職權責任業經消滅更有何依法攝政之可言藉曰無此令文則大總統寒日由天津答復公等元電之電文載在報章萬目共睹藉曰大總統出京離職自元日後命令概爲無效則於未出京之先一時大總統之資格依然存在不得謂該項命令遂不發生效力藉曰大總統既去職矣閣員辭職書無論批准與否即可自由撤消恢復原狀亦無須其他手續之必要則誠以議會爲比例本人提出一議案尙無自行撤消之權內閣爲行政最高機關或與議會性質不同此種理由似應有充分之解釋藉曰公等神通廣大能湮滅大總統未出京前一時之命令要不能湮滅大總統寒日自天津答復公等元電之電文大總統爲一國元首之尊事關在免國務大員斷不敢謊言欺世公等此舉是否合法應請明白宣布以釋羣疑

(五)安徽自治研究會議電 各報館轉各省議會教育會律師公會商會農會工會學生會各機關各外國公使領事均鑒此次曹錕圖竊大位倡亂京畿曹銳邊守靖靳雲鵬張志潭等共造逆謀馮玉祥王懷慶聶憲藩薛之珩等實施暴動以驅逐彼等素所擁戴之黎大總統王承斌楊以德以軍警長官公然囚禁元首逼奪印璽共和國體之下開此空前惡例法紀蕩然神人共憤齊變元馬聯甲蔡成勳等又爲之通電助逆跡曹邊馮王等罪狀實與王莽董卓司馬師侯景朱全忠之徒同爲亂賊人人得以加誅彼自稱代表民意之兩院議員甘充曹家走狗目睹首都變亂迄無討賊之主張且對於十三日黃陂未出以前所發廢督裁釐之命令彼議員等竟於十六日矯用兩院聯合會之名義議決取消而對於已免職閣員所私組非驢非馬之攝政內閣反予默認人等畜鳴貽羞國史近且提議大選將拍賣國者爲軍閥助亂者爲議員而放棄主權縱任神奸大慝橫行無忌者全國國民亦當分負其責本會不忍見大法淪

喪國本陸危謹持正義昭告天下(一)在曹銀馮王等諸禍首未伏法以前決不承認組織總統選舉會  
選舉任何軍閥爲總統(二)凡此次附逆之參眾兩院議員由各省區宣告撤銷其代議士之資格(三)  
否認現在北京之非法攝政內閣不應有處分國務之職權(四)凡非法攝政內閣無論向內國或外國  
貸借之債款國民絕對不負責任凡此主張皆爲國民存亡及國民人格攸關切盼邦人君子共起主持  
佇候明教安徽省自治研究會叩議

(六)江蘇公團聯合會電北京護法國會議員諸公均鑒北京瓦解張倒黎逃諸公奮鬪精神已竟全  
功正可奏凱歸來爲吾民祝勝利也微聞操莽之徒又欲以諸公爲豬仔捧曹銀登台諸公明達諒不受  
此若其戀京華苟貧富貴劇演鬧院兵逼投票是則再度犧牲重喪人格雖百其喙何解以辭迨其盡隨  
前勳轉增罪狀回首南中往事羊城之旗幟尙明追思北上初衷燕邸之繁華奚戀勉矣諸公歸去來兮  
胡不歸南方不少乾淨土大可集會自由毋再供人驅策也江蘇公團聯合會印

(七)南通學生聯合會代電北京政變事出非常曹銀以一介武夫思攬大位司馬之心久已暴露乃  
馮玉祥王懷慶等承其意旨以索餉辭職恫嚇要挾逼走元首王承斌復中途脅劫要素印信勒令辭職  
似此不法行爲不意遽見之於中華民國友邦騰笑目爲臨匪第二言之痛心且黎氏去後高吳等以既  
經辭職之一部分議員通電代攝政權政府如此湊成法律殊失依據又況馬吳爲曹之鷹犬以之操縱  
國政勢必互相勾結置民國於萬劫不復之地猘獠肆毒魑魅橫行凡我同胞皆爲髮指所望全國一致  
聲罪共討將此等爲國公敵之徒屏諸四夷不與同國則神州舊壤應免淪胥傳曰慶父不除魯難未已  
爲今之計惟有速開國民大會一方請護法議員南下組織合法之政府一方振我神聖之民權戡止武  
人之凶殘國家幸甚國民幸甚南通學生聯合會叩

(八)川民自決會致川議員電北京參眾兩院四川議員諸君鑒此次京畿政變爲民國十二年來未  
有之怪劇大法蕩然危及國本中外人士莫不寒心彼高馮二王不過爲人鷹犬而蓄意篡竊厥爲曹銀

挾武力逼走黎氏恃金錢收買選票強奸國民公意蔑視議員人格諸君流連京城何能堪此况曹逆爲吾川蠹賊蜀民言之切齒諸君代表民意維護國法必不賣省求榮遺罵名於千載望即出京返里或南下集會與國民一致討賊西南護法之功未竟所堪自慰者其爲代表民意之議員尙未完全軟化茲事體太更當奮鬪幸勿利祿薰心違背職責甘爲七千萬人所共棄也其各自愛川民自決會叩宥

(九)漢口日報公會之代電 本埠各公團頃接漢口日報公會代電文云竊維綱紀法律所以明禮教別尊卑定上下維秩序無論古今中外凡屬國家斷不容有墮廢者也民國成立十有二載法律不備綱紀蕩然政治以壞變亂以乘瞻望前途隱憂極溯自袁黎去位東海被逐黃陂因舊國會之解釋疆使之擁戴繼行職權是北京政府命令所及之地事實上不能不以大總統之身分視黃陂即凡有人對其身體職權加以妨害者依法當認爲犯罪果猶欲以北京政府號令天下者勢不能不執彼加害之人按法窮治以保持國家必要之秩序暨元首之尊嚴否則厲階爲梗禍變相乘國家詎有安寧之日在黃陂兩攝政大權造亂養奸其過固無可諱在職去職於國家治亂關係若何公論另有評定惟其此次出京既未違法且非背叛乃閱直隸省長兼陸軍第二十三師長王承斌元日通電一則曰總統出京未向國會辭職亦未交印再則曰承斌迎謁楊村請示印璽二則曰總統瀕行致書兩院移津行使職權四則曰黎邸在英國租界非組織政府之地繼續復在認挽黎至省署不允乃暫駐新車站由王承斌保護等語復證以報載黃陂元日兩電所述已失自由命令不負責任之言及國務院電稱黃陂寒電聲明辭職令國務院攝行職權等情是王承斌以受命委任之疆吏拘禁未違法非背叛之在職總統迫其交印辭職殆無疑義加以王懷慶薛之珩及受人雇託之公民團等威脅之實事與夫高凌霨等託詞攝政之行爲則此次政變明明爲王承斌等朋黨作亂不惜顛覆政府危害國家且王承斌於一己之暴行竟敢直認不諱尤屬恃勢持強目無法紀倘長官法吏對於此種重大犯行不加懲治國內人民誰復願守法律則暴亂恣戾尙何國家之足云矧中國處列強環伺之下形勢迥非昔比一旦外人認爲己國資格肆其侵

略行爲將何以禦之抑更有進者項城思僭遂生復辟之階東海被排乃有劫之繼上行下効累進一籌此風下戡則將來屬皆可劫其長官吏卒人民皆可劫其長上其危害伊於胡底中華民國縱即自等蠻荒盡棄法津亦不可不以古代部落習慣窮治彼等罪戾藉維社會之安寧也敵會爲輿論所擊心所謂危不敢不告達人君子幸亟圖之漢口日報公會叩

(十)湖北省議會公電 保定曹巡閱使洛陽吳巡閱使北京馮巡閱使王衛戍司令天津王省長山東田督軍河南張督理南京齊督軍安徽馬督理江西蔡督理湖北蕭督軍均鑒天禍中國政變迭乘法紀凌夷群雄割裂南南北北各自紛爭統一無期國基飄蕩諸公鑒於民六之黃陂被逼國會解散爲非法力主恢復法統急救危亡黃陂感於諸公代表環懇跪請之誠出膺艱鉅任期解釋國會特權早經補咨辭職靜候解決爲時未久即發生制憲與最高選舉先後之爭報紙喧傳擁曹繼任曹使功高望重獲選何難而乃拋棄法律積極爲謀始而內閣辭職繼而軍警索餉車夫馬卒僱作公民圍擾黃陂住宅故戮元首尊嚴馮王係統率軍督長官負有維持京師治安之責不惟不嚴令制止且同上辭呈以縱之黃陂本一平民總統身無寸鐵形單影隻不能依法行使職權迭電曹吳兩使默不一答蛛絲馬跡逐一可尋黃陂自不獲已微服出京王省長堵車扣留索取印信隨以少數辭職閣員名義通電攝行大總統職權法律掃地兒戲國家以國家元首之尊京師首都之地變生意外騰笑友邦爲政治前途開一惡例爲民國歷史重留污點鉅變之來舉國驚懼本會爲愛護國家尊重元首起見萬懇諸公懸崖勒馬糾正前非速黃陂回京主持國計在國會未解決現任總統任期依法選出繼任總統以前幸勿再斬中樞終陷國家於不可收拾之地位此則本會所垂泣以請者也急不擇言諸惟諒察湖北省議會叩皓(十九)印

(十一)濱江自治協會之公電

奉天張總司令吉林孫副司令黑龍江吳副司令各省長護軍使各公團各報館鑒此次政變逼走元首出於國賊曹銀馮玉祥王承斌王懷慶吳佩孚及其餘黨公然造反明搶總統顛覆國家莫此爲甚應請

我全國父老兄弟姊妹一致興起有實力者馬廠誓師無實力者同伸正義務得巨凶明正典刑以彰國法黃陂出京以後所有由直派偽造脅迫大總統所發命令及國會一切決議均主張無效並抄沒各國賊平日剝奪吾國民之財產撥充此次討逆軍軍費及賠償臨城被劫案內中外人之損失而昭炯戒中華民國實利賴之濱江道區地方自治協進分會謹叩

上錄各團體公電之外私人以南電仗義執言者尤不勝紀茲錄數則於後

江蘇省議員馮世德等電 各報館鑒頃致參衆兩院議員一電文曰政潮澎湃逸出常軌公府何地總統何人軍警長官所司何事竟任流氓車夫圍困威逼不法橫行國家體面掃地無餘國會對此非法舉動何竟緘默無言豈公等亦已陷人漩渦抑已無法自由行使職權乎爲公等計與其坐誤國事供人驅策何如即日襍被出都自保清白故鄉父老或可爲公等恕也等語特聞江蘇省議會議員馮世德胡允恭潘承耀屠方姚元桂周徵濤陸元萃陳大啟顧寶瑛吳廷良朱元直朱紹文黃中錫華彥陸以鈞黃端履謝同福杜廷鸞張葆培陳亞軒朱翼雲任桂森周毅陳張宏業張援錢基厚盛元音華堂楊而墨楊景煥等元

蔣作賓之通電 北京參議院衆議院各省各法團各報館均鑒吳佩孚前因摧殘民治畏罪貪功乃假

借恢復法紀之名擁黎復位供彼利用作竇爛其奸謀曾經切電黎氏未蒙採納致釀今日之禍夫復何言惟黎彼輩作亂陰謀驅黎之後繼以擁曹勢將逼挾國會選舉其逼宮奪印各醜態在外人心目中早已視此輩官吏軍警爲土匪而若輩冥頑同知羞恥祇知巧取豪奪愈演愈烈此誠有史以來之奇變亦我國民莫大之恥辱日來滬上輿論激昂目皆欲裂烈女方瑛憤而自殺人心不死正氣猶存凡我國人愈當鳴鼓而攻以寒賊胆以曹氏之昏庸覬竊大位在有識者直認疥癬之疾不足爲患所可慮者大局長此紛亂收拾尙無善法我不自治人必代謀時不我假其將若何反覆思維惟有本舉國一致精神定起死回生之大計管蠡所及應即由各法團發起國民大會通告中外否認帝制禍首督軍團禍首臨城

匪案禍首之曹錕爲大總統候補人並否認現時北京流氓土匪結合之偽政府一切命令及契約並且電國會速離北京以免軍閥姦污另行擇地開會容納各法團各政團及名流正大之主張提案解決現時糾紛如是庶可杜曹吳之奸詭振國家於危亡斯萬幸矣急切陳詞固知緣飾伏希公鑒蔣作賓叩

銳

梁啟超與曹錕書

仲珊仁兄足下丁巳秋間一晤忽逾六稔未嘗以片紙自通於記室非故慢也莊子曰魚相忘於江湖人相忘於道術弟之與公固宜相忘者也乃者世變日新生民愁怨而此中勸結有由公作之宜由公解之者是川不避交淺爲公進一深言最近中央政局之擾攘其禍根全在公之欲爲總統此天下所共見毋庸爲諱也民國總統人人可爲夫孰謂惟公而不可爲者昔之曾爲總統與夫今後之欲爲總統者吾良未識其人之賢於公者幾何夫又孰謂某某必宜爲總統而惟公又宜爲者雖然吾儕固不反對任何人之欲爲總統但不能不反對任何人之用武力金錢威逼利誘以爭總統一年以來以我公欲爲總統之故所播腥羶於立法行政各界者何限量怪劇演之不已至最近乃有六月十三日之事一年來所遂遂以營者其結果爲摧殘士類之廉恥而最後一著所轟以民意者其結果爲蕩夷國家之法紀此兩種罪惡實爲民國政治史留莫大污點爲國人萬萬不能容赦舉國輿論所以責備我公者亦旣言無不盡無待弟詞費矣今所欲問者乃在我公旣手搆此滔天巨禍所以善其後者何如其將悍然不顧愆前非以盲進耶語有之衆怒難犯專欲難成謂公今日尙能以法定人數具足之選舉會爲合法總統固由我公好自爲之雖然公亦嘗與稍有常識之人一慮其後否公自視威望才略熟與項城項城自命一時之雄卒以千夫所指無病而死須知亡項城乃全國人也非與項城爭長之人也弟不避忌諱敢以極不祥之豫言相告我公足履自宮之日即君衆一敗塗地之時夫君家廢興何與天下事然以公一人之故召十數省若干時日之亂犧牲千萬人生命財產以爲殉恐天下之怨毒又決不止如今所云云而已然則公



將裝聾作啞以待將來耶吾以爲此種態度決不足以贖公之愆而求國人恕今茲之變總統亡國會裂政府空（現在之攝政內閣無論如何斷不能得法律上之根據蓋此殘缺不完之三五閣員乃已經免職最少亦已經自行辭職者也兩院會合會認十三日以後命令爲無效該會有此權能與否另一問題藉曰有之然免職令乃十三日黃陂未出京時所發也再讓一步不認免職令亦終無以解於辭職之在前而閣員解釋此點乃假借所謂黃陂慰留之寒電假使此寒電有效則又反於會合會之決議矣此本屬法理談但因便一論及之）市民震驚友邦騰笑共管之禍迫於目前誰謂爲之而至於此赫大燔宅勢成燎原而謂坐觀成敗可告無罪誰能許之嗚呼公所履之境不審公自視作何狀就旁觀稍有常識者視之公今日可謂狼狽無告天下之第一可憐人也已以弟之愚爲公熟計公其勿復思爭天下也宜亟思所以謝天下謝天下奈何其第一著先要根本覺悟斷念於爭總統且發出極莊重沉痛之宣言聲明無論如何不肯爲總統候選人此論在公成認爲不堪入耳耶吾不得而知之雖然吾爲公計公誠自信有尊安中國之方略非得總統之位不能施行則犯萬難且冒大不韙以求之猶之可也然以弟所見今日之中國決非一總統之所能奠定謂吾總統即能奠定中國無論出之誰氏之自皆爲涎詞弟不善諛誠不敢以此望公即公以未必果於自信也亦明矣既非爲奠定中國而來然則復何爲耽耽於總統其毋乃視總統爲皇帝變相欲得此以爲虛榮古詩云（妻子歡娛僮僕飽看來只爲他人）富貴如公亦更何利無利猶可言也而害且與之相隨（左手據天下之圖，右手搯其胸）何去何從非病狂者當能辨此公能宣言不爭總統則天下之怨或稍息矣然猶未也公誠欲爲國家立功爲自身立名則更宜以兩大義倡於天下其一主張憲法上規定現役軍人不能當選總統其二主張首都若干里內不得駐兵此兩義欲詳說其理由非此短札之所能盡姑簡單言之民國若長此以軍人爲總統則必禍亂相尋以底於亡非謂軍人中無能當總統之人也有威力心喜濫用而地位相逼則傾奪人類普通根性則然如惟以擁重兵者尸高位則孰不從而歆之而甚之者已之敵無論矣則平昔所明而翼者亦何足恃孟子

曰（萬乘之國弑其君者必千乘之家千乘之國弑其君者必百乘之家）公等素以北洋正統自命試問今所謂北洋派者何在此甯非相偪相擠遞嬗仆以致此耶偪人擠人之人轉瞬即爲見偪見擠人禍中於國家人民而自身亦身名俱喪果何爲者至於京畿屯兵爲國防耶不守國境而守國都天下甯有此種之軍事布置爲治安耶有警察在安用軍隊越俎而代也是故京畿駐兵除資以脅迫政府外更無他用雖有巧舌不能爲辯也夫政府而常有數萬重兵脅迫於其旁豈惟文人束手即以軍人執國命又豈能一日安枕者前此且然况經此次公之教探升木耶故謂京畿之兵與健全之政府勢不兩立焉可也此兩義者驟視之若專務裁抑軍人實則非惟爲國家計亦爲軍人計此兩義者早晚必見諸實行但其事由軍人倡之則勢順而國甯軍人不悟而致市民出其血肉之軀以與之搏結果雖必出於軍人失敗而國家之犧牲乃不知紀極矣我公固國中最有力之軍人也若能以此義號召於天下則一年來對於國民所負之罪責可以完全解除此後一切建置悉以聽諸法定機關及一般輿論於此而中國猶不能奠定則有任其咎者而公亦可以執大義以隨其後矣公今所處境如航絕港將陷死地然及今猛省則坦途固仍橫於其前也弟所絮絮者在公或爲甚逆耳之言夫大覺悟與大懺悔非大英雄不能也勒馬懸崖放刀成佛抑何容易吾誠不敢望公之能用吾言徒以哀憐衆生故終不能已於言耳嗚呼十年來生民之厄亦云極矣士夫平居殷憂竊嘆冀天心一旦悔禍夫禍由人興天何與焉今之造禍樂禍者盈天下皆是也非人人有澈底的覺悟痛切的懺悔國家前途安能有多弟非專以悔禍責諸我公之一人亦殊不敢謂公一悔禍而天下之禍遂弭特以公今日所處其禍天下也較他人最易而最烈則其轉禍爲福也亦較他人最易而最宏故不揣疏逖輒盡其言弟言盡於此矣惟更須有數語以自明其地位者弟與政界隔絕既五六年任何黨派皆不敢苟同與我公雖無深交亦無私怨此書言雖懇直自信絕出於極肫誠之友誼的忠告絕不含絲毫之對人惡意質而言之我反對無論何人之以武力金錢及其他卑劣手段以反對別人之爭總統吾以爲苟出此途則兩造之禍天下厥罪惟均耳吾非徒以能覺悟能

懺悔望諸我公亦以此望諸我公之敵人及中國一般人士也講課前迫著述百忙有鯁在喉非吐不快輒輟他業陳此讜言公能垂採何幸如之日以謗書無所逃罪滄暑鬱陶伏惟自愛不宣十二年七月四

日梁啟超頓首

曹銀舊部之一封書曰有孫定國者自稱係曹銀舊部日作爲此次政變特致書曹氏痛訴高王等之昏憤違法並勸曹治彼等以叛法搆亂之罪以謝國人近觀曹氏門下攀龍附鳳之流莫不希冀大帥早入自宮以圖富貴孫何人斯獨能不怕威風不謂曹門於數千年後尙有第二苟或其人者亦可慨已茲錄其原函如後

大帥鈞鑒竊維法統中斷擾攘頻年去歲合力懇請黃陂復位恢復國會促制憲章解決糾紛遵循法軌收拾殘局奠定邦基冀大法宣布之時即大選告成之日繼任總統羣仰老成大帥領袖北洋筭符畿輔聲洋溢乎中國資格超邁乎羣流運動有方大位在擲名正言順天與人歸獨怪攀附者流計不出此動越常軌舉指乖方一任軍警之橫行演成今日之怪劇探息經過何一不損我大帥之聲威此豈我大帥始料所及本心所願耶當內閣總辭之先高凌霨挑撥政潮攫奪揆席借反對制憲出使各費曲解責任把持政權倒閣遂自代之謀縱警敢逾軌之漸此高凌霨毀法亂政脅迫元首有損於我大帥之聲威者也內閣總辭之次日警軍環偪居仁堂借索餉之名行逼宮之實繼以廳令巡警罷崗更換便衣候命出發整隊赴元首住宅強迫退位又每日雇二毛一名之流氓數百冒充市民由督察長率領手執紙旗包圍元首住宅並掘斷自來水管此薛之珩教亂資奸脅迫元首有損於我大帥之聲威者也馮玉祥王懷慶以軍事長官坐鎮京畿保衛治安斤斤自詡獨於元首住宅不聞且聯名函達公使團謂爲政治作用每日必派其中下級軍官數百與警廳所雇之流氓市民同一動作卽元首住宅內室時有軍人闖入逼之不已復聯名辭職威嚇離京此馮玉祥王懷慶縱兵騷擾脅迫元首有損於我大帥之威聲者也迫元首移津車抵新站王承斌以行政長官率隊千餘圍車索印強迫辭職勒令簽名十一小時杯水不

進聲色俱厲侮辱難堪領袖作不平之鳴元首尋自戕之路此王承斌倒行逆施脅逼元首有損於我大帥之聲威者也高凌驕王承斌馮玉祥王懷慶薛之珩等敢冒天下之大不韙欺蔑元首以及大帥一者大帥部下皆昏慣糊塗苟且以求富貴無一明白事理者任其舞弊逞一己之私陷國家於政府地位堂堂國會奇變猝遭騰笑友邦動搖國本萬一各力聯合訴諸武力師出有名是授以可乘之機益召其分崩之禍陷大帥於不德驅舉國以爲仇諸名流已有盡量之批評各法團亦有嚴重之表示人言可畏謗語已叢集於大帥之身一代英名誤於羣小豈僅畢生遺恨將成千古罪人欲保今譽於此時計惟有將高凌驕王承斌馮玉祥王懷慶薛之珩等叛法搆亂之罪宣布天下置之重典以謝國人庶幾匡扶正義綱紀四方仍一面促憲法之早成爲大選之籌備遠其奸佞保全令名中外具瞻萬姓愛戴未蘇我后舍大帥其誰歟如大帥不恤人言袒庇羣小將爲天下之公敵必至身敗名裂而後已項城豈非殷鑒前車之覆後事之師何去何從問不容髮定國深受知遇夙寐軒幟此次政變之來固識真相連日探訪始悉我大帥爲羣小所欺朦定國不忍我大帥蒙不潔之名遺萬年之臭敢蹈斧鉞披瀝直陳臨風引領血與淚俱不勝惶恐戰慄之至舊部孫定國謹呈

十三日之變亂本國輿論之激昂已如上紀同時滬上各西文報之評論以客體之觀察對於曹錕之作亂同聲貶斥茲擇錄二則於後是足以見毀法亂紀之徒中外均在必誅之列也

字林報富威爾遜爲總統時美政府不承認魏泰將軍墨西哥總統因其以流血欺詐及武力的方法取得總統之位故也此美政府正義人道之偉舉吾人當謹記之歐美各國政府亦有此種舉動如塞爾維亞國王彼得爲軍人派於殺害前王亞歷山大及后德來加氏之後擁之登台他國亦不承認之美政府此舉並非干涉墨西哥內政之改良實大有裨益也

今日中國北方情形正與墨西哥同黎元洪已爲曹錕派人藉馮玉祥之助（譯者曰基督將軍之信用亦破產矣）而遁逃去職逃往天津矣夫誰人主治中國列強不應過問至此人以何方法而獲爲主治

者則爲列強所甚宜過問之事吾人今敢鄭重聲言曰曹錕派人所用擁曹爲總統之方法乃不能容許者假使列強政府因意見不一或因不肯認識事實而竟默許此醜惡之政治上竊盜行爲則中國人民固遭大害外人利益亦受痛擊而最後並使列強政府恢復中國秩序之工作將較今日更爲困難北京使館間有一派人以爲曹錕乃一「強固人物」有事時可加以壓迫而取得若干之結果故曹氏作總統於事爲便此說甚巧然太謬妄須知曹錕是否爲強固人物乃一大疑問彼爲其曹錕一派人所擁戴始得今日之聲勢欲藉其兄以掘其大權聞其計策之主旨在與張作霖媾和此舉足使吳佩孚曹錕離異而直派之最良軍隊亦不復爲曹所有據華人言民國以來凡爲總統者一爲總統無不漸趨於軟弱其言頗確倘曹錕一入白宮必立爲其左右營私同利者之傀儡醜機舉動將接踵而起倘外交團挾一幻想以爲與此輩周旋頗爲便利且可謀中國或人之幸福則誠大誤特誤須知此派人所用以擁曹登台之方法即爲將來如何行政之好榜樣有識者何待事後而始見及乎

本報邇來不辭繁瑣屢屢主張斷然之行動誠以時勢迫切爲中外人利益計不得不大聲疾呼冀動當局之聽天津派之所爲不獨破壞國憲並敢漠視臨城事件湘省對日事件及外交團正在擬議臨城案善後懲罰之事實而悍然急進其篡竊計畫此可見中國官員直視外交團如無物料定其決無所作爲矣

北京各公使斷然處於困難地位蓋各國政府曾在華會中爲中國造一畫圖在此畫圖中之中國儼然成一潔白可愛之樺羊無辜受人鞭撻者畫師之意以爲此羊祇須聽其自治善加捭循即能羽毛日豐得滿足之長成彼等戀戀於此幻象硬置事實於不顧蓋苟且敷衍原爲最不費力之事然因此而種種條約成爲廢紙外國商船無端遭侮軍艦不敢干涉外人被擄之事常有所聞吾人以爲各使館今當將此等事實痛切報告各本國政府打破華會中留遺之迷夢迫彼等覺悟中國人民現在水深火熱之中與在海外華員以如簧之口所虛構之良好情形絕對不符十二年中國之屢次內戰其最後目的無非

在力爭總統備列強一日承認以武力得來之北京政府外交團一日願與手上染有國民膏血之人相周旋則此種爭總統之內戰亦將一日不止美國政府既嘗不肯容許墨西哥之罪惡矣列強當以同一方法對付中國曹銀謀作總統之無恥勾當實予列強以大好機會可以乘此作一正義的偉舉爲中國開一新紀元也

大陸報臨城案之善後重要談判正將舉行而黎元洪適於此時被迫出京此中關係厥爲曹銀與直系不欲黎氏參加於談判是也曹銀與吳佩孚以直系領袖之地位現正爲衆矢之的蓋臨城暴舉發生地點在曹吳轄境之內而今之北京政府本爲彼等所手造即黎之復職亦出於彼等之勸誘但黎氏爲人懦弱反對強硬舉動此次曹吳既受人攻擊因而急欲擁出一本系有力之人爲政府首領乃意中事蓋外交團得各國政府之後援正在準備施川壓力中國今日大局情形斷然忍無可忍列強攻擊之主力當對武人執政及督軍制而發而此中最有力之領袖即曹銀與吳佩孚其受打擊最重者亦爲此二人是故彼系中急欲擁一有力人物控制一切曹銀自己亦熱心於此一席則彼或竟悍然以武力攫取之亦不足異耳

六月十三 上編

七十四

六月十三 中編目錄

第一節 國會南遷之運動

總論 議員因政變而出京 蘇籍議員出京通電 浙議員之宣言 在京議員之調停辦法  
出京議員褚輔成等之宣言 民黨議員出京之宣言 護法議員之宣言一 宣言二 東三省  
蒙古議員之宣言 議員覃振等之宣言 出京議員忠告留京議員書一 忠告書二 忠告書  
三 忠告書四 湯漪致留京同人書 湯漪致憲草委員會同人書 劉楚湘等告兩院同人書  
離京議員之兩函 津議員遷滬之計議 黎邸謙會之議員演說 南遷中之津訊 蘇議員  
主張移滬制憲之通電 離京議員之兩大宣言 湯漪論南遷後之立法計畫 郭同等遺馬驥  
等書 湯漪咨馬驥書 離京議員宣布常會之非法 離京議員再論出席費 潘大道致留京  
議員函 褚輔成等駁復錢崇愷等禡電 與留京同人論延長任期書

第二節 南遷之籌備及其經過

總論 出京議員移滬籌備處通告一 通告二 通告三 出京議員代表赴滬記 國會南遷  
中之大局形勢 移滬籌備處通告四 舉行集會式以前之雜訊 七月十四日之國會移滬之  
集會式 對內外宣言之鄭重 滬議員之談話 國會移滬通訊一 通訊二 通訊三 催促  
京津議員函一 函二 通訊四 上海集會之內部組織 七月十六之談話會 上海領費議  
員題名錄 七月十九之談話會 南下議員懇親會 滬會招待報界記 滬會消息一 滬會  
之解釋疑難 滬會消息二 林長民之談話 滬會定期開正式會 開會通告 蘇省旅滬各  
團體反對齊燮元收買議員 南京收買議員之內幕 京津救國團警告由滬回京之議員

第三節 輿論之傾向

總論 孫中山歡迎議員南下 西報記盧永祥對於國會南下之主張 盧永祥與日記者之談



話 盧永祥之感電 北京各公團聯合會促議員南下電 各公團致兩院公電 南京各界請議員南下制憲 工界救亡會促國會南下 滬西商界促議員南下公電 浙團體對議員之表示 浙江國民自治會促議員南下電 浙公團歡迎議員電 台州同鄉會公電 浙江省議員促國會議員南下電 湘人請湘省會促湘籍議員南下電 魯人促本籍議員南下電 安徽國民救國會 皖人聲討留京議員 皖學生總會電 江西自治同志會電 福建各團體公電 一 電二 雲南旅滬同鄉會公電 黔省旅滬學生電 國會後援會之成立 歡迎議員之籌備一 籌備二 國會後援會忠告留京議員 國會後援會再促議員南下

#### 第四節 南下議員之主持正義

總論 出京議員致顏惠慶顧維鈞王正廷公函 致顧維鈞王克敏公函 復顧維鈞函 離京議員聲明顧維鈞冒充外長之公電 田桐斥責顧維鈞之徑電 湯漪致顧維鈞書 彭養光致顧維鈞函 離京議員致張弧書 致張英華顧維鈞函 致朱兆華電 致克利斯浦代表公函 致駐京英使銀團函 致銀團及滬務稽核所公函 致日使請制止滄石借款公函 致谷鍾秀禁阻提川路餘函 致日使請阻拍賣青島官產公函一 公函二 關於金佛耶案之函電 金佛耶案與賣國 致留京議員函 致法公使函電 致上海各報館之通電 致上海商會銀行公會及各團體公電 致全國各公團通電 再致法政府及法使電 爲德發債票致顧維鈞函 致駐京德使公函 爲銷滬籌賄事致各滬商函 致稽核公所函 致駐京日使函 致日使請拒直系借款函 致各公使及銀團函 致英使請拒絕借款函一 函二 致英美烟公司函 致英使函 致汪瑞閻函 致比商陶普士函一 函二 致駐京美使函 致義公使請拒絕購械函 致七銀行函 致中孚銀行函 致大陸銀行函 致中南銀行函一 函二 援助北京報界之通電一 通電二 致使團公函 致全國通電

第五節 黎大總統之南下

總論 南下議員促黎赴滬之公電 鄂籍議員促黎南下之公函 黎氏南下之前後 黎氏南下後之各方面 各方之情勢 到滬以後之情勢 致國會與孫中山之電 上海各方之態度 各方表示意視 黎氏取旁觀態度 在滬之近况 大孫派之拒黎 來滬以後之評論 記黎氏態度之冷靜 黎氏抵滬以後之消息 抵滬以後之大選問題 抵滬後之聲明 黎氏之最近表示 各公團及通信社之函電 潘大道讓江浙人書

六月十三

中編

四

# 六月十三 中編

## 第一節 國會南遷之運動

編者曰國會南遷之議其不能完全成功殆各方之情勢爲之乎由正義言則議員之本項主張與其在政治上所收穫之結果較之前六七年間滇粵奔走之所得或有加焉是未可以事後之成敗爲定論也當曹錕之作亂也其目的在於掠奪總統於國會未嘗爲一矢之加而且送節敬借歲費佯爲摩撫乳哺之愛此在京議員所爲感激依戀而不忍去者然而在法則選總統之權操之國會若使國會未選之前而可以陰謀掠奪與夫現任在職之人而可以暴力驅逐是之謂侵犯國會亦即爲直接與國會宣戰豈得謂其作亂干紀不過加諸總統一人而國會可以不問哉且作亂之徒既以掠奪總統爲目的而敢於以暴力驅逐在職之大總統自陷於非法亂國之地身爲罪人而謀所以取得繼任大總統之地位非以暴力脅迫國會即以金錢汗辱議員舍此二者將無選舉之可言然而有一於此又將置國會議員之人格於何地凡此情勢均極明瞭初無待事實之發生而始知之者故夫議員南下之主張是曰引正義以自衛亦即所以衛國會衛國法也由政治言之國民頻年以來疾首蹙額於軍閥政治之下戟手呼天謀所以剷除之者而無術以軍閥倒軍閥以政客之陰謀倒軍閥以平民之呼號奔走血濺肉薄倒軍閥其事舉無可恃今乃由國民依法組織之國會與無拳無勇之議員乘軍閥作亂禍國之際起而擊之金錢不能辱兵力無可加軍閥處此非顯揭叛國之旗以與國民爲敵即當俯首以受國民之裁判是之謂國會戰勝軍閥亦即由軍閥政治移轉而爲國民政治之一大關鍵也吾儕國民對於代表國民反抗軍閥之議員當然表熱烈之同情若夫政局之變幻金錢暴力之得勢議員良莠之不齊以此而致成敗之勢寡之數出於國是正軌之外是則主持正義之議員所未及計者然而由今論之亦殊不足計也茲錄當多時主張南遷運動具於本篇吾人所甚信者歷史無窮斯正義不滅國人苟低徊而省覽焉以應夫悠悠之政變且以自壯是則編者之微意也

議員因政變而出京六月十三之變國會議員憤軍閥之亂國知合法大選與依程制憲二者均歸無望由是兩院中之優秀分子慨然聯袂出京一時知名之士如湯漪褚輔成章士釗杭辛齋焦易堂章振諸君揭櫫正義以相率離去亂境別謀建樹爲倡導不以平時黨派意見之參差而有別焉此種動作純爲良心與正義所驅使獨政黨無從利用即同情弱者袒護黎氏之詞亦屬感情之論不足以概當時出京諸君之職志也當時政團中若益友社若國民黨若政學會幾於全體引去而蘇籍浙籍各議員力持正義號召同盟聯名通電以刻日離京潔身遠引矢於全國所以作國民之氣殺軍閥之勢者於是乎在是足紀也關於議員開始出京之事北京各報日有紀載茲撮記於後

連日京中滿布一種空氣到處逢人輒聞有國會南遷之聲浪昨日頭髮胡同護法議員俱樂部對此問題召集會議到會者彭養光杭辛齋凌毅等一百餘人其中以不出席之民八議員爲多討論結果(一)民八之不出席議員如數先行(二)民六之護法議員留一部分在京其餘均南下(三)浙江議員四十餘人亦加入南下(四)東三省議員大多數亦一同南遷(五)天津添設招待處招待在京同人赴粵聞該俱樂部計算基本人數已有四百餘人故連日議員赴津者日必數十人國會前途之消息如此極可注意也

此項政變頗有一部份議員表示不滿擬以一走爲抵制者殊不乏人現已赴津者共有一百五十餘人而目下在京之政系民黨及浙籍東三省議員亦整理行裝準備出京昨晚(十五)浙籍議員復在明湖春開聚會對此事有所討論云

日昨某方面因政潮雖告一段落但以元首現在空虛無人亟應預備選舉新任總統乃聞兩院議員日來竟有出京之事故恐將來選舉總統時議員不足法定人數與大局有關刻正調查議員在京人數並派人在車站常川密查議員有無出京者以便設法防遏云

上海快訊云自北方政變關於國會擇地集會各界人士已紛紛主張護法議員回粵凱自邇路國會議

員通訊處接到議員徐清和由粵來電謂國會開會經費已有辦法汪精衛來滬着手籌備云茲將該電摘錄如下國會及款均有辦法精返滬籌備劉成禺符夢松去京師有意見表示餘詳函和等養吳景濂派赴天津挽留議員之四代表今明日由津回京聞交涉尚無結果褚輔成等三十餘人已於昨日由天津乘輪南下並聞擁閣派萬鈞等尚有四五十人在津活動云奉黑吉議員除與張作霖有意見之吳景濂華維垣數人尙在北京外如烏澤聲劉恩格等三十餘人均已陸續分赴津奉抵奉者已達二十餘人云

昨日北京有覃振杭辛齋凌毅焦易堂馮自山桐呂志伊章士釗等二十餘人宣言離京南下並聞馮振驥欲赴鄭州張魯泉周嘉垣欲赴濟南張世方陳宗尙欲赴漢口等處紛紛向交部函索免票均經路政司長謝絕云

### 蘇籍議員姚文枬等出京通電

上海申報轉各法團鑒此項首都變作羣小禍國法紀蕩然安能更議憲典文枬等深懼舞文毀法之險慮受威脅利誘之污即日聯袂出都徐圖挽救特此奉聞姚文枬張相文孟森沙彥楷王汝圻蔣鳳梧徐蘭墅胡應庚汪秉忠王紹鑿丁善慶劉可均謹(二十二)

案蘇籍議員除上紀姚張諸人外其餘留者因迭接江蘇省教育會等法定團體電促離京至昨日止續出京者已在三分之一以上昨日又有江蘇自治期成會致電參衆兩院蘇籍議員措詞至爲嚴厲文內有請諸君迅速南歸保全人格稍留蘇人體面等語聞蘇籍議員除楊某高某等極少數外已決定全體離京且將發表通電爲尊重本省各法團及人民之公意通電見上爲保全蘇人人格起見不受任何方面之利用云

至浙籍議員一面由劉景晨杭辛齋等提出查辦軍警長官案一面通電宣言旋即全體出京茲錄其宣言如左

憶自法統重光黎元洪執行大總統職務後雖任期有待解釋而按之現在地位當然爲一國之元首乃自內閣總辭職後警兵以索餉爲名包圍公府及黎氏同時有號稱公民者數百人隨聲附和肆行騷擾以致秩序紊亂黎總統出走倒行逆施騰笑萬邦京師軍警林立何以坐視不理例以趙盾弑君之罪名百喙難辭且惡例一開將來相率效尤何以立國同人等承父老付託之重目覩此項劇變不敢緘默對於軍警當局業經提出查辦案萬一不獲多數通過我浙籍同人即日退出議會此後一切議案及選舉問題概不負責特電奉聞諸希亮察浙籍國會議員號

自上述諸議員等發表出京文電在京議員既慷慨於國法正義之不可摧毀又怵於國會日處曹氏家奴等非法迫脅之下瓦解之勢已迫眉睫當時有提議以調停爲和緩正誼派之手段者茲錄順天時報紀事一則於下

日來時局混沌國會內部已成分裂之象昨有議員萬鴻恩等提出救濟國會以維時局意見書分爲內外兩部以爲挽救之辦法(甲)其駐京者爲內部應即提倡正義以爲公憤之消除(一)提議懲辦軍警(二)提議懲辦公民團(三)議長應開誠宣誓(四)提前發給歲費(乙)其已移津者(一)應推代表爲竭誠之挽留(二)應勸告合力鞏固國會以維現狀(三)勸告共同促成憲法(四)勸告完全議員責任(五)容納其意見爲調停地位云云

案上載各項調停方法未見能收如何之實效然觀於甲項所稱懲辦軍警長官及公民團各款可見當時羣衆心理之不平雖在主張和緩之議員中猶不能爲此輩諱其強盜不法之行爲也當時出京議員以全國政變驟起國民耳目惶惑因迭次宣言昭告國人茲紀於後

### 議員褚輔成等出京之宣言六月二十一日

客夏直系軍閥赫然大法昭示天下贊成恢復法統方冀有悔禍之誠遵循正軌肅啟新機不圖貪暴性成詭詐百出始則以武力破壞和平繼則以金錢阻撓制憲知元首不爲所利用擠而去之以遂其攘竊

之私搆煽軍警勾結流氓勢劫威脅直使堂堂首都變爲臨城第二黃陂既去猶復監禁車內至十二小時凌辱無所不至高凌霄等既經免職乃冒充之閣員自稱攝政大總統之職北京何地奪位何事國會同人倘能不展強禦主持正義某等相忍爲國詎不願共圖挽救而兩院十六日談話會竟爲暴力所劫持不恤以非法開議以非法表決致國家最高主權機關陷於非法營私之地某等認今茲之變與洪憲帝制張勳復辟同爲國家非常不幸之事而此項亂起國會議員且惕於淫威不能盡責凡有血氣其何能忍因是決然離京別謀救濟謹以四事宣告國人俾曉然於此項事變所由來及某等急起糾正之苦衷一北京爲軍閥暴力所包圍國會不能自由行使職權故某等相率出京

二在亂事未戡定以前國會暫移上海行使職權定成大法

三至亂事平定首都秩序回復之日國會仍還京開會

四自六月十四日起北京僞國務院對內對外一切行動均屬無效

離京國會議員褚輔成韓玉辰王用賓白逾桓王宮堯董昆瀛蔣曾煥張傳保楊永泰呂志伊田桐覃振子洪起王紹鏊克莊張嗣良楊振春羅永慶劉盟訓焦易堂艾慶鏞烏澤聲高仲和劉振生鄭萬瞻等百八十五人六月二十一日宣言於天津

### 民黨議員出京之宣言

有吾黨始有革命有革命始有約法有約法始有民國誠以政治非絕對的問題不有確然共信之根本條件屹立於前而一切糾紛將永無斬截之決定約法者吾黨締造中華民國之根本條件也袁之稱帝張之復辟皆圖破壞此根本條件其事難其罪著故護國討逆猶反手也迄徐竊位則不敢破壞此條件復從而僞託之其事疑其罪伏遂令護法之師曠日持久不克底績甚矣非法之點於毀法也直派遂徐以來嘗以法統重光號於國中顧議員集會總統復職苟且權宜不衷於正紫朱並艷雅鄭雜作視彼非法又似是而非者也吾人亦曾以法律正統之論繩之無如言之諄諄而聽之藐藐國法錯亂清議銷亡



吾人蓋早有去志矣繼而思之改革事業千迴萬轉幸達道岸何恤委曲放開正論姑取通說不得意於法律問題者期慰情於政治問題乃未幾而對於各省或潛師襲取或明令侵人將以武力征服天下又未幾而驅逐總統佔據內閣却持議會復以武力僭竊中央其武力之橫衝直撞殆已透過似是而非之局面而赤條條的人於無法矣夫黎元洪之法律地位固有問題然公文來往尊號稱呼名之與器詎宜輕假去年之擁戴是則此日之放逐非擬圖篡弒先試廢立準古衡今其何說耶且六月十三日以前與以後無論法律的或事實的吾人至少須認其有同一地位願何以任用之命令有效而免職之命令無效乎遽爾周公攝政且問成王焉往居然百揆蒞朝而獨家宰無人羣兒互賞豎於噪功抑何其可鄙耶乃所謂國會者上不能伸大義擊權奸斯已而已而反攝於威武仰其鼻息以無法集會爲無法決議頌逼宮者曰逼之合法媚竊國者曰竊之合法恭勸進之文以悅新主各上受禪之表以襲逆跡於摩武夫無法猶可說也議會無法不可說也吾人知相忍爲國義也然亦知相忍禍國乃大不義吾人實不信無法之武力下除阿附與脅從而外尙有何政治生活的意趣之存在危邦不入亂邦不居至是而吾人乃不得不與北京告別矣抑吾人不過議會中一部分耳十年來頻遭解散備嘗艱苦而始終不能剝蝕者議會守正故也顧矜全令名保持晚節則在最後之今日吾人以爲國民代表非一姓臣奴求璽而假皇帝環甲而推天子纂漢代周有力者自取之可也而奚必文能美新袖出禪詔使士皆莽大夫人盡陶承旨耶且使部同於市曹刺史謚爲千金諧價鬻官前史恥之諧價而鬻一國之元首則屬創作不知後史又謂之何是故以槍砲與賄賂而攘取總統者非持政治罪惡實亦道德魔障知幾宜不俟終日君子焉可以貨取是又屬望於全體議員者已抑護法之與革命亦有辨矣護法必有違止法者在前違法護法亦止觀於法蘭西墨西哥曩者循環革命之無已時吾人亦樂於號召議員憑藉國會再做不徹底的護法然若見金夫不有躬而甘於失節求榮者居多數則吾人救國事大遽能死於法下在法律下得不到救國之路只有超越法律以上而求之即不得法護只好革命辛亥革命依據何法革命軍中何須議

會又何不可並議會之命而革除之清政府即與資政院俱亡又孰以爲過也雖然徧激之論豈得已哉  
民黨議員倚裝白時則十二年七月十日也

### 護法議員之宣言

(一)對吳景濂之宣言法統毀棄政潮波翻助長軍閥破壞政府皆吳景濂一人之罪也吳本無賴巨孽流氓元凶翻雲覆雨搗亂護法勾結軍閥盤踞京都假恢復法統之名義操縱政權實則施破壞法統之手段淆亂黑白毒燄熏天無惡不作初則造成羅案以推翻亮疇繼則藉同意敬輿肆行敲詐擁閣倒閣狐狸狐掘播弄是非妨害和平馴至外交破產財政破產國會政府無一不瀕於破產地位今更構通逆閥襄贊罪魁逼驅黃陂包攬總選冀夤緣而竊權圖明比以分肥致高尙純潔之議員不甘同流合污相率離京彼反以爲造成機會率突醜類馬驥等投首保曹攫取包辦選舉費三十萬元分贓不均劉馬交閔醜聲四播輿論譁然首都之禍興未已而盜印之事變又生推其用心是唯恐國亂之不速而又激之嗟嗟我同胞初舉彼爲人民之代表繼復擁彼爲代表首坐墜戴本已不薄彼竟恩以仇報播惡蠶國至如此其甚也居心比張獻忠李自成尤兇爲患比洪水猛獸尤烈此人不死我中華人民無類矣彼今鑒於包辦選舉之弄彊秘派其羽黨呂某吳某來京與離京議員接洽索款二十萬元並爲其黨羽馬驥索款八萬元相約離京南下不顧天良不計法律而唯好利之是聞一至是哉不意離京議員竟有一部分欲俟其來津開歡迎會者吳固罪不容誅彼倡言歡迎者亦小人之尤哉我輩護法議員力扶正義不撓不屈自上年爲法統奮鬥痛元凶久稽顯戮憫國事永無寧期輿槩力爭誓不反顧現已齊集津門結陣以待吳逆朝到則攻擊夕施助彼作惡如馬驥者我輩視如同仇餘能離京南下無論曾否護法主意相同者我均待爲好友事關國計合宜通電宣言並祈輿論相機援助天果不亡中國吳逆定伏顯誅眞法重光國務順軌再翼政局永弭亂源護法幸甚民國幸甚護法議員閻容德等一百八十餘人同叩

(二)離京宣言政變紛起元惡滔天險象環生賢者避地或藉一去以冀國人之醒悟或擇淨土以救危

亡於幾希古今人士諒有同慨我同人奔走護法前後八年去年來京爲法奮鬪心疲力瘁無朝夕安乃吳景濂憑藉暴力橫施威權法統正義歷久未伸雖經歷次宣言否認伊等行爲不意瘖口噤首難迴衆聽亂政憲國相逼而來今復勾結軍閥爲惡日恣竟於六月十三日以後演成無政府現象攀龍附鳳之輩甘效華歆買充固不足責惟吳景濂假借國會名義誘惑少數議員奴顏婢膝豎戴軍閥貪黷賄賂包辦大選國會尊嚴掃地盡矣議員資格破產會場銅臭包圍言念及之曷勝痛惜裂冠毀冕危及國本邦基寡廉鮮恥害等洪水猛獸正義淪亡全國譁然中外交詆國本岌岌六年時督軍叛法猶可藉護法以延幾希今日議員毀法更將持何術以資救正政潮如風雨驟至國難比飛電尤急我輩以護法而來自不應視毀法以終更不忍再見紛亂陷國家於危亡事已如箭在弦勢難懸崖勒馬爰糾合同人相率離京接浙而行破甑不顧期得一片乾淨土爲行使職權之地但知護法救國舉大事不計微嫌人能同力合作是夙怨亦成好友衆志成城無敵不克憲法告成方期生還事關國計用特鄭重宣示中外當合法國會正謀召集未經開會以前該僞會選舉議決等事一律否認有效倘天心猶未厭亂彼輩選舉偶成軌法篡國是爲釀成內亂罪犯仗義聲討絕不後人務殲渠魁以清亂源萬祈全國一致力加救正俾毀法議長勿再毀法軍閥首領不復肆虐凡百國事依法解決雲霧掃除重觀光明法統之幸亦國家之福護法議員固容德徐可亭許鎮庚張景純方因培何其義杜汝舟溫廷相史之照王維新安宅仁馬存仁盧一品陳福疇于溥李炳瓊畢鼎琛屠睿李曾魯白瑞黃祿貞尹承福王田孟同和程志卓春秀張宸樞賈述堯魏笑濤張效翰黃策成李國楨田錫恩孫芳盧觀球閻致恭徐咸泰萬宗乾吳際元葉復元劉安欽徐邦俊張于濤項肩回作賓傅川平鄧維受萬葆元沈維周劉錦孝周世屏周維屏陳玉麟李瑞椿石乘甲趙清泉王文郁李奎文陳應昌達什多爾濟巴圖白雲梯恩克巴圖棟固爾多爾濟博爾和德塔旺阿拉坦楊森扎布劉人炯孔紹堯周起夢譚正馬鐘琇趙宣蓋廣增車林桑宰王曰俞吳忠仁梅寶機張敬承周積芹陸榮鈞胡正芳方子傑楊天驥孫品璋李瑞候海濤莊懷廣等一百八十餘人同叩

### 東三省蒙古議員之宣言

北京參眾兩院同人各省區各法團各報館均鑒自六月十三日北京發生非常政變中樞解紐國紀蕩然閣揆逃避於前元首蒙塵於後暴力恣橫不知所極以莊嚴燦爛之國會而處於惡濁空氣包圍之中雖未載肯及溺然礎潤月暈已有風雨飄搖之勢以致憲法會議開會數次均不足法定人數誰爲戎首常有公論吾人十年奔走皆以速成憲法爲唯一之職志今爲積威所迫與其不能在京自由制憲坐誤百年大業何如離京另擇安全地點完全一貫之功同人等盱衡危局返省初衷決定自今日起聯袂赴滬與同志接洽共策進行俾國憲得以及早產出以弭亂源而伸正義區區苦衷幸國人人一垂察焉東三省蒙古國會議員羅永慶陳瀾洲臧景祺楊渡孫乃祥謝書林王秉謙龔玉琨楊顯青趙連祺楊繩祖關長慶王洪身蕭文彬趙成恩趙學良谷嘉蔭吳子青逮長增劉哲李伯荆劉正堃姚翰卿高家驥郭相維戰滌崖劉鳳翔趙仲仁楊國瑞傅彥德勒格爾壽明阿訥謨圖焉泮春劉恩格美毓英翁恩裕鹿鳴張有翼蔣宗周李有忱邵克莊劉興中李秉恕仇玉珽張亞南李膺恩齊耀瑄董耕雲刑麟章范殿棟楊振嗣良曾春莫德惠趙東藩劉振生孟昭漢邵仲康馬慶長傅航國薛丹曦車席珍王文璞田美峯烏澤聲業喜海順克興額叩

### 議員單振等出京之宣言

民國十二年來擾攘頻仍茲究繼起推原其故舉曰無法然約法早訂於初元同人迭會於南北僅存之法全等空文製憲速謨垂成屢取是乃由於有大力者非逕毀法以亂國即求執法以圖私同人等忽東忽西窮於避就爲狙木覺負咎已多邇者六月十三日之變益了然於政治濁亂武失獷悍之區無平清論政澈底立法之餘地以知立法救國不過空談戡亂立法始成條貫黎氏出走於其個人本當別論惟是軍人動干大位宵小把持政權一國首都化爲狐鼠豺狼縱橫隳突之地綱紀盡壞廉恥無存國於天地果何與立同人等益於其間足一動而偵隨舌一搖而賄至武人于憲之電朗誦於議堂暮夜叩門之

私公言於同輩此而議憲所議果爲何事此爲大選所選又爲何人午夜捫懷寧不自愧同人等本此微衷取爲露佈國會在北京此時政情之下其機關已陷於被圍狀況其信用已瀕於破產地位爰自六月十五日起相率陸續離京別謀建樹凡當此所以詬病國會者有則改之無則加勉有何見教無不虛承覃振杭辛齋丁維汾凌毅童杭時焦易堂董昆瀛烏澤聲郭春森蔣曾煥吳昆簫輝錦茅祖權于洪起馮自由黃元白王斧黃伯耀田桐呂志伊章士釗

出京議員二百九十五人忠告留京議員書

兩院同人公鑒自國會成立時逾十稔政變起伏國是擾攘迄無寧歲綜厥來因或由於政策上之異同或基於法律上之爭議背道而馳不相爲謀究其失敗之績觀其對抗之局亂象所呈亦自有其限度當國家締造之初民志未定慮始爲難大權在握輕於一試如是而已斯固人類共同之弱點不足爲吾歷史民族羞也至石鏡土匪之面目倚流氓爲心齊總統爲俘國會爲質橫行首都盜竊名器如今日者則除臨城事件而外未有肇亂若斯之甚者也公等不察或疑言之過甚則曷不一詢此次政變經過之事實以爲尙有行使職權之自由則曷不一考十二十六兩次談話會之成績以爲憲法尙有宣布之一日則曷不一誦辦選舉不許制憲之各電以爲可懲以辦罪魁則曷不一思今日竊據國務院者其人在法律上之地位果居何等以中國之大四萬萬人之衆其權是非衡利害皆不如公等所云云公等其謂之何矣同人等處此奇變不得已而有移滬集會之議所以爲保持議員人格計亦即所以爲保持國家人格計匪直此也凡我同人所負之重任如完成憲法選舉總統今之所爲苟且求全而不可得者皆不難次第行之其利未改則國會所擁主權者之地位炳若日星固於金湯苟有直接或間接障礙國會之自由者所謂亂臣賊子人人得而誅之是知凡秉正義悉爲坦途何懼何疑而不出此竊所謂噏論者以公等今日既處軍警積威之下重以利誘之機間貽國民羞節敬五日票價五千點名發放有如恩餉存摺担保到期支付諡爲猪仔目爲降卒擬諸金營之徽欽奠分項羽之杯羹盪毒之中於人心極矣故上

海總商會有根本否認國會之表示同人等以爲此雖逆耳之忠言尙弗誅心以露布假使奪位之徒果欲以利誘則今次第二臨城之變可以毋作惟其無術點金是以挺而走險雖在寅夫寧甘日惠固知公等之智決不出此也尤有進者昔春秋之義別嫌明微惟隱至顯故能撥亂世而反之正以其是非明而勸戒彰也今世共和國家無慮數十其所由建國於不拔之基者綱紀整飭裁制森嚴爲之也今日之事不患倡亂者無悔禍之心而患求治者無戡亂之志不患毀法者竊名以自固而患立法者媚權奸以求容此則我兩院同人所宜猛省抑亦全國人民所不能寬其監視者十年患難之處區區責善之意惟我同人幸垂察焉離京國會議員褚輔成湯漪焦易堂鄭萬瞻王用賓楊永泰烏澤聲覃振白逾桓王紹鏊黃雲鵬韓玉辰劉恩格等二百九十五人同啟

出京議員忠告留京議員書 (二)

(銜略)頃籌備處接在京同人陳君嘉會等來電一則猥承迪訓不遺在遠幸甚幸甚惟承囑從速回京完成憲法等情抽繹循環蓋滋惑慮敢抒所懷幸諸君子明以教之共和肇建支紀重周政變相尋辨之龐雜識者憂之然政見爲人心之私雖偶有異同不足爲害而天下之所公者是非不可以有異也來電以憲法功敗垂成爲慮與同人所見正復相同此意果出於誠則彼此所趨之向雖暫殊而所歸之途徑必同理有固然毋庸詞費而同人所鯁鯁過慮者天下是非之公耳來電云此次黃陂去職既非團體變更又非解散國會之比遂謂同人此行爲不知輕重嗚呼此不得不爲諸君子失言惜也黃陂既非去職又未辭職謂爲去職何據而云將據天津車站之事而云然乎則稍知顧全國家體統者所不忍道然不忍道可也欲以去職二字掩其迹而長其惡則不可也夫國體云者非祇重其名誠重其實也今二三武人迫逐元首攘奪印言以三四免職之閣員竊據政府渙號施令環顧宇中成何景象豈必待洪憲頒詔而後卜國體之興替乎總統與國會同爲憲法上國家重要之機關諸君子既知國會不可解散豈謂總統遂可驅逐乎且總統對外代表國家以國際言關繫尤重決非一人之進退問題也國會解散同仁奔

走以圖恢復總統被逐乃熟視無睹且加功焉天下人其將謂我何哉縱人言視爲不足恤而此次鉅變綱紀蕩然儻不有以匡救之四維不張國乃滅亡竊恐來電所謂外人實行共管奪我主權國將不國者追原禍始正在此而不在彼也來電又諄諄以憲爲言竊謂國之貴於有憲法者亦非祇重其名重其效也現行憲法上之行政首府被三五僉壬肆意摧殘視若無物而同仁猶欲於其暴力之下高談制憲是誠來電所謂與虎謀皮終遭反噬者矣謂予不信則王承斌催辦大選來電所云憲法不許成立屆時尤有把握者胡昌言而無忌邪脫曰姑忘聽之未必竟實行也則高吳王輩於都市之中白晝橫行公然收買議員籌備大典者又何所事也豈武力強迫爲吾輩所難忍而金錢賄買則吾輩可默許乎夫被武力所迫吾人雖難忍而天下或諒其心項城之事是也如被金錢賄買吾人縱能忍而天下必唾其行今日之事是也此無他是非之公耳在昔項城窺竊神器其能足以馭衆其才足以濟奸而其敗猶不旋踵矧在今日之事乎竊恐來電所謂不宜以一人進退之故供人傀儡重禍國民者又在此而不在彼也來電又云若爲黃陂出走係武人壓迫儘可提案查辦追究主名又云若慮回京制憲或遭武力干涉彼時接漸而行罪有攸歸等語言之非不成理而事實果何以行乎何同人出京旬日之久未聞諸君子提案查辦追究作亂之主名乎何若某某者猶遑遑然日計法定人數且將舉夫已氏爲總統乎設非同人出京者之速且衆也則夫已上早騎欵段入新華門矣查辦云乎哉制憲云乎哉若論既欲奮鬪何必離京避地之舉是無勇期貧賤不移威武不屈昔賢稱之爲大丈夫不但出京同人不敢自居抑亦諸君子所未敢自信者也至於接浙之行今猶不果一日軍警監視雖欲微服由竇而不可得諸君子又將何以自解謂予廷汝請視黃陂此正來電所謂前事不忘後事之師竊爲同仁百思而不得其解者也嗚呼十年以來同仁之責國人之望肯在憲法弗欲成之則已果欲成之不謀一安全之地而後可以從容討論冀觀厥成且憲法會議法規無必設北京之文而究以遷往何地爲宜是又在同仁之決耳諸君子果以制憲爲心希即迅離北京會商遷地之事一經決定共達進行憲法會議旬日可集事在同仁不假他求亦詢

如來電卸十年議員之責俾後來有所遵守庶有面目以對國民也總之是非之公凡民所共况在同仁號稱代表竊查來電所列同仁業經來津簽名意南下者已達四十餘人足徵彼此所見雖暫異所趨終必同者固不誣也千慮之愚維諸君子不棄實利圖之溥署逼人幸攝衛不宣劉恩格黃雲鵬劉振生烏澤聲向乃祺邢麟章等同啟

出京議員忠告留京議員書（二）

容齋貢三兩兄轉聯名諸君左右得君等二百十六人專電殷殷以保持國會完成憲法兩事相勗勉詞嚴義正敢不拜嘉雖然僕等此次所以毅然決然舍其舊而維新是謀者其用心正與公等相同而其觀察於北京之事實則適相反焉不惜費詞敢爲公等一言之尊電請黎氏去職即非國體變更又非解散國會之比又謂今日先行自殺以殉一人之進退是殆公等認直系逐黎爲合法爲正當者迺有此言也夫就法統恢復之歷史言之六年護法廣州其國會非常會議及軍政府組織兩大綱中均載總統復職國會完全行使職權爲護法興師之標幟直系軍人主復法統迺有黎與國會同復之事是總統與國會同爲護法成功之目的物此吾人所身經之歷史也更就法理言之總統爲行政首長對外爲國家代表與立法之國會立於對等地位同爲約法上之組織物直系逐黎即係逐元首即係破壞約法即係顛覆護法歷史之半部就犯罪責任之性質言之變更國體爲謀內亂罪解散國會爲濫用職權罪而逐去元首則適用內亂罪之條文不適用濫用職權罪之條文是等於變更國體重於解散國會也迺當馮王高吳等逼黎驅黎奪黎之時議長議員坐視不肯開會爲正義之糾正獨於黎去之後即日開會以不足人數之談話會表決馮王高吳與馬驥等同爲主犯未可以首從分也或者謂黎之復職在法律上資格就兩者之犯罪性質言之馮王高吳與馬驥等同爲主犯未可以首從分也或者謂黎之復職在法律上本有問題即謂復職爲合法至今亦已任滿者斯言也僕等亦不復與辨唯黎自復職以來國會與爲對待也非一日公文往還明認爲大總統也亦非一次在國會未經議決其爲非總統或任期已滿或准其辭職以前



黎在法律上之地位在院外之人或可任意批評在國會同人則無法可以否認之也直系昔既主復黎又常受其命令今以不正當之手段逐黎是謂謀亂國會不從合法之憲法會議解釋其任期或承認其辭職而於直系逐黎之後議決解黎之職是謂助逆此雖善辨之馬驥等亦無詞可解免也或者謂大總統選舉法有因故不能行使職權者一語黎既因直系辱逼之故不能行使職權故六月十六日會合會之議決即係承認黎之不能行使職權也雖然大總統選舉法上之因故豈即直系謀亂首都之故乎果軍閥謀亂以逐元首國會即可決議以解其職則是獎亂也世界豈有此助逆之法律乎哉吾輩身爲人民代表自有主持正義維持紀綱之責任昔陳恒弑君孔子請討項羽弑義帝漢高爲之發喪今之黎元洪尊於齊侯等於義帝曹錕等逐而去之衡以春秋大義應受亂賊之誅論以民國法律亦應科騷擾之罪迺公等不獨不爲孔子漢高之聲討反爲劉歆華歆之擁戴近日以來袁家花園送節敬也大宴議員也各各黨走保定商票價蠢蠢蠕蠕醜聲震動九城是果何爲乎非爲選曹之預備而何夫爲民國之公民本有當選總統競爭總統之公權然擅令部曲謀亂首都逐去元首而爲自取之地步則其人即爲刑法上之罪人決不能再有候補總統之資格公等獨不顧法律反抗民意與爲大選之籌備是將以國會殉曹錕也迺反以此相責僕等豈任其咎哉至謂黎氏被迫儘可查辦政府姑容即可彈劾此本正常辦法僕等極願贊同唯此須於有政府時行之今直系既逐黎元洪復阻張紹曾又否認李根源是無政府也而公等更並黎氏法律上之資格而去之於張於李亦復與直系同態度反稱高吳等爲合法之攝政是直認賊作父也而迺以查辦彈劾之言相搪塞乎蓋既使僕等無法以爲合法之糾正而又故意以合法之糾正相責難公等之計誠巧矣哉况乎院外人之謀亂可以查辦彈劾行之而抬高公等以國會爲助逆是將何以查辦何以彈劾乎僕等圖救濟而無法迺有遷地爲良之舉是即善以保持此斷而復續之法統也尊電謂敗憲法於垂成又謂完成憲法以卸十年之責此本僕等心之所同然者也唯國家所以利有憲法者必人有奉行之精神而後乃有效焉鄉僻之愚夫婦信鐘馗能食鬼信張天師符能驅狐

懸之壁間即可使妖祟匿跡憲法豈如是者哉蓋今之約法即維形之憲法也今之大總統選舉法即憲法之一部分也直系驅逐元首謀亂首都是即蹂躪憲法也今之憲法既不能伏直系之鬼狐而謂將來之憲法其效力能與紙上鐘馗吊上天師符等量焉抑何視天下人皆鄉僻愚夫婦若也況今之直系軍人政客絡繹於津保之間擾攘於京華之地其意豈真在成績乎蓋成憲本無須於逐黎迺必驚天動地不惜犯天下大不韙以圖之其目的即在選曹此三尺之童亦知其用心焉公等迺以成憲責人謂其權猶操諸我此豈非夢囈語乎大盜入人之室殺其夫焉其少艾之婦自裸其體以與共枕席而曰彼必不強姦我也我以此和緩其感情使得撫孤以成人今公等與盜夥同居京華即受其食復與之評價是不啻自裸其體與共枕席也後此之被強姦豈盡直系之咎哉雖曰國會職權非外人所能干與議員而必制憲即非直系所能強而變之也今直系要人以此爲且且之誓是何異謂彼婦之身體彼婦自操之受姦與否非共枕席之盜所能強而制之也其理則然其實豈若是乎姑與公等談事實去年黎之復職非曹吳王等所與要約者乎伏地哀籲者何人矢天奉命者何人今年之逐黎軍警公民逼宮闢邸拆電詰塞自來水管而不發一言者何人截車劫印扣留至十二小時者何人合前後兩事觀之迺信今日之誓言不強姦人者無非謊彼婦自裸其體與共枕席之故技也即入室處甘與同夢反眼相向圖遂獸慾蓋自古敢於自盡殺人之盜即敢於暮夜姦人之盜請取世界國誌野史而觀之豈有異同者哉總統可逐可劫議員豈不可逼可圍今日可寒黎氏之盟他時豈難改吾輩之約彼不干與國會之說贊助制憲之說大抵謊公等自裸其體與共枕席之技也烏能視爲信守哉雖然公等今日之留京託名制憲其存心固未可一概論也僕等竊有以知其隱矣今請分類以解剖之甲在擁曹以分政權乙在選曹以得金錢丙在成曹以安故居此其大略也僕等詳考其實曹黨複雜視北京爲占領地今日急於求人何事不可以許人他日曹果正位擢能附鳳爭功不遑保派津派尙如鑿柄吳閣孫閣徒成畫餅此甲類之結果也曹性怪吝已財素不輕擲勒派於人多觀望而不納國帑如洗點金乏術俄界地皮無人受塩商竹槓

無人諾金佛耶案則法商反對德國賠款則德人無錢張英華以此而敗王克敏亦將以此而倒至今所有現款不過百餘萬元三十萬元之墊款尙無著五千元之票價何從而來此乙類之結果也議憲尙難成會大選何能舉行依法之神器不可取得出軌之擁戴勢必發生元年三月之故事本其包辦罷崗餉之先例近在目前軍警之風紀既墜地方之靡爛難免以安土重遷之故被城火池魚之殃曹之功名不可成已之危險必難免此丙類之結果也夫在僕等豈不欲委曲遷就完成大法唯就現局觀之則覆巢之下必無完卵是也就將來論之則猛虎蓄勢必使在山是也姑無論於今日形勢下憲法必不可成即成焉終不免選罪惡昭著亂首曹錕爲總統以今日輿論一致之攻擊倘議員必悍然不顧終於選曹則國民以反曹之故必遷怒國會其結果必視憲法爲唾棄之物此必然之勢也夫近人之論統一也無不望以憲法爲媒介寢假以選曹之故遺累及於憲法則大局愈陷僵死之境將更不可收拾而入於混戰之狀況反不如保留憲法之權威俟時局之大解決得有結束之後始成此百年大業使實收統一之效此僕等之重視憲法不欲以苟且蕘事僅爲吾輩卸責地步已也夫論今日之國家形勢誠岌岌乎危哉外患之勢迫於眉睫內亂之機火線四伏誠如公等所言無可諱避者雖然此等危亂之機勢果誰製造之者元首在位何以逐之內閣得人何以阻之軍警索餉何人使之公民鬧市何人役之黎民移津國會何以解其職曹錕禍首議員何以捧其場凡此所爲直系負其責即公等亦負其責也事前何不知其爲禍事後何反拾以聳人天下之奇聞孰有甚於此者哉不追究亂之所由起與亂之所由成而欲歸獄於人謂有利川時機以爲發難之具者蓋必有時機而後有利用者必有發難之具而後有發難者此因果之昭然者也公等既與直系同造時機同制發難之具以與人而反責人之不應利用俗稱祇准官家放火不准百姓點燈其是之謂歟若謂發難則易收拾則難誠如公等之言不過如公等之所爲亦豈得謂之收拾乎以僕等料之或憲成而選曹或憲不成而選曹其結果必各方攻曹並以毀及國會不認憲法爲有效是選曹者爲發難非國會南遷爲發難也至謂今之贊助吾輩南遷者爲向來主義臭味不同

之各種勢力孫君伯蘭指名爲黎段兩派度公等之意殆亦如是也夫吾輩今日之主張旗幟本甚鮮明不問其向來主義何如臭味何如凡同情吾人今日所爲者皆吾黨也反之不同情吾人今日所爲者卽吾敵也此豈僕等今日之創舉乎六年之役陸榮廷莫榮新之流豈素與吾輩同主義同臭味者歟同人嘗引爲軍政府總裁部長也去年之事曹錕吳佩孚之流豈素與吾輩同主義同臭味者歟同人亦嘗藉其力以復法統也僕等不乏身親護法事業之人卽公等亦多有與其役者在曩時不以爲非今獨不以爲是者何哉卽謂賣國復辟與夫破壞國會等事異於尋常然試考曹氏兄弟位居疆吏尙無賣國之大權其在鄉里尙賣租界於法國賣實業於日本近日令吳毓麟陳策簽訂克利斯浦合同賣烟灘安正隴海等路於英人現又令王克敏長財政將以金佛郎與德華銀行兩事大試拍賣之手段吳佩孚派高恩洪長交通曾與歐商蜜訂多種條約換取軍器是曹吳等之賣國成績也復辟之役曹錕首掛龍旗稱臣謝恩阻馬廠之羣師是曹錕之復辟歷史也六年督軍團呈請解散國會曹實列名其中倪嗣冲稱兵曹亦派兵據京津路線卒至解散令下而始退此曹錕之破壞國會往事也今公等以回復法統一役寬其大惡報以大位獨於他人過跡不能以功折贖揆之情理豈得謂卽假如孫君伯蘭言今之贊助南遷者爲黎段也此其事固未必盡如孫君言卽姑以黎段兩派人論之其人格資望知識三者視曹錕何如夫人非聖賢孰能無過黎段兩公其生卽固非無咎然平心論之比之時流可以抗橫者幾人若視曹錕之爲萬惡魁首爲誤國殃民巨慝則豈可以道里計哉卽就今之贊助國會者言之南爲浙盧北爲奉張之二人者一則持正不阿一則勤政安鄉擬之曹錕或其部下將領均難望其項背焉卽其贊助國會亦祇於能使議員自由集會自由制憲而止今之人輒曰留北則託蔭於曹南遷則求庇盧張同爲軍閥也受其金錢之資亦一焉而已噫嘻此殆擁曹者強自解嘲之說也夫雖同爲軍閥而君子小人則有分焉華盛頓林肯皆嘗爲最盛之軍閥未聞其因爲軍閥賢者卽與之割席也而金錢之出於曹與出於盧張則尤有別焉孟子曰於薛予將有遠行辭曰饋贖予何爲不受若於齊則未有處也無處而饋之是貨

之也焉有君子而可以貨取乎夫尋常交際之間先儒猶不受無名之金而於國家政治法律攸關之際詎可取不義之貨曹錕志在得總統以金錢與我是買我投票也是不義也賄也盧張志在成憲法以金錢與我是資我制憲也是義也非賄明乎義與不義之分別即足定吾取與不取之標準彼視曹錕與盧張爲一例者豈真丹之可以亂素紫之可以奪朱乎今觀公等所言明於求全於黎民而昧於責備曹吳其果利令而智昏歟抑爲親故者諱歟邇聞公等猶倡孫曹攜手之說強罪魁禍首以與民國元勳合作其能勉於與虎謀皮之誦而不遭反噬乎以子之才攻子之盾其復何說之詞僕等決意南圖義無反顧成敗利鈍竊所弗計如公等鑒察誠懼有大覺悟明於順逆之數翻然來歸共成大業則僕等所馨香禱祝以迎之者也苟其不然與鹿豕遊認賊作父十年名節敗於一朝公等縱不自惜其如國會之機關何夫我開國之第一屆國會於建設國家之業誠多缺陷之憾而抗拒強權不使得志則士餘年來如一日也若此次之附逆實爲向所未有之大辱果擁曹之計得遂則眞民國歷史不可洗之污焉倫公等猶有愛惜之意不忍此威寒松柏與草不同腐也者則請斷念目前政權舍棄五千大洋以與十年舊友同最後之患難共海上之生涯逆黨勢如朝露命比蜉蝣告別燕京祇數月間耳他時歎段歸來重登王謝之堂比之今日之他他倪倪嬰侯門之餽餘豈不尤快心哉掬誠相告言盡於斯臨歧話別不勝依依潸潸逼人尙祈爲國珍攝此頌公綏不一國會議員離京同人褚輔成湯漪章振杭辛齋丁惟汾凌毅童杭時焦易堂董昆瀛烏澤聲吳崑矛祖權于洪起馮自由黃元白王斧黃伯耀田桐呂志伊章士釗董耕雲楊永泰黃雲鵬劉振生陳義金燾景定成陸祺鍾才宏劉重劉監訓劉榮棠李英銓張善與賀昇平張華祖覃超楊允升王恒尙鎮圭王有蘭李爲綸李肇甫韓玉辰寶應昌白逾桓彭養光王用賓沙彥楷郭同徐蘭聖鄭萬瞻回乃祺何銓周震麟徐繩曾毛印相江浩孔慶愷陳廷颺盧仲琳王安富陳宗常李執中劉恩格邴克莊白瑞公啟

附錄留京議員辭無恥之通電

上海天津國會議員籌備處各報館各團體均鑒邇因黃陂出京外間有力者欲利用時機以國會爲發難之具國會同人之一部分亦激於一時之政象未暇詳慎考慮遽爾倡議南遷感情衝動不惜投入漩渦以致連日憲法會議開會不成設因國會議員之分崩竟促成南北各派混爭之戰禍發難則易收拾極難後患何堪設想吾國政治問題斷非全恃戰爭所能解決西南護法合五六省之力實抱共同之主張奮鬪數年卒因中道乖離未收廓清之效今共事之初即以主義不同臭味差池之各種勢力強相揉合聚薰蕕於一器借名義而起兵迴環戰爭無可避免一動之後不可復收則此後中國將永陷於無國會無政府之狀態羣雄並崎盜賊滿山外人以保護債權而實行共管駐兵內地而奪我主權根本已亡國將不國未計將來之辦法律行破壞之破陰謀其結果必至萬劫不復溯其原因皆吾國會今日貿然分裂階之厲也可不懼乎此次黃陂去職既非國體變更又非解散國會之比與護國護法兩役迥不相同人未拆台我先割席是以黃陂一人之進退而犧牲國會以殉之壞憲法於垂成斷法統於既復權衡重輕實爲不可若謂黃陂出走係受武人壓迫則國會儘可提案查澈追究主名政府姑容即行彈劾在法律範圍以內儘有補救餘地而必南走津滬加入政爭爲混戰之先鋒受武人之利用放棄自身天職引起絕大危機使顛連無告之人民一線生機之國脈從此斷喪而無餘吾人捫心寧忍出此即就黃陂利害而論亦實不宜以一身之進退故供人傀儡重禍國民苟其平心靜氣必當有以自反吾人又何必同趨極端以益其亂乎回憶國會兩次解散橫被摧殘有護國之戰推翻帝制而國會得以恢復有護法之戰推翻僞統而國會得以恢復此此僅存之碩果乃犧牲無數生命財產而來同人亦多親歷戎行備嘗艱險今忽轉與破壞國會之人爲通力合作之計此與虎謀皮終遭反噬者矣前事不忘後事之師竊爲同人百思不得其解也同人若慮回京制憲或遭武力干涉則吾輩置身立法地位本不容有左右袒彼時接漸而行罪有攸歸自可正告天下較之今日先行自殺以殉一人之進退不猶可見諒於後世乎深望出京同人詳慎考慮力顧大局思其所由始而求其所以終從速回京完成憲法以卸十年議員之

責俾後來有所遵守解厥糾紛庶河稍對國民略求免過尙望各界人士念國事之艱危傷民生之憔悴  
居中調處唱導和平俾憲法得以觀成法統不至中斷不特國會之常亦國民之幸也臨書悚惕望詳察  
之陳嘉會牟琳汪建剛畢維垣周尙壽葉夏聲宋楨王鴻賓何畏司徒穎白常潔王樞符詩鏞周之翰曹  
振懋李鏡江天鐸李素王敬芳祁連元潘訓初范毓桂劉志詹呂泮林陳純修杜樹勛龍鶴齡戴書雲劉  
鳳翔劉正堃郭相維金永昌周珏王觀銘常恒芳薛丹曦王謝家谷嘉蔭李春榮蔣宗周葉成玉楊崇山  
張敬之王雙岐李杜謙李東璧張書元賈庸熙常琦璋張士才齊守楨張則肅韓增慶郭熙洽馬英俊鄧  
毓拾錢崇愷張滋大劉宗堯史澤成杜成鎔胡源匯林耀月熙鈺張映蘭汪震東李增葛莊大貞萬鈞傅  
師說胡慶雪姚翰卿姚華辛翰蕭湘鄧銘吳作棻劉尙衡林鴻超馬小進張廷輔鄧允多爾蕭必達徐萬  
清那德晤那旺吸嘛李瀾師數先孔昭鯉李含鑿姚占元余司禮吳蓮炬陳堃陶毓瑞李桀厘光麟黃佩  
蘭趙良辰馬文煥王吉言方德九管榮穎張玉庚趙正邦梁俊耀鳩鴻舉傅亦僧裴清源翼鼎鉉林炳義  
黃明新姜繼郭修張全貞張廷弼魏郁文任郁文李增穰楊增美連賢基童效先張端劉禁見鄭化國耿  
臻顯趙金堂曾昭斌賴德嘉金鎔昌張聯芳畢宣周澤南趙誠岳昌侯劉炳蔚李思楊萬鴻恩楊士鵬陳  
紹元譚文駿譚瑞霖高登鯉鐘麟祥陳蓉光雷述李綱忠張昇雲周克昌陳銘鑑周澤于元芳王志勳王  
伊文李鳳成李柳李垚年孫世杰該承箕李永發孫熾昌蕭汝王南木勒袁景熙札木芳裘章淦黃象熙  
張金鑑王茂材江聰邵長鎔夏寅官羅潤案許峭嵩閻光耀謝翊元崔懷灝張世昌樂山賴慶拔石鳳岐  
江椿林華侯汝信傅鴻銓宋汝梅嚴棍太穆郇祺克慎易仁善黃紹侃萬鴻圖張鼎彝張良弼高增融張  
雲閣陸大銓田美峯王玉樹康慎徽楊式震張國浚周祖瀾曹瀛楊詩浙李兆年李文熙閻秉真張佩紳  
楊肇錫恒詩峯同叩庚

出京議員忠告留京議員書（四）

留京兩院同人公鑒頃聞高凌霄王毓芝等包辦大選強迫手段而外並用利誘方法現擬備空頭銀

號存摺多分一面交付在京各議員一面令各議員納質圖章一顆俟總統選出取還圖章再行發給現款云云公然交易已駭聽聞詐虞存心尤爲可哂似此以豬仔待人稍有羞惡誰肯俯從固屬心勞日拙不值一笑而議會前途何堪設想民國十二年來政象雖常變動而收政軌法從無如此之甚者既暴破元首出京又欲穢亂選舉在彼等虛懸芳餌得魚仍可忘筌即使弄假成真補瘡何恤割肉由前之說譬如登徒挑姦蕩女方其未從何妨餌以釵釧由後之說譬如劇盜賄買貪吏但求倖脫不惜資以重金同人等奔走十年全名不易倘於此鬻身從僞晚節不終清夜捫心何以自况何走何從諒必熟審矣或曰世運文明百物翔貴矧於人類實長萬靈比年舞妓歌伶動價千鎰民選議員例數百萬億民代表距估千金必曰鬻身未免厚誣賢者流連京國殆有故焉然謂委曲以冀憲法之成歟則與虎謀皮早知不可圖窮已見今更何詞謂諸公別有用心則吾豈敢謂諸見不及此未免相輕欲觀大憲之成須擇自由之地否則適楚北轅必得其反謂愛惜現在機關不忍遽去歟大盜竊國並竊聖智職權不能行使機關徒被利用急應改途又何戀焉甘爲輿臺則又何說欲保國會之尊嚴必爭議員之自由羣謀選地集會正爲保存機關聯袂離京旬日集事常機立斷何嫌何疑或故身投虎穴不畏強梁歟則千金之子坐不垂堂殺身爲輕國事爲重見機而作不俟終朝諸公明達豈容多贅而諸公徘徊岐路果何故哉方今國家財政羅掘已盡學校停課官署罷工皇皇首都成何景象而軍警欠餉動逾數月飢寒交迫隱患方長即以議員論積欠歲費又及半年當局之人果有財力何不解燃眉之急饑支正當之歲俸果無財力則陰違籠絡之術徒敗議員之名而已在彼因翊戴之功不惜倒行逆施而爲議員計意外之財未可必得得之未必久享何者比年以來上下交困農愁於野商嘆於市即以京畿一偶而論欲求半年之俸以贍事蓄數元之餉以救飢寒而不可得者比比皆是議員號稱人民代表不能爲民請命反思利用人民所授之投票權假手軍閥以侵剝人民之骨血鼎鑪有耳民具爾瞻語云多藏厚亡衆怒難犯不爲國事計寧不爲身家計乎易曰見金夫不有躬諸公豈其然哉所望惠然肯來共策善計國家幸甚同仁幸甚臨風



翹首不盡欲言褚輔成劉恩格湯漪烏澤聲劉振生邢克莊鄭萬瞻王用賓焦易堂白逾桓彭養光沙彥楷等二百九十五人叩

湯漪致留京兩院同人書

留京兩院同人公鑒此次選地制憲之役以同人良心主張爲前驅以多數國民同情爲後盾事關國本何與政爭凡我同人雖京雖有遲速愛國期於一致常茲綱紀蕩然大難方殷之際非如是則不足以維持國會之尊嚴而爲今後解決時局之中心此我全體同人所宜慎重考慮者也比聞同人中決計南下者或以民人爭議復活爲慮或以國會經費不給爲疑此皆奸人出沒京滬飛短流長淆亂視聽之所致也關於民人議員問題久經妥洽不致再有爭持七月十四日在滬舉行之集會式仍由衆公推年長者凌君鴻壽爲臨時主席褚輔成君副議長之資格不生效力以此知其非民人矣至當日會場中倡有民人議員數人參入其間頗滋異議經褚君輔成來函聲明確係某方指使乘間搗亂決非護法議員本意關係甚微不足爲梗此間集會仍以民六行之云云此一事也國會經費爲國家法律上之支出此次南下開會所有經費業經所在地負責機關查照國會籌備處公函指定的欸按月支撥優有餘裕至於從前在京積欠歲費亦經本籌備處會同滬籌備處公推代表向各方協商兼籌以期一律補發俟安定辦法切實保證自當另行宣布總之凡所以策國會之安全而維同人之人格者力所能逮無微不至此又一事也綜上二者皆爲今日希圖破壞國會集會之自由者借端造謠之資料而其實結果乃如上述用特略陳始末以明真相而免誤會竊以爲公等可以行矣昔以議員歲費改爲節敬不過慷他人之慨今以大選票價移作軍備寧復知代表之尊而况凡我同人之政治生命固建築於國民同情之上者乎書不盡言惟希詳察願頌祺湯漪拜啟（七月十八日）

湯漪致憲草委員會同人書

北京憲法起草委員會同人均鑒法統告復國人即以速成憲法責望國會同人本其職責急起直追首

先增修憲法草案四章業已完全告成分次提交大會其未成者特關於本憲法施行附則一案已耳施行附則之所關視領以企不盡眷眷

南遷議員劉楚湘等以三事敬告兩院同人書

離京議員劉楚湘等以國會南遷將成事實特致書兩院同人以三事奉告蓋籌遠慮殊足動人茲錄其原文如下

兩院同仁公鑒自六月十三日發生政變後國人痛紀綱之掃地法律之蕩然普天共憤薄海同仇凡有血氣者當無不披髮纓冠投袂而起我兩院同仁受全國四百兆人民付託之重際茲大盜移國之頃尤應義無返顧計不旋踵爲國家正名分飭紀綱守法律扶危馭亂中罪致討昔趙穿弑君趙盾爲相未討賊春秋書趙盾弑其君共和國家雖異專制總統地位雖異君主黃陂功罪雖無定論然世界人類所恃以維繫於不敝者即在各守其分際而不相侵越今直系軍閥因攘奪大位不惜裂毀冠冕驅逐元首若我兩院同人忍辱含垢甘受其威脅利誘使得僞託法律正統之名以行則國人之中討史筆之誅伐恐不在直系而在國會矣茲者兩院同人次第南下證以旬餘來離京之人數及憲法會議之七次流會彼欲僞託法律正統之名以行者至今殆已絕望惟同人等更有進者民國肇基十有二載禍亂相循如環無端同人等南北奔馳顛沛播遷今三次集會北京原期制成憲法藉以謀統一而奠國家昊天不弔丁茲大難首都之地已爲強暴恣睢毀法亂紀之徒所竊據同人等護法戡亂責無諉卸不得不相率離京移滬集會特再以三事敬告同人

(一) 彼毀法亂紀者欲僞託法律正統之計畫既不能售則必出以非常之手段冀我同人勿一誤再誤再陷於非法

(二) 同人等以北京首都之地不能自由行使職權故移滬集會冀我同人聯翩戾止俾足憲法會議人數以成未竟大業勿再保留一部分在京致負破壞憲法之罪

(二)國家分崩離析已成不可收拾之局所恃以未分裂而謀統一者惟此國會耳冀我同人勿再逞意氣而分黨見使國會亦成一分裂對抗之局愈陷國家於不可收拾之境

劉楚湘彭養光王紹鏗鍾才宏烏澤聲高仲和鄭萬瞻黃雲鵬唐理淮劉恩格劉振生遠長增湯川彬袁榮燮陳光譜白逾恒張華瀾同啟

離京議員之兩封書

(一)致參議院選舉議長之非時

離京來滬之參院議員潘大道等昨致書在京參院同人云北京參議院同人公鑒頃讀報載本月二十日參議院之談話會決定二十五日開常會並擬選舉議長云云用意豈不甚善雖然願諸君再思之以今日之形勢參院常會有開成之希望否夫憲法會議出席有獎缺席有罰猶去法定人數甚遠況參院者出席缺席兩無差別開會無成歷時已久而謂當此政潮橫溢全國鼎沸南下同人絡繹於道之際反能開會有成其毋乃遠於事實乎今讓一步果如諸君之所預想開會而有成矣則當進問諸君將議何事其為普通法律問題歟抑為普通政治問題歟二者無論為何在此無政府狀態之下議之有何用處且語不云乎豺狼當道安問狐狸眼前一大政變尙未解決枝枝而析之節節而理之甯有價值至於議長問題本吾人恥辱之事開會將近一年議長迄未選出此誠世界古今之所未有諸君果有良法俾此問題早得解決夫豈僕等之所不願且將歡欣教舞膜拜而禱祝之無如此問題非王楊及擁護者根本覺悟如昔日江蘇省議會二張之所為終無解絕之一日今問王楊及擁護王楊者已有此覺悟否有之則請王楊兩君共發宣言不願應選亦望諸君惠然肯來共襄盛舉一舉而議長可得於以完成大法討賊戡亂皆意中事無之則雖集會滬上議長猶難選出何況北京明知不能選出而汲汲皇皇藉以自擾置大變於不顧招國人之訕笑甚非所以自處也故在現時狀態之下北京參院於勢則不能開會於理則不可開會此理至明無待翻縷若有欲利用機會效忠盜魁或以法外手段攬得議長者我南下同人

決不承認幸垂察焉潘大道陳峻雲李安陸潘乃德等八十人同啟

(二)駁留京議員主張三事函

頃奉惠書承以三事相商(一)俟憲法制定及和平統一完成後再選舉大總統(二)勿同時設兩個國會兩個政府(三)制憲不限於北京適當地點由同人多數商定心苦慮周敢不拜嘉惟所列之事與愚意頗有出入蓋先憲後選早已不成問題和平統一爲時尚不可期此第一項無所用其討論者也若夫第二項國會與政府吾人豈願有兩個且亦不能有兩個以一國之中有兩個國會則兩個俱非國會有兩個政府則兩個俱非政府今之所務在建設一個國會一個政府而已此一個國會一個政府是否真正之國會真正之政府就法律言固視議員多數之向背就政治言則視國民多數之向背今國民多數之向背已可知矣同人果向民之所向而背民之所背者接漸而行可也如是則政治與法律可以一致不然縱有多數議員在彼而以人心所背法律亦失其根據匪特政府之亡可立而待雖國會其能以無民意之後盾而獨立存在乎蓋國會與屋宇有異屋宇之存託於地基國會之存基於人心以諸公之明豈不知此夫不視一般國民之向背而斤斤於議員人數之多寡者此知法律而未知政治者也抑第三項所謂制憲地點由同人多數商定云云此多數者將何以決之耶決定於開會則南北相隔何由聚於一堂決之於署名則彼此假借孰能定其僞真且多數云者本決事之方法非多數所在即真之所在是之所在也今日之事要當內審良心外察輿情斯已矣審之良心而安察之輿情而合者雖以一身爲天下先可也見義勇爲誓不返顧多數云乎哉潘大道陳峻雲李安陸李肇甫黃雲鵬李爲綸潘乃德等二百四十人啟

津議員遷滬之計議

前日北京方面有兩院議員談話會其情形已見昨報茲據寰球通訊社消息在津兩院議員於六月二十日亦在法界某宅召集談話會討論時局緊急應付之方法到會議員計有一百六十餘人衆推褚輔

成爲臨時主席褚就席報告今日開會宗旨後並報告事前已請大總統黎元洪出席報告被迫出京之情形衆鼓掌黎乃從別室入就席報告云元洪旬日以來瀕經危險自爲國犧牲生死早置之度外不圖今晚尙得與諸君子相集一堂中心慰樂不堪言喻茲將在京種種被迫情形暨在京不能自由行使職權不得已移津之苦衷作簡單之報告當六月六日忽有軍警長官二百餘人來府索餉比經元洪曉以大義去後逾一日又有所謂公民團四五百人擁至私宅肆意騷擾而前日索餉之軍官二百餘人又復相繼來宅以後接連發現軍警罷工所謂天安門前國民大會散放傳單倡言非驅走總統不可甚至私宅五個電話同時斷線前後且兩日之久生活所需之自來水亦復斷絕接濟元洪念此次風潮之起表面既爲內閣問題是敬輿已決然捨去則速覓繼人要爲當急之務不料與顧少川顏駿人接洽方有允意若輩又復多方破壞繼以恫嚇至此元洪審察四周情形知非離開北京已無自由行使職權之餘地不得已乃於十三日下午二時頒發各道命令後擬裝出京道經新站又被截留今日即俾得尙在人間爲國爭存斷無反顧之理尙望諸君子抒發偉論同靖國難云云繼李根源報告此後政府行動惟國會合法之決議是從云云旋黎退席偕輔成爲進一步之主張應將國會遷滬嗣焦易堂發言謂同人或恐民人之爭不敢南下則鄙人敢代表民黨全體發言以前在京民人之爭實係政治手段之一種蓋恐國會被人強奸留爲補救方法之餘地今形勢瞭然當時目標既已消滅民人之爭直已不成問題請同人放心又某君報告非直系之實力派態度對國會均願援助嗣郭桐彭漢遺高仲利等繼續發言旋決定各種辦法如下(一)由在津同人致函憲法會議議長吳景濂憲法會議暫停開會(二)推定田桐某君二人赴滬籌備國會開會地點(三)發表對內對外宣言聲述國會移地開會之理由(四)招待同人去京散會時已一時矣

黎邸謙會中之各議員演說

黎大總統於七月五日上午十二時在英界私邸設筵謙請離京到津之國會議員到會一百二十餘人

並約政界李印泉劉定五李介如萬宗石諸公作陪讌集後黎公及議員均有演說而由粵滬新到津門之劉成禺君更有極有關係之報告分別誌之於下黎公致詞略謂余此次離京實因不能自由行使職權到津後非圖休養乃欲努力於整飭國家紀綱保持法律尊嚴諸君此來關係極重當竭力隨諸君奮鬪等語黃雲鵬演說略謂同人爲保持國會及個人人格相率離京乃係主持正義來津簽名者已二百餘人南行者亦百餘人在滬且有種種籌備願同奮起將來可達到自由制憲之目的至於民八民六問題京中同人尙有懷疑者須知此次國會南遷係共同奮鬪民六分子盡力者既甚多民八分子對於軍閥同深恨憤將來決不致發生問題既曰南遷係將北京恢復之六月十三日所解散之國會遷地開會毫無疑義云嗣湯漪演說略謂由去年法統重光國會開會鄙人抱有兩種志願第一制成憲法第二頒佈憲法結合良好政黨以運用政治自此次政變以來此兩種志願均成畫餅此次軍閥暴行紀綱墜地較從前法律之爭尤爲重大同人毅然出京即係維持國會人格至懷疑者謂脫離甲軍閥勢力之下而依傍乙軍閥勢力之下驟然聽之似成理山殊不知此次同人離京南下乃係自動的並非受人主使如段張盧諸公雖表同情然係以國民資格歡迎擁贊此又何必諱言更謂同人此次奮鬪乃創創一種新局面無所謂民六民八換言之卽謂爲民十二之新活動未爲不可云云嗣潘大道演說謂同人之責任在制憲制憲之機關在國會然必先立本身之信用然後所制成之憲法方能昭示國人若本身失去信用則憲法雖成亦成廢紙此次軍閥暴行國會已無自由行使職權之望同人離京乃所以保持本身信用鄙人不但勸人回京並力勸尙未出京之同人聯翩南下云云嗣劉楚湘演說離京及希望憲法之旨其主旨劉君已另草意見書茲不贅述嗣劉成禺新自南來報告云鄙人自粵北來路經上海昨日到津欣逢盛會深爲欣悅所欲報告於諸君之前者孫中山先生對於國會之態度乃順從多數之意旨爲意旨努力擁護於後某某數君在中山先生曾建言請速召集護法議員續開民八國會先生歎曰昔日之護法同志如某議長及某某今皆爲曹銀謀選總統吾尙有何法可護不是護法乃是護曹銀今簡單

言之凡離京不舉曹錕爲總統者便是護法議員皆余之同志也某某語塞而退於此可徵國會同人離京舉動之態度矣至於上海輿論反對曹錕論調一致均希望國會早日到滬開會又近日盛傳孫曹攜手之說此係某派一部人之主張以事實上徵之主使沈鴻英陳炯明打廣東者係吳佩孚齊燮元而率領吳齊者即係曹錕於此可見孫曹携手絕難見諸事實云演說畢筵終散會昨日一席話與時局極有關係云

## 南遷計議中之津訊

北京順天時報天津通信云自時局變化以來綜合現在各方面之情況尙難悉其究竟矧將來歸局之預想乎恐任何人亦無把握即所謂時局主人翁之直隸派亦難期自己之企劃必然成功假令其最初之計畫(亦可謂最後之目的)能以成就然將來果能獲美滿之成績否尙一疑問時局之主人翁尙復如此况非實力派耶目前防害實力派最大目的之成功者或具有將來推翻實力派勢力之希望但果否能如所期實現又將來所謂實力派推倒後多少年間能有圓滿進行建設之把握否是皆不能無疑者也要之最高運動方面既無一定不移之步驟而反最高運動方面亦無圓滿建設之把握至於局外人即明日之變化如何亦難預知故各方面不亞如處於五里霧中自最高運動發生以後之局勢已大僵而特僵國家僅餘之元氣徒供消耗此最大之責任當歸目下只知獲得最高地位與攀龍附驥之直系負之彼等惟知己身權利之是求不復國家福利之是顧反之另謀別開新生面之各派聯合可以謂爲理想派當此理想派黨議紛歧之時而對於推翻直系之唯一目的完全一致總之在現在北京攝政內閣治下反對派聯合之消息非屬虛僞即係鼓吹絕無確實之可言但大舞台後台之天津較諸北京之漫然敷衍者殊有緊切之情態故據記者在津所見聞非直系之聲勢較諸直系其形勢洵屬優越遠甚今在津活動之非直系爲褚派安福政學大孫及小孫及東三省派現在各派中對於直系最持不合作主意者厥爲東三省議員茲據昨日所聞東三省議員七十人中刻下留京者僅有五人其六十五人

中出京已歸奉省者實達五十人之多其東三省議員中與直系通款者原屬不少茲由各派中東省議員首倡如斯團結之行動以觀之則奉張與直系不合作之的確亦當可證明矣溯自時局變化以來奉張與浙盧向守沈默倘此時徑發一電無論其措詞如何委婉亦當于對直系最後之通牒是以今後行動苟不獲有實際之頭緒不得已仍當守其沈默之態度奉張對于自己權力下之議員已使實施第一步之行動故代表奉張來津之楊課長已因任務終了業經歸奉其刻下在津常接洽之任務者爲劉恩格諸氏至於浙盧其公子小嘉亦已返浙他如鄧漢祥及胡政之尙往返津浙間刻慮及何豐林之態度業已表明毫無懷疑之餘地盧何對反大選派曾表示意見謂中央政府被迫去京亟應另覓安全地點遷移建設倘擇定滬杭即應力予保護以順從民意云云因是各派對於盧何十分信任故決定將國會與政府遷移上海其外間所傳遷國會於杭州或廣東者絕無其事確係決定上海是只因交通便利以政治的意味非否認廣州至遷於上海非在外國租界乃在租界以外建設此乃信任盧何保護之結果現在議員簽名新建設運動者已達四百餘人除東三省議員由奉赴滬者外其徑行赴滬者有百三十餘人據昨日之計算由津他行之總數有百七十餘人今日以後仍當陸續南下但其行期尙秘而不宣是蓋恐某方以暴力攔阻也各派領袖如褚輔成焦易堂鄭萬瞻黃雲鵬白逾桓等刻尙留津黎黃陂李印泉及蔣作賓(前日由滬來津)又段系之姚次之等不分晝夜共相策畫然褚等赴滬之期當不出一星期上海開會當在二星期或三星期之間若開會不足法定人數時即擬改爲非常會議俟足法定人數再開憲法會議現在已簽名之四百人中意志異常堅固者有二百五十人乃絕對不與直系合作者時局果屆嚴重則此四百人可望一致團結在滬開非常會議更開常會與憲法會議刻褚等皆抱樂觀至於各派對於政府之意見以今日之時機亟應承認黎氏任命之唐紹儀組閣倘唐氏不肯擔任即承認李根源之署閣且各派之間已將全體閣員分配妥協但此一事尙嚴守秘密將來不至適當時期決不發表而其時期或將與在滬開會同時預計當二三星期之後在滬新建設開始同時黃陂亦將南



下以完成其形式以上即聯合各派新建設之第一步計畫但此時段合肥之態度非常冷靜在其系統中僅姚次之一人擔任接洽各派姚氏此種行動之全部不得謂與合肥有直接關係似受某軍事派家之委任參與聯合運動者也至褚輔成之意志最爲堅固吳議長曾極力挽留決不爲動王叔魯亦曾親自敦勸亦不之聽始終爲各派之重心以記者在津見聞所及聯合各派之氣象異常活潑堅結實出吾人想像之外云

### 江蘇議員主張移滬制憲之通電

上海各報館轉江蘇全省父老昆弟暨全省各法團公鑒迭見報載江甯自句容江都高郵江浦睢甯等縣團體以國會移滬懼我禍蘇勸令遷地並責恐於本省同人以杞憂之深不覺引繩之切鑿父老兄弟聞而誤會不得不略陳其愚我蘇省兩院同人簽名士先憲後選之宣言書十之八列名於省憲同志會者十之九其以制憲爲唯一之責務久矣迨政變猝起議憲無望乃繼續南下比見在滬同人率皆省憲之同志咸抱制憲之決心故樂與之周旋今且擇定地點尅期國會整頓會務專議憲法民國糾紛庶期迎刃以解同人亦藉以稍釋其咎戾竊以爲在滬制憲有優良之點二憲令與常會本截然二事然同時舉行動遭牽製夫常會之有承諾權也同意權也彈劾權也查辦權也皆取以監督政府不幸而議員與政府勾結或與政府衝突皆足使憲議受其影響其勾結也將使憲法條文有前選就其衝突也或因一人一事而使立法行政失其並立之精神於是會內則有缺席有競爭會外則爲無形之干涉爲非法之解散十餘年來三次制憲皆因在常會期內與政府接觸致此不良之效果今上海既非政府在地則常會種種職不妨暫置選出參院議長（即憲法會議議長）後即可專力制憲無勾結與衝突之發生其成也可立而待此優良之點一也約法以制憲權賦與國會而兩院選舉既未加入農工商代表中央學會應選之參議院八人又未成立今憲法草案雖加入教育生計勞動各條猶恐於各專家少所挾洽規訂未能完美滬上如全國農工商學距予蒼萃之區可以徵求意見討論當愜卽地方制度亦可調和各方

意旨求一適合國情之標準此皆在京開會所志焉而未逮者其優良之點二也有此二點則知移滬集會正是憲法前途良好之機緣至謂因國會來滬而遣我蘇以兵禍是正不然現在若川若閩若粵並無國會議員之踪跡而兵禍未艾則知佳兵者別有其目的而國會無與焉滬上爲蘇浙兩省之樞紐兩省當道既宣告和平兩省父老及各團體皆力主弭兵而國會在滬專心制憲避去政爭設有搆動江浙之兵端擾亂憲會之秩序被爲之戎首者非破壞我國會而破壞我中華民國之憲法也雖有至愚孰肯出此同人等於蘇爲桑梓之敬恭於國會苔岑之愛護既因避免政潮而遠引即以助成憲議爲指歸謹此宣言藉表誠悃邦人君子幸共鑒之江蘇國會議員沈惟賢姚文枬陳士肇徐蘭墅王紹鏊王汝圻胡應唐蔣鳳梧潘承鏞汪秉忠沙彥楷張相文王茂材戴維藩凌鴻壽徐兆璋瞿殿甲夏寅官陶保普楊擇朱溥恩蔣曾煥丁文瑩秦錫圭胡兆沂祝光樾阮性言高旭解樹強劉可均丁善慶叩

### 離京國會議員之兩大宣言

(一)對內宣言 全國各機關各團體各報館公鑒民國肇興十有二載姦宄迭起擾攘頻仍約法則視若具文制憲復垂成屢敗遂至國本動搖人人自危幾疑共和政體之不可行思之痛心言之切齒同人等受國民付託之重顛沛流離備嘗艱苦大法未立負疚滋多法統三復鮮克有終今茲六月十三日之變又見告矣橫暴武夫覬覦大位威脅利誘穢德彰聞竟敢煽動軍警包圍府邸劫車索印行同寇盜旬日之間以尊嚴之首都化爲豺虎縱橫之地綱紀盡隳廉恥道喪國於天地果何與立一載以還同人等以法統須經遞嬗憲法亟待觀成忍辱履危眈勉從事幾足一動而偵隨舌一動而貽至武人干制憲之電盲誦於議堂暮夜扣門之私公言於白晝以此制憲其何能淑以此大選安得元良况復矯命攝政借債行賄若金佛耶案之協定若詐索鹽商之釀金若天津俄界隙地之變賣若西北國道借款之蜜約事實昭著中外播聞惟便私圖靡恤國權倒行逆施無所不至實爲人類所共憤國法所不容同人等維持法紀責無旁貸敢爲露布以告國人首都已陷於無政府狀態國會在此危亂之區不能自由行使職權爰

自六月十三日起相率陸續南下開會於滬上別謀建樹完成憲法凡我國民諒有同情申大義於不昧冀國本於將傾死生以之誓底於成除對各友邦另有表示外謹此宣言惟希鑒察

(一)對外宣言北京各國公使天津上海漢口廣州各國領事公鑒此次北京政變總統移津全體閣員概行免職北京爲武人盤踞正式政府一時尙未完成國會爲暴力壓迫決計移滬開會所有六月十四日由三五免職之閣員矯命攝政之布告及六月十六日兩院會合會不足法定人數之議決認十三日大總統在京發布之免職命令爲無效而以十四日在天津車站強迫所發之總統辭職命令通電中外種種行爲迭經同人聲明爲非法世界立憲國家從不聞有此惡例諒爲貴公使貴領事所共知最可詫異者以大總統直轄軍官敢於包圍府邸逼令離京以大總統特任疆吏公然劫車索印逼令發電行同盜寇聞者髮指綜上所述經過之事變可以證明敵國首都久已陷於無政府狀態自六月十四日起北京免職各國務員對於貴公使所發文書所訂契約斷然不能發生效力全國國民誓不承認應請貴使團拒絕交涉扣留每月應撥之關餘盈餘俟正式政府成立再行交出庶幾亂源杜塞政治可望復上軌道特此聲明敬希查照再現在報名移滬開會之議員已有過半數以上自本宣言發布之日起所有在京議員之行動當然與國會職權之行使毫無關係合並奉聞

褚輔成湯漪覃振杭辛齋凌毅童杭時焦易堂董昆瀛烏澤聲郭椿森蔣曾煥吳昆蕭輝錦茅祖權于洪起馮自由黃元白王斧黃伯耀田桐呂志伊章士釗朱溥恩胡兆沂董耕雲李安陸楊永泰黃雲鵬石璜秦廂三劉振生王樂平陳義方潛王源瀚李靖國王鴻龐于恩波王茂材易仁善蕭炳章張世楨袁榮筓王國祜丁文瑩金燾覃壽公劉楚湘程崇信王宗堯余名銓張華瀾徐兆璋鄧天乙景定成孫鏡清劉澤龍祝光樾連賢基楊士鵬劉萬里林鴻超程修魯金兆校陸祺郭生榮冀鼎鉉汪秉忠鍾才宏凌鴻壽劉重張則川李景泉龔政凌飛林伯和周廷弼徐象先周澤苞彭施滌雷煥猷易宗燮金溶熙韓藩沈椿年金尙誥劉盥訓盛邦彥劉懋賞黃贊元張宏銓瞿啟甲羅輔閻鴻舉苗雨潤范熙壬阮毓崧周兆沅張海

若劉榮棠劉峯一彭建標車林端多布周繼灤王猷張復元王任化丁儁宣陳燮樞周學宏楊擇梁登瀛  
李式璠谷思慎邱珍向元均彭邦棟唐支厦何弼虞趙連琪羅上覺高杞劉燮元禹瀛李英銓彭學浚陳  
子斌胡摯譚煥文文篤周袁炳煌鄒繼龍汪如梅楊逢盛張樹桐唐樹基張敬文時功玖黃懋靈戴書雲  
毛玉麟潘乃德張廷輔賴德嘉張大昕汪曦鸞鄧元歐陽成黃緝熙呂復張善與賀昇平張華祖張嘉謀  
曾昭斌金鏞昌張聯魁劉緯楊夢弼黃象熙席業魏肇文王恩博劉景烈鄒樹聲陳友青白常潔李自芳  
馮振驥周學輝黃汝瀛郭寶慈盛際光金承新周慶恩覃超尹宏慶李廣濂蒙民偉陳祖烈劉彥方表張  
鳳翽李含芳段大信王鴻賓王式杜師業楊允升高仲和歐陽沂王恒寇遐王兆離尙鎮圭李文治翟富  
文丁超五何海濤馬君武岳雲韜趙烜朱家訓閻琳黃荃姜繼蕭汝玉羅潤業李垚年王烈閻光耀陳祖  
基角顯清陳光勳張大義王楨山宗龍段雄李華林丁佩穀趙守愚李克明繼孚張瑞劉雋佺邱冠棻程  
鐸沈智夫饒芙蓉曾慶模王有蘭艾慶鏞吳淵湯川彬李爲綸李肇甫李永發李含荃那德昭李瀾師敬  
先席綬孔昭鳳陳煥章王永錫詹永祺羅增麒黃寶銘劉景雲龍鶴齡李正陽劉丕元熙鈺黃金聲祺誠  
武林繩武祺克慎陳紹元汪震東康慎徽裴清源張樹森姚桐豫謝國欽朱觀玄韓玉辰唐寶鏐孫光庭  
曾幹楨寶應昌蔡復靈潘學海劉濂許植材朱騰芬楊山光詹調元戴維藩潘大道陸昌煊曾銘陳國璽  
孫熾昌盛時葉蘭彬廖宗北田稔陳士髦黃紹侃齊耀瑄程大璋陳師汝丁善慶劉可均余芹生李秉恕  
陳峻雲張鴻倓王汝圻胡應庚張相文王紹鏊蔣鳳桐楊肇基刑麟章趙學良劉興甲張光煒白逾桓薛  
丹曦傅航國田美峯彭養光張振麟吳日法賀廷桂王迪成陳尙裔楊振春王用賓李振鈞李永聲邵瑞  
彭陳光譜胡鈞沙彥楷張浩趙舒奉楷郭同徐蘭墅鄭萬瞻謝越石楊時傑姚文枏向乃祺阮性言何銓  
譚周震麟徐繩曾毛印相江浩李耀忠孔慶愷陳廷颺何雯黃霄九唐理淮馬小進賴慶暉趙仲黃序彌  
盧鐘嶽陳邦燮孔昭晟董慶餘劉映奎盧仲琳王安富陳宗常李汝翼張瑾雯李執中王洪身遠長增蕭  
文彬張雅南范殿棟關長慶莫德惠楊繩祖劉哲吳子青李膺恩高家驥李秉恕劉恩格郝克莊王秉謙

鹿鳴楊渡臧景祺謝書林楊顯青龔玉崑焉泮春姜毓英羅永慶翁恩裕仇玉珽曾有翼張嗣良王文璞楊國瑞趙仲仁李伯荆駟滌塵車席珍邵仲康孟昭漢陳世祿訥謨恩克阿穆爾業喜海順博顏德勳格爾壽明阿克興額慮元弼張輝田永正

右爲離京議員決定南遷時對內對外之宣言其義正故其詞斬專若揭日月而行當此之時大多數之議員憤於軍閥之橫暴國法之掃地慨然有滌盪瑕穢整頓乾坤之志黨派異同之爭夙昔詭譎之武力金錢之脅迫誘導舉無所動於其中所謂平且清明之氣者非耶列名諸人間有執德不宏終受賄選之辱者而其初念則自不失爲可嘉爰並存其姓氏俾後之讀是編者綜其前後始末有平允之判斷焉

### 湯漪論國會南遷後立法計畫書

兩院同人公鑒此次法統告復舉國喁喁之望與夫同人間所以互相祈免者無他制定憲法而已曩者唐續議憲經年之久綜其成績則草案依然草案通過二讀者僅一條文而憲法會議流會者十居八九往事已矣可勿深論自曹錕及其部屬倡亂京畿破壞法紀毀滅廉恥專以利誘威迫爲秉國競選之絕技舉國憤慨輿論沸騰與衆共棄之日至矣於是乎有國會南遷之役然以現勢觀之南下者固逾半數而留京有待徘徊歧路者亦大有人在在此誠國會最不幸之現象國人之所同嘆也然愚竊以爲國會終必取一致之行動且其行動必以多數之信仰爲前提而后能爲今後解決時局唯一之中心者果何說乎一言以蔽之曰協定辦法全體南下而已南下與留京不過遷地時期中之一名詞絕對不能成爲對抗之局勢在兩者至於過半數而止固無完全行使職權之希望在北者將永無成會之一日而其發言權能否爲國民所承認不免成爲問題事實如此無可諱言是在雙方之自覺而已論者或疑今日京滬兩方恐無妥協之可能性其說非也留京者以制憲爲名而未嘗以擁曹爲幟自始亂迄今已逾兩月間有爲曹銀訟直者乎殆無有也此中異同在能制憲與不能制憲而不在南下與不南下彰彰明甚此其可能者一南下者爲自由集會爲立法行動既非護法事業亦非革命運動南下誠是矣而其主要之目

的立法之事業仍不外以制憲爲第一要義如是則留京同人根本上無所藉口其有假制憲之名行擁曹之實效死勿去者亦將內愧天良外慚清議中國雖大無地自容此其可能者二雖然事固有自始占絕對之優勝而其結果終歸失敗者則人謀不臧爲之也使我同人殫精研慮互相暗鬪今日接洽南下明日運動北歸永墜輪迴萬劫不復曷若提出一種統系的計劃具體的方案公開討論求多數之同情與國人以共見本共同之信仰爲一致之行動蓋由彼則作僞日拙而由此則一勞永逸故也不此之務則來日大難亂且益甚禍國之罪其誰尸之此愚所爲所夕惴惴者也茲本前旨謹就鄙見所及臚舉南下後應議之案鈎元擇要依次論列用爲未雨之綢繆並資國民之覽觀倘荷贊同即希分別署名一致南下共同提出保持國會主動之地位確定解決時局之方針何幸如之即使所見不無異同亦希另提新案共相探討但期大體克立統系釐然則內部無虞分裂建設自有本末爲計之得無逾此者其亦我同人所樂聞歟試列舉國會南遷後所有重要提案及其大體上之意見如左方

#### 第一 關於國會本身問題者

##### 提案一 補足第三期常會延長會期案

(理由)第三期常會會期終了之後延長會期四個月一案業經兩院通過計自民國十二年十月十日止惟自六月十三日起認爲在北京無行使職權之自由在事實上亦未成會應由上海繼續開會之日起補足四個月至○年○月○日止

##### 提案二 延長衆議院議員任期一年案

(理由)在民國憲法未宣布施行以前今日僅存之國會是謂約法上之國會以其爲無上之主權機關關於延長任期之議決在法理上本有此權能但依國民公意所表現有必須注意者(一)不能爲期限之延長果欲延至第二屆國會成立之前一日爲止則必引起國民之懷疑與反抗(二)延長任期一年應將一年中議事綱要宣示國民以鞏固國會之信用明定同人之責任

### 提案三 改選參議院議長案

(理由)應於開會前解決之以示決心衆院議長發生問題時亦如之

### 第二 關於制憲問題者

(一)中華民國憲法案及其施行附則

(理由)南遷後不能積極制憲則國會爲自殺應由同人集合宣言限期布憲姑假定民國十三年元日爲宣布憲法之期及今圖之猶可及也

(二)改正大總統選舉法案

(理由)現役軍人不得被選之規定必須加入此爲國會南遷最宣明之態度其他必須修正補足之條文尙多姑不具論認爲有修整之必要時應俟憲法宣布之後續開修正憲法會議會行之

(三)其他憲法修整案

(理由)通過二讀而不能不加以修正之條項有如林議員長民致兩院同人書中所述者大致已略具矣亦以修正憲法之手續行之

(四)其他重要法案

(理由)與憲法有關之各特別法案如國會組織法選舉法兵役法軍官任用法及基於生計章立法本義之公用徵收法尤爲重要凡與憲法施行有關之法案不能同時宣布則憲法等於具文此爲同人不可不負之責任亦即延長衆院議員任期絕對之理由也

### 第三 關於總統問題者

(一)解決總統任期案

(理由)現任總統任期不能依法解決其危機有二果謂黃陂爲事實總統在法無任期可言凡曾任民國總統之人物無論任滿與否隨時皆有被擁之資格是誠何心開此惡例此其一去歲黃陂入京之始

院內院外乃至黃陂自身對於任期間題迄無正確之表示事過境遷在國會已完全承認其一切職權之行使至於今日又欲以不求甚解了之事同兒戲何以示後此其二竊以爲此問題之解決不能再緩而其解決之方式應依民國二年國會議決先選總統後議憲法一案之手續行之一認爲現任大總統應於民國〇年〇月〇日任滿」此問題一經解決則正本清源名正言順而事無不成矣至於政府何如依法成立總統何如依法選舉何如依法解職國務院何如依法攝行此則民國國法具有明條無容討議者特總統之選舉必在憲法告成而後斯又至當不易之理也

綜上所述悉爲同人法律上之職權南遷以後完全有行使之自由且與政爭絕對無關而其實現之可能性但須訴諸同人之自覺心而已足既不必假金錢爲媒介亦無俟乎武力之擁護所謂解決時局之中心者此也失此不圖而以吾人十年來之政治性命獨一無二之國家機關隨國內勢力之分野殉末運已屆之軍閥互相詆毀自爲分裂寧非大惑不解者歟茲當南下敢布胸臆與在京同人爲最後之商榷且願與南中同志互相祈勉也書不盡言惟希亮察順頌祺湯漪拜啟八月十八日  
離京議員郭同等遺馬驥書

彥狝足下近日報載足下答徐佛蘇書手讀一過不禁駭然相鼠之詩曰人而無恥胡不遄死夫人至敢於公然虛僞當面撒荒是非心死者誰肯覩顏若是以足下曉暢法理元瑜翩翩書記誠三秦未易才也迺以附和黨魁急於功利之故至喪本來貽羞當世莊子言哀莫大於心死而身死次之今雖生猶行尸走肉也而尙可謂爲人乎僕等本古禮朋友死哭於路之義誠不得不爲一灑千秋之淚也雖然足下果猶憤懣於中而未肯心折乎僕等效子長報任少卿之例刺取原文要點爲足下次第以言之原書謂以言國會則屹然依法存在北京並無任何一人有絲毫之干涉及絲毫威逼之事實又謂以言法律憲法未成約法有效我全國所奉命惟謹是皇皇數十條約法及憲法一部份之大總統選舉法亦從無一人有甚違反之處一節此視爲曹錕養電之應聲可也核與近日王承斌馮玉祥等答曹錕電之措詞何以



異焉就事實言之利誘與威逼皆破壞國會之罪也去冬之炭敬二百元高凌霨公然宣之報紙今年端午前汽車分送之節敬五百元誰不目見耳聞者袁家花園之款通過閣議財政部可案以國庫之支出不給爲法定之歲費而爲個人之市恩五千元之票價王吳高邊熊等逢人輒道儲款以待此等賄賂行爲是即破壞國會之一罪也威逼之手段幸我同人神經敏捷倉皇絕裾彼輩遂無所施其技耳在法元首與國會本有同等之尊嚴軍警罷崗係出馮王高等之命令公民團之辱迫係出張英華張廷諤等之買僱攪擾京畿者七八日馮玉祥王懷慶高凌霨吳毓麟等祇有加工之行爲並無鎮撫之言動京保密邇電話時通曹錕坐不一言獨至黎氏十三日一時出走而曹錕維持京畿治安之電是日四時卽到謂彼輩非合謀遂黎者足下有大膽乎旣可以逐元首何不可圍國會卽觀黎氏行後王馮等催選總統之電紛紛而來月暈礎潤卽知風雨之將至寢假同人不速出走庸能免威逼之辱乎而猶有不能不感激足下等者貴黨獻媚光園由來者遠大頭得結主知堅持賄買不肯以武力逼選邊吳信之遂定先買後選之計使吾人得忍須臾乘間逃脫此則不得謂非君之賜也強姦婦女者誘以利與逼以威皆可構成強姦之犯罪行爲者也不能謂必以威逼方爲犯罪以利誘卽不得犯罪不過曹錕之威逼議員爲尙爲未遂犯耳足下固通法學者豈不知謀叛國家之犯罪雖未遂犯亦應論罪乎迺原書祇及威逼不提利誘豈天下人皆無耳目者乎奈何悍然不顧必爲曹錕洗飾也黎爲約法上之元首旣可以逐而去之矣尙何守法之可言無違反者之可言哉

原書謂一部分同人竟因黃陂出走卽認國會不應在軍閥勢力之下北京集會又謂並詆在京同人爲附逆則所附何人有何事實爲叛法則所叛何法有何確據爲猪仔則何人爲猪仔有何証明一節此爲其自辯之最得力語也今反以詰足下黃陂何人出走何事若無其他確証其他理由能解釋黃陂可以任人逐走者則國會在京不能集會之理由卽爲天下莫能之物也曹錕逐元首擾亂京都陷國家於無政府狀態之罪名旣定則在京同人之罪名亦定今明白以告足下所謂附逆者卽附曹錕及其謀亂之

同黨也其事實即不聲討曹等之罪而反受其節敬應其宴請於袁家花園與商拉攏議員留京謀以選曹爲總統是也所謂叛法者即叛約法及大總統選舉法是也其確據即在用不合法之會合會通過足下之提案無理以解黎氏大總統職是也所謂豬仔者中外輿論同上君等之雅號耳僕等本物傷其類之意實未嘗以此相奉也若必謂何人是豬何人非豬僕等以爲可以受曹黨之參養者即豬也有意擁曹並在高吳等僞攝政下謀活動者即豬也以此爲証足下其能逃此圈中乎雖然僕等視足下罪與馮王高吳等均也附逆云乎哉蓋馮王高吳等去黎之自然人而足下則去黎之法律上資格也大總統之產出本於憲法而大總統之解職不依憲法此則僕等所未之前聞者也黎氏之行是否即爲大總統選舉法之因故此亦僕等所不敢承認者也足下竟大膽主張以過半數之會合會過半數之表決解黎之職竟大膽認黎之去職爲即大總統選舉法上之因故是雖謂足下之罪加於馮王高吳一等可也蓋一方以解黎職者媚曹一方即率議員以從逆以此相詰足下雖善辯庸有解免之說乎原書謂其重要人物不外三派（一）政學派（二）安福派（三）中山派其有非此三派者則皆附屬的非主體也往來於京津滬者則皆一時的金錢化非主義也兄試思此三派人物在民國政治史上有如何事實現在政治界中居如何地位對吾國一年來之政治作何感想自去歲國會恢復至於今日持如何政策一節是殆列子所謂目能見千里而不自見其睫是也以嚴格批評上述之三派獨寬大置曹派於不論豈所謂如入鮑魚之肆久而不聞其臭者歟今反以問足下曹錕在民國政治史上有何功績即退一步言之去年恢復法統是其力焉然其功是否足以折贖其罪在現時政治界中是否爲把持一切不使有他派人活動於其軍權下者即足下與其黨魁年來之恭順盡忠尙欲分僞內閣之一閒散部不可得焉一年來縱其不識之無之部曲挾天子以令諸侯無時不以武力橫衝直撞其所持政策無非欲以直系正統宰割中華而已若足下於僕等之間而不能明白答覆也者則請無再開口批評他人可也以僕等觀之上述之三派無論語其何者祇有勝於直系斷無劣於直系者也僕等聯合三派即以倒曹剷除軍閥爲主義

者也若謂金錢則旅費五百元而已月領歲費三百元而已僕等固公開登啟事於各報明言而不諱者也以視尊處之炭敬節敬又有五千元之支票或又謂改爲巡閱使顧問每月五百元十個月而止豈不大相逕庭乎若以語足下則一次即得八萬元前月各報遍傳大頭得二十萬餘以交之足下自扣留八萬元餘以交之劉某等等遂至內訌此報出後不見足下一言之更正而爲曹寶力氣甚於楊小樓演落馬湖一劇其爲得特別鉅款事實可知也實以告之足下此間全體所用至今僅三十餘萬耳僕等斷不爲無恥之言動假以多報少之說以欺人也是此間之所費當大頭與足下一次之所得而猶不足耳迺反以此譏人是真不知天地間有羞恥事者也况今之爲反直派者滔滔皆是視洪憲復辟未有異焉又豈僅上述之三派乎哉姑指一事以証之即足下向所奉爲惟一黨魁之兩唐今亦反直派也即上海之商教等會亦反直派也彼等豈皆爲上述之三派所運動乎恐足下雖善辯亦不能爲之說也即就上述三派言之其不肖分子之同化於足下等之金錢者亦未始無人焉若必以反直爲彼三派所專有事僕等不承之即天下之人不承者亦尙不知幾何也即如足下言北京派來之協商代表四人尙有二人同化而不歸彼二人者豈僕等強留之乎抑以金錢買之乎無非良心爲吾人之道理所激刺遂棄暗而投明耳至足下所謂正道表面常理之外尙有何事何物僕等誠愚而不得知然僕等亦豈有意動天下之兵不過直系必欲以武力征服中國則大有力者終必起而與之抗是豈待僕等之運動爲哉僕等甚欲得和平之方解決國事之根本如足下有意即請從正道表面常理以謀之可也（一）須保證曹錕決不再爭總統以彼本無功於民國况且犯大逆不道之罪故也（二）須令曹錕速將此次謀亂京師之禍首馮王高聶吳張邊曹王薛等以及其他小嘍囉盡置之法分別懲辦以肅清京師（三）須使直系將中央政權公之全國之人許由國會爲原動召集全國元老名流及各省代表公議建設之方則統一問題即不煩言而解也（四）曹錕本身在法本不容赦唯果能毅然決然行上述之三條既能悔過吾人亦可寬其既往即大頭與足下亦然若必怙惡不悛把持京師非得總統不可則天下之兵雖欲不動而不可得

也。孟子言得道者多助，失道者寡助。証以近年來之勝敗，史直系容有倖乎？即或曰：被兵強也，彼得地利也，彼得占中央之優勢也。然以視袁世凱，何如不能以人勝之者？終且以天勝之。種麻得麻，種豆得豆，勿謂報應之說爲迷信家言而終不可憑也。以足下胆大妄爲，敢於作惡，復敢於文過，僕等今日豈能再與論列當世之是非？唯僕等不告以吾人之主義，或終令足下疑吾人真爲隨聲附和者流也。况十年患難，風雨鷄鳴，每一回溯，未免有情。倘足下果翻然大澈大悟者，放下屠刀，立地成佛，前日之事，譬如昨日死，今日之事，譬如今日生。僕等今日認足下爲死人，明日尙可認爲生人也。死生之機，間不容髮，惟足下好自爲之，倘猶未心服於僕等之言，欲辨難而析疑，焉僕等必不吝筆墨之勞，以爲不屑之教訓也。匆促布言，卽希諒察爲盼。此頌財祺。白益弟郭同湯漪張我華等同叩。

### 湯漪答馬驥書

北京馬彥沖君鑒閱國民新聞載有足下覆郭宇鏡張我華及鄙人書，柴犬吠堯，寧足爲怪。實則徐佛蘇原書與足下覆書，並由鄙人等具名反駁。足下之書，鄙人一概未及省覽，所以然者，足下與徐君既生活於僞政府之下，自以恭順婉遜爲第一義，其言安得有顧之價值？而在津同人所發布之文件，公推鄙人其名已成貫例，好惡既與人同，自無一一勘定之必要。以致語多謾罵，頗以爲憾。然以此之故，對於來書所論四點，不特不能心折，且以爲不值一一作答也。惟有數義欲使足下知之者：第一則國民反對保曹及仇視虎狼之心理，豈能因足下一辯而爲之轉移乎？第二則政治運動之前途，多數國民之同情，豈以相罵決定其運命乎？第三則鄙人之主張，與向來在政治之態度，揭然若揭，日月而行，民國歷史增其光榮，社會人格因之提高，本諸素抱，未遑多讓。竭浮蟻之能事於大樹，其何傷？奉酬數語，聊示報德。至於充甘石橋之臥龍，作吳大頭之走狗，賄買出席，包辦大選，在足下亦既志得而意滿，欣爲千載一時之奇遇矣。但希稍自斂抑，不可於光天化日之下，一絲不掛，頻頻作態。未嘗不可爲國會保持一點體面也。不審足下以爲然否。湯漪白八月二十一日。

京津各報館轉參衆兩院同人均鑒昨日吳景濂主席兩院談話會以百五十二人之到會七十七人之議決兩院議員臨時支給方法每星期開常會出席議員得由國會豫備費內支給一百元查議員歲費每人每年五千元載在院法歷來支給方法每月至多不得過四百元年來國家財政支絀減成發給至多月份未有過三百二十元者是徵之從前法例議員除歲費外斷無其他支給之可言照吳景濂所爲是直回議員行賄也以法律不生效力之談話會竟變更院法及支給向例尤爲駭人聽聞之事即謂歲費舊欠尙多應行補給亦無在豫備費項下支給之理北京財政困難至如此極歲費既多積欠國會豫備費之存蓄果自何而來若果有餘款何以前此不發歲費必以破壞院法及成例爲手段必以出席常會相要脅必使我同人陷於受賄地位而後快是誠不解查吳景濂於本月某日來津爲王承斌祝壽後集合同黨曹錕張弧吳毓麟王承斌等密定於九月十號以前選出曹錕爲總統山銳弧毓麟等擔任鉅款使吳景濂收買議員先之以常會避人反對大選也限以常會出席支給一百元使得費者無從離京也此計果行則選舉會之開卽有把握狙公飼狙朝三暮四暮四朝三是吳景濂等直以我同人爲狙耳我同人百折不回備嘗險阻至今猶能存立於社會者以向有守法之精神故也今若受吳景濂之牢籠破壞院法受其賄賂則自身存在之價值根本動搖其所得於吳景濂者不過九月十號選舉會前之二次常會二百元而已而本身信用十年名譽爲之掃地以盡邇來北京軍警教員官吏之欠薪大都整年數月者焉有如許私財供給議員卽使曹張王吳等可以毀家行賄然嗷嗷之軍警教員官吏又焉能坐視議員之獨飽乎頗聞昨日談話會時除吳景濂私黨外多數同人均甚憤激不甘爲吳氏所把持操縱至有當場退席聲明不願領受此項非法賄賂者同人等聞之極爲欽佩願竊公等確守清白無墮濁流爲國會保垂盡之光榮共起而聲討吳景濂及甘心受賄之議員等使害羣之馬賊國之蠹不能立足社會則小人道消國家庶有豸乎區區微忱尙乞垂鑒倘荷明教不勝企禱離京議員彭養光楊永泰湯瀚

郭同韓玉辰葉蘭彬王用賓鄭萬瞻烏澤聲等四百五十八人同叩

與北京同人再論出席費書

敬啟者閱報知吳景濂馬驥等以北京憲會常會迭次不能開成人心日去思爲最後之奮關除照常推開憲法會議外每星期擬開常會二次每次給出席費四五十元厲行露骨的金錢主義以廣招徠前日政團協商維持人數方法亦討論及之傳聞之詞未審確否北京開會吾人既根本否認開會人數之維持方法吾人更不必預聞惟事關國會機關之威信不能不明質問者今常會所擬給之出席費係就同人應得之歲費變通支給乎抑歲費不能變通另籌支給乎如謂此即應得之歲費則歲費兩字顧名思義本有一定之解釋而各國議員俸給成例亦有界說不容稍涉含混要而言之不外歲費制與日給制兩種而已夫曰歲費制者不問每年開會幾月亦不問開會是否全體出席凡議員在職一年即給一歲之費是也所謂日給制者開會期中議員出席一日即爲一日之給缺席者則否是也我國議院法九十二條九十三條明明規定爲歲費制今欲改爲日給則議院法已任意破壞而無餘矣若謂此非歲費乃另籌支給者則議員應得之俸給悉依法律之所定法律外而有所得與有謂之行賂取者謂之受賄此乃一年來烏烟瘴氣之冰敬節敬變名耳安得謂爲出席費由前言之是爲違法由後言之是爲犯罪以違法犯刑之行竟公然倡導之而欲由議院機關爲之過付視袁家花園之私相授受更爲猖狂此真齊人攫金於市祇見黃金不見人也夫吾輩唯一之生命在根據法律故開口曰法閉口曰法乃以吾輩所託命之議院法亦欲攪毀之以微金錢之利益飲鴆止渴快意一時終必自殺其身胡不智乃爾今北京之殘局亦乖離極矣赫赫師尹民具爾瞻豈金錢所能挽回頹勢則出席費之發給其成效已可逆觀無裨曹家之選業徒損兩院之令名是率國會機關與之同燼耳某等同屬機關一分子不忍知而不言若公等必欲悍然行之恐國人忍無可忍之餘大之足以惹起市民之暴動小之或有訟公等於法庭而暴其潛職罪者真醜態畢露吾人無所逃於天地間也某等業已離京對於出席費非有所歆此次政變主

張不同亦欲藉正義與輿論求最終之判決故對於北京之金錢政策亦絕非有所畏惟此事與同人人格機關威信有關敢盡欵欵之愚幸同人明達熟思而善處之不勝盼禱之至褚輔成楊永泰王川賓湯漪葉蘭彬彭邦棟彭養光鄭萬瞻烏澤聲劉恩格田桐焦易堂等同啟

潘大道等致留京議員函

北京旅京同人公鑒頃閱報載各政團代表討論關於支給經費問題某方面允擔任每人每月七百二十元其三百二十元以憲法會議出席費名義發給其四百元以維持費名義發給又某日參議院談話亦有同樣之記載不知國民對之當作何感想也嗚呼同人歲費之外有出席費出席費之外又有維持費此層出不窮者何一非人胼手胝足銖積寸累之所致乎人民之生產能力有限諸公之支給名義無窮以有限之能力應無窮之支給行且與諸公肉搏矣抑出席費者所以促成憲法所費甚微爲期至短其意本可以邀國民之諒解也今明知憲會無成而坐耗巨款以維持大選之人數其用心已不可告人然猶可諉曰法有明文事非創舉至於維持費者所依據者何法所維持者何事關於國庫負擔是否可可以不經正式會議但由所謂某院談話會某某政團代表者任意決定之此不能不請諸公慎重考慮者也國民自決之日至矣幸於自身直接利害之外稍注意其遠者大者其他仁義道德之說不敢相瀆潘大道褚輔成等五百三十二人同叩

褚輔成等駁復錢崇愷等禱電

白忱大兄暨兩院留京同人公鑑捧讀禱電驚喜莫名同人等離京南下兩月於茲函電屢馳未邀一復初以諸君身處危亂之區懾於權威迷於貨利不復有所表自今得禱電正如空谷足音喜出望外第來電所云均與事實相反益滋同人之疑不憚辭費轉進一言願諸君加以反省焉來電最注意之點則在辯明北京開會非不能自由行使職權引近日開會並無外力妨碍自由以爲証此言若出諸不法軍警之口意在自掩其非本無足怪今躬受壓迫者亦作是語未免自欺欺人試回憶六月九月政變發動以

來軍警之罷崗鬧餉假冒公民之圍擾黎邸馮玉祥王懷慶之辭職相要挾首都治安岌岌甚危同人豈無聞見黃陂移津之次日談話會中輔成欲發懲辦軍警之言不待詞畢而哄散此尙得爲自由乎來電謂今日合法之機關唯國會則北京現內閣之非法亦爲諸君所同認既知其非法不特不與否認反以不合法之會議假以攝政之大權是非有意附逆即爲不能自由行使職權之表徵况憲會門前已有假冒公民之足跡幸離京者衆不足法數攘奪大位者無從逞其強姦之陰謀不然民二民六包圍國會之惡劇早已重演於象坊橋昨矣今諸君不自省悟猶以未遇強暴招引同人復入盜窟是何異馴鳥自安於樊籠嚶嚶以誘同類處女被誘於幽室竊竊而頌盜慈哉同人等此次南下正爲保全國會完成大法宣言具在有耳共聞來電乃謂同人此行直以機關殉一人斯誠百思不得其解夫國會與總統同爲約法上之最高機關軍警別圖擁戴遂走總統其違憲亂國之罪與解散國會何異同人等處此事變若取旁觀態度則民六南行護法全爲個人權利之私何以見諒於天下後世今叛徒竊據政府國會在京不能自由行使職權同人等爲保全議員人格計爲維持國會尊嚴計不得已而倡移滬集會之議耿耿此心可質天日諸君倘終留戀京都日望促成大選假國會之名義爲曹氏償其大欲則以機關殉一人之語還請留者自承至謂同人南下以來驚於政治不提制憲尤爲顛倒事實同人等首發離京宣言即日國會暫移上海行使職權完成大法次發南下宣言復日開會於滬上完成憲法七月十四日在滬集會後號召制憲文電籌備議憲會場屢載報端諸君非盡聾盲詎無聞見去歲國會重開輔成等屏絕政爭專心議憲故以擁閣倒閣之舉概不參加至列名禡電諸君則多反之溯自本年政變以前正在努力制憲之際而選舉總統解釋總統任期等提案忽來五十餘起橫相擾亂此次禡電列名之人即大半選案連署之輩誰爲馳驚政爭誰爲破壞制憲國人自有公論無待深辯獨是諸君既知注重制憲不談政治何以近日都中即開選舉總統預備會之空氣忽又甚囂塵上諸君言行之不相符何爲若是之甚此爲同人等所不能諒解者也總之同人憲選分派遂致南北殊途冀分曹氏多金而熱中大選者不妨留京



期慰國人渴望而誓成大法者即應來滬義利之辨繫乎幾希涇渭之分在此一舉惟願諸君自擇焉同人與諸君忝附十年深交敢盡最後忠告諸希亮察並頌祺禧輔成湯濟等五百十三人同啟  
褚輔成等與留京同人論延長任期書

連日兩院迭發議事日程列衆議院議員任期延長案號召開會衆院任期應否延長係別一問題而發布此項日程者之用意奸詐實欲衆狙我同仁而陷我國會機關於絕地或有未盡燭其奸者事關重大不嫌詞費茲爲我同仁敬贊一言

夫延長任期此何等事其在歐美諸先進國如增加歲費變更任期凡與議員本身利益有關者議員均不敢提案跡近市恩且每多受輿論之秤擊若夫變更任期雖有由國會自提案而自議決者然涉及本身利益則其實施期率自下屆國會始絕無本屆國會自議決而自受其利之例蓋自愛遠嫌固中外同揆而萬目睽睽亦不容乘便營私也我民國二年所改選之國會任期三年至今猶在早爲國人所詬病然我所以能遷延至今不克卸責者則因兩次遭非法解散首都陷於暴力不能自由行使職權可以自解於天下故兩次法統恢復天下亦翕然從之能爲諒解今次北京政變逼宮劫印以逐元首利誘或逼以臨國會軍警公民白晝橫行與民二民六完全相同雖逐元首與解散國會各別然其破壞約法上之重要機關則一北京陷於暴力之下法紀蕩然不能自由行使職權則一自六月十三日以後明明爲國會中斷先例可援宣言具在我同人自應同心協力繼續奮鬪必至原狀回復暴力消滅法律生效乃能卸肩所謂一息尙存此志不容少懈固無須提案延長任期而我之任期實無法以終了也若認今茲政變爲無關宏旨約法上之機關聽其任意蹂躪日處於暴力包圍之中尙繼續開會則職權行使之期限法律所定既無障礙滿期即了祇有坐而待斃徵諸外國之成規証之我國之先例均無可比擬豈容大冒不韙自展任期况國會一開其端理由非顛破不滅則將來任總統任法官者均可借故把持要求延任又何以塞野心者之口而善其後耶

夫吾輩固非反對延期者也。國內分崩各事雄長將來定國本解大紛他無足託惟一國會是賴而制定憲法爲第一屆國會之專職功敗垂成尤不容卸責他日誠有延期之理由惟首都現陷於暴力包圍既非開會提案之地吾輩負罪國人實多舉國輿論方盛怒痛詆毫無恕詞縱有延期之必要而今日非提案之時况同人棄京宣言即聲明六月十三日以後國會中斷尤無急遽提案之必要自六月十三日起至十月十日止查照前次議決尙有四個月之會期一俟遷地開會自有制定憲法及行使職權餘暇屆時職責若未盡完準可從容提案不受暴力之支配既無附逆之嫌復有布憲之望易得國民諒解延長會期必出於國民之要求可爲預料苟其不然心跡未明誠信未孚不顧環境不恤人民甘蹈立法自肥之嫌民苗可畏天下豈容吾輩爾爾其亦心勞日拙徒重辱耳

今彼輩迫不及待必欲提前議決者其意何居亦可洞窺其隱矣蓋自政變以來普天同憤同仁持正義拒逆謀者日見其多曹氏大選曾之開成早已絕望於是以制憲爲號召暫時維繫人心癡心者翹盼憲法竟成徘徊而不忍去狡猾者則借制憲爲留京之解嘲然制憲其名乘機進行大選其實又爲我京外同人所識破憲法會議遂亦迭次流會然金佛耶之決定德國賠款之減收克利斯浦與陶普士之借款及整理財政委員會中現所計畫之種種賣國陰謀不可不藉國會同意攝政僞閣七零八落不可不借國會補充瓜分政權迎甲拒乙不可不資國會操縱討伐異已助賊張目尤不可不假手國會以分其責於是思開一常會劫之同趨以冀售其好欺我京外同人依然疑念莫釋裹足不前計無復之今乃以延長衆議院任期爲餌利用人類之弱點豈真有所愛於國會哉倘我同人感於己身利害之關係一念偶差列席足數則彼輩鬼影幢幢日夕凝議之方案可臨時動議扃門求決欲退席則難逃欲抗爭則寡助自由全失任其宰割此彼輩之目的也攝政僞閣與抱犢谷之自上尊號無殊兩月以來怪象百出實中外之所否認天地之所不容我同人中與之勾結者雖難保無少數之敗類然而我兩院則從未依法行使職權予以承認是機關之尊嚴未失國人之責言可解今若在京議決任期延長案事關國會組織

法之修正勢必咨達僞閣公佈施行在我不惜舉國會機關附逆以求不可必得之延期而僞職則已可藉茲保障中樞藉茲鞏固此彼輩之目的二也自選憲兩會先後絕望後凡包辦大選者日受其主之呵斥信用漸失思藉常會開成自振聲勢以繼續其營利而內閣閣員尙餘數席或主改組或主補充均思嘗鼎一臠亦均有待常會之迎拒此彼輩之目的三也凡茲種種俾劣已甚同人明達諒燭其奸吾輩惟有益自策勵誓不出席從速離京免爲彼輩所利用而授之以招搖撞騙之資此匪特個人人格有關而國會機關能否保持其信用均繫乎此伏祈垂察爲幸褚輔成湯漪王用賓鄭萬瞻葉蘭彬劉恩格楊永泰烏澤聲彭養光彭邦棟劉振生仝叩

## 第二節 南遷之籌備及其經過

編者曰自議員離京者日衆國會南遷之議行且見之事實由是兩院中主張其事者於津於滬分途組織爲籌備南遷之計呼號奔走不絕於道六七兩月之間津滬江浙充溢浩然正義之氣南下議員駸駸過半滬上之會雖在綿蕞畢路之期而較之當時全體瓦解之北京國會與夫鬻身盜藪囚虜以待刀俎之群家孰薰孰蕪孰孰死國人豈得無辨之者哉國會南遷事實雖無結果而吾人由政治歷史考量其價值認爲有紀錄之必要昔在前清辛亥之春烈士趙聲等以百數十人冒險攻廣州全體燼於一擲其蹈死殆如兒戲而迄今則盛稱之以爲偉烈時有深識之士知今昔革命之方式不同而凡能出徒手以搏白刃者則其精神之灌輸必甚深摯而其遺傳性亦較爲悠久吾人於民國十二年七月十四日上海之國會南遷集會式作黃花園之豐阡偉礪觀可也。

國會議員移滬集會籌備處在津者設於日租界須摩街永安里在滬者設於斜橋南首湖北會館所有籌備事務均由出京議員分任其事茲錄天津籌備處通告數則於後

### 國會移滬集會天津籌備處通告一

#### 支給公費及補給旅費歲費辦法

- 一 每月公費三百元自七月分起實行支給
- 一 在七月十號以前到滬者支全月公費七月十號以後到滬者支半月公費二十號以後到滬者八月分起支
- 一 在滬補發旅費自七月五號起隨到隨領至七月二十號停止補發
- 一 領取公費均須親自署名蓋章不得代領一以前欠發歲費俟到滬同人過半數正式開會後陸續籌發

### 國會移滬集會天津籌備處通告二

六月十三 中編

敬啟者國會因脫離北京暴力移滬集會已有兩院同人過半數以上簽名贊成所有在津發給旅費及今後支給公費補給旅費歲費各辦法業經分別籌定通告在案現上海籌備處（斜橋南首湖北會館）及招待所亦已次第成立並定於七月十號以前在滬集會凡我同人除擔任總務會計通訊招待各員酌留數人外務希於七月五日以前翩聯赴滬以重職責無任盼切

國會移滬集會天津籌備處通告三

此次軍警變起政府蒙塵國會陷於暴力重圍之中不能自由行使職權同人爲維持正義完成憲法相約離京在滬集會茲暫假上海斜橋南首湖北會館爲籌備處定於七月十日以前在滬集會至上海招待所已有設備同人如須移住請至籌備處接洽除另行函知外特此通告

國會代表赴滬記

國會議員反對舉曹錕爲大總統自十三日以後逐日出京到津者前後共二百五十餘人十九日晚八時所有在津議員集合黎宅開談話會首由黎報告前後被困情形次由各議員討論南遷辦法次舉定代表呂志伊章士釗田桐三人田呂二人已於昨晨九時乘新銘抵滬田君住民厚北里四百二十三號呂君住覺自爾路二百九十三號章今日或明日亦准抵滬據田君云國會議員之反抗曹錕者十四日在津各派計議分頭擔任隨時可以出京中堅分子之人數孫派六十人皖派二十人政學派三十人褚派三十人東三省派三十五人及至十八日孫派到津者照擔任原數超過二十餘人東三省派則照原定人數超過一倍原來東三省兩院全數六十六人合內外蒙之東籍議員六人共七十二人不能出京者吳景濂一人東三省之成績較爲最優政權二派亦足預計之數政派將來或者並有增加其餘國會議員中無所屬之新舊學者派皆反對選舉曹錕如湯漪丁佛言等五十餘人皆極端反對亦有南來之決心目下在津同人分三步計畫第一步使北京國會議員不足選舉總統人數第二步在南方開常會第三步在南方開憲法會議至於議員南下之辦法亦分三步第一步一星期內組織先遣隊一百五

十人來滬第二步由京陸續到津者爲第二班期在十日以內第三步京津辦事人員偕同各議員一體來滬此次國會反抗直系較之民國六年護法之役事半功倍其理由有五一土地較大二實力較充三經濟問題較容易解決四各派有協同動作之誠意五人材之多倍於直系有此五者可以立於不敗之地云云

又訊昨有議員中重要分子由京南下據云現在議員離京到津者約有百人決定出京而爲經濟或其他事實障礙而未克成行者有數十人來往京津意存觀望者亦數十人約計不肯附和保方者總在二百人以上故保欲強照選舉治定手續選舉殊不易達到目的保派於此點亦已見到日前以有暗中知照軍警不許議員一人出京之說當其出京時尙未實現此種情形惟在態度較爲鮮明之議員第宅便衣警士之足跡業較前爲密至承辦大典之保派要人對於國會之主張頗不一致王毓芝派主張極力疏通吳毓麟主以威脅以爲較痛快且並可省費高凌霄則以議員終屬難足法定人數主張不要國會尙機運從事實上做去意見既歧故進行步驟終覺凌亂至保方財力並不如宣傳之雄厚已有不濟之勢外省協款僅收到皖馬之二十萬前雖向國內某政府銀行商籌四百萬某中美合辦銀行商借百萬然至二處所付尙不及百萬而於上次兩院會合會業用去四十萬對於情願效力之議員卽已覺難於酬應云云

又據同行之某議員云自馮王驅黎後因張高爭長遂使內閣攝政成爲半僵之局直派感於輿論壓迫知有急進之必要現乃先從統一內部入手原來直系人物以馮玉祥王承斌吳佩孚三人及長江某督爲中堅欲直系鞏固必須此四人完全表示合作此乃必然之事理此次馮王聯合驅黎意見當然一致所可注意者卽是吳氏與某督之態度吳自政潮起後始終無一意見正式發意欲袖手旁觀以待時局變化津派急不可耐乃促王(承斌)披露吳氏號日(二十日)蜜電在不知政局眞象者以爲有此一電足以擁曹之勇氣而不知此正是直系內訌之暴露要知吳既以蜜電達意於王其不願明白表示可想

而知乃津派洞悉其隱意若謂「天下無此便宜事我等力抬大帥成功決不能讓你使乖」故以拖吳同時下水之意味貿然發表吳之密電打破吳混沌態度俾其不能不與津派合作至長江某督與吳氏向來互相提挈近因力主張（紹曾）李彭同時回任與津派已不能一致且有不一依其主張則彼將有不管之宣言云

### 國會南遷中之大局形勢

上海通信云上海向為商務要埠與政治不生何等密切關係願自國會議員紛紛南下後漸成時局轉變之中心今調查各方面情狀如次

（一）國會議員之現狀 國會議員先後到滬者已達一百四餘十餘人日內尚有數十人可到大致至少可得二百人合之東三省回籍議員及留京滯津一時未及走開者當可逾三百人以上在滬議員已定十四日行集會式希望在一個月內即可開成常會現在辦理招待事務暫由褚輔成田桐負責最初原擬包定旅社為議員住所所以諸多窒礙刻已打銷惟先發旅費二百元以資應用以後每月公費三百元則按十五三十兩次發給日來有許多議員已約友合賃房屋作為留計矣

（二）滬浙當局之表示 國會在滬集會上海護軍使何豐林已表示切實保護之意昨有議員數人訪何叩以時局意見何云諸公在滬開會安全保護願負全責從前直奉直皖兩役以民意所趨向者得獲勝利今茲吾人純立於正義方面自無人敢冒不韙出而撓輿論之鋒諸公儘可放心進行制憲大業云云褚輔成等前日赴杭晤盧子嘉氏其表示尤為明白盧謂此次議員諸君以良心之主張為正義而奮鬥避地集會進行制憲某願以國民之資格本良心而贊助安全之保護旅費之供張悉以私人資格地主資格盡其棉簿此外非所敢問亦非所欲問且尤有一鄭重之聲明即段合肥決無出而問世之心吾人亦決無強求此老出而問世之意要之吾人之於國會除消極的贊助觀念外別無希冀云云

（三）上海各派之意見 上海關於政治方面有唐少川派孫洪伊派孫中山派等等唐少川頗思乘此時

機大作政治活動對於議員頗欲拉攏對於實力派尤致殷勤孫洪伊以大孫之招牌在擁曹之孤忠平日本賴空氣而得虛聲今乃爲直派輿論所窒息精神上似極痛苦茲以決定主張民八護法事業到底以抵抗各方之責難孫中山派除力促議員南下外於時局辦法無所表示惟暗中確正在分投接洽中人致欲聯合素有交誼之各派對國事作一總解決也此外有主勸黃陂南下行使職權者有主迎黃陂來滬改行政委員制者政客方面雖說者紛拏而實力派方面則殊少表示蓋浙慮除明白歡迎國會制憲外其他均無所主張也

(四)東南西南之大勢上海反直派空氣異常濃厚此乃兩三年來北方政策錯謬所造成東南有力者在此空氣籠罩中實不敢顯然作袒直之舉措浙滬無論已即南京之齊撫萬亦處處力避社會之誤解日前在崑山駐兵一連即引起上海中外人士之責言是以東南大勢可卜平安至於西南則滇唐湘趙已有表示唐氏曾覆旅滬黔人某君謂法外行動斷不贊成趙氏則電令駐滬代表向浙慮致意願與一致主張廣東北江戰事視潮汕如何解決而定臧致平之劉長勝旅已協助許崇智部孫本戎於五日占領黃岡林虎迭電滬友轉臧疏解因林軍曾在閩邊繳臧軍之械雙方殊有惡感疏通知無效果臧軍加入攻擊潮汕則粵省東江戰局較易解決孫中山地位又當鞏固矣此西南之現況也

#### 國會移滬集會籌備處通告四

本籌備處前已通告限期收束茲計截至本日止已領旅費者六百餘人已南下者共四百五十餘人正式開會亟待舉行所有天津一切招待事宜即於本日結束凡我同人此後即請逕與上海國會辦事處接洽爲盼特此通告八月十五日

#### 集會式以前之雜訊

國會移滬定今日下午行集會式其開會秩序已見昨報昨日下午二時續開談話會討論各項籌備事件先由褚輔成氏報告籌備及接洽發款情形並提出臨時秘書廳組織及推舉籌備員事件覃振謂秘



書廳可稍緩明日開會最重要者爲發表對國民宣言對外交團聲明及敦促同人南下三事呂志伊謂關於籌備事件將來可組織行政委員會負責杭辛齋謂明日集會秩序已經擬就請衆加以討論徐蘭墅謂現在先請討論關於明日集會事件衆對集會各稱稍有討論褚輔成釋謂此係依據約法上國會有自由集會權一條董昆瀛報告京津狀況謂在津領款者總計已有四百二十六人有私事而勾留者不日南下惟盼此間同人分頭向其敦促又奉天代表曾來說明張作霖表示對擁護同人非常堅決外間與保定如何接洽之說俱非事實在東議員六十二人一俟此電招即可派妥員護送到滬主席先宣讀對國民宣言草稿衆主推派二人審查當即推定章士釗張樹森二人爲審查員主席又以發表二電（一）致外交團（二）致同人及兩議長敦促南下付衆討論無異議次討論院印問題結果先刻秘書廳印院印俟經半數以上同人通過再行刻用未主席報告明日開會臨時秘書必不可少衆均贊同遂散會臨時秘書名姓如下秘書長但懋秘書田桓周籀李其基夏兆英沈高華劉鼎張心蕪賈保樞又昨日報到者有周擇朱騰芬二人又衆院杜潛徐繩會等前日晚車到滬惟尙未報到又訂定明日下二時再開談話會討論內部一切事件云國會議員凌鉞昨電勸旅京議員迅速南下討賊法統可暫置不問云

前日來滬國會議員開談話會時有凌毅提議（王慶雲有特別情形將取消其籌備員資格）一節昨日王慶雲致函國會議員通信處請訂期開談話會研究所謂特別情形之意義以保全名譽云昨日加入歡迎議員者有駐滬參戰華工會滬西慈善團競雄女校河南旅滬商界聯合會旅滬江浙同鄉會文繡專科女校湖南旅滬救國後援會浦東花業公會浙江旅滬地方協會等團體歡迎國會議員大會已致函國會議員通訊處告以准定十五日午後一時假愛多亞路三茅閣橋五洲大旅社舉行歡迎不再更動云

七月十四日之國會移滬集會式

七月十四日午後二時國會議員在斜橋湖北會館舉行集會式出席議員二百二十餘人當推年長者凌鴻壽主席按照預定秩序舉行當推舉審查員六人將宣言修正發表茲將集會情形分誌如下

#### (一) 會場情形

此次集會前由籌備處預先向各團體分發參觀券中午十二時起即有議員來賓陸續到會會外保護自斜橋起均有兵士站立雙崗會內則有警察廳派警察數名在四角站立另有便衣警士若干名佈於場之四周以資保護會場佈置由籌備處派一辦事員料理議場進口分兩處一爲來賓入場處一爲議員入場處均有招待員引導

#### (二) 開會秩序

(一) 國會議員及來賓入席 (二) 各團體代表及新聞記者入席 (三) 向國旗行三鞠躬禮 (四) 主席致歡迎詞 (五) 會務主任報告 (六) 名人演說 (七) 國會議員演說 (八) 團體代表演說 (九) 攝影 (十) 茶點

#### (三) 到會團體

此次集會籌備處預分送觀禮券請各團體旁聽者有全國工界救亡大會監視國會團代表王亞樵黃晦菴楊草仙王光耀陳其熊張爲餘國民大會楊春綠鄧嘉縉倪無我工商友誼會童理璋安徽旅滬同鄉會李少穆安徽駐滬勞工總會章渭儀上海紡織工會徐錫麟中華印刷工會王化民及馬良于石任沈儀彬(女權同盟會)及各外賓三百餘人(餘從略)

#### (四) 開會情形

振鈴後主席即依照原訂秩序依次舉行奏樂後全體向國旗行三鞠躬禮禮畢奏國樂次即由主席委託秘書長但懋宣讀對內對外宣言即奏樂散會當有某君起立發言以對內對外宣言中詞句尙有未妥爲鄭重發言起見宜設法加以修改當時贊成者頗衆覃議員振謂宣言中如有不妥之處請改開談

話會商量修改辦法衆贊成當即推定謝持褚輔成杭辛齋等六人爲審查員推舉審查員即人休息室商議修改當將原文修改數處由某君再向衆宣讀報告臨時於文字上又修改兩處當即推舉張振主席付表決全體無異議即作通過乃散會又據單議員振云昨報所發表對內對外宣言係議員離京之一種表示故用個人名義簽發由天津寄滬發表至今日發表之兩宣言則爲集會之一種正式表示其意味實不相同云云茲將昨日議決之宣言錄下

#### (五)對內宣言

國會成立以來疊遭政變同人忝爲民役恒用疚心每於困心衡慮之中爲委曲求全之計而其結果乃有不忍爲國人道者六月十三日之變幾輔軍閥竊位亂國之罪迹象彰彰舉國共瞻無待申述同人既不敢以國憲爲人驅除將大位奉之國賊復念吾國爲禮讓名教之邦同人俱受父兄師保之訓又不敢稍越幾希之戒而爲自鬻之謀則今日南遷勢不容己同人等此志不約而同茲謹於十四日下午二時在上海舉行移滬集會式一俟數及法定即行正式開會行使職權所有建國大計自當順應國民心理按切時勢要求次第討論施行同人等任職有年國是未定區區此心愧對父老惟此守法持正差堪自信邦人君子尙共鑒諸中華民國參議員衆議員監

#### (六)對外宣言

中華民國以北京政變內閣竊柄已無政府加之武夫橫行威逼利誘國會失其自由同人爲保全機關之神聖保及個人之人格計決計南遷現已到滬者已達三百人以上其餘尙在京津尅期待發此皆守法持正之士茲謹於十四日午後二時在上海舉行集會式俟足法定人數即行正式開會行使職權經此集會留京議員陷於強暴卽有議案不生法律效力北京武人如有假借政府名義與各國訂何項條約磋商何種借款吾國會概不承認民國不幸屢以政治問題發生變亂致煩各友邦之考慮同人深爲不安惟此次播遷由於武人盜國事出非常義不容已其中情節各邦明達諒所周知謹此宣言伏希鑑

察中華民國參議院衆議院中華民國十二年七月十四日

(七) 後援會祝辭

中華民國兩院國民後援會今日致來滬集會之兩院議員集會式以祝詞文曰中華民國十二年七月十四日爲中華民國參衆兩院議員在滬集會之期中華民國參衆兩院國民後援會同人謹致嗣祝曰巨憝竊國宇內鼎沸政府中絕元首被逐皇皇京華凌爲異族共管驚傳禍機四伏起死救亡端賴國會法統所尊民意所繫不爲威屈不爲財迷聯翩南走遷地爲宜大法未成禍患莫息蠹賊不除民無寧日哀哀同胞水深火熾諸公責任至重且急滬濱交通氣貫南北自由制憲從容討賊靖難戡氛蔚成大業民可以安國可不滅諸公曩昔護法多年間關去粵遠及川滇奔波跋涉志抱彌堅萬民瞻仰歎動南天敵會同人傷心往事匹夫有責大義昭著代表國民謹貫數語謙謙君子流芳國史

(八) 商界慶祝

昨日國會議員舉行集會式本埠各馬路商界懸旗慶祝者頗多各馬路商界聯合會如海寧路文監師路福建路等均有職員到會旁聽各馬路商界總聯合會(美倫里)前會議決請到會議員發表政見並隨時監察其行動等故昨日亦有理事四人到會觀禮此後尙擬組織委員會專行監察國會議員之行動及研究其議決案等云

又聞北市民以國會在滬今日開集會式南下議員不爲利誘不爲威脅主持正義保存國統殊足以寒鉅奸之膽因於沿街店舖及各公團機關一例懸掛國旗以誌慶祝云

(九) 工界談話

國會禮畢後工界監視國會團代表王亞樵等特與議員褚輔成田桐爲一度之談話先聲述工界此次催促議員南下之原因與希望議員此後之進行應順從國民心理(一)民國十二年內亂頻仍固爲軍閥所造成而議會之不能盡職守與議員之搗亂胡鬧亦爲大因應望此後努力革除(二)以前議員大

半係軍閥官僚之轎夫此後應本代表民意天職爲人民除害謀利益(三)年來工人受軍閥摧殘犧牲至大國會應爲工界謀安甯之保障褚田兩君當允將來意提付下次談話會積極討論並對國民監視議員行動頗爲滿意云

### 記國會移滬宣言之鄭重

上海通信云國會移滬於十四日下午在斜橋南首湖北會館舉行集會式議員到會者計有二百二十餘人來賓亦有六七十人二時振鈴開會茲將情形記錄如下

開會情形振鈴後由年齡最長之凌議員鴻壽(七十一歲江蘇衆議員)主席即依照原訂秩序依次舉行由秘書張心蕪宣秩奏樂後全體向國旗行三鞠躬禮禮畢奏國樂次即由主席委託秘書長但燾宣讀對內對外宣言即奏樂散會常有凌議員鉞起立發言以對內對外宣言中詞內尙有未妥爲鄭重發言起見宜設法加以修改當時贊成者頗衆草議員振謂宣言中如有不妥之處請改開談話會商量修改辦法衆贊成當即推定謝持凌鉞張知本茅祖權褚輔成杭辛齋等六人爲審查員推舉審查員即入休息室商議修改當將原文修改數處由凌鉞再向衆宣讀報告臨時於文字上又修改兩處當推舉振主席付表決全體無異議即作通過乃散會又據草議員振云昨報所發表對內對外宣言係議員離京之一種表示故用個人名義簽發由天津寄滬發表至今日發表之兩宣言則爲集會之一種正式表示其意味實不相同云云可見此次宣言之鄭重也(宣言見上)

### 記國會議之員重要談話

滬函云國會移滬昨已舉行集會式定於十六日下午二時在湖北會館開談話會昨據議員之重要分子宣稱同人倉卒南來借地開會辦事上欠缺秩序自所難免今後將一面敦促京津同人速行至滬以期早足法定人數共決大計一面安定內部組織以期互相接洽杜防誤會至於社會各界因國會在北方成績不良之故對於離京議員等此次反抗軍閥守法持正之舉容或未盡澈底體察同人慚疚無極

於嚴重督責之中多示後援之意同人多數意見頗擬於日內得一機會將今番舉動披誠公告於社會各方有力者之前俾國民本年身其代表一致主張急起直追遏阻強霸盜國之謀免爲北方軍閥所乘蓋同人連日得到京津友人報告保曹營謀大選仍在積極進行我方設有鬆懈彼曹儘有徼倖成功之可能也據又確報京津已派有多人到滬運動來滬同人北返以種種優厚之條件相賄且聞某省前晚確已匯到五萬元作運動之用同人等矢志守法義無反顧固已互相策勵奮鬥到底斷不爲區區金錢利益所誘惑且並以分居旅館費用太鉅已分別租賃房屋作久居計如蘇籍議員徐蘭墅沙彥楷川籍議員潘大道楊肇基等均已覓得住宅即日遷入又據某議員昨日語記者云北京大選籌備主任王毓芝近因議員紛紛南下無法挽回大選勢難進行異常恐慌有曹派議員某君獻計謂南下議員拆我們的台我們何嘗不能拆他們的台只須運動民八議員數人到滬搗亂力爭出席使未去者聞而裹足即去者憤而復來自然開不成會王毓芝聞言稱妙遂邀民八議員買某等來商買某與某議長接洽將民八議員補缺一事曾見各報專電噤以重利並許聘爲高等顧問月給薪水五百元趕於十四日以前到滬向一般民八議員或施運動或施挑撥以達拆台之目的買某等已於前昨來滬幸民八議員多力顧大局者尙不致發生大波瀾據曾赴廣東某議員言民國八年廣歷開憲法會議時買某啣徐世昌之命到粵補爲議員以經濟調查局委員名義運動議員離粵事洩逃回自補到至離職僅有七日實在失去護法議員資格今復來滬施用同一手段深望守正議員勿爲所愚並望各界加以注意云云

又函云十六日午後二時移滬兩院議員在斜橋南首籌備處開談話會到會議員二百餘人公推年長議員林鴻壽主席宣告開會後由褚輔成報告奉天蒙古議員及余議員渠來函由秘書長朗讀畢經衆決定余議員渠現因丁艱已在滬並既已報到關於旅費公費應由籌備處派人送往由主席諮詢衆無異議繼由褚輔成提議關於來滬議員支發公費旅費辦法衆意仍照原定辦法分上下兩期支給繼復討論組織兩院院內執行委員會關於名稱一層頗有討論由董昆儻張森覃振相繼發言主張現在同

人南下第一目的在拆北京之台今當注意此點努力前進其他皆枝節問題俟北京之台拆後再從容討論可也但關於現在之秘書辦事處不能不有一種組織由褚輔成提議請主席指定起草員七人起草辦事處大綱以利進行當由主席指定褚輔成田桐覃振潘大道凌鉞張知本張樹森爲起草員衆無異議遂宣告散會時已六時三十分矣

### 國會移滬通訊一

國會議員南下者民六二百五十餘人人民八一百三十餘人中經多少波折一週以來南下者不甚踴躍但二十五六兩日南來者甚多據云日下在京純民六議員已經了解不爲吳景濂等所惑民六議員之在滬者亦復有信到京聲稱在滬相安並無被人排斥之事是以相率偕來預計二十七八兩日可到五十人二十九至三十一日亦可到四十人左右下月五日以前亦可四五十人合現居奉天六十六人截至來月初有達過半數之把握原衆議院半數爲二九十八人參議院半數爲一百三十六人兩院半數之全額爲四百三十四人湖北議員預計可來二十人以現象觀之可來三十人除鄭江灝不易轉圓外皆擬即日南來云

國會議員昨日到滬者有焦易堂數人又奉天議員昨日來電云國會移滬集會辦事處公鑒函悉北京政變後同人即連袂出京六月杪計抵奉省者五十三人百計設法勸告留京同人退出議席以期與我旅滬同人一致行動現今勸告結果頗著成效候船出發同人名單另函詳駐奉國會議員通訊處看又訊國會移滬業已正式開議國會經費關係重要外界祇知係由浙廬等擔任而每月經費爲數不貲業經滬杭常局指定紙烟捐電局收入烟酒公賣及鹽餘等四項的款按月照撥如遇臨時支出不敷之款則由奉天方面撥給是以留京議員知滬會經費有著紛紛由津南下現保洛方面因見大批議員離京來滬故已改變方針將大選費移充軍費預備作戰云

又訊昨日報到之議員滇籍參議員李正陽李思陽滇籍衆議員角顯清萬鴻恩陳光勳豫籍衆議員張

嘉謀等十餘人據云在津議員已準備於月杪動身來滬在京議員亦以歲費動搖不能照發去志甚決目下到滬議員民六分子已達二百五十人之譜此間籌備處連日迭接浙江自治協會安徽自治會及湘西來電於八月十日前開會該處將以此項函件提付討論商定開會日期並懲戒過期不到滬之議員云

催促推定幹事函逕啟者前次在本處談話公決各省區同人公推一人爲通訊處幹事嗣經先後推定貴省至今尙未推出請於三十日以前務希邀集同鄉公推爲要國會通訊處啟

移滬議員組織俱樂部各省籍議員爲聯絡情感交換意見發展會務起見均有組織俱樂部之必要所謂先謀局部之小團結再總共成一具體的大團結庶免紛繁龐雜之弊害以期同力合作之完成現已分途接洽辦理俟本月三十一日發第二次公費時加入俱樂部者每人繳納經費二十元云

#### 國會移滬通訊二

國會移滬集會天津各方協議原定每月十五萬元備六個月之費約計一百萬元現北京議員南下者日衆預料下月十五以前可足法定人數此時或可開憲法會議故決定添籌經費改定爲每月二十萬元日昨各方商議已在確切籌備近日參衆兩院南下者較前益多昨因星期辦事處停止辦公故報到議員僅衆議員四人計江西戴書雲黃象熙安徽彭昌福四川劉緯參議員一人貴州張金鑑各省區負責代表先後已推定者共有十五省昨日四川推定劉安欽其餘未推定之各省區儘明日當全行推定云

連日由京來滬議員日益加多並聞北京局面日惡預料南下赴會者以後尙有多人昨由到滬議員等發起今日在一品香開北京來滬同人懇親會以便晤商開會進行事宜茲錄其公函如下敬啟者此次北京政變同人聯袂南來籌備在滬集會現在報到人數已達二百餘人居住各異訪聞難周積悃待望亟圖暢叙爰訂本月十三日(星期一)正午十二時假座跑馬廳一品香開北京來滬同人懇親會務望



屆時準臨不勝公盼籌備處啟

國會移滬通訊三

滬函云國會方面仍在籌備開正式會議會場市置刻由辦事處規畫圖樣參議院議員於前晚在某處叙餐到者四十餘人對於參院內部問題稍有討論又北京方面最近情形據新由粵來滬之粵籍議員馬少進云北京國會直已絕無辦法經費方面更爲枯竭現在吳景濂藉以拉攏議員者厥爲衆議員任期延長問題巧語掩飾但議員名詞已不爲國民所喜倘徘徊北京日日作惡而猶欲延長任期則決非國民所願聞之事故一般議員仍以爲此時宜出京南來在此兩月中做此較有成績之事此時再由國民說話現在實詰不到云云

續訊云昨日報到議員共計九人羅永紹湖南張嶧江西陳友濬同上陳邦燮湖北夏寅官江蘇高旭同上張相文同上陶保晉同上以上均衆議員張我華安徽參議員

又參議院議員李希蓮頃致留京兩院議員一電促其南下其文曰滯京國會同人鑒曹迫黎逃事實局面亦非解職份子尙知離京避迫以贖前愆君等合法議員必至賄選不成受武力解散而始去爲個人計亦左矣况大局乎蓮與諸君患難有年不忍坐視其悞試進一步言諸君即選出曹錕爲總統以其禍直隸者禍全國雜奏國會有何効力徐黎前鑒徒增歷史遺臭耳望速就道以保人格不勝歡迎之至參議員李希蓮叩真

催促京津議員之兩要函

(一)此次國會南遷順應國民心理期合時勢要求亟待正式開會以重職權而固本關於兩院立法事項懸案既多自應續開常會而民國憲法案久未議決宣布舉國屬望在同人所負責任惟此爲大尤須積極進行速觀厥成執事決計南下曾經接洽現在天津招待事宜業於本日結束計已領旅費者共六百餘人已南行者共四百五十餘人不日即行開會到滬同人引領以跂迫於望歲務希早日就道共謀

進行無任盼切專此布聞順頌議祺國會移滬集會籌備處啟

(二)同人移滬集會關於天津招待事宜業經截至本日止計已領旅費者共六百餘人已南下者共四百五十餘人亟待正式開會關於兩院立法事項懸案既多自應續開常會民國憲法案久未議決宣布舉國喁喁屬望同人責任綦重尤須積極進行速觀厥成比聞台端北返想係挈眷南行或有其他必要事件此時滬上同人引領以鼓迫於望歲公誼私情萬難翫置務祈早日還轅共策進行無任盼切專此奉聞順頌旅祺國會移滬集會籌備處啟(八月十五日)

#### 國會移滬通訊四

國聞社上海通訊云國會南遷以來因經濟及一切預備均極充實已使一般議員十分信任益以北京財政竭蹶表面上說得好聽然口惠而實不至以故議員南下者日來聯翩接踵現就籌備處統計領取旅費者計參議員一百零一人衆議員二百五十二人護法議員一百三十八人領取七月份上期公費者參議員六十四人衆議員一百六十二人護法議員一百二十九人領取七月份下期公費者參議員八十三人衆議員一百九十八人護法議員一百三十一人領取公費須自蓋章支取故欲知在滬議員之實數頗可以此中求之依據七月下半期報告除護法議員外純粹民六分子參衆共有二百八十一人而自八月以來自京津來者日必自四五人乃至餘人此等增加又已數十人故實在在滬議員總數已達四百人左右而奉天議員前曾數四來電謂如欲開會得電後可即起程南來以故常會人數甚有把握現在籌備員多數意見擬即定九月一日開會會場因湖北會館不能敷用業已另行尋覓中華職業學校內之職工教育館頗可適用現已與黃任之等接洽尙須經評議會通過大致可以妥洽黃之意見希望少開常會即開憲法會議將來憲法告成職工教育館亦與有榮譽則彼處不但可以出借且可不納租金至議員徽章有已遺失或未携來者須改鑄或依式添鑄目下尙在商量大約此門如能照樣添鑄則決不改鑄矣開會人數既已不成問題惟一經開會則內部之六八問題即隨之而起刻已由焦

易堂褚輔成二人出面邀約各省重要分子於明日(十六)晚間宴會席間即擬洽商此事大約仍擬以留京不來者解職而已民八分子爲補充此種辦法主張民八最力分子故未亦即表同意仍經善意協商當亦不難解決也

### 上海集會之內部組織

國會經前日談話會後決將辦事處先行組織大壽第房屋一切辦公傢具均已購就佈置差已就緒故昨日已一律遷入一品香辦事處則已撤銷辦事處組織大綱昨由起草員田桐褚輔成張知本潘大道張樹森等數人在大壽第商議起草草就後將再開談話會正式通過又符夢松等數人刻尙在粵昨日來電謂彼等即將來滬先行報到原電如下隨自滬路國會議員通信處同人公鑒本日粵通信處成立適奉希三編丞函敬悉刻正與元首商辦法妥即赴滬請先代報到符夢松陶禮榮李洪翰吳洪煊克興額銑)又據昨日新山京到滬之景議員梅玖云北京方面現在謠言孔多大概均係津保離間議員之計其最甚者北京憲法會議開會時竟有揚言田桐已爲凌鉞刺死說得有聲有色又有議員胡某前曾爲直派來滬偵察滬上行動歸後在京發言南方國會完全爲一空城計毫無辦法同當時不免有被惑者及見此間行集會式之報已均釋然又謂在京議員自得上海十四日集會消息後爲下之準備者以其個人調查有一百數十人之多預料最後情形能受直系金錢之羈縻者至多亦不過二百餘人云又據參議員某君云兩院遷滬後衆議院因吳景濂投降軍閥在滬開會尙缺乏議長若參院則因議長問題久未解決向山院向臨時行政委員代行議長職權該會委員乃由二十七省區川抽簽法抽出委員二十七人以處理院內各事向章有委員總數三分之一即可開會自國會決議移滬後該會員在天津領取離京旅費者有奉天謝書林吉林楊繩祖江蘇沈惟賢安徽胡璧城江西劉濂浙江童杭時湖北張漢湖南唐支廈山東徐寶田河南楚緯經山西張聯魁陝西張鳳翔甘肅趙守愚新疆蔣舉清四川潘大道廣東楊永泰蒙古祺克慎車林端多布西藏王澤欽青海劉丕烈雲南周澤南華橋馮自由等二十

二人其中到滬者已有潘大道馮自由沈惟賢王澤欣唐支厦楊永泰徐寶田謝書林等八人日內蔣抵滬者尚有數人現潘等以該會開會人數已足擬日內即宣布在滬開會討論召集開會人數日期及進行方法云

### 七月十六日之談話會

十六日午後二時移滬兩院議員在斜橋南首籌備處開談話會到會議員二百餘人公推年長議員凌鴻壽主席宣告開會後由褚輔成報告奉天蒙古議員及余議員渠來函由秘書長朗讀畢經衆決定余議員渠現因丁艱已在滬並已報到關於旅費公費應由籌備處派人送往衆無異議繼由褚輔成提議關於來滬議員支發公費旅費辦法衆意仍照原定辦法分上下兩期支給繼復討論組織兩院院內執行委員會關於名稱一層頗有討論後公決組織一秘書辦事處由褚輔成提議請主席指定起草員七人起草辦事處大綱以利進行當由主席指定褚輔成田桐等七人爲起草員衆無異議遂宣告散會時已六時三十分矣駐奉國會議員通訊處來函附後敬啟者同人等因政變離京現假奉天省議會設立國會議員通訊處所有函電事件均由本處接洽專此奉聞云云

### 到滬領費議員題名錄

兩院南下議員截至二十二日下午六時計親自到大壽第辦事處領費者參爲一百〇五人衆爲二百八十一人報到數則參爲一百十人衆爲二百九十人四數相較參未領款者五人衆未領款者九人而已此在數目毫無虛假但在奉集合之三省議員五十三人留津辦事之二十餘人尙不在內特是移滬議員除多數誓不北返外固有不少數拜金主義之議員希冀北上拿了五千元票價再到南方護法然褚輔成焦易堂童杭時等謂彼輩來往不成問題既然到滬親簽領款名義上北京即少一個將來北方如做出什麼把戲當然不承認也茲將兩院親到領款名單核實錄後以公衆覽

衆議員(直隸)李永聲王葆真(奉天)蔣宗周劉恩格(吉林)董耕雲(黑龍江)劉振生(江蘇)徐蘭墅

陳尙齋胡應庚蔣鳳梧沙彥楷王汝圻姚文柵朱溥恩徐兆璫瞿啟甲孟森汪秉忠凌鴻壽茅祖權方潛  
祝光懋胡兆沂丁善慶劉可均王紹鑿張相文陳義王茂材阮性言陳士髦夏寅官高旭陶保晉戴維藩  
(安徽)凌毅陳光譜鄭衡之何雯王源瀚周學輝賀廷桂金姿常恒芳彭昌福唐理准張敬文吳日德王  
迪吉張振麟(江西)慮元弼王有蘭黃攻素王恒歐陽昕曾幹植劉景烈邱珍鄒繼龍黃序瀾汪汝梅彭  
學浚謝越石程鐸賴慶暉戴書雲黃泰熙吳宗慈鄧元潘學海張嶧陳友青(浙江)張傳保周繼濬丁萬  
宣杭辛齋趙舒褚輔成余名銓張世楨王宗堯袁榮姿金溶熙周學宏田稔盧鍾獄陳燮樞張浩張昌振  
陳煥章胡翔青王烈杜師業金尙銑洪國垣劉景宸陳時夏傅師說徐象先孫世偉韓藩沈椿年(福建)  
丁超五李堯年楊山光朱騰芬楊士鵬劉萬里連賢集朱觀玄董慶餘賴德嘉詹調元林遜之(湖北)胡  
鄂公廖宗北汪曦鑾張大昕時功玖杜樹勳阮毓崧范鴻鈞田桐劉燮元吳崑覃壽公楊時傑張則川白  
逾桓馮振驥陳邦燮(湖南)石潤全覃振李執中彭施滌胡擊鍾才宏羅上寬劉重張宏銓魏肇文何弼  
虞禹瀛王息博周澤苞向元均陳家鼎程崇信羅永紹(山東)丁惟汾盛際光于恩浣杜凱之于洪起鄧  
天一周廷弼周慶恩周與可(河南)杜潛劉榮棠賀昇平陳鴻疇金燾張善與張華祖陳廷鸞孔慶愷丁  
簫徐繩曾劉峯一劉奇瑤張嘉謀方德九田增王榮光王傑(山西)景定成鄭化國羅輔石璜郭生榮冀  
鼎鉉張昇雲谷思慎(陝西)閻琳高杞朱家訓張樹森姚守光焦子靜任郁文尙鎮圭楊詩浙王兆離(甘肅)  
(甘肅)張廷弼李克明魏郁文丁佩穀蕭汝玉(新疆)繼孚李含荃袁炳煌文篤周陳世祿羅潤  
業張瑞李永發(四川)王安富陳宗常舒祖勳熊兆渭黃汝鑑唐玠楊肇基陳國璽袁弼臣盧仲琳余芹  
生黃雲鵬李肇甫李爲綸秦楷秦肅三劉緯劉澤龍古壹廖希賢余紹琴孫鏡清(廣東)王斧許峭嵩林  
柏利黃元白郭寶慈黃汝瀛楊夢弼何銓繩李清源林樹椿孔昭晟陳垣黃霄九林繩武王欽宇曾慶摸  
馬小進(廣西)王乃昌凌飛覃超蒙民偉張鴻俊翟富文程修魯梁昌誥(雲南)劉楚湘陳祖基張華瀾  
角顯清葛鴻恩陳光勳李臨陽岳昌候劉炳蔚趙誠(貴州)劉尙衡符詩鎔孫世杰(蒙古)余司福唐寶

鏗張海若李芳湯川彬張樹桐吳淵汪震東(西藏)霍椿森王弋參議員(直隸)張繼王法勤江浩李廣  
謙(吉林)連長增(江蘇)秦錫圭王立廷沈惟賢蔣曾煥丁文瑩潘承鏗解樹強楊擇(安徽)李靖國汪  
律本章兆鴻張我華杜殿華(江西)鄒樹聲毛玉麟劉濂蔡復靈蕭炳章蕭輝錦(浙江)盛邦彥許燊鄭  
際平金兆榛沈鈞儒張復元童杭時(福建)雷煥猷劉映奎(湖北)彭介石張漢董昆瀛韓玉辰韓鴻勛  
廖輔仁周兆沅(湖南)唐支厦田永正周震麟章士釗盛時席業向乃祺(山東)王樂平尹宏慶(河南)  
(楊允升毛印相(山西)閻秉真(陝西)寶應昌楊逢盛焦易堂(甘肅)梁登瀛姜繼趙守愚范振緒(新  
疆)李瀾劉鶴銓孔昭鳳師敬先閻光耀那德昭何海濤(四川)謝持趙時欽潘江楊肇錫王猷潘大  
道(廣東)李茂之黃金聲李自芳李英銓彭建標易仁善王鴻龍(廣西)潘乃德陳峻雲郭椿森黃紹侃  
馮君武劉錦才(雲南)呂志伊孫光庭趙仲李正陽何畏周澤南李恩陽(貴州)張光煒吳樹模周恭壽  
吳作棻張金鑑(蒙古)劉丕元佈林車林瑞多布(西藏)李安陸王澤放胡鈞(華僑)黃伯雄馮自由  
七月十九日之談話會口國會議員十九日晚開談話會到者甚衆公推孫君主席首由謝持報告與杭  
辛齋向褚輔成接洽情形大致甚爲圓滿次褚輔成報告謂一切俱甚了解當由謝持呂志伊等相繼發  
表意見結果決定遵守從前之決議通力合作相互諒解以達拆台之目的外間任何謠言均置不顧次  
褚輔成報告發欵情形均無異議未有某君提議同人常有接洽事件及住址遷移情形應用各省推出  
一人常相謀面以便傳達一切衆贊成當決由各省自推限二十四日前報告云

國會辦事處大綱雖未草就而對於目下辦事職員之臨時分配昨日已在商議並已函催各職員從速  
到處昨日報告議員計有阮性言董慶餘盛邦彥等數人又參議院行政委員會前曾在滬重行開會  
之風說昨據該會委員潘大道君云參院委員會人數共計二十七人赴津領欵者有二十人前爲防止  
北京擅行開委員會及開大會選舉議長或進行大選之故曾函北京聲明以在京委員不足三分之一  
以後不得開會蓋以參院現無議長欲開大會必須經委員會召集委員會不開則大會勢亦不能召集

也惟委員到滬者人數尙少且目下對於辦事方面其辦事處大綱已在起草當有辦法故參院行政委員會開會一語時機尙早云云

### 南下議員之懇親會

南下國會議員於昨日下午四時假滬南半淞園開懇親會由津到滬之各省區議員到會者約一百餘人其會場設在該園四百廳議員中間有帶領家眷到場者入場後先在入口處簽名並繳會費洋二元領取會証然後入席席間董昆瀛請褚輔成報告辦事處成立之經過及議員到滬實在人數褚遂報告云報到者實數三百七十七人已領公費者二百八十八人在津定期來者三十七人三省議員連已來者計算共六十三人以兩院過半數計之爲四百三十七人衆院過半數二百九十九人參院過半數一百三十八人統共計算祇須留京者再來百人即可開會至報載到滬後復回京者亦屬不虛但非全係回京多數係回鄉及游歷名勝其回京數人已函京津同人調查辦事處在議長未來前當然應籌備一切故有籌備員之推舉然往往困難致進行不甚完滿此亦必須趨勢關於招待一項曾經有每省推定人員之決議現除三省河南江西湖北陝西蒙藏未推出外餘已函報到處刻已函催各該省限三日舉出矣云云張樹森云同人南下後集會談話諸感不便最好覓一可談話之地點與機會俾從事爲各種之協商本人主張設一通訊處或俱樂部董昆瀛云同人南下爲討賊戡亂爲拆台搭台似應籌一妥法免爲敵黨陰謀所中至民八同心在國家當然合作且能爲澈底之諒解吾人似宜將往津之第一點暫行擱置而第二點張樹森君設立通信處或俱樂部之主張請大家注意丁壽張光煒相繼發表意見魚易堂謂諸君對此次政變同人南下認爲拆台搭台予則反是蓋認爲救國會救議員人格也第一問題在籌備如何組織政府民六也好民八也好皆不成問題未南下議員其所以心存觀望者皆因南下同人政府組織無若何具體辦法也至民八分子當政變以後在京在津曾無一人對合作懷疑曾無一人發生異議予爲民二亦係民六民八且護法旗幟較爲鮮明且往來者皆係民八分子耳目並無若何問

題之聞見予之主張組織政府在破壞之中希望從速建設一有辦法固不愁集會之不足法定數至民六八則敢斷言不成問題更進步言之吾人目標在討賊民六能討賊吾人應從民六民八能討賊則吾應從民八孰故生枝節討賊者即爲公敵甚願各方對此有相當之諒解嗣褚輔成報告七月十四日行集會式之經過並對於調劑六八有所討論後各議員卒以同人到滬之數既日以加多急須有機關以資聯絡因決定一面暫假湖南議員俱樂部設由京南下議員接洽辦事之總樞一面另覓相當房屋作該機關永久所址覓妥後卽行遷入至七時乃散會

### 滬會招待報界記

國會議員昨日中午十二時續假半淞園宴請本埠新聞界到本埠中外報館通信社記者及議員共八十三人宴及半由焦易堂代表議員致詞略謂民國之所以成立係由革命黨順應世界潮流奮鬪黃花崗及武漢起義殉難者不知幾何人乃十二年來更稱帝復辟等役民國不忘不絕如縷今則軍閥官僚亡清遺孽又復勾結遂有此次政變惟此中是非之判至爲嚴明而欲使此是非大白於天下使社會有公正之主張則惟新聞記者諸君是賴同人此次在北京因處暴力之下不能自由相率南來此後種種方面尙祈加以指教更有言者今茲北京政變決非中國局部問題使此項軍閥而不能根本剷除則必將影響及於東亞之治安此就最近臨城案件而可証者此後建設一健全之政府深賴公衆之合作云云次褚輔成演說謂國會代表民意新聞界代表輿論其地位及盡力方面雖不同而其責任則屬相同因此余今日願以親切之言爲諸君告同人等此後行動深盼諸君有所指示同時亦願諸君予以監督惟監督一層竊亦有爲諸君陳者歷來報紙對於議員批評甚多甚表不滿惟其立論率不列舉某議員某議員而混統將責國會蓋國會爲一事國會議員又爲一事倘因有一部份議員而率詆及國會機關則不啻予彼等以寬宥此後同人等與諸君近在咫尺倘有敗類之議員請諸君爲列舉的斥責議員十二年來開會三次數更患難無成績以對國民實不可諱但就十二年來表現之民意則舍推翻復辟聲



討賣國等消極表示外尙乏積極主張以故議員同人亦惟有不苟同復辟賣國以及此次之不舉曹錕之消極舉動如章君行嚴之所謂有所不爲而已故極盼諸君於建設方面能對同人指示一着實辦法呂志伊演說謂以民意打倒軍閥未始辦不到而列來所以未成功者其根本原因實在於軍閥憑藉外交勢力則軍閥決不能存在次由葉楚傖演說謂國會代表民意報紙代表輿論但俱須代表進步之民意與輿論有時進步之民意與輿論其呼聲雖不必能高出於其他糊塗的民意輿論之上但議員當奮其精神不必牽就此種糊塗的民的輿論此次上海各報論調甚爲一致爲歷來所未有此蓋因一反對國會復有幫助曹錕之嫌疑此可見曹錕在民意上之地位已處於末路惟國會此來一般謂係拆台惟如搭台則盼望議員澈底解決次日本東方通信社記者櫻井重義演說由但憲繙譯大意謂日本昔因受軍閥影響而有聯甲攻乙聯乙攻甲及壟斷私利之對華外交今日日本青年俱痛惡之今後希望日支合作以保持東亞和平中國今日惟有羣衆一致協力始能挽此厄運惟苟能從速建設一健全政府則外交一層實不足慮次由馮叔鸞謝介子等相繼演說末京津晚報民治通信社駐滬記者李士林報告該兩報社被封經過目下情形請上海報界援助旋即散會

### 滬會消息一

上海國聞通信社云國會議員日來陸續到滬者復有多人茲查實數參議員到一百零五人衆議員到二百六十八人在奉者五十三人在津者二十八人以參院法定人數一百三十五衆院二百九十九相較津奉議員來滬即可舉行常會國會籌備辦事處經費截至十三號止共用去旅費公費庶務薪津開支等洋二十一萬二千餘元湖南省長趙恒惕補助經費之五千元昨已遞到並云嗣後當陸續匯款接濟其各省招待員至昨日已大多數推定茲彙誌其名單如下雲南呂志伊張華瀾劉楚湘甘肅梁登瀛李克明貴州張光偉周恭壽曾昭斌湖南盛時劉重江蘇沈惟賢汪秉忠奉天龔玉崑羅永慶蔣宗周廣東李茂之孔昭晟福建雷煥猷劉映奎朱勝芬楊小光安徽李靖國廣西郭椿森蒙民偉山東于恩波浙

江董杭時王宗堯丁佛宜直隸王葆真張繼湖北董昆瀛吳崑河南劉榮棠毛印相江西蕭炳章王有蘭  
陝西焦易堂張樹森尙鎮圭新疆何海濤陳世祿山西閻秉真羅輔四川謝持李爲綸  
滬會之解釋疑難

蘇省正社議員龐振乾等曾發電援引和平公約於國會行動有所懷疑昨浙江自治協會等二團體特  
發一電云江蘇省議會公鑒頃讀報載貴會議員龐君等致江浙兩軍民當局通電措詞用意百思不得  
其解溯國會十二年來迭過變亂何次是國會引起軍事行動萬目睽睽國人共覩此次脫除軍警暴力  
南遷集會原爲和平統一之旨迭次宣言不難一按所最不可解者深懼吾蘇轉入漩渦云云試問江蘇  
是否中華民國之江蘇國會是否中華民國之國會國會不在中華民國完全領土之內由自行使職權  
更於何地行之江蘇不容國會以何地可容請諸君有以解之江蘇之境滿駐他省軍隊諸君未嘗云引  
起軍事行動也以江蘇之欸接濟粵贛閩餉樁諸君亦未嘗云引起軍事行動也獨國會在蘇斤斤謂引  
起軍事行動願諸君有以解之國會爲人民代表省議會亦爲人民代表謂國會可引起軍事行動省議  
會亦何嘗不可引起軍事行動願諸君亦有以自解之上海爲江蘇境內國會便不應集會推諸君之意  
似國會必當在北京省議會必當在省內省教育會亦應當在省會何以江蘇省教育會在江蘇境之上  
海與中國國會在中國境江蘇有何異點願諸君有以解之在諸君之意中華民國他省皆可糜爛獨江  
蘇不可糜爛他省人民均應流血獨江蘇不可流血只要保江蘇之境中國之境可不問只要有江蘇中  
華民國之有無亦可不問惟江蘇素號人文淵藪主持公理正義者素不乏人未必與諸君能表同情此  
係諸君個人意見抑以議員資格代表江蘇人民之意見亦望諸君有以解之敵會不但求江浙兩省之  
和平如諸君主意中華民國可亡江蘇不可亡天下寧有是理乎希自息流言免墜奸計大局幸甚上海  
旅滬浙江自治協會浙江省憲協進會叩

又浙籍國會議員杭辛齋氏近以有人利用江浙和平公約中(應避免引起軍事運動之政治行動)一

條實行破壞國會移滬集會昨特向東南社記者爲法理上之解說云國會爲國家最高級機關根據院法有集會自由之權在法理上任何人無可干涉其行動故除以暴力強制其行動外更任何人不得以國會爲私人運用之具安有因國會移滬而足以引起軍事此次國會爲避免暴力起見而依據法律移地集會別有作用之方面謂移滬集會足以引起軍事行動實爲違背法理之言而況此次移滬迭經表示以制憲爲先務目的在完成國家大法謂爲有碍江浙和平更不可解其實証之近日各報所載某方運動議員北上及記計破壞開會情形依法而論實有搗亂國會自由集會之罪無論何人可以申討之故國會在滬開會本無引何軍事行動之足言若各方對某方加以破壞國會之罪而申討之則從此有引起軍事行動由是以觀破壞國會在滬開會者必有重大之陰謀云杭氏又謂蘇齊對浙代表鄧鳴階之勸告議員從速開會制憲事亦認爲引起軍事行動尤爲無理聞鄧氏所說僅云希望國會早日開會制憲法云云當可謂之全國人民之公意云云

### 滬會消息二

議員到滬人數日衆正式開會爲期甚邇參議院方面已將達法定人數故參院議員特於昨日下午假憩園開談話會公推焦易堂主席議決案如下(一)公推焦易堂潘大道童杭時呂志伊四人籌備正式開會(二)致函衆議員分組辦事處(三)向辦事處借用秘書六人幫同籌備(四)下次正式開會日期俟決定後即通知云

前日報載到滬議員參一〇五衆二八一係親到領費數他如王正廷等十四人則親來報到尙未領費故未列入茲復詳細調查在津報到來滬者共五八二人實到滬報到者整四百人(參一一九衆二九〇)其差數一八二則係在津領過旅費者在奉三省議員五三人即在其內合共津滬奉三地總數爲五二八如將來北京國會發生冒替等弊舉出曹銀爲總統不特津滬兩地國會辦事處不承認且亦爲國人不信其足大選人數也

## 林長民之談話

國會議員林長民君於前日抵滬後即與國會同人接洽昨日褚輔成章士釗潘大道諸君均過訪林氏惟尙未商及進行辦法東南社記者特往晤林君詢以京津近狀林君云余在津久對於北京方面內容未深悉至在津同人大多數南下留津者人數極少如湯瀚郭同等數日內亦將來滬至在滬集會個人認爲最重要者無過於制憲按開憲法會議須五分之三人數若民六民八不發生問題可望足法定人數目前當以整理憲法草案爲先務憲法草案委員共四十人到滬者業過半若滿三十人即可開委員會從事整理參議員沈鈞儒日前由滬回京即專爲聯絡在京憲法草案委員南下云

## 滬國會定期開正式會

國會開會期前已由兩院議員會合談話會決定本月二十二日茲相距僅及一星期故奉天議員四十餘人日前此間已有電往催大約可以會期前趕到並京津兩方面除留一二辦事人外餘人均將來滬郭同等於今日抵滬湯瀚等聞已將動身參議院秘書長沈鈞儒前以事赴京尙未返滬目下亦已電催至內部問題前經幾度會商已有妥協辦法現有人提出意見經雙方善意協商業已完全解決云

斜橋湖北會館衆議院會計科昨日發出通告文云敬啟者本月上旬公費業經備齊特請執事於十七十八十九三日每日下午二時至五時佩帶徽章親携圖記至湖北會館本院秘書廳內領爲要此頌議社衆議院會計科敬啟九月十五日再徵章均由各省區院內行政委員分送如未領到者請逕向本省區行政委員領取附院內行政委員人名住址單即祈察閱爲荷云

## 滬國會開會通告

移滬國會議員訂於本月二十二日假斜橋湖北會館開第一次正式會議茲補誌秘書廳致各議員通告文云

敬啟者本院於九月二十二日(星期六)下午二時繼續開會業經發佈通告惟是日爲國會移滬後第

一次正式開會務希撥冗準時出席並請佩帶徽章爲盼特此通知順頌議祺衆議院秘書廳啟再開會後備有茶點並攝影紀念又參議院發出旁聽規則如下(一)不得攜帶雨具洋傘水旱烟具及其他障礙物(二)不得飲食吸烟及唾涕於地(三)不得對於議員言論表示可否並不得互相談笑(四)不得闖入議場(五)衆議院規則(一)不得攜帶雨具洋傘水旱烟具等物(二)不得食飲吸烟及隨意涕唾(三)不得談笑或對議員言論表示可否(四)不得闖入議場(五)不得擾亂秩序

反對齊燮元收買議員

日來盛傳寧督齊燮元以重金收買議員回京辦理大選現經詳切調查此說確有根據其收買價值普通議員每名千元稍有聲望者身價亦格外增高業已依此標準開始進行事爲旅滬蘇省各團體所悉大起驚訝蓋此舉爲虎作倀違反民意且以已南下議員之人數計果欲實行收買非有數十萬之鉅款不能集事此款出自何方不可不加以研究在熱心最高者既唯知責人報効而贊助大選者又未必自挖腰包然則此次供應直接出自齊氏間接必將括諸地方人民何辜受此担負爲此集議抵制之策聞已函請就地正紳偵察收買證據並其款項之所從出以便聲罪致討云

南京收買議員機關之內幕

南京設立收買議員機關業已徵實茲悉招待所暗中係由溫世霖主持溫氏此次與張魯泉南下收買議員由溫氏囑其弟世珍(現任交涉員)疏通某督提取省款之一部分作爲收買之費張魯泉則來滬活動昨有省議員王某等聯絡其他議員預備考查真相謀相當之對付云

京津學生救國團警告由滬回京議員

京津學生救國團於二十五日發出印刷物其文曰由滬回京議員諸君鑒法統重光屈指一載大法久虛責在諸君諸君受國民付托之重自宜根據民意行使職權鞏固民治之基礎爲國民謀幸福以暴力橫行於京師不能自由行使其職權也不避艱險移滬集會國民猶能爲諸君諒不謂有少數無恥分子

抵滬報到後復行返京推其原因無非因吳景濂之宣言謂大選票價可漲至八千元先付一千餘俟新總統產生後補發等語有以招徠之諸君以爲有錢可領也不惜將議員資格完全喪盡嗚呼光天化日之下竟發生此等行爲不加救正國亡無日且吳景濂慣使欺騙將來餘款能否交付仍屬疑問然則吳固國人皆曰可殺而諸君亦不顧廉恥甘心出賣吾人本愛國思想誓當切實調查設法以鋤奸邪對於諸君將加以重大之懲創特此警告諸維自愛

六月廿三

中編

卷十六

### 第三節 輿論之傾向

編者曰吾人平居觀察恒太息於國內輿論之不健全甚且目爲無輿論也然在國家政局有大變亂之際或大盜竊國或元惡巨慝作亂毀法則國人必有口誅筆伐起而聲其罪者政家法士苟能披髮袒褐以隨國民之後或揭櫫國法正義所在指導國民以爲之先同時國民激於國亂之毀而謀所以戡定之與其扶翊建設之法其感應乃莫之召而至莫之爲而爲是即真正輿論之所由起也六月十三之事國會南遷之議反抗賄選誅討留京議員之舉在此時期東南輿論慷慨一致儼然與國共其休戚對於出京南下之議員尤有引企風采同靖國難之薪嚮輿論上此種精神豈金錢武力所得而移轉哉其時擴引偉論匡翊國是之偉風發雲起聲滿海內不可殫錄茲采其犖犖大者著爲本編俾後之稽政者有所覽焉抑予聞留京議員覩焉無恥之論謂此類言論文電均出自南派之宣傳造作限於滬上一隅非國民之公意噫豈其然哉政治建設之與輿論本非二物政家有所樹立徵同意於國民發揚利導無足爲諱吾人所當注意觀察者在於所造成之輿論與其指導國民之途徑別其真僞明其爲善爲惡而已浸假當時滬上之輿論悉爲南派所造作然則彼蠕蠕然留京之羣豕所造作者何在以此益足信輿論之價值不可誣也

孫中山歡迎議員南下

案國會南遷之議孫系民黨主張最力當時直系議員有詆爲中山派利用北部亂事以圖發展者然觀中山致議員電殷殷以存正氣振國紀爲言何嘗有絲毫利用北部亂事之意哉茲錄原電於右爲本篇之引楔且以明定亂匡國輿情所同中山不過領導焉耳

此次政變民黨議員頗爲活動最近汪兆銘由粵返滬即專爲代表中山招待南下議員並有劉成禺等北來歡迎議員聞謝持王用賓等已有電致該黨議員特爲分錄於下

(一)天津王用賓等函 兩院議員公鑒頃接本黨總理中山先生自廣州來電文曰北京民黨議員通



訊處轉兩院議員鑒艱苦備嘗始終不渝民黨精神惟寄國會此次時局陡變大盜橫行暴力之下已無國會行使職權之餘地亟應全體南下自由集會以存正氣以振國紀茲特派汪君精衛駐滬招待劉君成禹符君夢松北上歡迎請毅然就道聯袂出京無任盼切等語合行轉告同人希即察照王用賓彭養光王恒焦易堂謹啓

(二)上海謝持函 昨箋到否今日接徐希三自粵來電囑轉因恐水電亦難交到特照抄飛送文曰轉北京頭髮胡同六號凌樵庵杭辛齋焦易堂李淵青張天成劉我青王治安田梓琴梅寶瓊王太蕤徐可亭諸兄並轉諸同人鑒寒銑兩電計達國會經費籌有辦法精衛返滬劉符去京專事招待祈同人毅然決然南下餘函詳和等養(和爲徐清和即徐希二名)西報記盧永祥對於國會南遷之主張

上海大陸報記者於七月五日訪盧永祥詢以國會在滬集會進行制憲之意見盧云按照臨時約法國會於其開會地點可任意擇定不受拘束至日後應如何進行國事亦均由其自由選擇至在目下上海似爲集會最便利之地點因在此地可以避免一切政治上之勢力也若對議員諸公自應與以相當保護俾得憑其良心主張實行立法再則議員之准行到滬者一經召集可保其在三百以上經費一層不生問題緣熱心制憲運動諸省已聲明決定担任之矣盧又言自黎失敗以後議員到杭見彼者數達七十以上但彼已反覆聲明其主張即國家之立法團體須使之勿受任何壓迫或一切政治勢力之影響而外界亦當與以種種便利俾得實行發表本身主張以成純粹之人民代表也(以下談話多涉於其他政治問題茲略之)

盧永祥與日記者之重要談話  
大阪每日新聞七月九日上海特電云北方政變以來中國政局之中心已由北而移於南而國會之移滬已見事實議員政客之南下者亦絡繹於道上海方面已在一品香大東旅舍籌備國會開會之計畫

一方彼等復赴杭州訪永祥氏對於今後之政府建設問題一一叩其意見盧氏在事實上已有爲時局解決中心人物之觀然則盧氏對於時局之意見於判斷中國今後之時局自當最有價值本報特派員由滬赴杭州得領事之親切介紹訪問盧永祥氏縱談時局問題爲如次之問答焉（特派員村田氏問盧永祥氏答）

（問）國會其將在上海開會乎

（答）據約法之規定國會無論在何處皆得開會而余則以爲上海實最適當蓋在上海離杭州尙近既爲充分保護亦可充分援助也但余不能聲明者國會之開會宜一任議員之自由意思余直接並不加以干涉也

（問）南下議員之數有達法定數之把握否

（答）余以爲有達法定數之把握蓋迄今日止僅計來杭州訪余者已有六十人而上海則已有一百二十人矣以目下情形觀之當有三百人南下若實行開會更當陸續與來也

（問）國會之費用由何人負擔乎

（答）由多人及各省分担负支出之

●●●案以下問答爲聯省制委員制等問題茲略之  
●●●盧永祥感電

各報館鑒頃致北京憲法會議一電文曰北京憲法會議吳副議長張審議長湯委員長天津褚慧僧先生並轉京津兩院諸公均鑒前因制憲選舉發生先後之爭曾於齊日電陳鄙見諒達清聰蓋共和國家憲法乃爲國本元首猶是公僕大法既備則人選無難但使依法產生則對人決無異議耿耿此心可質天日惟默近日趨勢暴力愈益鴟張立法自由橫被剝奪卽如十六日之兩院會合會係由少數人談話臨時矯造而成且以一個表決議定憲法適用總統任期命令效力三大問題致引起院內外嚴重之駁

詰以兩院人材之盛立法經驗之宏而竟有此滑稽舉動其非諸公之本意可以斷言然神聖議會日在政潮震撼之中將來憲法污點詎勝抓梳夫國會制憲權乃由辛亥革命而來今日垂成之憲法乃以十數年人民流血爲代價倘竟鹵莽遷就等於欽定憲法俾怙勢專政者反資爲保障甚或陰謀搆煽力阻憲法成功人民痛心失望勢必激爲意外反動則是諸公以弭革命而制憲反以制憲而造革命衡諸歷史公例與政治因果之法則決非預爲不詳之談或以爲國會法定任期瞬將屆滿遂不得不苟且塞責作枉尺直尋之計實則憲法一日未成則諸公之權責一日未盡姑無論自政變以後並無一次合法集會任期本已保留即令不嫌於國會者欲以非法集會抵塞仍不能杜諸公制憲之正當途徑淺識者往往以十年國會爲詬病庸詎知英國議會政治所以燦爛於世界者其間曾經過長期國會之奮鬥自一千六百四十年至一千六百六十年亘延二十載當國會與英王沙爾第一宣戰時公然分國會爲二卒之國會戰勝判英王以死刑諸公若一念此種英勇奇烈之歷史必立增一分勇氣彼毀法亂政者未必不自返而縮也昨讀褚君宣言主張遷地自由制憲早識宏願海內傾仰在京諸公與褚君同一志願者必居多數雖形格勢禁意志未盡發舒而聲氣應求終必趨於一軌惟諸公爲國民謀百年福利而任諸公置身於危難揆諸人類互助之義竊有所不忍國民既渴望良好憲法義當爲諸公排除障礙永祥職在軍旅分屬國民維護贊助之責當與國民共之息壤在此敢有二志謹摭赤忱伏希明察廬永祥感北京各團聯合會請各省法團聯電催促議員南下

日昨北京國民救國聯合會發出元電云各省省議會教育會商會農會工會律師公會報界公會各報館各公團各救國聯合會暨北京各省旅京同鄉會均鑒各省留京國會議員遲不出京希圖收買有負國民委託應請聯電促其尅日離京以免時局糾紛愈難收拾如彼輩再欲違反民意希遂私圖卽祈聯合各公私團體督促本省政府不負保護其家屬財產之責事關國計務乞努力進行特此電聞佇候惠復北京國民救國聯合會叩元

同時各公團有致在北京會議員之電一件措詞較爲委婉而主張則至正大惜乎當時北京議員之不能用也茲錄於左

國會議員先生均鑒吾國政變愈演愈烈此次肇禍咎有專歸現在中樞解紐國事岌岌其唯一解決之責任則在國會國會爲舉國所尊重如果遷至安全之境地作正義之主張匪僅足以博得國民之同情並足以折服軍閥之實力定亂扶危在此一舉茲爲國會計謹貢辦法如左

(一) 在七月初十以前從速遷至安全之地點依法使行職權

(二) 依法解釋黎總統任期維持法治之根本

(三) 在黎總統任期解釋以後憲法未制定以前採用中央行政委員制組織政府主持政務

(四) 限八月十五日以前制定憲法

(五) 憲法公布以後根據憲法之規定建設一切機關刷新政治以歸統一

右所列舉辦法皆屬國會唯一解決時局之途徑至爲明瞭職權所在應共努力圖成北京處於暴力之下無論如何欲開憲法會議絕無希望近日情形足資明証憲法會議既不可成遑論大選縱令金錢足以誘致而他破壞必亦以金錢防止出席而無疑此路既無一線之光明不如及早順應現時之趨勢較爲得計況此次南遷地點經費兩無疑問諸公又何必坐困北京遷延復遷延竟陷國家於萬劫不復之地不僅無以救國即欲自救亦萬不可能諸公明達應當通盤打算毋爲浮議所惑昔年護法之役皆諸公自動而求助於人今日情形適得其反志趣所在進步歟抑退化歟諸公思之諸公其重思之北京公

團聯合會謹啟

南京各界請議員南下制憲

南京各界聯合會昨日寄來代電云各報館轉移滬集會國會議員公鑒諸公以政變主南遷集會乞先完成國憲以順輿情江竊國是促進會南京各界聯合會徐瀛等叩江

工界救亡會催國會南遷  
全國工界救亡大會日前在全皖會館開會議決電催國會南遷昨經委員會修正電文拍發文云（北京參眾兩院議員鑒國民公意請即南遷曹黨浮言萬勿輕信免為利用以保人格全國工界救亡大會支云）

滬西商界致京議員電促即日南下

滬西四路商界聯合會平民自治會昨電北京議員云北京參眾兩院在京議員諸公均鑒軍閥作惡政客助亂憑北京之城社視國會若娼寮爾等復不惜自降人格甘為虎俚既失神聖之尊遂有猪仔之號在曹錕逼宮奪印之後本會同人早知爾輩狐媚性成定必認賊作父不肯出京以成大選故決定由主人翁資格取消爾等名義以杜亂源乃存心寬厚為爾等愛惜人格者又復函電交馳促其脫離強暴免被奸污卒之言者諄諄聽者藐藐數十日來僅得少數自保人格者之嚮應狂且環伺儼欲滴爾等却自推不知仍欲假借名義詭言制憲流戀京城冀得富貴誠哉自裸其體以待奸污矣自為計誠得矣其如爾父母祖宗之不安何清俊捫心常有時轉跳也須知主權在民我輩能貴汝亦能賤汝今試與若輩約限爾三日一律出京幸勿勞我等再作鱷魚文也上海滬西路商界聯合會平民自治會同叩

浙團體對兩院議員之嚴重表示

浙江省民大會致北京天津參眾兩院議員云曹逆逼宮謀選罪惡昭彰動搖國本月餘以來國民奔走呼號同盼國憲早定諸公身膺議席民國前途實所賴諸公之順逆即繫民國安危南下諸公深明大義國歡欣鼓舞早申敬忱今諸公亦猶人也是非羞惡當以不讓恒人報紙所載外人共管之說諒亦早有見聞今諸公逗留京津不惜為桀助虐在諸公不過稍沾逆賊餘潤在國民勢將痛及切膚古之君子不飲盜泉諸公負才積望領袖羣流若斤斤為目前小利貽吾國民以無窮之戚是諸公自絕於吾國民也諸公囊橐雖飽吾民必有以對付之風雨飄搖民困倒懸務希激發天良速裝南下制定國憲鞏固邦

本庶綱舉目張糾紛自解國民幸甚民國前途幸甚 又電上海參衆兩院議員云曹逆叛國騙逐元首擾亂都門誘嚇議員冀竊總統毀法亂紀醜態難書諸公浩氣橫空丹誠貫日仗義南下白璧依然翹企滬濱欽仰無似惟處此外交危迫內亂方殷之候完成國憲擬定逆賊實屬義無可辭諸公如再歧路徬徨別滋異日亂象匪持有違仗義初衷抑亦難以再見國人爲此務乞諸公迅即警告逗遛都門之議員限定八月十日以前一律南下以定國是否則即將若輩豬仔全體宣告除名另行設法遞補以便早日開會解決一切糾紛國計民生均所利賴緣若輩業已備受國人之千呼萬喚猶遲遲不肯出來可以斷定利令智昏蓄意附逆天良俱泯人格全無如此頑奸狗彘不若曷足以言國民代表吾人年來喪亂之餘望治益亟瞻顧大局緘默難安敬布區區佇候明教

浙江國民自治會亦促議員南下電云北京參衆兩院議員諸公鑒民賊叛國作亂首都冀以威脅利誘速成大選其計狡其心險其手段卑且劣凡議員中之自愛者早已潔身避地聯袂離京然猶不無戀戀都門遲遲乎行者揆厥心理亦非一致其有妄冀票價迷夢金錢者固有之其因他種關係稍行濡滯者亦有之然京畿既成爲叛逆盤據之地抱犢崗上去之應惟恐不速若再依徊觀望此心終難曲諒務祈即速東裝南遷集會保令名而完人格所值豈止五千金北望燕京無任延佇浙江國民自治會叩元

北京參衆兩院議員諸公鑒民賊叛國作亂首都冀以威脅利誘速成大選其計狡其心險其手段卑且劣凡議員中之自愛者早已潔身避地聯袂離京然猶不無戀戀都門遲遲乎行者揆厥心理亦非一致其有妄冀票價迷夢金錢者固有之其因他種關係稍行濡滯者亦有之然京畿既成爲叛逆盤據之地抱犢崗上去之應惟恐不速若再依徊觀望此心終難曲諒務祈即速東裝南遷集會保令名而完人格則所值豈止五千金北望燕京無任延佇浙江國民自治會叩元

浙公團歡迎浙籍議員電

浙江全省縣議員聯合會理事長莊崧甫等近致電浙籍國會議員云褚慧僧先生暨兩院同鄉議員諸公均鑒聞公等不爲利誘冒險南歸爲兩院留正氣卽爲浙江保人格同人無任欽佩何日錦旋亟盼玉教發揮自治福利鄉邦仰惟諸公是賴用特馳電歡迎浙江縣聯合會理事莊景仲李惠人陳德新沈孟養萬和孫雲陸啟等同叩支

又電杭辛齋童杭時諸議員云側聞完璧歸來無任欽仰東南半壁建設萬端正不獨破壞北藩奸謀已也吾浙執南州之牛耳應如何發揮自治固此金甌在公等愛護鄉邦定多碩畫同人等代表地方亟願指候明教共濟時艱伏望約期示復俾獲聯席坐談臨穎無任竚盼  
台州同鄉會電

北京徐熙午先生轉送姚吾剛周萍泐王任化鄭平甫金宛秋張復元謝蔭西諸先生公鑒曹錕並其黨羽本孟德遺風恃強究法逼宮奪印開千古第二之亂局凡屬國民同深切齒公等號稱人民代表尤應有幾希之異以自別於禽獸也變亂以來卽經電請諸公等避地南歸力持正義迄今時逾半月除姚君吾剛有所宣告外而公等尙多戀戀於惡勢力之間不聞有如何之表示同人惜之吾台人士恒有窮而且硬之美德還乞善爲保持勿復假留京制憲之名而行論價捧曹之實幸甚幸甚旅滬台州六邑同鄉

會江

浙省議員促浙籍議員南下電

浙江省議員姚宣等暨汪山各有一電致尙未出京之浙籍議員周珏催促南下併錄於後

(電)志成先生大鑒曩者共事梓鄉卓識遠謀素所欽佩故嘉善不乏多才足下獨當選衆議員予等咸慶選舉得人矣此次軍閥肆毒逼走元首又欲強奸國會不得已而遷地集會想足下宗旨純正早已翩然南下乃聞尙留都中似爲大選派者雖詳情不得知而鄉人物議紛紛頗格不滿辱在契末殊代不平蓋足下爲識時俊傑決不臨時變節癸丑之役足以明證今不異昔諒必能貫徹主張也弟等本朋友規

勸主義特電忠告務祈星夜出京以慰鄉望無盡天責姚宣等叩魚

(電)志成先生大鑒時局突變國會諸君子應全國父老之請來南制憲浙籍議員聞已多數出京獨足下歧路徘徊梓鄉缺望素謫明達或有不得已之苦衷然務其大者遠者似宜即日南下庶不負人民代表之天責而足下令聞亦將永垂不朽何去何從請熟籌之汪山魚

湘人請湘省會促湘籍議員南下電

湘人羅健天等致電於湘省會請轉促湘籍議員南下依法集會其原電如下

長沙林議長孔雷兩議長暨列列議員諸公鑒此次政變販夫走卒擬竊大位壟斷政權各省國會議員潔身自愛拂衣南下者固不乏人而充與投票甘爲豬仔者亦復不少此輩議員若任其在京被人收買不但國民人格喪盡抑且時局糾紛愈難收拾吾湘爲聯合省分一有舉動全國影從諸公代表全湘丁此艱難當力圖補救擬懇重電國會議員尅日南下依法集會並另行組織中央行政委員會以救危亡如有拂逆民意在京參與大選者則祖宗廬墓及生命財產一概不與保護並請通電各省議會爲同一之主張以遏奸謀而維國本時機迫切深望諸公尅日電達各方早定大計國家前途實利賴之佇候電復羅健天等二百九十六人同叩東

北京湘人戴朝震致同鄉議員書

湘籍議員先生台鑒敬啟者此次政變舉國注目行政首都全爲暴力所包圍國會議員自難行使其職務旅京湘人深恐本籍議員或爲強暴所污致貽聲譽之累茲特開會議決請即離京另覓合法之途徑以保國會之尊嚴倘若諸公徒爲個人之條件不顧全民之公意再事徘徊甘受侮辱殊非國家之福亦非諸公之利也特進言乞垂清聽旅京湖南公民戴朝震陳迪光

魯人促魯籍議員南下電

山東旅滬同鄉會致山東時報館轉各團體電云(銜略)敝會致北京魯籍參眾兩院議員一電文曰北



京魯籍參眾議員諸公均鑒軍閥亂國蹂躪法紀嗷使黨徒劫印逼宮與論聲討異口同聲貴院明達之士凜亂邦不居之義相率南來另擇安全地點自由集會滬濱人士一致歡迎諸公代表人民素明大義爲私人權利害爲山東保人格尙希即日日出都共謀討賊海岱父老與有榮焉否則他他倪寄身橫暴甘受豬仔之號致貽牛後之譏千載而下董狐秉筆莽丈夫之徽號恐不能爲諸公恕也孰得失孰惟希自擇云云

安●徽●國●民●救●國●大●會●電●

各報館轉上海總商會公鑒漢電敬悉羣奸亂政竊據首都破法滅紀國亡無日挽救熱忱萬力同奮此次曹銀肆惡即爲將來循行袁氏專制之初聲斯而不討後患何極此間已於六月二十七日開安徽國民救國大會成立會此即推職員積極進行除一面與省政府交涉截留中央一切應解各款並電促兩院皖籍議員速行離京否則撤銷其資格暨聲請全國各團體一致聯絡協力合作外特此電聞上海爲吾國交通之總樞貴會又系真正民衆當此大難臨電毋任企禱之至安徽國民救國大會感印

皖●人●聲●討●留●京●皖●議●員●

旅滬皖團體以昨日新申報所載專電內有皖籍議員劉鴻慶受馬聯甲指揮允選曹後任劉爲蚌埠商埠督辦並給款萬元顧問聘書二十份每人月送津貼二百元至四百元不等均交劉拉攏皖議員留京聞湯松年吳日法徐培之張振麟張伯衍賀廷桂等十餘人鈞受劉騙不願出京則對於留京皖籍議員劉鴻慶等異常憤懣擬即召集聯席會議通電聲討並取銷其皖籍云

皖●學●生●總●會●促●皖●籍●議●員●南●下●電●

上海新申報轉留京皖籍議員均鑒曹錕視議員爲豬仔以軍警爲虎俚僭竊橫行國人已憤起聲討各省議員懾於清議相率南遷獨公等留滯都門甘附亂賊桑梓蒙羞今與公等約悉於三日內出京稍修晚蓋否則鄉人義憤所激宣布姓氏削除省籍焚廬發墓皆公等所自召也特進忠告幸終察之安徽全

省學生聯合總會寒  
江西自治同志會主張南下議員制憲

江西自治同志會昨發表通電云全國國民公鑒近見無恥議員有以制憲誘騙南下議員回京之電甘爲曹狗百喙莫辭今姑勿論其是否暴力籠罩凡有耳目孰不見聞今不自拔於自由之地而乃招人於鬼蜮之場豈爲法律所拘耶則約法原無制憲必在北京之明文豈爲先例所縛耶則民八已有在粵制憲之事實乃彼尙曉曉以回京制憲爲號心育顏厚比猪不如夫國民之須乎憲法者厚欲以民意之結晶作共同之紀律此曹既人頭畜鳴則國家大患反不在其持以製憲誘成逼選而寔在國人仍認此曹有制憲資格夫此曹世所謚爲猪者也非人也中華既爲民國制憲何賴於猪爲今之計惟有限一南下之期作爲人猪之界來者人之否者猪之既已猪矣任選任憲聽彼所爲吾人惟有宣布其已非人類不能再享人間法律之保障與人道之待遇而已至有疑此曹不來則南下者不足制憲法定人數而憲法無望抑知北京之所謂國會者已擅將原來憲法會議規則所定五百八十人之法數改爲五百二十人乎是卽任南下者回京其法數已根本動搖非國人所夙認之較高法數彼曹尙可因私便而低減國人又何不可據公理而斟酌竊以爲索性滅之又滅減至純爲（人的議員）而無（猪的分子）爲度豈不更爲光明正大乎倘猶以人少爲嫌則可促南下議員速編憲章一俟完成卽召集國民大會或投票公決之如此斯於進行上既免別尋途徑之紛歧而於結果上又開全民政治之盛軌誠至善也邦人君子請利圖之江西自治同志會叩元

福建各團體會議通電

北京參眾兩院各報館上海各報館轉全國各界均鑒權奸稱製迫走其所擁戴之元首反覆篡竊恬不爲怪舉國沸憤列邦騰笑國本動搖不絕如縷其爲人所注目而可挽救萬一者惟此代表國民之國會首當其衝願京師黑暗極於今日威脅利誘疇克自拔倘議員諸君猶知廉恥不肯助逆攘大器務卽相

率去京擇地開會作速完成國憲俾凡百糾紛有軌可循得以解決而神奸巨亦無所施其技國庶有豸諸君亦藉以自贖前此縱亂之愆否則貪戀金錢匍匐於軍閥暴力之下無論先憲後選而憲為賄迫而成亂萌益滋國且不國吾民萬難再事姑息而不籌所以防遏之道撤回諸君議員之資格自行直接制憲以解紛擾而奠國基是固吾民之所有事也何去何從孰得孰失唯諸君實圖利之福建各團體會議歌閩同鄉會電促議員旅滬福建同鄉會因閩籍議員尙有勾留在京或到滬領款而即去者昨特發出兩電(一)北京閩籍議員鑒兩電均未得復不稔意旨何在現各省及吾國議員南下者擬在滬集會完成制憲事業用意良善諸君若仍遊移不決爲金錢勢力所迷非僅失職且有附亂嫌疑則閩人爲保全一省人格計不能不籌最後對付之法尙望從速覺悟聯袂出京不勝翹企之至旅滬福建同鄉會馬(二)董慶餘楊士鵬連賢基劉萬里詹贊民林鴻超鑒臣台旃到滬出席於十五日旅滬議員之集會並已具領歲費是執事不願阿北方軍閥態度已極明諒乃十七日本會謙請南下同鄉議員未承枉顧始悉執事復匆匆入京係以排擋未了事件携眷南下爲詞果爾甚願執事從速踐言勿使外間對於執事態度尙有所懷疑此爲執事人格計不得不進忠告惟祈諒察旅滬福建同鄉會馬

福建同鄉再促議員南下電

北京後孫園泉州館學生會轉閩議員鑒前電未得覆不捨意旨何在諸君殆亦如蘇省某議員所謂各有千秋耶果爾則同人祇有仿蘇省教育會所擬辦法將諸君氏名宣布與吾閩人共棄之旅滬福建同鄉會冬

雲南旅滬同鄉會公電

口此次國會移滬集會滇籍議員呂志伊張華瀾孫光庭劉楚湘等均陸續報到惟尙有多數議員滯留京津昨旅滬雲南同鄉會旅滬雲南學會特聯銜致電忠告本省議員南下並電滇省各法團協電勸告其致北京滇籍國會議員電云滇籍國會議員諸公均鑒軍閥盜國驅逐元首法紀蕩然普天共憤我滇護國護法聲譽爛然諸公神聖代表尙祈保存人格急速南下扶危戡亂中罪致

討慎勿徘徊燕市以待姦污使金馬蒙羞碧鷄含垢則傾昆池之水恐亦難爲諸公洗滌也謹進忠告伏  
希鑒察雲南旅滬同鄉會旅滬雲南學會公叩  
黔省留滬學生促黔議員南下電

貴州留滬學生會觀國事危急特於昨日致北京黔籍議員一電促其南下文曰

北京參衆兩院周銘久牟貢三兩先生轉全體貴州國會議員諸公均鑒京中演逼宮怪劇醜聲已播於  
隣邦何物曹錕率軍入川爲袁爭帝稱兵造反解散國會種種背叛民國之惡績早應處以極刑今反利  
用金錢誘脅議員圖劫大位是而可道孰不可道夫依法產生之正式政府早在廣州成立國會肆言法  
統仰息軍閥置廣州政府於不顧已屬可恥若再舉此全國共棄之曹錕爲總統是將舉國家體面國民  
人格爲議員一手喪盡也諸公身列議席奈何逗留京中徘徊觀望欲完成憲法耶在武力壓迫下取制  
之憲法國民豈能遵守欲舉曹錕爲總統耶黔民誓不承認諸公有代表貴州人民之資格異日還鄉何  
顏見桑梓父老同人重視諸公重視法律尤重視國家用特電達望諸公毅然南下保全令名臨電神馳  
唯諸公實利圖之貴州留滬學生會冬  
國會後援會之成立

各省旅滬人士組織中華民國參衆兩院國民後援會一節已誌前報該會六日假九畝地潘家弄四號  
開第一次預備會各省區共到有代表五十七人公推郭森甲主席（江西代表）宣布開會宗旨中央無  
政府將及一月軍閥盜竊國政毒骸薰天目無國民已非一日所幸一部份覺悟之議員結伴南下正誼  
得以不絕兩院議員過去之歷史不能見信於我國民是無庸諱言我國民應當本維繫法統之毅力作  
最後之監督本會應時勢上要求結合羣力徵求我國民公意一面敦勸未出京之議員尅日出京打破  
曹氏竊國之迷夢一面監督議員南下定成憲法使政府不永絕今日開會望代表共抒偉論俾本會發  
揚國民精神云次劉啞佛（安徽代表）云今日已加入本會之各省區代表全行出席可稱盛會請主席

諮詢衆意付表決可否即於本日改開成立會主席付表決全體可決主席云既經衆表決改開成立會請改推主席衆云仍請郭君主席主席開成立會胡獻璈(江西代表)云本席主張就已加入本會之各省區代表分省公推二人爲事務委員分別担任本會幹事務於本星期日以前推就以便下星期二分別任事附議五人主席付表決多數可決次王翔(廣西代表)云本會業已成立所有宣言書及暫行簡章須於本星期內印出分送各代表研究以便開大會討論通過宣布主席付表決多數可決議畢宣告散會

### 滬上歡迎議員之籌備一

國民自決會等團體發起之歡迎國會議員大會籌備數日加入者已有七十七團體昨日又有江蘇自治期成會中華女子美術學校等二十七團體致函加入茲悉大會主席已推定唐紹儀歡迎詞推章太炎起草會場紀錄推沈嘯霞沈卓吾唐豪朱閣章陳冰伯陳其熊等會場招待推陶雪生陳家鼐劉釗陶鳳威等十五人惟歡迎國會議員大會籌備處昨日接到廣州香港天津北京四埠快郵代電多主張改期下星期日(十五日)舉行以便准時到會而其他工商學各團體亦可有充足時間加入以免臨時促唐紹儀章太炎褚輔成凌鐵等均接有此等同樣之件云該籌備處昨特開臨時會討論此問題並希望各界對於南來議員表同情者務請從速加入云云

### 歡迎國會議員之籌備二

國民自決會等六團體發起之歡迎國會議員大會各公團之表同情加入者昨日已有履業工會淞滬駁船公所雲南北海兩路工商聯合會中華工業聯合會揚幫成衣同業公會山西路商界聯合會各路商界聯席會浦東同人會中法出校學生團崇文會求是學生會普樂里房客聯合會中華自由黨本部揚州鹽務維持會等四十三團體茲將籌備處通告各團啟錄下

各團體公鑒國會議員先後來滬者已兩百餘人茲定本月八日(即星期日)午後一時假西城藏路北

海路轉角遠東飯店開歡迎大會請唐紹儀章太炎馬子貞張繼林建章汪精衛顧忠琛于右任柏文蔚鈕文建等十餘名屆時演講經費由發起人六團體担任凡各團體表同情者務希於本星期五以前通訊霞飛路求是中學加入事關重要幸勿延遲

國民自治會天津寧波兩路商聯會農業協會新社總部拒絕烟土會租界教育會等六公團前日開臨時緊急會議決定(八日)午後一時開歡迎國會議員大會請章太炎唐紹儀張繼馬良汪精衛林建章顧忠琛于右任柏文蔚鈕文建等十餘名人演說凡工商學各團體如有同意者望即加入共同籌備積極進行通訊處設在霞飛路求是中學云

國會後援會忠告留京議員

參衆兩院國民後援會今日(二日)開談話會議決致北京兩院議員忠告書一則照錄於下北京參衆兩院議員諸公均鑒政變以來明達之士相率去京作移滬集會之舉國民十二年所渴望之憲法亦於此時天假之緣得早日告成宇內持重睹昇平矣孰知巨惡竊國再接再厲既喪廉明之士不爲己用則不得不重賄以餓諸公圓其攘奪大器之好夢京滬消息靈通諸公一言一動國民明如觀火最近如延長常會會期以不合法書函承認各項借款迎合曹賊意旨誣指浙盧爲破壞國會阻撓憲法種種陰謀昭然若揭試問諸公與國民何仇定欲認賊作父必將國家斷送而後快自國會南遷以來國明教勸諸公出京之書目數十上舌蔽唇焦全國一致諸公熟視無覩好官自爲如此非國民見棄諸公是諸公自絕於國民也諸公身爲議員出自國民之選舉作國民之代表全不能代表民意資格即已喪失加以公然助逆國民焉得不視爲公敵十二年來諸公能暨我國民之望者有幾事丁茲生死關頭尙不本諸良心轟轟烈烈爲國民爭些須人格爲國家保少許元氣自全其晚節平寧願徘徊歧路負助逆之名連同十二年之醜史同垂千古乎諸公雖愚當亦能見及此曹□悍將曾有先打後選者果後選誰不問而知其先打我討賊之國民而後選叛國之曹錕也諸公是我國民之代表忍見叛奴來打主人翁乎又忍選

打主人翁之叛奴爲總統乎即諸公利令智昏甘心作賊選出叛奴來作總統我國民又豈有殺身之仇尊叛奴爲元首乎叛奴雖強較曰百年國運終滅之滿清如何較擁數十年北洋系之洪憲又如何不幸叛奴與國民戰而勝諸公恐不能一親白宮之顏色五千元之票價不足令貪鈞之魚一快意也叛奴果被國民戰敗國民追憶往事不但諸公之頭顱莫保恐祖宗邱墓亦難留矣諸公不愚又當能見及此現下移滬議員將達四百法定人數且夕可足憲法會議將憑全國民意所呵護而告完成諸公迷途不遠回頭是岸願聽國民勸勉日南下共振討賊之精神同建不世之勳業國民與有榮焉不然國賊當毀民意伸一兩月間諸公恐不能與國民相見矣時急事危言真情重祈三思之中華民國參衆兩院國民後援會各省區代表郭森甲劉啞佛王鞠等六十三人同啟

國會後援會再促議員南下

中華民國參衆兩院國民後援會今日(十五)又致天津兩院議員一電促津議員南下文錄於下天津日租界永安里一號兩院議員諸公均鑒元電諒達寒日移滬兩院議員集會式成禮後歡震遐邇諸公爲主張正誼維持人格起見特離京到津海航便利國民盼諸公來滬如大旱之望雲霓幸毋爲利誘多事流遲使滬會久帶各有攸歸敝會不嫌繁瑣一再敦促尙祈惠然肯來不禁延踵以待

#### 第四節 南下議員之主持正義

編者曰議員之南下也直系詆之爲拆台予謂拆台信然不足病也直系之擁曹錕也豈真以曹爲一時之傑足以勝民國元首之任從而擁戴之哉此輩之所計畫在於掠奪全國以充一系之私產從而割據分潤之各植其勢力各擁其地盤各遂其苞苴貪婪之私各營其子孫封建之計而曹之昏庸貪污荒淫敗度適爲同時直系中惟一可供利用之物被惡則首出而無所辭分贓則悉索而無所遺其德如是其才如是直系之台成而國病矣匪獨此也十二年來之民國紛擾疲敝國人之所深憂而號爲外交上與財政上之人物則視爲投機競賣之大市場天假之緣得一貪庸無紀之軍閥如曹氏者出而以戎首自任而其所挾之暴力又足以壓迫全國而無所障礙賣國則罪歸於曹賣曹則國人且不之罪也天下必賺之錢必贏之注又孰有逾於此者此顏惠慶顧維鈞王克敏張孤之流所由與曹錕相得益彰而相需甚殷也凡此皆當時直系所繫之台與其台以上及其前後左右之人物國人苟瞭然於此中内幕吾知愛國愈熱烈則贊成拆台愈恐其不逮豈惟拆台雖並其台以上與其前後左右之人物拉雜而摧毀之當亦靡不稱快何以故此輩之台與民國固不兩立也不幸國民頻年疲於變亂厭倦政爭國會南遷之事未能成立南下議員力竭聲嘶主持正義而事實所收之效乃竟闕如國民對於政治之抉擇力與奮鬥力兩兩缺乏此真乃無可如何之事然而南下議員救國之熱忱與其發奸摘伏之正論則固儼然於政治歷史之上是烏可沒也爰就當時各報所紀錄編於左方至其所揭發多有未成事實或至今尚在外財兩系之夾袋中者是則未嘗非鋤奸者大聲疾呼之力國賊方張魯難未已國人取南下諸君之言往而復之可也

南下議員主持正義發揮譏論而當時直系目爲拆台之手段者其事凡三第一爲主張國會南下第二爲勸阻外交財政人物加入直派第三爲抗議直派借款關於第一事項本編一二各節已詳紀之本節所紀則關於第二第三事項是也



離京議員勸阻外財兩系人物加入直派之各文電  
致顏惠慶顧維鈞王正廷公函

駿人儒堂少川先生執事政變日烈影響外交國家地位之未有甚於今日者也公等樽俎夙望內顧盡然誠不能不引以爲憂惟是幹旋國際宣導民情固有其道非可苟焉而已比者道路傳言謂公等將爲曹氏効力大選周旋使團且謂少川先生將與王克敏氏同時就職爲之奔走外債以供選費及撲滅反對者之戰費而曹黨各報復盛稱顧君就職之後駿公儒公均有某某等項重要任務如果所傳成爲事實同人等不徒爲公等惜且爲國事前途懼敢爲公等進其忠告吾人對於現時國際形勢之嚴重及此次政局之驟變不可不究其起因與其責任之所在自直系以積年暴力蹂躪全國擁兵干政大舉內外債十數萬萬以充軍費而對外財政乃因之破產而不可復救北部及長江各省均成爲曹氏一家之私產駐防軍隊無慮數十萬忽兵忽匪四出剽掠行旅戒途劫及外僑而鐵路共管之外論乃因之而大起凡現時國際地位之危爲數年來直系之武力橫暴政策有以致之此固中外時論所公認而不能爲之辨者也最近曹錕以營謀竊位之故嗾使軍警率領流氓包圍公府驅逐黎氏津站劫車醫院奪印外人笑駭擬爲劫盜北京固已無政府矣三五陪臣鼠竊狗盜號爲攝政內閣實即內外喧傳津保公司之支店所攝者曹氏之政所謀者竊位之事稍有政治人格者方且避之若浼公等以壇玷名流何至爲餘賊所污視顏爲之服役比年國內新舊人物往往以缺乏定力違反民意進退不愼卒以摧毀言之猶有餘慨今者國民方仰望公等有如麟鳳而公等乃自靖自獻於國民所痛絕之軍閥而爲之鷹犬以與國民之公意相抗卿本佳人何爲作賊此不能不爲公等痛惜者也國家內政紛擾之際外交人物所以對外宣揚者不在匿其短與避其名而在宣傳國民之真正斬響與其政治奮鬪之精神所在使國際間之覘國者不以一時之政况混亂而起蔑視其民族性格之心國民之賴有外交人物以此而已今直系之所爲如上述國民平時對之已不免疾首蹙額此次政變尤深惡其毀法亂紀之暴行而羣起聲討其罪

此爲政治上應有之正誼亦即國民從事於政治奮鬪之真精神而爲公等對外所負發揚傳導之責所萬不可違反而泯沒之者公等現時所持之態度若何非同人所能揣測若果如外間所傳則公等就職之時即爲吾儕國民降格之日彼外人之視我也以爲中國將無法紀與正誼之可言殆人人皆可爲家奴而以金錢勢力驅使之者彼其對外之領袖人物猶復爾爾他則何擇此在公等或認爲無足置辨而其誣我國民者則已厚矣公等尙其念之乎國家對外地位雖甚險惡然苟國民努力於立國之正誼而不懈而公等復能與國民一致爲對外之宣傳則政軌可以漸平而外人之一般觀察必爲之肯變否則公等毀矣其奚足恤而國民對外之人格乃隨公等以俱墮此則同人所懍懍而竊懼者倚裝貢詞自附直諒幸勿以激切爲罪

#### 出京議員致顧維鈞王克敏公函

曹黨盜竊名位毀法亂政匝月以來已舉國聲討乃顧王兩氏不畏輿論竟有就任僞閣之表示離京國會議員以顧王均係潔身自好之士果於此時甘心附逆未免爲終身名譽之累殊可惜也乃特公函兩公勸勿就任殆亦君子愛人以德之意茲將原函分錄於後

(一)致顧維鈞函少川先生足下迺者保曹徒黨屢勸足下就外交部職同人等歷經遺書忠告勿爲所污區區相愛之誠諒荷嘗納近聞玉體新瘳征車甫息勸駕之使絡繹於門有來告者謂足下現已許人不日到部同人聞此不勝駭異竊以彼輩亂黨盜位竊名匝月以來舉國聲討端人與之割席親故因以離心既無舉鼎之力必有折足之憂禍在旦夕因而瞿然欲圖借重清流苟延殘喘之命此陽貨交孔子季氏幸再有之故技也苟爲用盜竊竊國之罪將與共之雖在友好庸能爲之諱哉足下翩翩平原擅名擅玷國中無黨派之分地域之判婦女老幼之差咸以一瞻荊州顏色爲快青年政治家得名如此亦足自豪矣政治生命之前途殊未可限量詎可以徇惡閥之意旨而圖目前之虛榮貽後來以實禍乎昔人皆譏楊子雲仕莽之誤然東閣校書爲期猶十餘載焉今曹錕之勢遠遜新室其敗也且暮間事耳足下

繼得安居閣席亦數月之虛譽而已以前途最大最遠之事業易今日最暫最小之功名如以利而言枉尋而直尺亦豈智者所爲哉矧足下之祖宗廬墓均在南中海上人心激昂至於極度此爲足下所知者儻憤助曹之擊怒不可遏至以火其廬毀其墓相報復如往者趙家樓故事至時足下將何以告慰祖宗之靈乎夫論今日之曹錕依入法而爲元首既不可得覓正人而掌國政又不可得相持尋月之間必至土崩瓦解以滅亡此盡人而信之者也若得足下就職爲之通國際之好壯內部之觀使賊勢滋大毒運延長其禍亂之中於國家亦必大必長平心論之其責任非足下負之乎是足下而苟安心以禍國家也則好官請自爲之同人等亦復何言若猶有不忍於心者則請少息征塵潔身自好爲上焉或者謂邇以無政府之故外人之謀我者甚急得人焉以當折衝之任將不無稍補國內之政爭不常以外交爲武器此言似也雖然論今日之外交固誠急矣然以足下之長才而無國民之同情以爲後援席不完全之僞政府憑個人三寸之舌果能挽今日之危機乎同人等竊未敢信也况吾輩所以勸阻足下不爲僞政府閣員者非徒破壞者也合法政府之建設已在籌議之中總統既在總理得人對外政策毫不停滯（非如北京今日戴無冠之曹錕爲元首假冒名之高凌霨爲總理也）倘足下果熱心國事願負重託蓋歸乎來泰山石前當虛一席以相待此則同人等敢負推轂之任者也足下其有意乎幸賜教焉專此佈臆不罄區區祇頌勳祺

（二）致王克敏函 叔魯先生足下近日報載僞攝政高凌霨吳毓麟等竟任命足下長財政並謂不日既將就職以確定金佛郎案得法人之報劾二百萬元承認恢復中法銀行及法人歐戰賠款二三百萬元爲曹錕運動大選經費等語聞之不勝駭異夫辭職免職後之高吳等是否尙可攝政此爲別一問題今姑不贅然攝政閣員之能否任命閣員此爲足下今日在政治上之立足點則不能不考慮者也高吳等之權源發於何處既不知權源所在則足下今日之財政總長將自何而來者政府閣員可無法律之根據以產生是與抱犢谷之孫美瑤自稱總司令何異足下歷歎中外有年區區政治上之常理豈獨未

之知乎絲毫之根據全無而可以當國政筭度支竊不知將何以號令員司指揮部屬也夫足下以豪賭之故而私財將瀕於破產以舞弊之故而中行將至不可交代頻年以來憑藉銀行翱翔上京欲得財部大權以救自身之厄以解中行之危並以核銷泉幣司所存中行兌現之虧八百餘萬元舊案所謂司馬昭之心路人皆知者也往者黃陂正位京華旁求及於足下以國會同人多持正義遂遠巡而去同人等正詔足下獨有自知之明也迺夙願不償於羅劉更迭之際今始得於驅逐張英華之後足下挺而走險急不暇擇之態烏能逃天下人耳目哉雖然足下平日從政之大節未嘗有賣國之行爲今亦未聞有加功助惡之舉固可稱無大過者迺必貪此虛榮鑄成大錯使國家受損虎狼添翼而足下亦徒博賣國附逆之頭銜事之損己利人孰有過於此者請足下返躬自問殘餘歲月尙有幾何何必如此以開罪國民耶同人等反對禍國殃民之曹錕義無反顧必至達其目的而後已倘足下不願恤輿情惟知助惡同人等代表民意必有以對付之足下本南人也廬墓尙在南中彼方人心若何當非無所見聞者奈何必與爲敵乎況足下年來所苦心經營者中國銀行也此行分設各地與社會相接之範圍頗廣必非一直系之勢力能保護之倘以助曹之故遷怒及於中行或釀兌現之風潮或起分行獨立之故事或爲他方實力派所脅持則中行瓦解之患不崇朝而見於國中矣在足下即不顧念股東之血本而自身之利害獨無所權衡乎舍根深蒂固之中行總裁而易數月動搖不定之總長當非知者所樂爲也進退決於俄頃榮辱繫於百年同人等言盡於斯惟足下圖之專此順頌籌祉不一國會議員褚輔成四百五十人同啟

七月十四日

離京議員覆顧僞總長書

少川先生足下昨承惠電藉諭台從悍然竟就僞職好官自做人言何恤僕等誠愚安測高深雖然人才者國家之元氣也社會有保護之責任人亦有保護之義務民國肇興以來時賢之自殺不可勝紀至今人才寥落恒有鳳毛麟角之感僕等竊嘗憂之足下遭逢時會少川知名於國際雖華而不實器小易盈

然能進之以鍛鍊不得謂非前途有望之器也僕等本愛人以德之義竊懼其墮入濁流使白圭有玷雖曰可磨君子終惜其非完璧焉故不惜時以不入耳之言來相勸勉弗圖足下炫於目前之虛榮而甘爲軍閥亂黨之鷹犬經言裁者培之傾者覆之天地之於物則然僕等敢背公例必使自甘傾覆之足下而栽培之也請自今始不敢以賢豪君子相期而以國民之敵相待矣更不復以薦紳先生相視而以曹黨之走卒相遇矣是豈僕等之過情哉亦足下太不自知愛惜有以招之而已夫足下既知宗先賢亭林先生矣其歷史與介節曾亦聞之乎令先宗憤異族入主中夏拒徵卸聘以著書終老其所謂天下興亡匹夫有責者意在奮勵漢族起誅滿酋也不圖今爲之孫子者竟假借其說以事禍國殃民之亂賊亭林先生有靈竊知其不再饜足下之血食矣內無以對祖宗外無以見國民俗云一失足成千古恨其足下之謂乎迺猶欲以掩耳盜鈴之說欺天下曰行使約法賦予之職權維持國際現有之地位嗚呼僕等誠不料此言竟出諸足下之口也夫約法上之元首非軍閥可逐而去之元首之職權非不依法可剝而奪之此稍讀書者所能知之也准此以論則足下之免職誰得謂其無效乎以免職之閣員而就職於今日是自認與謀亂僭竊之高吳同流亞也臨城劫車匪首孫美瑤既得旅長近亦通電言守法逆取者可以順守足下雖不依約法而爲閣員而既爲閣員則必以守約法行天下是直與孫美瑤之逆取順守等倫也彼以武犯禁此以文亂法一邱之貉僕等誠不知爲約法悲抑爲約法喜也雖然曹逆之必借重足下者其意果安在乎以萬惡之軍閥見輕蔑於友邦求爲經濟與同情之助不可得迺欲假足下爲介紹奉送主權若干利益若干以交換金錢與承認是也日來道路喧傳金佛郎問題德國賠款問題克利斯浦墊款問題日本輸入食鹽問題皆將待足下之手而爲之此數問題者國會議員表示反對已非一日矣在約法均非得其同意不可今之議員雖有不惜自賣其身者而對此數事則鑒於國民大多數之激昂未敢貿然通過此固意料事也在曹黨急欲確定金佛郎案以便取得法人所扣留之盈餘及東方匯理與中法實業兩銀行所許墊款各三百萬元急欲確定法國賠款案以許德人規復德華銀行及減輕賠款

至最少數而取得第一次善後大借款內德人債權部分所扣存倫敦銀行之現款約二千餘萬元急欲確定克利斯浦墊款案以其一部分還英美人舊欠之無抵債款許以關稅二五附加稅還日本舊欠之無抵債款以便取得克利斯浦所餘之二千餘萬元急欲確定輸出案以便取得中日實業公司原辰太郎孫潤宇兩氏經手之一千萬噸護照費豫墊一百六十萬元此其犖犖大者國家之被損失國民之受痛苦詎可以數目計果尙有絲毫爲國爲民之良心者豈有一焉可行之乎然曹黨之急於得款以買總統得款以充戰費飢不擇食其希望足下之成行也幾不可晷刻緩倘足下必執約法以爲謝謂非國會通過必不能辦然今日議員南下已逾半數在京常會必難成立是即足下欲假國會爲卸責地步而不可得也當此之時足下果能與曹黨抗乎窃以爲非軟化則唯有辭職而已夫軟化則不足以守約法欲守約法則必辭職今既不能舍已免職之閣員地位而謂他時能辭已就職之閣員地位此非欺人之談乎論民國之國際地位自巴黎華府兩役而後比之從前自處較優之勢然此種優勢之得來平心論之豈眞足下等口舌抗爭之結果乎僕等竊見朝鮮代表之奔走呼籲於法美兩國者其辯才與精神固勝於足下十倍蓰矣迺竟不能得絲毫之效果者何也其國家之歷史與其現勢不足以挽既倒之狂瀾而已我民國之席勢與朝鮮不同近年來之民氣亦進於前加以加入歐戰不得謂無功於彼而日人猶有壟斷東亞之勢歐美均忌之遂以扶持中國爲利益均沾之計足下幸逢其會遂收一二之末效乃竟斤斤引爲己功得不太厚顏乎夫既知前日國際地位之進非足下一人之口舌得之則知今後維持之道亦非足下一人之口舌能之而迺貪天之功大言不慚年來國中之號稱外交家者恒炫此以爲名藉達其獵官徇利之目的而猶若自命爲眞愛國者然也豈知其腦中含陞官發財無他物舍爾比西抵無他知識焉果國際之間有以危險加於中國者早已掛冠而逃矣豈能望其以身爲殉哉嗚呼足下休矣曹逆之合法總統不可得北京之責任不可卸國民之怨憤不可平內外之債款不可借軍警之餉項不可少留京議員之參養不可缺無米之炊巧婦難爲如此景項持以一二月之久其能免土崩瓦解之患

乎足下不外察國情內審賊勢適於此之時實貿然就職夕陽雖好已近黃昏載晉及溺其何能淑謂非利令智昏何至若此其愚哉僕等更有言者今足下藉口謂已得國會多數意思之表示前此僕等勸退之書聯名者本四百餘人近日離京赴滬者尙絡繹不絕轉瞬之間合法政府成立兩院常會即可照開至時必有人提業查辨或彈劾足下者今之託名於國會以爲進者倏焉即集矢相向以子之矛攻子之盾至時足下將何面目以見天下人乎以清高潔白之身投汚穢醜惡之地貪無權無利之僞職得附逆賣國之惡名一念之差遺恨千古自昔英雄豪傑葬送於其中者不知若干人矣盛名難副豈不然哉嗟乎足下果猶有絲毫之天良未盡泯沒者則請速自斷決子然引去猶不失爲知幾之明哲也若必戀戀不舍積怨既深終有報復之一日語云千夫所指不病而死請足下自思果有抵抗民怨之毅力否耶苟其無之則懸崖勒馬急流勇退人心未盡失晚蓋猶可能也區區之意言盡於斯惟足下其圖之專此敬頌日祉郭同鄭萬瞻楊永泰劉恩格劉振生焦易堂等同啟

國會否認顧維鈞冒稱外長電

議員褚輔成等致各國公使電國會移滬集會籌備委員會於前日商定通電各國公使否認顧維鈞有外長資格昨日業已發電照錄原文如下北京領袖公使符禮德閣下並轉各國駐京公使台鑒閱顧維鈞梗日就職通電不勝駭異查民國約法第二十四條大總統任免文武職員同條任命國務員須得國會之同意等語顧維鈞經黎大總統以外交總長提交國會徵求同意未經國會通過且對於署職命令始即不肯承認亦未就職業經黎大總統於六月十三日以明令與張閣全體閣員同時連帶准免本職既無內閣外長何自產出依上理由顧維鈞自稱外交總長所發表之文書及代表中華民國締結一切條約概不發生效力特此通告貴領袖公使請爲轉知各國駐京公使即賜轉知各本國政府對於顧維鈞以私人資格冒充中華民國政府外交總長之行爲概予否認迫切陳詞惟希亮察中華民國國會議員褚輔成等三百七十三人同叩有

田桐斥責顧維鈞之徑電

旅滬國會議員田桐昨通電顧維鈞梗日就職電其文曰（上略）近閱顧維鈞就職梗電求榮安史不能自圓其說蔣觀雲先生已詞而闢之苟維鈞稍知文史早已退縮屋漏之前維鈞地位非民國之所授與者桐無責焉而不能不爲第三者告夫維鈞非自命爲外交家者何其就職通電曰覘國外之空氣則共管干涉之說時聞於耳內云云夫歐戰之結果歐洲物力之窮已暴露世界共管云乎哉知已知彼百戰百勝知已知彼一勝一敗不知已復不知彼百戰百敗猶可說也以中國之人爲外人亡我之宣傳家不可說也以中國之自命爲外交家者爲外人亡我之宣傳家更不可說也下里之音不可以入清廟西崽之技烏得可作棟梁中國之羞莫此若也抑桐仍有進者數年以來國人認熟解洋語善著洋服慣食洋餐之人爲外交系如陸徵祥顏惠慶顧維鈞諸人皆其選也夫外交家者主觀的也非客觀的也外交家之所由來卽愛國男兒精神之所勃露者也以上三者爲構成洋奴之要素不能謂爲構成外交家之要素摹倣外人之聲音笑貌仰其鼻息體入貼微者未有能知國家大事者洋奴之技西崽之才正與外交家相悖繆李合肥外交家也其於洋語洋服洋餐三者皆不諳其至荷蘭也以鷄骨拋擲於地旁若無人荷王效之滿座效之當時傳爲笑柄不知使臣以本國爲主體何用摹倣外人習氣此李合肥之所以千秋也日本依藤博文外交家也其於以上三者非所素習其前外務大臣藤高明日人所目爲英國通者其爲外交也無不根本失敗其現任總理大臣藤有三耶歐戰以來巴黎華盛頓諸會議皆執日本外交界之牛耳不似高明專聽外人之指麾此君出身海軍又非執習以上三者北京交民巷各國使者所居之地國人慣稱爲外交團外交團者與北京政府交涉無役不勝若問其人能熟解華語善著華服慣食華餐者尙有人否昔畢士麥爲相有老婦與畢有舊以其子薦畢問兒有何長曰善外國語曰爾所欲者何曰外交官曰善外國語者宜作大旅館之西崽外交官則不必善操外國語也老婦語塞望記者議員諸公聞共管干涉之語聽而不聞舶來共管干涉之材料速置之字篋之中其不以之爲政爭上便



宜之引證品更不待問通俗之所謂外交家可目爲洋奴西崽則立國之精神庶有轉機豈但不亡而已耶衆議院議員田桐叩徑

湯漪致顧維鈞書

近日北京消息顧維鈞被大選派逼迫有就職之說湯君斐予致書勸告之義正詞嚴原文如下

少川我兄左右抵津數日默察各方對於今次政變之意見不謀而合成以臨城事變相比擬引爲國恥滬上輿論奮起聲罪致討視反對項城稱帝殆有甚焉昔揚雄美新後世譏其失節然當年之王莽雖內存篡奪之心猶知飾經義以自文以其謙摛自抑故士大夫多爲所愚猶可說也今保曹之昏甚於新莽英高之智遠遜劉歆而我兄以妙擅詞令不辱國命聲施粲然其人物之價值以視思立之子雲當遠過之而乃於大勢已去之日自廁於同心一德之列變易初志出長外交寧非所謂爲仇敵所怙爲親厚所恫者歟雖道路傳聞未必符實竊恐大錯已成衆怒難犯則求全之毀悔將何及心所謂危不敢不告夫倒張驅黎籌備大典人謀鬼謀概未與聞則今日雖遠引高蹈共伸大義不爲賣友十三日以前之閣議既未列席則此時即仍懷觀望暫緩就職不爲拆台舉是二策任擇其一無不進退綽有餘地愚見如此尙希詳察並盼賜復弟漪拜啟

彭養光致顧維鈞函

曹黨毀法宵小亂政聲討之者舉國皆是乃顧少川以翩翩俊士將懾於操而就僞職凡與顧有舊者莫不深相惋惜彭養光尤以友感情深函勗顧氏出處大義更爲警關茲錄原函於後

少川先生惠鑒邇來京津各報謂兄將與叔魯同時就職以羅案不起訴爲交換條件等語披閱之餘曷勝痛惜士大夫出處進退關係自身名節叔魯欲就職則就職矣必強兄從同尊重人格之謂何羅案係司法範圍上訴與否與個人去就渺無關涉執此以相恫嚇際司法之獨立徇一人之進退天下人其謂兄何查叔魯籌款方法無一不與外交有關聯且無一非賣國之罪惡將來國人攻擊則以兄當其衝軍

閩賞功叔魯實居其首不然財政外交各有專責又奚黜兄苟何爲也嗟乎嗟乎天不相我國家軍閥毀法於前宵小亂政於後海內已呈上崩瓦解之象倘目睹當代賢俊如兄者一任彼輩挾持牽誘以供其犧牲如此破碎河山他日補救維持勢必興才難之感此則非弟所望於兄而尤非兄之所以自待也或爲操屈豎受卓羈喪節辱名千古莫洗即舍國而爲兄個人計亦非計之得也曩者張閣欲借重名德以維殘喘兄見拒兩月婉辭百次高標亮節薄海同欽今豺虎橫行於市朝禍亂待發於眉睫陳文子棄其乘去宮之琦以其旅行哲人良士走避一空而足終日處此亂地已足爲兄危而又欲出而與政深恐朝露未晞銅駝已在荆棘公食未退戎馬已踐朝班果不幸而至於此時雖悔何及故弟深願兄堅持以前之態度雖繫馬千駟不爲動臨以斧鉞不爲撓古今大人物皆最能冷惟其能冷而後爛燦烜赫之功名以出伊呂冷於耕釣而發揚於商周奚敖冷於牧漁而輝煌於秦楚大丈夫立功立名必有守也而後可以有爲是以是以弟無他語贈兄惟贈一冷字足矣兄果能守一冷字則將來國福家福身福名福皆具於此非然者則非弟所忍言也激切陳詞敬希原察臨穎神馳不盡欲言祇頌時綏彭養光啟

### 離京議員致張弧書

岱杉仁兄執事前在黃陂座中備聆偉論批評時事多中肯綮竊以爲執事固不失爲識時之俊傑也迺近日報載執事於曹黨之推長財政竟與籌商就職辦法並聞現已著手謀大宗之借款即此以觀是執事之決心助曹已可証實夫曹之驅逐元首擾亂國家今已至不可收拾之危境輿論攻訐於外親故離叛於內稍知自愛以愛國者斷不忍助長逆勢使凶燄愈盛國與民固受其害卽自身亦復何益哉况執事今所持爲籌款之策者僕等均有以知之所謂九六公債七百餘萬改向日本發行可得四百餘萬也吉會墊款也葫蘆島借款也克利斯浦借款也金佛耶案定後收回王克敏上年交付中法銀行之國庫券六百萬也清理安格聯所保管之公債基金項下收沒過期債票本息四百數千萬及中國銀行所保管之四年內債基金項下收沒過期債票本息二百數十萬及民二四國善後大借款撥交倫敦各銀行

應付息金過期未領之領款數百萬元也德國應還之賠款三四百萬及善後大借款內之俄國部分存而未付之利息數百萬也繼續發行一四庫券也凡此種種之謀姑無論事實上未易辦理即或以執事長材不難辦到然今日之國民萬目睽睽監視極嚴豈能輕易放過語曰衆口鑠金積毀銷骨豈執事均可悍然不顧而爲所欲爲乎或者謂鐵羽之鳥久困樊籠得遭時遇可以奮飛雖弋者慕於前不足阻其欲試之翮也奉直戰後執事如鐵羽之鳥靜極思動亦人之長情況俗說有云水過田不瘦無論所計之成敗如何既經其手則沾潤在所先焉劉思源之數月已購置大洋房矣張英華之數十日亦刮四五十萬以去矣近事昭然矧執事腦力細於劉張於財政歷史亦精於劉張輕車熟路若網在綱其成績之優當何如哉雖然國爾忘家公爾忘私忠貞廉明豈足語晚近熱中之士然先家而後國先私而後公猶常人之情也今請與執事言私人之利害前者戰事之作實啟於吳佩孚之攻擊梁閣繼乃直及於執事直勝而後燕蓀玉虎與執事遂同掛黨錮之籍時人之惡直者遂亦同情於執事焉頗聞奉張於通緝後猶以數萬金濟其窮其眷念故人之情爲何如也今奉張志雪會稽之辱臥薪嘗膽誓與曹吳決最後之命運此執事所盡知之者也當干戈未起綢繆正殷之際竟目見前被仇家毀計之人卽自以全力庇護之人忘其極濟之情忽有反顏之舉此心其何以安乎恐不欲刺刃腹中不快也以執事之聰明豈能料定今後之時局果直勝而奉敗乎苟其不然將何面目以見情好之奉張患難與共之梁葉也論今日國中之大勢奉爲其一一段爲其一孫與西南爲其一直亦爲其一耳以一奉不足以敵一直豈一直能敵其他之三乎今之倡合從以倒直者固昌言不諱於國中矣雖今日盤踞京華恣肆無忌然識者早知其魚游釜中雖生亦非其久也執事於財政經驗夙具獨得之長後之繼直派而富國政者無論何派均將羅致之不暇奈何貪目前最短之利而棄後此遠大之業也况以此而開罪於多數之國民結奉張之深怨請執事自思之得毋過自犧牲乎僕等聲討曹黨謀去軍閥之禍源圖國家正當之建設凡同情於此主義者不論既往如何均願納爲同志其有背此主義者亦不論其既往均視爲公仇今竊願執事爲吾輩之

同志不願其爲吾輩之公仇也得失榮辱間不容髮惟執事其圖之專此布臆敬頌勳祺弟湯漪郭同鄭萬瞻黃雲鵬烏澤聲同啟

離京議員爲克利斯浦借款致張英華顧維鈞函

月笙仁兄足下近據外人方面傳來消息謂足下與顧少川承辦之克利斯浦借款近已成約除還舊欠及其他債款外可淨得英金一百餘萬磅現已由僞攝政議決經顧少川手電令倫敦朱代辦兆華簽字聞之不勝駭異查借款條約須經國會之議決方爲有效今國會議員多數南下此項條約未經交議何以遂令簽字在僞攝政閣員祇求得款以延殘喘之命亦復何事不可爲而足下前旣被逐於人不引爲津保同志則不在其位不謀其政留此清白之身以待異日正當之用計良得也迺必委屈獻媚以自取容招僞彬之忌外被國民之恨天下之愚人孰有過於足下者乎昔楚人獻玉楚王以爲珷也三獻而三却之至以荆其足而死焉厥後楚人之玉雖見重於世而楚人之骨則已朽矣今足下之玉再獻已再却矣迺必待荆足以死方爲慰乎夫足下理財之名雖早見知於國中然保不以爲功狗津不以爲良夥長部不及兩月籌款未嘗稍誤信用不及叔魯才名簿於僞彬寧可起用仇人決不敢任親信是彼輩之視足下爲何如人當亦憬然悟矣迺猶自獻殷勤以求取重倘曹錕得此而成總統之夢後此集靈囿中果尙可分足下一席之地乎雖三寸之童亦知其難矣是與其屈節以求不可必得之信用何如結好於國民以待天下之知遇素論足下明於利害察於世情曹錕之命運尙有幾何明達之士豈難豫知尙祈足下毅然決然謝絕此項交涉毋使功歸人過則歸己則豈特國與民之厚幸已哉區區相愛之忱即希亮察詳情如何尙乞直言見告爲禱專此敬頌日祉離京議員湯漪等公啟

少川仁兄足下近據外人方面傳來消息謂足下與張月笙承辦之克利斯浦借款近已成約除還舊欠及其他應還款項外可淨得英金約一百餘萬磅已由足下電令倫敦朱代辦兆華簽字聞之不勝駭異查足下前次就僞外交總長職國中各團體及凡與足下交者無不竭誠勸阻卽同人等亦一再馳書陳

說大義謂不應以清流而墮濁流也適足下通電宣言自認專辦外交維持國際地位息壤猶在口血未乾不料噩耗傳來竟與所言判若兩人豈足下果真心附逆而唯恐國亂之不甚耶抑外交家固可不守個人之信義者耶同人等竊爲大惑不解蓋前者羣料足下以青年有爲之政治家因自視甚高未必肯輕爲萬惡之軍閥用也其卒也好惡不同於人甘心以供亂賊之傀儡今日之信誓固未敢必謂足下之必不爲人用也夫人即不愛國豈有不自愛者請足下思之今後民國之元首曹錕果能以金錢武力得之乎今後軍閥之勢力果能與國民敵抗終古乎以威廉第二而猶不得志於德意袁世凱而猶不得志於民國則今之顛預闖弄者可以例而知之矣世之明達者若浼焉而避之何可以一二計獨足下甘冒不韙爲之助力奈何輕天下而獨重曹錕也使曹錕之金錢武力不能貫徹其素志竊不知足下今後將何面目以見國中父老兄弟乎同人等今爲最後之通告請速停止進行毋以禍國者而自禍爲也若必不聽受人言孤行其是則國民之對付恐非區區軍閥所能保護也詳情如何幸速直告毋隱爲荷此頌日祉離京議員湯漪等公啟

國會議員致朱兆莘電

克利斯浦借款現聞有由顧維鈞電令朱兆莘在倫敦簽字之訊昨國會議員湯漪等特致電朱氏制止云

倫敦中國使館朱代辦鑒近聞北京僞政府與克利斯浦商議借款一千萬磅由顧維鈞張英華商訂條件令山貴代辦在倫敦簽字國人聞信無不反對國會議員亦多拒絕依法之同意唯曹錕等自逐黎總統後引起人民之公憤現知自身地位危急乃欲大用武力以壓服全國倘此款果使借成則全國兵禍卽在目前現外交團在京正謀消弭戰禍之法吾人何可再爲軍閥助力望貴代辦體察輿情拒絕簽字不使軍閥得志則國人受德不淺矣豈僅吾等之感激已哉國會議員到上海者已至五百餘人正式開會在卽想亦公所樂聞也並告國會議員湯漪褚輔成等叩云云

### 離京議員致克利斯浦代表函

敬啟者近聞北京僞攝政閣員與貴代表磋商借款一千萬磅內以五百萬磅還清民國元年所借之款其餘五百萬磅以現款交付北京僞政府以充目前軍政等費之用仍以關鹽百稅爲擔保品自訂約之日起十年內還息至民國二十二年起還本因民國二年之四國善後大借款自本年起還本至二十二年時其債權已將減五分之二至時在關鹽兩稅項下確有負此項債權之可能性故貴代表以爲此項債權之担保可無危險遂與僞政府閣員磋商進行頗聞貴代表在北戴河時該僞閣員等尙有人與貴代表面議條件也唯北京政府自曹錕等逐去元首而後同人等多數離京迭經宣言北京僞攝政爲曹錕等之私人機關非我國合法之民意政府想貴代表亦曾鑒及我國國內法凡屬借款無論以何種形式成立均須經合法之議決詳言之須國會議員過半數之到會過半數之可決方有議決之效力如議員人數不及法定之數或爲議長之一二人即無代表認可此項之議決權是貴代表所商之借款如未經我國會合法之議決我國國民即無負此項債權責任之義務也况外交團及銀行團歷經宣言在我國內亂未定以前決不借給款項於何方致令增長內亂近日曹錕等因遭國民多數之反對使其將得之總統不能到手因欲以武力壓制反對之國民謀先動兵於長江下游中外官民瞿然於戰禍之興力謀消弭之策此當爲貴代表所耳聞目見者也倘於此之時予曹錕等以鉅大之現金則軍費充足任所欲爲其戰禍必瞬息暴發其戰區將必牽動而擴及全國徹論我國地方與人民同遭鋒火之慘非仁人君子所忍言即外國僑商受池魚之殃亦難保無生命財產之危貴代表之公司爲國際間有名之資本家增他人多數之危險圖一己有限之利益是亦豈貴公司主人所忍心爲之者乎敵國人民評論貴國人士爲尙利平守信義持公理人人有好義輕利之紳士風度者也今以自貪債權小利之故濟曹錕等以鉅款使得窮兵黷武殘殺多數之人民是豈紳士風度之國民所宜有之行爲乎今特正式通告貴代表速即毅然停止此項交涉之進行並類似此項交涉之何種借款使謀亂之曹錕等以拙於財力自起覺

悟於國家之統一漸進於有可解決之途則我國民感謝貴代表消極之高誼當永矢不忘也若貴代表必惟利是圖悍然不顧不特我國民誓不承認此項之債權將來戰禍之責任且將惟貴代表負之近日僞政府與各方籌款之商議無論中外更無論其爲何形式均經同人等勸告停止中外商民鑒察同人等之誠意並我國民多數之心理均經覆函照辦此時僞政府所希望者實唯貴代表所商之一項而已其借款數目實亦爲比之任何方面所商爲較鉅故此項交涉果成可斷言曹錕等之實力必較今增加數倍則戰禍之大必有非吾人意料所及者其中外人民之損失更不知將至若干數至時必問貴代表之公司負此項戰禍之責任即爲貴公司保持向有之國際名譽信用計亦豈應成立此項借款之交涉乎素諗貴代表向重國際信義並諗知我國輿情之向背同人等代表民意故敢披胸盡情以告尙祈察照爲荷此致克利斯浦駐北京代表何立慈君閣下離京議員褚輔成等公啟

離京議員拒絕克利斯浦借款分致駐京英使銀團函

敬啟者近聞北京僞攝政閣員以爲曹錕賄買總統及以武力壓制國民反對之故細於財力不克展其技倆遂與貴國資本家克利斯浦代表何立慈商議借款總額英金一千萬磅內以五百萬磅還清民國元年所借之款所餘五百萬磅以充軍政兩費之用其担保仍爲關稅兩稅自定約之日起十年內還息至民國二十二年時還本因計算二年之善後大借款自本年起還本至二十二年時已經過十之期鹽稅項下之債權責任已將減五分之二至時担負此項新債之一千萬磅之借款在事實上確有可能性之存在此項交涉之進行以前歷次之財政當局均經議及至近時僞攝政閣員謀商尤爲猛厲殆有不成不罷之勢全國人民聞信均爲震駭因曹錕等謀亂京畿使國家陷於無政府地位近復謀以兵力攻浙攻湘攻奉天兵事籌備已如箭在弦上倘予以此項之鉅款則軍實充足彼得任所欲爲其亂事之範圍必擴至於全國亂事之時間亦必延長而不知所屆近日人民之聞此交涉情形者無不瞿然於心以爲此後亂事之責任將惟克利斯浦負之其憤慨之情當可概見查外交團及銀行團迭經宣言於中國

內亂未定以前不再供給軍政兩費其維持安寧希望和平之盛心我國民實全體感激不忘不料克利斯浦代表竟不顧大局圖於危急之際取得此項債權是不特大反我國民之希望亦直破壞貴國公使及銀行等在國際上之成約也近者江浙風雲正當吃緊頗聞貴官民力圖消弭以保中外商民之安全該克利斯浦代表竟不惜火上添油必使戰禍速發而後已此等資本家直爲國際之蠹賊我國民之公仇想貴國素守信義力持大體之人民當亦不欲有此玷辱國家名譽破壞國民信用之資本家也用特專函奉告即乞貴公使貴銀行代表設法制止不使此項交涉進行成立則我國民感激高誼以後兩國邦交益信敦睦之忱是則彼此之國家與人民互蒙其福利者也萬一該克利斯浦代表不聽受忠告之言必貪此小利成立此項交涉我國國民必不負此項助亂之債權同人等代表民意明白宣布即請貴公使貴銀行團代表正式通知該克利斯浦代表並宣告此後不能以國家之責任保護此項債權利益之安全庶該克利斯浦代表先然於此項債權前途之危險當能毅然罷手者也區區維持大局保全和平之苦哀當在貴國官民鑒察之中即希查照辦理爲荷此致

大英國駐北京全權公使四國銀行團代表離京議員褚輔成等公啟

離京議員勸阻直派挪用鹽款分致銀團代表及鹽務總稽核所公函

敬啟者近據報載北京僞攝政擬將善後大借款案內鹽稅項下之磅價準備金及改良製鹽積存金七百餘萬中挪用一部業與貴處磋商不久即將成交等語查北京僞攝政實爲曹錕之私人機關非我民國之代表民意政府迭經同人等正式宣言想蒙鑒及此次肇亂北京曹錕實爲主謀叛國之逆跡已彰竊位之陰謀畢露全國憤慨奮起討賊曹錕及其徒黨亦知罪己不容於死不惜倒行逆施思以武力剷除反對派勢力以遂其大欲但以財力支絀而彼輩歷年敲剝又不肯自掬腰包乃謀取資於國家爲彼私人贖武之費若尊處不加體察我民意之所在貿然允從其請則彼輩軍費有資將使戰禍立見甚非貴國人士盼望我國和平之本意也尙祈主持正義嚴予拒絕俾得曹黨稍戢凶燄戰禍或可消弭則蒙



其福者豈獨敵國人民已哉竭成奉告即希察照此致銀行團代表熙禮爾君稽核總所總會辦離京議員褚輔成等公啟

致日使請制止滄石借款函

芳澤公使閣下敬啟者北京僞攝政內閣於日暮途窮之際爲倒行逆施之謀抵借外債以延殘喘斷送國權以牟私利跡其罪惡擢髮難數同人等本其職責不避煩瀆迭函申訴以期挽回閣下之視聽保持中日相互之友誼者匪伊朝夕矣茲聞滄石鐵路借款一案又在秘密進行之中先是張英華任財長時此案卽已經朱有濟向貴國南滿駐京代表牛島氏接洽數次款額爲六百萬元幸而張英華去職議遂中止現張弧仍派朱有濟賡續前議辦理此項借款同人聞之不勝駭汗北京僞內閣現雖依附軍閥肆無忌憚而因國權損失之故敵國人民當然發生劇烈之反抗一旦顛覆中日間又因懸案而啟爭議爲計誠左矣且此路曾經曹銳與英商訂有合同並未廢止如果再與南滿借款勢成雞肋尤非智者所爲也用特函請閣下設法制止此項借款之成立以免助長內亂增加紛擾是則同人等所一致祈禱者矣專此布聞敬頌勛綏中華民國國會議員褚輔成湯漪等四百八十五人公啟

褚輔成等致谷鍾秀阻提膠濟路盈餘函

日前報載膠濟路督熊炳琦谷九峯等有欲提膠濟鐵路去年盈餘金百萬元及人民儲蓄贖路金二十餘萬元以爲曹氏籌備大選經費旅滬國會議員褚輔成等昨特致函谷鍾秀力闢其非囑令設法取消錄其原函如下九峯督辦執事自青島收回膠濟鐵路議歸民有原案其在國人應尙未忘乃自曹銀妄冀非分以盜賊行爲驅逐黎公欲乘亂之時攫得總統之位於是助桀爲虐之徒遂乃羅掘爬梳搜括民財以爲賄買大選之費近如王承斌綁縣知事票馬聯甲抽鴉片烟捐直接間接之剝奪於吾民者無非爲曹銀辦理大選而起昨聞熊炳琦與執事竟奇想天開欲盜提膠濟鐵路去年盈餘金一百萬元並人民贖路儲金二十餘萬元匯京爲籌備大選之用窮搜冥索至於此極查膠濟路既歸民有所有各款無

論何人不得侵漁分毫即執事與熊炳琦身爲督辦亦不得絲毫過問令竟盜提此款獻媚曹銀夫熊炳琦爲曹氏弄兒宜固其所執事從前固美稱民黨優秀分子也今爾同流合污黨惡亂國甘爲全國人民之公敵而不恤喪心病狂當不至此弟等推與人爲善之心予人以改過之地除通電全國共起反對外特函達執事迅即設法取消並向國人切實聲明以後無論何人除以贖路外不得絲毫動用否則同人等縱念私交其如國人必不寬恕何義利所在唯執事圖之

離京議員致芳澤日使兩要函

敬啟者查報載直系要人前曾派其爪牙朱某鄭某前往青島清理官產預備將所有貴重產業賣與貴國商人以遂其鬻國歛財之計劃現聞北京僞政府已將此項拍賣官產案於本月上星期二經國務會議通過是該項買賣契約不久將即締成惟查直方籌集鉅款無非用之於賄買總統與戰服敵黨之途在此時間以內倘有一任何性質之項款契約成功均足使戰禍立興延長內亂之時間增加騷擾之程度中外商民皆將蒙其損失從前貴國代理使任內同人等曾迭經函請毋庸扶助直方現北京僞政府竟有拍賣青島官產與貴國商人之事件發生應請貴公使速令駐青領事立即禁止貴國商人與北京僞政府及其所派出之代表結立此項買賣契約以保持從來中立之態度實綏高誼且現在北京僞政府本一不合法之機關則凡係不合法之僞政府所締結之任何契約國民當然不能承認況貴國於此時間內尤不便與此僞政府通融資財致有助長內亂之嫌疑此層應請貴公使加以注意特此函達即希查照辦理爲荷

敬啟者近聞北京僞攝政閣議通過拍賣青島各官產以爲軍政兩費之用查青島官產爲數甚鉅其合於實用者以貴國官商爲最多該僞攝政當局竭澤而漁以救燃眉之急亦復何事不可爲是此項閣議必爲事實無疑也唯貴國政府歷經宣布於我國內亂未定以前無論何項借款均不承諾以免亂事之延長近時曹銀等欲動兵江浙以壓服反對之勢力聞貴公使與英美法各國曾共同警告是即貴公使

仰體貴國政府向來之意旨不欲使我國內亂增多增大其交鄰之盛意我國民實無人不恆感激之心該曹銀等近謀賄買總統被國民反對不得如願遂欲逞其武力征服全國所猶未敢任情妄動者實以限於財力不充之故遂使國內和平至今猶有幾希之望倘得多數金錢之接濟則戰禍即時暴發將不知所底止青島官產論價自數十萬元以至數千百萬元不等如此時貴國官民貿然與以承買則北京僞攝政之所得即曹銀等之所得也是即不啻貴國以金錢助其爲亂國中也是與貴國政府歷次不借款之宣言及此次貴公使共同警告之本旨相背甚非我國民多數之所望於貴國者也謀曹銀等之僞政府近以迫於軍政兩費之支絀日見傾覆之象故此時承買青島官產關係我國治亂之前途極大同人等代表民意勢難緘默用特正式奉告即乞貴公使速爲轉知駐青島領事官通告商民暫停與僞政府任何人員交涉當地官產之交易俟內亂既定我正式政府成立此項官產終須拍賣在貴國官商果有合用當地官產之必要則承買尙有日也倘貴國官商不察視我國輿情之向背悍然不顧徒以取得此種官產爲目的在貴國官商雖爲以金錢爲交易事屬正當然國民以憤曹之故移怒及於貴國官商必爲人情所不能免之事青年學生素性激越而無經驗無理解之人民又易於煽動一唱百和號召排日其結果必欲使貴國招鉅大之損失果至於斯則同人等實爲抱無量之遺恨者也兩國國民交際之間年來輒多誤解之事我有知識之國民隨時解釋思所以補救之其用心甚苦同人等竊願貴國官商亦隨時加以審慎無論何地何項借款墊款或商業性之買賣均不使有款可得庶彼號召排日者無所藉其口則煽動失據國民感情自見融洽是豈特我國人民蒙其福利已哉素諗貴公使明於我國人民之素性更察識近時各方對於曹銀等之心理而於兩國國交之根本又以力圖融洽爲主義則同人等此次之進言想貴公使必能盡量容納無使至於失望則同人等所敢豫信者也區區爲免我國內亂爲固兩國邦交之微忱尙希諒察即予照辦不勝感盼之至

關於金佛耶案之函電金佛耶案與賣國

金佛郎案以紙變金國家損失數千萬之鉅提出衆議後多數心理擬加以否決昨得北京電訊王克敏爲保全其在中法實業銀行之利益起見獻策於保方請攝政內閣以最短時期違法簽字由王克敏報効二百萬元以充選舉經費並聞以羅案關係威迫顧維鈞簽字如願不允則將羅案提起上訴云因大選而欲賣國此全國國民及兩院同人所應羣起反對者也  
離京議員爲金佛郎案致留京同人書

留京兩院同人公鑒近有自京來者言兩院日內將開常會專議金佛郎案某議長已向當局承認負責通過其原因由偽攝政內閣任命王克敏長財政王氏財政計畫之一卽承認金佛郎案以便取回法人所扣留之近月鹽餘一百八十餘萬元並得法人承諾由東方匯理及中法實業兩銀行墊款各三百萬元王氏因某議長所領袖之團體向爲反對金佛郎案之先鋒恐其再作梗也轉托吳總長邊議長與之疏通繼復降尊紓貴自與某議長談判許以此案通過後所得兩行墊給之各三百萬元內撥給八十萬元又許以中法銀行董事二名給其同黨心腹張某徐某此其原議也嗣因王氏鑒於環境之惡而所抱之財政計畫又多總稅務司及德人所不贊成遂有知難而退之意某議長恐王氏既退所得之利益將如泡影鬢花焉傳語王氏請其決心予可先通過此案以爲彼保障此近日專議金佛郎案議程所由發也夫金佛郎案果經確定祇論法國賠款一項吾國損失已達七千數百萬之鉅近猶未之實行葡比意日諸邦紛然援例以請偷果通過既以與法更何能拒絕其他總計將來損失更不知若干千萬前者國會同人表示反對輿論翕然頌之蓋各省政府及商民固無不同聲反對用金者也王克敏本中法銀行總裁爲此案之主動人急欲確定此案以規復其原有利利益藉解本身破產之厄張英華署財政欲嘗此中之一嚙與法人交涉將成行矣王氏懼之遂聯合律保要人以倒張自奮其老病垂死之殘軀年來半推半就之假面目毅然出場自取而代蓋此案與本身利害關係之鉅卽此可概見矣今某議長以稍得染指遂變反對爲贊成姑無論此八十萬元之利益爲某氏個人之私抑爲議員歲費之公然以涓滴之

徵遂忘滔天之禍飲鴆止渴其是之謂也即不論曹逆得此墊欺之助將愈肆其軍威以流毒於全國而吾輩身爲議員年來雖被人攻許至今猶能立足國中者因向於萬惡政府積極增加國民負擔之案多未與以通過其在消極方面所以保障人民之利益者固未可以一二計也今倫已此區區之信用而去之則吾人後此將何面目以見國中父老兄弟乎某議長者日暮途窮倒行逆施既得八十萬又得二董事此生吃者不盡亦復何事不可爲公等果何所爲豈能拾其較餘爲某議長作傀儡彼贊成我亦贊成歟僕等竊計公等之明當必不至是也即某議長所領袖之團體亦不乏廉明骨鯁之士曩者研究此案利害得失之數言之極爲詳盡此時豈遂肯從言不顧行爲其首領之利益墮自身之介節有始有卒者其爲聖人乎公等勉之德不孤有鄰人心未盡死尙不患無人爲之後盾也僕等憤軍閥之橫暴毅然離京別謀建樹今猶能未忘情者我十年患難之同儕而已身陷賊窟未能自拔詭怪陰謀伺隙而來稍不留意輒墮術中言念及此竊爲慨然詩曰明哲以保其身易曰君子見幾不終日而作公等好自爲之勿令後人笑我拙也區區愛國愛友之誠尙希諒察良覲匪遙容俟面叙頌公綏不一離京議員褚輔成等同啟

離京議員爲金佛郎案致法公使函

離京國會同人爲金佛郎案致法公使一函請黃陂轉致其文曰黎大總統鑒茲有致法公使公函一件文曰北京法國全權公使鑒自前月十三日以來中國政府所在地之北京完全爲謀叛之軍警官僚所佔據驅逐黎大總統擁戴三五已經免職之人員擅稱攝政會議既爲法律所不容尤爲國民所共棄中國國會已有過半數之議員次第南下共伸大義按諸中國憲法上對外代表全國之大總統黎元洪雖在天津爲軍閥暴力所包圍不能自由行使其職務然已鄭重宣言未嘗以中華民國之行政權委諸竊據北京之叛徒此等事實中外咸知並經黎大總統正式照會駐京公使團想貴公使久已一一深悉矣茲聞北京僞攝政會議與貴公使密謀即簽金佛郎案內以扶植中法銀行復業及供給中國作亂之軍

閱以大選費二百萬元爲雙方利益上之交換置國家利益於不顧倒行逆施不勝駭異查金佛耶案前由張內閣提交衆議院尙未議決同意此時即有合法政府亦絕對無秘密簽約之權而在中國政府因內亂而未完成之際所有代表軍閥在京辦事一切人員無論以何種手續與外人訂立契約概不生效自不待論同人等素仰貴公使之亮節及貴國人民高尚之人格惟有深此事傳聞失實萬一有之則是自墮國際信用而助長中國內亂也中國固蒙其損矣其如貴公使及貴國之榮譽何除通告國民聲明此項契約根本無效誓死不能承認外特函申請貴公使審慎考慮勿乘鄰之危因以爲利勿結敵敵國萬惡之軍閥而失全國之同情則中法邦交前途實利賴之謹貢直言並表敬意惟貴公使其詳察之國會移滬籌備處啟中華民國十二年七月二日上函前述事關國權得失希爲轉達並通知公使團爲要

離京議員通電反對僞攝政簽訂金佛耶案之通電

離京議員以僞攝政會議密謀與法公使簽訂金佛耶案損害國權甚鉅詎容竊盜而成湯漪焦易堂等前已正式函達法公使嚴重抗議茲恐國人未能週知特再通電上海各報轉全國各法團羣起力爭其原電如後

萬急上海各報館轉全國各機關各法團鈞鑒頃據外交界確訊北京僞攝政會議密謀與法公使簽金佛耶案約以扶植中法實業銀行及早復業由該行報效大選費二百萬元爲條件其中主要之目的迫令外交沈次長負責辦理沈因損失國權過鉅託詞不辦保方要人遂以此案要挾顧維鈞謂苟不出任簽約之責則羅文幹案仍當上訴決不輕宥倒行逆施危害國權殊堪痛恨查北京爲政府所在地而按諸法律事實自六月十三日以還久已陷於無政府之狀態總統被驅國會南遷以三數免職人員盜竊名器冒稱攝政既爲法律所不容尤爲國民所共棄無論以何種手續與外人訂立契約概不生效至金佛耶一案前由張內閣提交衆議院尙未議決同意今日雖由合法政府行之我國民尙不能承認矧由

奸宄斷送國權構成外患此而可忍孰不可忍務希一致聲討並電外交團嚴重抗議以杜後患除分別電法使及公使團外特電奉聞離京國會議員湯漪焦易堂楊永泰鄭萬瞻劉恩格劉振生唐理淮彭養光白逾桓王紹彞烏澤聲蔣曾煥余名鈺董昆瀛童杭時潘大道等三百四十五人叩江

### 離京議員之通電

上海總商會銀行公會轉各公團各報館鈞鑒此次近畿諸將因密謀擁曹煽亂京師致使中樞解紐總統被逐國會南遷首都之地淪為臨城第二罪大惡極迭經貴會嚴詞聲討曷任仰佩乃奪位之徒怙惡不悛日來竟勾結外人進行國會根本反對之金佛耶案借債行賄斷送國權以扶植中法實業銀行復業及報效曹銀大選用欸五百萬元為主要條件他非所恤此約若成國庫損失何啻數千萬而他國援例所要求者尚不與焉禍國若此其甚雖由政府依法手續行之我國民猶當誓死不予承認况以竊據首都之軍閥代表損害國家財產以為賄買議員之用倘不急起直追誠恐稍縱即逝則助長內亂鑄成大錯將以此條約為導火線尚希貴會通電全國並國內外外交當局一致力爭根本打消國民受賜甯有崖溪危機一髮希速圖之國會移滬籌備處湯漪黃雲鵬焦易堂彭養光鄭萬瞻劉恩格白逾桓劉振生潘大道李為綸楊永泰王川賓劉映奎丁惟汾董昆瀛劉楚湘王紹恭遂長增烏澤生潘江唐理淮韓玉辰邢麟章等三百八十五人叩

### 離京議員反抗金佛耶案之通電

萬惡之軍閥鑒於民不我想賄選無望乃擬以暴力壓服國民冀遂其大慾特以軍無著乃費盡情搜括財源苟利私圖國權固恤久歸停頓之金佛耶案近又成曹黨之禁樹極思染指欲假顧維鈞及常耀奎兩人之手串通構成以所得餘欸為禍國殃民之戰費離京國會議員昨特為此通電全國請一致力爭茲錄原電於後

上海總商會銀行公會申報館轉各團體各報館均鑒北庭自毀法亂紀以來專以搜括財源抵借外債

爲重開戰禍之準備苟利私圖何恤國權尤以金佛郎一案進行最力損失國權亦最鉅迭經同人勸告想蒙諒察查金佛郎案交涉真相法國方面並無絕對之要求惟吾國萬惡之軍閥及其代表垂涎四百餘萬之收入藉充軍費二百萬之中飽迫不及待乃不造作言語淆亂視聽遺國家以莫大之損失近日顧維鈞就僞外長職及以常耀奎爲財次代理部務尙爲進行金佛郎案乃近來事機緊迫千鈞一髮尙希諸公一致力爭並直接電告法政府告以駐京法使果與吾國軍閥以援助將爲中法邦交上之障礙事關國家權利時局安危此時多一番奮鬪將來卽免一番戰禍倉遽陳詞幸希垂察國會移滬籌備處褚輔成同叩

議員爲金佛郎案再致法政府及法使電

大法國巴黎參衆議長及議員諸君北京法國全權公使閣下公鑒自本年六月十三日北京發生政變元首被逐國會南遷乃有少數免職閣員僭稱攝政爲法律所不容國民所共棄近承軍閥意旨爲擴充軍費壓迫國民起見與貴國進行借款索取重賄以承認庚子賠款交付金佛郎爲交換條件查此案業經黎大總統提付國會核議在案未經議決以前無論何人無權承認卽有人背此原則據爲承認之表示依法不生效力現在國會移滬不日開會合法政府轉瞬觀成所有中法銀行復業一事彼時首當計及萬不可乘敵國中樞解鈕之際助虐軍閥買怨國民貪一時之利益而貽永遠之禍災茲僞代表敵國人民公意特電貴兩院議長議員速賜提案咨達貴公使請煩立賜轉達貴國政府對於金法郎案及其他有關中華民國國庫負擔之條約概行停止談判此後對於北京僞政府直接間接勿再予以援助其裨益於中法邦交及世界和平者實不淺鮮敬佈腹心伏維鑒察蒸

離京議員等爲德發債票事致顧維鈞函

少川先生執事同人等被迫南來條經旬月未能面教無任愧愧比者道路傳聞執事就職非法攝閣閣員之宣言謂此次不得已而出山凡所以爲國也然以同人等所得各方面之証據及數月來經過情形



而有蛛絲馬跡可尋者則執事實替於私利將貽國家以無窮之害焉查德奧船債一案執法營私加重人民負擔雖暫時倖逃法網豈能避將來之攻擊當時羅當其衝執事乃巧爲趨避聞此番執事就職竟以宣告羅氏無罪爲條件羅氏且無罪執事之藏身固矣又如金佛耶案國會政府相持逾半年執事與某某結託將趁國會紛擾之時際然使其通過以便私圖而國民將來所加重之負擔在所不計忠於爲國者固若是乎其猶足驚心動魄者聞尙有將承認德國發行津浦湖廣（即粵漢川湖廣段）兩路債票全額之事查此案當德宣戰後對於敵人所持一部份債券停止給付係根據協約各國現行慣例凡爾賽對德和約二百九十八條之第十附款完全辦理妥協當時經過情形甚爲複雜對付各國商界及輿論極爲困難而前交通總長曾毓雋及路政司長黃贊熙持以毅力其終結得扣留英金六百另四萬八千六百八十磅（統計津浦鐵路及續借款漢粵川鐵路湖廣段借款三項共美金六百五十四萬磅經交通部承認在非敵人手中之債票應與還付本息者計津浦借款十七萬八千六百二十磅湖廣借款二十一萬一千八百二十磅津浦續借款十萬另另八百八十磅共計英金四十九萬一千三百二十磅除止款應扣留英金六百另四萬八千六百八十磅）其利於國家約得國幣六千餘萬元也（最近九元餘合英金一磅）如執事果欲貪圖私利承認此款合之舊欠利息國家所受損失當在七千萬元以外而執事所得若干軍閥可得若干實在不可知之數夫以私害公共利益相等猶且不爲况大小相懸若此乎若以此次債票與奧船債票相較奧債或可謂前人辦理不善不易挽回此項債票由交通部數年交涉並經商駐英使與匯豐銀行及雙方律師迭次議定決難翻毀爾時執事使美當亦所聞矣此間輿論謂執事引同系密友出爲財政整理會長（指顏惠慶）將於外債中設法攫取鉅款以一部份肥己一部份獻媚軍閥供其武力壓制人民之用云云果爾將來執事成績豈僅於上述各節已乎執事此次違母訓犯衆怒而甘爲非法之閣員同人等百思不得其解惟覺令譽頓減信用浸失爲國家人材計至可惜耳燕雲在望伏惟爲國珍重國會議員褚輔成等五百四十八人公啟

離京議員爲請拒絕經濟交涉事致德公使函

業經免職之外長顧維鈞現爲曹錕威逼利誘居然宣告就職究其內容不外曹黨串通顧氏欲取得外交經濟上之援助以厚軍力離京國會議員以此正式函達法公使請其毅然拒絕任何經濟交涉以維邦交茲錄原函於後

敬啟者我國自軍閥動亂以來占據首都遂去元首國會議員多數離京此時北京完全爲無政府狀態三數免職閣員盤踞要津僭稱攝政全國人民同聲憤慨同人等代表民意歷經正式宣言凡僞閣員高凌霨等一切行動均無法律根據不能認爲有效想貴公使當早鑒及不惜予以同情者也近聞軍閥領袖曹錕等壓迫免職之外交總長顧維鈞到部就職其陰謀無非欲藉顧氏之力通好各友邦將以種種手段取得經濟之助力而已查貴國自與我國修好通使而後尙有戰時賠款德華銀行復業兩問題猶待解決該曹錕等現擬串通顧維鈞與貴公使結束巴黎和會所定敵國應得之賠款問題擬由民國二年之四國善後第一次大借款內之德國部分扣抵而以許可德華銀行復業爲條件如此一轉移間即可籌出現金二三千萬以爲該軍閥等自厚軍力壓制國民之用此等陰謀我國國民全體當然不能承認夫我中德兩國之邦交歷來本極友善德國國民之扶持正義及貴公使之高風亮節大爲敵國國民所佩仰深盼貴公使顧全兩國之交誼而注意我反對軍閥之多數民意如彼軍閥代表之僞閣員顧維鈞以前項問題或其類似前項之問題來與交涉務請貴公使毅然拒絕萬不可徇彼輩之言貪得目前之小利益貿然與之訂約致引起我國民之反感則德中兩國之邦交自當益加親善而敵國國民之感謝貴公使當永遠不忘也區區微忱尙乞諒察特此通告即希垂鑒爲荷此致德意志共和國駐北京全權公使閣下離京國會議員褚輔成等同啟

國會移滬籌備處對於銷鹽籌賄致各鹽務當局函

日昨爲攝政會議其議決之第一案即財政部提議遵擬華鹽出口辦法議決照辦夫華鹽出口將來食

鹽價格必漲其有關民生良非淺鮮况直系藉此籌款專為賄買議員造成僞選尤足助長內亂動搖國本國會議員同人有鑒於此昨特分函各鹽務當局請其依據輿情迅予拒絕其原函分誌於後

(一)致各鹽商函(銜略)側慕風華載勞結想伏維興居多適籌億咸宜萬善萬善頃得確息津保軍閥因欲賄買議員促成大選現正籌集鉅款多方羅掘並擬責令各岸鹽商分任一百五十萬元計長蘆五十萬元兩淮五十萬山東三十萬浙江二十萬以應急需事後自本年八月起每月十五萬元分期攤還等情聞之殊堪詫異詎止國家之禍亦重為執事憂也幸承不棄略陳其愚自直系暴迫元首假名攝政攘權竊位舉國所仇乃怙惡不悛變本加厲思竭人民之膏血賄攬國家之名器國帑既罄爰逮商家偷執事不審本末誤與周旋資盜兵而資寇糧助長亂源以階禍變未為功首己作罪魁微論助成內亂法有專條即顯背民情已成公敵目前數十萬血汗之資關係尤細將來千百年世守之業得失匪輕想執事明達母能見不及此或以彼方猶有所挾不遂其欲將有後災抑知殘民以逞雖衆必亡在昔項城其敗也忽矧在曹氏敢對天下已且不保焉能禍人或以彼方能有所酬雖擲孤注於先行且取償於後抑知夫已覆亡人所共見崇朝不俟十月安期本且莫償酬於何有此尤執事所宜深察者也年來引岸問題久成爭點其存其廢端繫輿情保泰持盈幸善為計深望執事洞燭其奸毅拒所求以杜亂源以維名器則功德無量實在國民臨穎迫切不盡區區伏維衛攝不宣國會移滬籌備處焦易堂等同人公啓

(二)致鹽務署稽核所公函 逕啟者頃閱報載北京僞攝政閣議公布之疏銷積鹽辦法由財政部擬章程一節查此事內容係直系軍閥於逼走元首之後欲賄買議員遷成總統以此為收羅賄款之計其銷鹽籌賄辦法由徐某包辦運鹽出口預計一百六十萬石每石收執照費一元共收一百六十萬元由徐某擔任預先一次繳足以備賄選之用此事偷成事實國內食鹽立即漲價平民亦無以聊生必至發生抗拒而直系軍閥得此鉅款愈增政治之罪惡此國內之亂源同人等現已悉數離京誓加反對除通電全國一致反對外特函聲明即請貴稽核所依據輿情迅予拒絕至為感綬

離京議員爲購鹽出口事致駐京日使函

當吾國正義與暴力激戰之際而日人名爲原辰太郎者與北京僞閣簽訂購鹽出口合同此種營私牟利益重吾國紛擾之舉固由擁曹者之倒行逆施而揆以中日親善之夙誼在日人方面亦應嚴守中立勿涉左袒國會議員褚輔成等昨特正式函達駐京日使請其嚴予取締勿令進行以維邦交而遏亂萌茲錄原函於下

芳澤公使閣下敬啟者敝國不幸政變又作一切經過事實早經同人宣布中外屬在密邇之交無庸更僕以數當茲正義與暴力激戰之際人民與軍閥對簿之時同人等所極端希望於閣下者惟在嚴守中立勿涉左袒則敝國人民拜賜多矣頃據留京同人切實調查北京方面有貴國人與僞攝政政府私訂依法無效之運鹽出口合同乘機歛財供給軍閥助長內亂一案不得不略具始末爲閣下一陳之貴國商人原辰太郎者自去年來華冒名原辰二在津住大和旅館在京住錫拉胡同專以運動中國輸出鹽斤爲業與貴國食鹽專賣局結有秘密代辦關係並曾於青島辦中華鹽業會社今年四月間與前財政總長劉思源商議購鹽出口已有端緒因愛國會嚴重質問終劉任內未及進行張英華就署財長舊案重提已於六月中旬簽訂合同輸出總額爲一千萬噸有效期間爲三十年每年運鹽三十萬噸不拘引岸惟以由長蘆經青島出口爲最有利每噸除定價外徵收照費一元二角以二角公開而其他一元之照費則完全入於軍閥官僚之手第一次起運後即交款數百萬亦將全數供軍閥倡亂之資探據原辰太郎自謂中國閣員從前反對費去賄賂數十萬始獲成交現北京方面但擔任接洽者有王正廷李松年文羣孫潤宇等人長蘆方面則有劉桐軒云云似此營私牟利乘機行賄影響所及使敝國軍閥大獲財政上之援助增加政局上之紛擾敝國全體人民當然一致反對抑亦非洞悉真相主持正義如閣下者所忍坐視也用特專誠奉懇閣下顧念中日親善之夙誼與敝國多數國民之同情嚴予取締勿令進行以絕亂萌而敦睦誼無任感荷

離京議員爲直派借款交涉事致日公使函

敬啟者據報載直派軍閥擬任用張弧爲北京僞內閣財政總長籌措款項專供其亂國營私之用張之財政計畫盡情搜括其中有三款與貴國有關（一）民國十年敵國所發行之九六公債貴國人持有債券之一部分向由正金銀行扣存盈餘作抵今年已抽繳還本信用尙能維持且每月正金銀行所扣盈餘除清還其担保之部分外有盈無絀張氏現擬由財政部抽贖押存之九六債票七百餘萬加蓋在日本發行字樣併入正金銀行所扣存之盈餘項內担保統歸正金經理發行可得款數百萬（二）吉會借款繼續進行前所未經商妥之條件擬從速了結冀收墊款（三）葫蘆島築港費一千萬現向南滿鐵道會社磋商借款以便挪用凡此三端均與貴國有關所借之款亦均係供給直派軍閥亂國之戰費現直派首領驅逐元首誘迫國會種種罪惡擢髮難數國民同聲反對其敗亡可立而待而北京攝政僞內閣尤爲全國人民所否認其所訂之條約契約當然無效迭經敵國兩院議員宣言諒已在洞見之中我中日兩國關係向來密切一切誤解方期逐漸消除日臻親善遇此時機深盼貴國政府及國民切勿對於全國反對之亂國軍閥予以物質上之援助以免促成戰禍助長敵國內亂有傷兩國國民永久之交誼凡前列三項借款及此外與之類似之借款彼輩前來與貴國人交涉務請貴公使轉達貴國政府訓告貴國國民一律嚴詞拒絕則敵國國民感激貴公使當永矢不諼敢以最誠懇之意敬達於貴公使之前此致芳澤公使中華民國國會議員褚輔成等同叩

離京議員爲交通借款事致各公使及銀團函

吳毓麟現假整理鐵路之名提議交通借款向外國協商離京國會議員以其專爲擁護軍閥征服國民昨特正式函告各國公使及新銀行團請一致拒絕以遏亂萌而維邦交茲錄原函於下

逕啟者自軍閥倡亂首都淪陷元首避地樞府無人國會議員多數南下擇地上海正式開會現在北京方面僅有二三免職關員僭稱攝政我國民全體反對不承任其有存在之根據同人等代表民意業經

正式通告貴公使團轉達各本國政府諒荷察納乃彼等迭肆陰謀欺蒙友邦希圖借得鉅款以爲曹派對我國民用兵之助據報自稱交通總長之吳毓麟現假整理國有鐵路爲名發行外國公債五六千萬元以京漢京奉京綏津浦四路收入作擔保品內以公債所得之一部分償還交通部到期之外債本息其多數則充直系軍費及僞內閣之政費並賄買總統之用觀其致曹錕巧電內有毓麟連日籌議發行交通外債一語亦足證明此項陰謀並非全無根據查各友邦政府及銀行團近年迭次聲明不再借款與中國政府以免擴充軍備助長內亂此各友邦政府及國民主持人道希望和平之盛意我國民所同聲感謝者也不料吳毓麟假整理鐵路之名欺蒙各國當局及商民以遂其擁護軍閥征服國民之私心言之令人憤慨同人等現再正式通告貴公使及貴銀行團重申前議務希對於吳毓麟所提議之交通借款無論係何形式係何擔保係何數目均請一概拒絕因該吳毓麟本無代表政府與任何外國當局訂立契約之資格更不能借以鉅大款項使禍國殃民之軍閥得以任所欲爲至於我國對各友邦所負責債務我合法政府成立後自有正當辦法以與各國接洽也倘貴公使及貴銀行團不納同人等之勸告悍然不顧必以鉅款借給代表軍閥之吳毓麟使民國內亂延長則我國民對於借款之友邦難免不生反感此則各友邦有以自取之同人等不負其責也區區忠告之意尙乞加察爲荷此致英義日本法比國全權公使暨新銀行團代表離京兩院議員褚輔成同叩

#### 離京議員致英公使函

北京之僞攝政對內外無發令訂約之權已經我國人一再聲明乃英商克利斯浦突於此際單獨與軍閥所把持之僞政府訂借三百萬磅借款條約以取得特別權利此種舉動不啻與我民意爲敵國會議員以曹錕如得此鉅款益足逞其南征北伐之雄心昨特正式函達英使請其竭力挽回勿予成立茲錄其原函於後

逕啟者我國自軍閥謀亂首都以來元首暨地樞府無人國會議員多數赴滬開會北京實已爲無政府

狀態我元首與國會現正籌議組織正式政府以當內政外交之任不料二三免職閣員把持北京僭稱攝政全國人民憤慨已極同人等代表民意歷經宣言不承認北京之僞攝政等對內對外發令訂約之權想貴公使早已鑒及而不惜予以同情者也乃近聞高凌濤吳毓麟等勾通貴國富商克利斯浦駐北京代表承受借款內定英金三百萬磅以烟灘安正隴海三路線及江蘇安徽兩省田賦共作擔保品業由僞交通總長吳毓麟僞同成督辦陳策簽字並由衆議院議長吳景濂公函該富商代表國會與以同意此事經同人等調查似係確實查我國自有亂事以來各友邦政府迭經聲明不借款項以助長內亂四國新銀行團最近在巴黎會議決定態度亦本此意此各友邦政府及國民對於我國之善意我國民極爲感謝者也不料克利斯浦代表以向未加入四國新銀行團之故其在北京之行動每多出人意料之外乘此時機單獨與軍閥所把持僞政府交接藉以取得特別權利實爲意計中事夫各友邦政府及四國新銀行團所以宣言不借款以助長內亂者當然以款項之流入軍用足使軍閥勢力增厚則爲亂之能力亦必增大故也今之北京僞攝政係曹錕派逐去黎總統而取得之者也明明爲軍閥之代表機關非我民國之民意政府此世界有目者所共見聞而共知者也克利斯浦借款三百萬磅與北京僞攝政即係直接借給於曹錕也曹錕得此鉅款將逞其南征北伐之能力以與我民意爲敵我民國之人民因此三百萬磅之故將不知斷送若何生命幾許身家也是豈我友好之鄰邦政府與人民所樂意者乎況敵國法律凡借外款須得國會之同意所謂同意者係以議員大會決定行之也非議長一人所能代表此歷來先例可援吳景濂雖爲議長並無代表兩院同意此項借款權同人等素諳貴公使就任以來注意中英兩國邦交不樂於危急之際援助何方取得不正當之利益而結怨於我多數之國民以爲兩國邦交之梗此則同人等所最感佩不忘者也乃克利斯浦今竟有此等行動實出同人等意料之外當亦貴公使所意想不到者也今特專函奉告卽請貴公使速卽飭知該克利斯浦駐京代表等卽日廢棄所簽契約停止交款如果克利斯浦代表悍然不顧必與該僞攝政等訂約交款同人等先爲聲明此項

債權將來我正式政府必不承認切望貴公使聽受同人等一言竭力爲之挽回勿使我兩國向來最好之邦交因克利斯浦之故而令我國民對於貴國發生最不良之觀念使此後不能長保此最好邦交之歷史此則同人等所最深痛惜者也區區之意尙乞加察爲禱

離京議員致英公使函二

英國全權公使馬克斯閣下專啟者自六月十三日政變發生以來全國民意已否認北京政府之存在無代表中國之資格顧維鈞之就任外長尤爲輿論所不齒迭經同人宣告中外諒爲貴公使所深悉乃竊據首都之官僚猶復日思舉債以求一逞藉便私圖罔恤公憤同人等代表民意自不得不力謀挽救毋使滋蔓以杜後患區區苦衷當亦爲貴公使所共諒查敵國交通部派部員孫文耀與貴國福公司密商以道清鐵路合同爲底本改訂道濟鐵路借款合同總額一百萬磅分兩年修築即以該鐵路作爲抵押並擬日內簽字考其用途實欲挪用此款以充軍費又查敵國口北蒙塩局總辦魏寶琳與察哈爾都統張錫元擬以當地塩池若干所作爲抵押經與開灤煤礦公司有關之那森少佐担任介紹向友華銀行借款五百萬元供給中國作變之軍閥同此等聞此警耗不勝惶駭夫中國困於內亂久矣推原其故匪特吾國人政治能力薄弱或缺乏愛國心之所致也徒以各友邦之政府及商民不能嚴守中立以待吾國民之自決往往因利乘便助桀爲虐使內爭擴大延日持久而永無澈底解決之一日也今之倡亂之軍閥實爲民國之叛徒國民羣起反對完全以紀綱正義爲目標非關黨派或政策之異同稍假時日終必覆亡可斷言也尙希貴公使顧念中英國民之交誼暫取旁觀中立之態度對於貴國商民援助中國軍閥之行動如福公司及那森少佐之所爲者立予禁止則同人等代表國民敢拜嘉賜豈有涯涘况敵國此刻已無合法政府國會正在南遷若違法訂約萬難有效專此布聞即希亮察順頌政綏國會移滬籌備處褚輔成湯漪等五百四十四人同啟

離京議員拒絕烟草借款之要函



曹錕以謀奪總統爲輿論所反對遂謀以兵力壓制敵黨使得就其範圍但若軍費無着不惜百方搜括近又與上海英美烟公司磋商墊款一十萬元即以該公司及商辦之南洋烟草公司應納之紙烟捐款分十年扣還以紙烟捐印花折扣作保此項墊款如予成立影響於我國亂事之前途甚鉅離京議員用特分函於此有關之各方面勸阻此項交涉亦即消弭戰禍之一道也

茲彙錄各函於後

致英美烟公司函 敬啟者近日報載直系要人已委由上海紙烟捐總辦汪瑞圖與貴公司與南洋公司磋商墊款一十萬元即以兩公司應納之紙烟捐款分十年扣還由該總辦與貴公司等訂約以紙烟捐印花折扣作保近日北京烟酒公署僞督辦王毓芝曾電告曹錕並電商齊燮元將以款之半爲江蘇對浙戰費以其餘之半爲北京政費等語查曹錕等近日動亂京畿謀奪總統之位以輿論議員多數出京遂謀以兵力壓制敵黨使得就其範圍但以京師庫空如洗軍事進行遂多滯阻倘此項墊款之約果成則彼輩軍費有著江浙戰禍立時發生而北京賄買總統之進行亦必厲行不怠而反對派之謀以兵力對抗之計亦必應時而起此後混戰之局是不啻以此次墊款爲之引火綫也近日中外人士咸懼戰禍之興將使江浙財富及附近外僑商業同陷糜爛之境羣謀所以消弭之方卽北京外交團亦竭力與僞攝政交涉企圖保全和平倘貴公司不顧全局之大害祇貪墊款之小利則其用意邇與外交團領事團以及一切商人之所謀相反恐非貴公司所應出此者也同人等自北京政變後歷經宣言凡有借款與北京僞攝政或直系軍閥者均不承認爲合法之債權我國民不負償還之責任今特正式通告貴公司請尊我國法律個人道德自身利害毅然拒絕此項交涉或其他類似此項之借款交涉則我國民感謝貴公司顧全大局之盛心將來多數盡力維持貴公司在華之營業其發達隆盛前途必未有艾也同人等代表國民敢先致謝即希查照辦理爲荷此致上海英美烟公司離京議員褚輔成等公啟

致英公使函 敬啟者近日報載直系軍閥委由上海紙烟捐總辦汪瑞圖與貴國商辦之上海英美烟

草公司磋商墊款一十萬元即以該公司與敵國商辦之南洋烟草公司應納之紙烟捐款分十年扣還由汪瑞團與該兩公司訂約以紙烟捐印花折扣作保近日北京烟酒公署僞督辦王毓芝電告曹錕並密商齊燮元將以此款之半爲江蘇對浙戰費以其餘之半爲北京政費等語查曹錕等近日動亂京畿謀奪總統之位以輿論反對議員多數出京遂謀以兵力壓制敵黨使得就其範圍但以京師庫空如洗軍事進行遂多滯阻倘此項墊款之約果成則彼輩軍費有著江浙戰禍立時發生而賄買總統之進行亦必厲行不怠而反對派之謀以兵力對抗之計亦必應時而起此後混戰之局是不啻以此項墊款爲之引火線也近日中外人士咸懼戰禍之興謀所以消弭之即貴公使亦曾聯名照會僞攝政內閣殷殷以維持和平爲謀倘該烟草公司竟不顧全局之大害祇貪墊款之小利是其用意適與貴公使所謀相反常亦非其心所樂許也况查北京外交團及銀行團歷經宣言當中國內亂未定以前決不借款於何方使流爲軍政費之用以增加亂事之程度延長亂事之時間是該公司墊款之舉亦與外交團銀行團素旨有背同人等迭次宣言凡政變後無論何方其有借款於僞攝政或直系軍閥者我國民斷難認爲合法之債權此次該公司之墊款其影響於我國亂事之前途頗多同人等代表民意勢難緘默用除正式通告該公司勸阻外特此函告即請貴公使飭知該英美烟公司即日停止交涉之進行並拒絕任何式樣之借款交涉以保全我國之和平即以重兩國之邦交想貴公使必不吝予以同情者也即希查照辦理爲荷此致大英國駐北京全權公使麻克類君閣下離京議員褚輔成等公啟

又另致美公使一函因英美烟公司亦有美國資本也（詞意略同茲不贅）

致汪瑞團函 敬啟者近日報載直系要人與王毓芝齊燮元密商擬以全國紙烟捐收入向英美南洋兩公司請其墊款一十萬元分十年扣還以印花票折扣作保現由執事與該公司磋商訂約此項墊款以其半爲齊燮元對浙戰費以其半爲曹錕運動總統費等語聞之不勝駭異查曹錕等肇亂京畿全國憤慨賄買總統不得遂以武力壓服異黨中外商民同懼戰禍謀以消弭之計不遺餘力屬在執事想亦

早有見聞曹錕蓄謀僭奪罔顧利害齊燮元志在扶曹不惜倒行逆施倘得此項之墊款用兵行賄爲所欲爲前途大難將不知所底止素諗執事明於大義服役國家不爲一姓一系之私人尙祈鑒察輿情願全大局毅然停止交涉不使鉅款落於軍閥之手則戰禍不作江浙之所賴以保全者實大務乞勿貪區區經手中費勿爲軍閥効死力則國民感戴盛德於不朽其所得豈有涯哉同人等抑更有言者前此執事以紙烟捐收入爲齊曹押借款項爲數頗多國人已有煩言然非用於戰事亦尙能原諒執事之苦衷但自政變而後同人等歷經宣言凡偽攝政及其軍閥無論何種借款均不能認爲合法之債權同人等代表國民義難卸責區區爲國爲民之苦心尙希亮察爲荷此致全國紙烟捐總辦汪瑞閻君離京議員褚輔成等公啟

離京議員爲滄石鐵路借款事致比商陶普士函

陶普士先生鑒專啟者中國鐵路經貴公司承辦者肇自京漢旁及隴海成績卓然在人耳目曷任仰企去年秋間執事重遊我邦與中國政府代表高恩洪羅文幹等簽訂京綏路所屬之包寧線購料合同一案經中國國會否認並請政府將高恩洪等查辦高恩洪等去職之際貴公司曾將新債票在歐洲售出數千萬磅而高恩洪等則已將執事預付金二十二萬磅供給中國軍閥用爲助長內亂之資矣至今思之不無遺憾自是厥後所有該合同內未交之款率經貴公司鄭重扣留以俟中國政府依法解決同人等對於此舉頗爲滿意不圖近日復有吳毓麟等假借名義與執事另訂續約並以原訂材料作爲滄石線內之債務此等協議之目的在貴公司不過欲求懸案之解決而吳毓麟等則志在援助中國作亂之軍閥使政局益陷於紛擾倘貴公司受其蒙蔽冒然訂約則中國全體人民將羣起反對是兩失也查北京自黎大總統被逐國會南遷以來久已陷於無政府地位同人等早經鄭重宣言自民國十二年六月十三日起凡北京官吏對外所訂契約概不生效布告中外無不週知想執事亦早有所聞矣深恐此次改訂合同成爲事實是於此案問題之中再生問題將來解決益愈困難用特專函奉告執事亟宜停止

進行毋貽後悔至關於此項合同之如何改訂方爲合法則非俟我國內亂既平政府依法成立無從提起也專布誠悃順頌時綏國會移滬籌備處湯漪等五百二十三人同啟七月三十日

### 離京議員致陶普士函

逕啟者近日中外各報均載北京僞攝政閣員等已與比利時和蘭銀行締結合同商定荆蘆島築港借款一千萬元以該港之土地爲第一擔保以山海關至奉天之京奉路收入爲第二擔保其債權者方面係以足下爲代表現在草約已成唯尙未正式簽字等語聞之不勝駭異查敵國法凡借外債須經立法國會開會通過方能有效其未經過此種手續者我國民即不負償還之責任現在北京之僞政府已無合法之總統總理且無合法之各部總長敵同人等業經通告中外聲明北京之僞攝政爲曹錕之私人機關非代表我民國之意政府如貴代表竟不於我國法律之規定與此等亂黨締結合同敵國人民必不承認此項債爲有效况我國自軍閥擁兵擾亂國家以來匪亂迭出戰禍屢興其仿害各國僑商之安全並危及其性命至爲可痛恨之事倘貴代表不顧正義貿然借鉅款於彼等使其爲亂之力增大爲禍之日加長將來各國商民均被其毒是則敵國人民不負其責任者也今特請貴代表速即聲明前項合同爲無效並停止交款之進行以後凡有類似此項之借款情事一概予以拒絕則敵國人民感念貴代表體諒我國民之苦心尊重各僑商利平安全之至意此後兩國邦交定得進於敦睦友好之境其雙方之獲利當殊遠大也素知貴代表明白大義不貪小利故敢正式奉告即希查照辦理爲荷此致陶普士先生國會議員王用賓湯漪楊永泰彭養光郭同烏澤聲鄭萬瞻葉蘭彬等公啟

### 離京議員爲無線電信借款致函美公使

敬啟者近日傳聞直軍首領曹錕以謀爭總統及與反對用兵之故財力支絀因令其駐紮之代表機關所自稱爲攝政內閣者與貴國商人交涉以辦理無線電信爲名借款八百萬元業經雙方商議不久即將成交查曹錕之爲禍民國罪大惡極國民全體痛心正謀聲討之方倘貴國商人不察圖於危急之時

取得微末之利貿然與之訂約給以現金使曹錕之勢力增大則其爲禍於民國者亦必增大甚非貴國人民盼望我國和平統一之本心也同人等代表民意今特正式通告貴公使即請飭知貴國商人無論何人均不能與曹錕黨人之何人訂立何種墊款之約使曹錕得將此項金錢移作不正當之用是則敵國人民所最感激不忘者也夙諗貴公使向持正義不務私利故敢竭誠奉告即希察照辦理爲荷此致美利堅合衆國駐北京全權公使中華民國國會議員褚輔成等公啟

離京議員爲直系購買存械事致義公使函

逕啟者我國自軍閥動亂首都以來元首避地樞府無人國會議員多數赴滬開會北京實已陷於無政府地位元首正與國會籌商組織正式政府以當內政外交之任當此之時二三免職閣員把持北京僭稱攝政近畿軍官夥同謀逆種種不法情事歷經敵同人等宣告中外不認爲有效想貴公使當早鑒及不惜予以同情者也不料曹錕等以次肇亂北京猶未滿足其攘奪政權之野心現正謀補足軍用物品充其實力藉壓制國民肆其征伐此等陰謀同人等早已窺破近日傳聞該逆黨等與貴國人士勾通將向存山海關之軍用子彈約七百萬粒搬運至該處火車站以貨車二十輛運至天津貴國租界背後之新車站此外尙有何軍器現正探查查此項儲存山海關之軍火原經吳佩孚派其黨徒高恩洪前在交通部總長任內即與貴國人訂立承買密約以無現款故未交貨同人等有曾在吳佩孚處目見此項密約草底者現此項軍火既運至天津其或曹錕吳佩孚等已籌出現金付兌亦未可知也現自此項消息傳出後敵國人民極爲驚恐惶惑值此時勢不靖萬一因之促成變亂則對內對外一切責任貴國理應担負也近年以來英美日等國政府協議不賣給軍器軍火於我國軍閥以免內亂延長貴國雖未加入此協議之中然今日售賣多數軍火於我國極惡之直派在貴國對於我人民及列邦殊爲不仁不義貪區區之小利結深恨於我國民報復仇讐自所不免爲貴國利益計亦豈爲得策哉同人等現正式通告貴公請毅然與直派廢約不可交付如能將現存天津新站及他處所存全數待賣之軍器速即一併公

佈焚燬則貴國之義聲赫然震於國際其所得於道德上之利益當不僅此八百萬元已也我民國知情善報之國民亦必思所以答此友好之義焉區區微忱尙乞鑒納無任禱盼此致義大利國駐京全權公使閣下

致七銀行請停付展期借款函

北京銀行公會並抄轉六銀行均鑒敬啟者北京僞內閣擬以正太鐵路餘利作爲擔保品向國內七銀行磋商展期借款一節前經同人等致函正太鐵路總工程師及華北銀行聲叙反對理由請其拒絕擔保現聞除中行退出團體外其他六銀行仍在張弧等疏通接洽之中殊深惋惜查北京僞閣多行不義終必自斃而貴行等必於此時聯合借款以供其揮霍陷入政治漩渦不顧營業上之安全誠不可解以國家公益言之則凡投資於政府者當察其用途之當否現閣得款非以之充戰費即用之於大選二者皆禍國之道非我酷愛利平之銀行界所願聞也此次展期借款如貴行等尙未承諾卽希毅然拒絕如合同正在協商亦希勿予簽字卽或業已簽字亦希停止付款公私兩利何幸如之如必悍然不顧助桀爲虐則我同人職責所在必取相當之手段以相周旋質直之言幸希原恕導此奉達亟盼賜覆順頌公綏移滬國會議員湯漪彭養光王用賓楊永泰焦易堂韓玉辰鄭萬瞻葉蘭彬等四百五十八人同啟  
離京議員爲正太餘利借款致中孚等銀行函

僞交長吳毓麟將以正太餘利爲抵押向中孚等七銀行借款二百萬元私供盜用離京議員昨特函正太鐵路總工程師華北銀行及該行柯振賢君請其毅然拒絕茲錄原函於下

北京僞政府違法盜權早爲全體國民所不承認僞政府借經借之內外債款亦業經我國會同人迭次宣言通告中外誓不承認乃近日報載僞交長吳毓麟擬以正太鐵路餘利爲抵押向中孚東陸等七銀行借款二百萬元除扣舊欠一百三十萬元外找付現款七十萬元等因查正太餘利每年僅四十萬元以二百萬之債額計必五年後始可還清北京僞政府之顛覆即在目前將來新政府成立所有該項債

欸斷不承認而以正太餘利抵押一節當然無效(執事)(貴行)聲譽素著必不至違背輿情以我國家正項私供盜用務祈毅然拒絕僞交通總長吳毓麟私以正太餘利抵押中孚等七銀行借款之謬舉我國會同人謹代表國民同聲感謝如必悍然不顧與我國民爲敵則吾同人必有最後之對付幸弗漠視特此奉達諸希亮察爲荷

### 離京議員致大陸銀行函

逕啟者近聞北京僞攝政閣員委託常耀奎與貴行商議借款三十萬元以京漢路局之運鹽脚費作抵押業經雙方商定即將交付聞之不勝駭異查曹銀近縱其部下驅逐元首擾亂京都使國家陷於無政府狀態而全國商民被其影響損失極大僕等近者結合同志謀爲抵抗使亂黨不能得志旬日以來漸見窮蹙已有僥然不可終日之勢倘國中富商巨賈不自覺悟猶貪前些小之利益濟鉅款以金錢使賊勢賙張賊運延長後此所被害寧可以一二數乎僕等竊於貴行權衡利害審於大義拒絕交款則僕等敢代表民意百拜致謝苟其不然則對付之術唯力是視而已勿謂言之不早也專此奉告即希諒察爲荷此致大陸銀行總理國會議員湯漪彭養光葉蘭彬楊永泰王用賓烏澤聲鄭萬瞻郭同等公啟

### 國會移滬籌備處致中南銀行函

北京僞攝政之欸財計畫不一而足近又擬一移花接木之辦法以中鈔暨現欸存入中南銀行另由該行發行鈔票五百萬元爲倡亂禍國之需此種詭計不特禍及全國實予該行以最大之危險國會移滬籌備處昨特致函該行望其慎重考量爲全國人民生命計卽所以爲該行計也茲錄原函於後

逕啟者此次政變所演軍閥萬惡日益暴露國家所蒙精神上之損失爲綱紀掃地廉恥無存姑不具論而物質上之損失則財政破產金融倒閉禍雖及於全國首當其衝者厥爲銀行是爲公等切膚之利害更無俟同人等之瀆陳惟是反對軍閥爲國民共持之正義而在今日全國一致所認爲反對軍閥最有力之武器則在內外銀行界絕對勿予軍閥以經濟上之援助使之坐困瓦解而後有自戡私圖共趨正

軌之一日頃聞北京欵財計畫不一而足就中有關係貴行者一事係由中國銀行向貴行存入中鈔三百五十萬元現金一百五十萬元作爲擔保而由貴行增發鈔票五百萬元交由中行以應軍閥倡亂禍國之急需此項變相借款如果經貴行承諾成爲事實間接應負助桀爲虐之罪名直接則引起營業上之危險竊爲貴行不取也用特專函奉達明知貴行不至冒險至此萬一聽傳非虛即希貴行慎重考慮內願營業信用外審社會趨勢勿因目前一時之利而貽將來無窮之悔大局幸甚敬頌公綏國會移滬籌備處褚輔成等同叩

褚輔成等致中南銀行函

敬啟者頃聞某國存華之軍火一部分已由某同人經手售與江蘇齊督軍方面條件業已妥洽其欵項係由貴行撥付等情查貴行以金盞等四行合組聯業合組金庫與政治上不生關係故得鞏固基本獲商界之信用現在京津滬市貴行所發之鈔幣甚爲流通職是之故若仍密與軍閥相勾通爲之撥欵購械以滋戰禍則害國殃民咎將誰屬且軍械之欵可撥則兵餉戰費軍閥以及種種秘密之欵項何一不可墊撥聞信之下不勝惶悚然以貴行素稱穩實似此害人自害之舉未必然或有一部分利令智昏假借貴行名義亦未可知尙祈明確示復以釋疑抱而固金融不勝盼禱之至此致中南銀行國會議員褚輔成杭辛齋等全啟

保派之摧殘輿論 京津晚報被封 該報主任幸已脫險

此次政變發生北京輿論能持正義守正不阿者首推京津晚報某方始以利誘繼以威脅該報均不爲動以故益觸保派之忌密令軍警當局拘捕該報主任王冷齋君日來偵騎四出王君幾不獲免幸遷避數次始得於前日脫險離京當晚八時警察廳即派巡警多人將該報查封並將編輯四人一併逮捕拘押保派倒行逆施摧殘輿論於此可見云

離京議員援助京報界之通電一



全國國民公鑒頃接京津晚報社長王冷公感電報告該報被封始末又閱報載民治通信社亦被查封北京一日之中竟封禁報社兩家拘捕記者三人此真項城以後未有之文字大獄而不可謂僞攝政內閣之特別成績也此次軍閥亂國宵小竊政該報社身庇權勢之下不爲利誘不爲威劫巍然秉董狐之筆奮常山之舌筆鋒所掃賊膽爲寒今爲正義犧牲夫亦何所顧惜惟同人爲報紙者國民之喉舌也約法者人權之保障也約法既有人民言論自由權之規定則報紙所載除涉於軍事外交秘密以及戒嚴中有關地方治安之紀載外均不能任意封禁法律具在中外皆然今僞閣員高凌霨吳毓麟等乃敢嗾使軍警摧殘輿論竟以法律上無所依據之理由妄爲該報社觸犯刑章之定讞是其意一若主張正義者皆爲吾之仇敵非置之死地不足以甘心吾人目睹彼輩之暴逆蠻橫誠不祇爲被封之該報社悲而爲輿論前途危而亦爲憲法實行憂也同人今因以急亟制憲爲職志矣然在憲法未成以前已有約法爲之範今當局已舉國家根本之約法而摧殘之則憲法告成之後說擁有武力者出而執政亦可任意蹂躪而不顧惜是不特舉國四萬萬人所希望同人十餘載之苦心俱付一擲且將使國家入於大亂狀態焉一二報社之事雖微然滔滔之水始於涓涓燎原之火始於星星此吾人爲國家根本大法計不能不急宜力爭也尙望全國各界主張公道一致聲討以維國法以衛人權敬布區區惟希諒察離京國會議員褚輔成湯瀚郭同烏澤聲張我華等同叩卅

離京國會議員援助北京報界通電二

全國各界公鑒此次北京僞攝政擅用威權封閉京津晚報與民治通信社拘捕記者曾昂霄吳鳳鳴劉鷹如三君幸承各界極力援助始得舖保出獄同人等對於彼輩之摧殘輿論業曾通電聲討然尙未聞北京之司法界亦如是黑暗也近據親知曾君等在獄所受痛苦情形者報告各節益足令人髮指茲特述其大略以見北京現政治下罪惡之一斑焉聞曾君等均於上月二十六日拘往警廳是日傳訊時法官李某拍案責備迫令曾君承認總編輯吳君承認經理訊後分別拘留凡往慰問者均不准接見翌晨

移送檢廳曾君等欲乘車前往巡警不許強其徒步而行及至檢廳候訊至五小時之久始訊數語即用  
手鍊送往看守所常用手鍊時曾君等以其爲非法待遇堅拒不受法警狐假虎威以長官命令爲詞非  
手鍊而走不可並迫其卽行二十八日檢廳派警入獄提訊曾吳二君復以手鍊套上曾吳二君不允乃  
改用麻繩綁手帶往候訊待至數小時由檢察官黃某出庭開訊其威迫情形與警廳亦復相同嗚呼共  
和政體之下法庭對於人民身體之自由竟有如此非常之待遇蹂躪人權莫此爲甚夫法庭尊嚴各國  
重視不問罪之大小法官均不能擅行拍案訊問口供尤當任人自述豈可迫令承認且曾君等之有罪  
無罪尚在未確定之中何得以囚犯相待桎梏兼施侮辱至此僞閣員之殘民以逞姑無論矣軍警界之  
助桀爲虐亦無論矣而所謂共和國之司法界亦復蠻野如是當茲正倡收回治外法權之時吾人誠不  
禁爲法界前途悲也此事雖微影響甚大尙望我全國各界起而爲嚴重之糾正以重人權之保障以保  
法治之精神則得免蹂躪者又豈獨一二記者已耶敬佈區區惟希亮察離京國會議員湯漪王川賓彭  
養光鄭萬瞻烏澤聲郭同同叩

離京議員爲蘇浙軍事致使團聲明曹錕等實爲戎首函

蘇浙備戰由於曹錕盜名竊位其責任至爲明瞭如不幸而累及外人生命財產當由曹錕輩負賠償之  
責尤屬天經地義不易之辦法日前美法英日四公使照會僞外部謂蘇浙如有戰事外人所受損失須  
中國政府或該省長官負保全之責任未免有失於混泛離京議員因此特向該公使等鄭重聲明如有  
爲我國民爲各僑商圖免浩劫之誠意應速以嚴重之詞質問曹吳等因何用兵並責其預提賠償損失  
五千萬元庶可因此消弭戰禍如該公使等準此進行未始非友愛邦交之幸也茲錄原函於後

敬啟者近日報載貴公使等照會北京僞外交部稱江蘇浙江有發生戰事之虞恐上海及其附近地方  
外人被鉅大之損失聲明須中國政府或該省長官負保全之責任且至保護不周之時貴公使等須以  
能用之手段及其他方法爲適宜之自衛等語仰見貴公使等酷愛和平厭惡戰事之至意查我國自政

變而後全國輿論一致懇懇國會開會上海並請黎總統南下組織政府該禍首曹錕等深慮國會政府成立於上海彼等竊名盜位之攝政內閣即失其存在之根據遂密令吳佩孚王承斌齊燮元等備兵攻擊上海浙江兩地使我正式國會與政府無可憑藉之地點而後彼等把持政局賄買總統之計得以貫徹其居心之卑污危險實可痛恨據同人等近日所得報告曹吳等秘密運往南方之軍隊現已不少不久即不免於戰事之發生即就馮煦張謇等近日通電勸告兩省長官主持和平觀之彼等皆地方素負名望之耆宿向不與聞政爭今竟竭誠呼籲其必確有見於戰禍之不能免蓋可斷言之也唯戰事發生之原因實由曹錕之欲得總統吳佩孚王承斌齊燮元等欲助其首領以得總統遂不能不向反對者用兵而浙江督軍盧永祥上海護軍使何豐林向爲極愛和平之人歷次戰亂彼二人均未加入中外人士亦均信其爲人倚爲和平之神近復歷次宣言決不貿然動兵攻擊他人但果曹吳齊王等派兵相攻彼爲正當之防衛計自不能不以兵力相對即此以論是次戰事之責任實爲曹吳齊王等負之果不幸因戰事之起損及外人生命財產等應請貴公使等要求曹吳齊王等賠償損失即或由貴公使等取必有之手段加罪於曹吳齊王等如庚子拳亂時之端王載漪剛毅故事我國民亦決無異言阻止唯此項損失之賠償我無辜之國民實不負其責任即被人攻擊之盧永祥何豐林亦不負其責任此則同人等應豫爲之聲明者也同人等抑更有言者近日曹吳齊王等雖已秘密動員但迫於中外輿論之激昂在良心未始不爲所動故戰事進行尙未達公開之程度如果貴公使等此時有爲我國民爲各僑商圖免浩劫之誠意此時速以嚴重之詞質問曹吳齊王等四人何以派兵攻人何爲而必出於戰並責其豫提賠償之損失保證金五十萬元方許其在商埠附近交綏則曹吳齊王等屈於情理通於大勢必掩旗息鼓而退滿天風雨頓見舜光北京僞攝政名爲中央政府實爲直系之代表機關向聽受於曹吳齊王等而不能命令曹吳齊王等者若貴公使等勸告北京而不直接勸告曹吳齊王等則所言必無何等效力之可言也同人等代表民意固以扶持國家正統爲職志但其素願祇求以法律解決國事不願以武力

爭勝負此尤同人等敢披赤誠以相告者也區區微忱尙希亮察爲荷此致大美國特命駐華全權公使舒爾曼大法國特命全權公使傅樂猷大英國欽命全權公使麻克類大日本帝國欽命全權公使芳澤謙吉君閣下中華民國國會議員褚輔成等同啟

### 離京議員通電

曹錕以總統之夢終不得圓將以武力排除異己用兵江浙離京議員昨特通電全國望國民一致奮鬪減彼凶燄其原文如下

各省軍民長官各省議會教育商農工律師銀行學生等會各報館均鑒近日報載馮張諸老真口電齊韓盧張何諸公殷殷以保全江浙和平爲請語重心長令人起敬政變而後直系謀奪浙滬之說閱傳全國陸錦王承斌齊燮元等雖通電否認然馮張諸老優游林下猶必竭詞呼籲其爲就近確見戰禍必不能免迺以世外之身爲桑梓請命而陸王等之僞言欺人欲以一手掩盡天下耳目即此亦可概見雖然浙滬兩地標榜自治不奉北京政令三四年餘茲矣曹吳等雖志好弱兵猶未嘗加以一矢迺自黃陂出走國會南遷而後用兵浙滬之謠遂以四出卽此以觀曹吳用意蓋恐黃陂與議員憑黃歇之故址建南國之新都以與北京僞攝政抗使我著箸之肥嚮沾唇而不下咽遂乃孤注一擲爲釜底抽薪之計曹之自爲謀與吳之爲其師帥謀誠險矣哉論對浙滬之用兵本有蘇閩贛皖四路可進爨元資穎過人知曹謀不臧此後雖再得志遂變舍己芸人之態急以固其本身爲務加以蘇力本足以取浙客軍入境奪主可虞王占元陳光遠前車可鑒蘇人惡戰輿論囂然遂以保境爲志所言未必皆虛王杜攻臧本約定閩而後出兵搗浙迺臧氏之敗林虎得志錫珪永泉無與焉林爲競存之黨豈肯終爲曹吳所用由閩之計遂亦中廢贛蔡本爲保黨取浙未必無心然所部多烏合之衆加以沈方新敗於粵境中山氣吞匡蠡其勢洶洶譚組安迴兵湘南寢假不能得志橫掃贛之西南逕入鄒鄒雲都猶可有爲也蔡成勳急於自保詎能輕動獨皖南密邇浙西皖馬無能唯曹齊之命是聽皖兵孱弱詎能阻客軍之入是曹吳圖浙唯此

一道而已近日風傳直軍由湖蕪登岸者頗多揆理度勢決非烏有子虛曹吳或以勁旅兩師入皖至時再假蘇贛爲應聲之牽制或令孫傳芳在閩之衆由贛邊入金衢亦未可知蓋以入皖之直軍爲中堅以孫部爲策應以蘇贛爲聲援浙軍勞於應肆憊於奔命無援之師久戰必亡得滬浙則爲孤立傳檄可定此事曹吳實爲主謀齊蔡爲之贊助僕等逆料曹氏總統之夢未醒則圖浙之計終於必見此可斷言之者也雖然戰爭之勝負恒決於輿情之從違浙滬孤立必不輕於起釁此固國人所共信者師直爲壯曲爲老年來歷次戰事屢驗不爽加以浙軍有必死之志直軍有遠出之勞一戰而拙皖境隣師均存觀望此又必然之勢也曹氏欲以此而阻南都之成吳氏欲以此而成魏武之業蟬螿之命釜底之魂多見其不知量而已僕等志在殲除惡竊以定國家政府國會勢在必成寢假浙滬被兵未能安然以後即移粵移遼甚至聯俄以遷庫倫亦所不惜但求民國之正統不墜則梟雄終有授首之日國人之理想國家亦終有成功之時所望父老兄弟鑒察愚忱予以援手使逆黨之凶讎多滅一分則國民之元氣多存一分是卽區區之所以報我國家慰我人民也迫切陳詞急不擇言諸希亮察無任主臣離京議員褚輔成等公叩（十六）

## 第五節 黎大總統之赴滬

編者曰予於黎氏赴滬之事有以規國情之變幻因而諦察國民之政識未嘗不太息而失望也黎氏一年以來之地位與其在北京之狀況國人當亦瞭然見之顧於黎氏之赴滬也援助者少而懷疑者多且加以齟齬詆毀代表直系力肆排擊此何爲哉曩者予論此事以爲直系排黎之計不能不極之於其所往假使黎氏在滬與國會相左右成立政府號召東南誅討曹吳毀法禍國之罪力雖不敵而義則至強直系雖不必倒而曹錕掠奪大位之舉必不能成於浹旬之間此真直系生死利害之交安得不致死以相撲吾人所引爲駭怪者排抵黎氏之事乃不在直系而在反直之各派與在滬上奔走政治之各派政客也欲舉此事揭橥於國民之前而予以澈底之覺察必須就直系與民國前途之關係作爲前提而加以評斷直系自戰勝皖奉之後日以歷史小說中「南征北討打成江山」之事懸於腦際其視大總統之地位與帝王等惟有兵有錢能戰勝壓服全國者始能居之曹錕吳佩孚久欲攬此一席而猶躊躇莫之決者一則鑒於袁世凱張勳之前轍而未得一較安之方法一則西南奉浙尙明揭反直之旗不能不以全力伸後至者之誅在此期內所爲驅徐擁黎恢復國會種種謂爲塗飾耳目與國民戲抑或如土匪驅鄉民當前敵而自謀四出剽掠之法均無不可蓋曹錕吳佩孚之全副精神在兵在錢在以力征經營天下自命帝王其心目中本無所謂國與法也黎氏一年以來困心衡慮依違曹吳之間其志不獲一逞然其厚重佩強忠於民國不能同化於曹吳而供其御用則固顯然大選之期既屆曹錕與國會中不肖分子吳景濂等相互爲市已訂預約黎之被迫而去實爲事勢之所必至當斯時也政客果爲反直之計誅曹救國他非所問理固應爾黎氏以垂暮之年無兵無黨隕隕京津之間險阻轉徙乃達於滬勿論其勤於國事抑或爲切於私人報復要其爲此次政變中之當事人而力盡其當事之責則固可告無罪於國人乃自黎抵滬而南中政客與向稱反直之粵系民黨及各派政客突起相扼飛文詆毀函電四出與効忠曹氏多方排黎之齊燮元孫洪伊等相爲應和時論有謂此舉緣於孫洪伊主張孫(文)曹(錕)

携手之結果由曹錕以重金收買各派政客與孫洪伊等同時發電直接排黎間接即以助曹此雖揣測逆億之詞然自有各派排黎之舉東南情勢一變南下之國會與黎氏兩無所成北方賄選之局於以大定曹錕之有今日反直之民黨竟與有力焉嗟夫嗟夫吾國政情之恢詭幻變其不可測乃如是哉關於黎氏之個人行動與其南下之企圖某報載有黎之秘書某君致北京友人書所言甚為昭晰其書云：：：南下後諸事不得要領且多波折此種情況在津時已計及當時邸主之意已決未能阻也緣邸主在津宴請出京議員報告曹黨非法迫脅情形並經聲明所受種種迫脅乃以大總統身分受之者此乃國法問題非個人問題諸君如以愛護國法之故主持正義則予身當其事力所能及當追隨諸君之後云云邸主既有此語在前此次議員南下已達數百人吾人爲邸主計畫一己之責踐前日之言此行亦義無可辭至南下之後作何舉動當時實無把握瀕行之前僕因奉囑致滬上議員某君密函始悉大概函中所商定爲兩種計畫（一）滬會成立於開會時邸主即以當事人名義報告政變經過至於應否成立政府如何實行討曹則由國會解決之（二）滬會不能成會邸主至滬後即作爲私人旅行或內赴西湖或東遊日本臨時自定現就此間連日狀況加以攷慮恐須決定用後一步計畫因東南輿論在齊燮元指揮之下謠諑羣起是非易於成敗毀譽變於強弱對於邸主任意挪揄南通某公並奉齊命示意邸主戒勿動作而南下議員爲人收買中途變計北上者日有所聞滬會受此影響恐成泡幻前一步辦法殊無實現之望：：：某君之言足徵當時狀況故備述之其他爲黎氏主張公道或責以大義者並附於後以昭實錄且以見某君毀譽變於強弱之論有不盡然也

上海國會議員促黎南下之公電

天津黎大總統鈞鑒自六月十三日發生政變日居月諸兔魄再圓涼颼乍起握著漸收迴憶內閣拆台全體辭職斷公水火絕公飲食喉使軍警賄買流氓包圍公邸逼公退位迨公倉皇出走避往天津王承斌率其軍隊邀截楊村劫車索印行同盜匪留公爲質至念小時脅公署名代公辭職彼時公亦憤氣填

膺幾欲自殺而國人亦痛紀綱之掃地法律之蕩然駭汗相告舉國若狂迺時閱二月公仍安居津邸有若淡忘國人熱度亦漸隨暑氣以俱逝各方寂寂未聞仗義執言聲罪致討國會同人之留京者趨趨而却步離京者則悵惘而若失毀法亂紀之徒反得橫行首都從容坐鎮補綴內閣秣馬厲兵寢假而惡聲相反將以破壞統一破壞憲法之罪名加諸離京同人昨聞公將買舟南下旋即中止同人竊竊相議疑莫能釋豈以旅滬同人尙未發電歡迎耶抑以各方意見未趨一致故遲遲有待耶夫共和國之總統雖與專制之君主迥異然俱爲一國之冠冕人民之元首昔在專制之世國家有難君主尙有殉國家死社稷之責迺公前遂於張勳之復辟不能以身殉正難謝罪國人而逃生於日本兵營遁跡於天津租界使海內倣擾生靈塗炭亘於六載公俱置身事外不聞不問國人已爲公宥而今再遂於曹錕所受恥辱卽匹夫豎子亦當拔刀相向不共戴夫公乃堂堂元首卽不爲國家名分紀綱法律計而爲公個人計亦豈能唾面自甘隱忍以終耶且共和國之總統名雖元首實則公僕非若專制之世有主憂臣辱主辱臣死之義一旦君主蒙難薄海臣民卽應興師勤王奔赴行在也惟總統名器執行國家最高政權對內對外有代表國家之尊嚴辱及總統不啻辱及國家同人等投袂而起奔走呼號誓不與毀法亂紀之軍閥戴天履地者爲其不循法律軌道擅行廢立且以武力金錢強取豪奪惡例一開則國家之亂無已時耳迺公在津邸屢次宣言但云當爲國家紀綱法律一伸正義而猶遲回瞻顧必待同人之發電歡迎各方之意見一致始行南下公之用心竊所未解夫公爲一國元首且身受其辱爲公爲私所負責任均較他人爲重尤宜早日南下身先同人成立政府號召中外使外而友邦內而國人知正統之所歸正義之所在卽各方意見未趨一致而公亦當紆尊降貴與之周旋祇要爲國伸正義不妨已身受勞怨美國歷任總統嘗因貫徹政見不惜舌敝唇焦奔波跋涉以游說各邦者矣今公爲國家伸大義飭紀綱衛法律卽躬自游說各省使之諒解亦適見公之爲國賢勞而於公之尊嚴殊未見有毫末之損也拉雜之陳罔知忌諱敬祈鑒察衆議員劉楚湘等二百八十人同叩庚



### 鄂籍國會議員促黎南下公函

大總統鈞鑒連日各方均盼尊駕南來而公遲疑不決頃晤達齋(韓玉辰)悉公有意救國適爲事勢所牽制一時不克成行昆瀛等竊以公處今日形勢惟有下最後決心不必得各方同意逕自來滬依法而行此與公政治人格及國家前途皆有重大關係如公不來其結果(一)國會之爭無由解決(二)軍事動作無名義或成混戰(三)政治組織失却中心前途不可收拾(四)過了十月十日公之政治結束無望以前數月之奮鬪等於烏有以上情形爲昆瀛等一致之意見即請采納不動聲色毅然南行無任企盼董昆瀛張漢鑾輔仁時功玖張大昕周兆沅張則川阮毓崧吳崑廖宗北袁麟閣馮振驥胡鄂公白逾相陳邦變彭介石公啟八月十七日

### 記黎黃陂南下之前後

黎氏赴滬在事實上可謂全無結果當時津門之反直各派與黎氏左右籌畫之人根據何種情形勢出此行動誠不得不謂之失算然就黎氏個人責任與其在政治上之關係而言則正有不能不爲此行者約舉其事實理由有如左列數者

(一)黎氏出京係由於迫脅當時咨達國會並通告全國聲明移津行使職權津地既多障礙則移而之他亦爲政治奮闘之歷程所不容已者

(二)受非法迫脅而去職與車站受迫辭職之通電既經依法否認故黎氏在政治上之行動均應認爲法律之所允許

(三)議員因黎出京認爲非常事變乃至連袂南下以衛國法黎之本身既爲當事上自無安處津門自居壁上之理

緣此數者黃陂出京之後赴滬之前當然仍爲時局之主腦六月十三以後天津之政府組織扼於事勢不能實現其時李根源與黎之秘書饒漢祥金永炎韓玉辰等羣義擁黎即速赴滬再圖發展黎以各方

形勢未定不欲冒昧南行因遣金韓赴奉派議員章某彭某赴浙觀測情形並由章等在滬向各方接洽  
顧其時奉浙兩方均采觀望態度浙江盧永祥氏則迭次表示意見謂時局宜依國會解決免武力之爭  
而國會則應速籌南遷自由制憲俟憲法告成再行選舉總統對於黎之南下認爲個人行動絕未以贊  
否奉以浙爲從違故亦無所表示黎氏南下之議因而停頓而在此時期反直各方乃一致用力於國會  
六七八等月國會南遷浸成事實北部曹錕之亂黨高凌霨與附亂之議員吳景濂等亦於其時堅持賄  
選之計畫兼程疾進雙方作戰不遺餘力勝敗之機間不容髮黎氏此時頗欲以一身促時局之解決而  
南下議員函電交馳促其赴滬且有責以大義謂其不應偷安津沽置身事外者合肥段祺瑞氏前此於  
黎之行止久未置詞爾時亦迭次其親近人物李思浩姚震諸人向黎勸駕意極誠摯黎行遂決九月七  
日以赴法租界東亞醫院醫爲名乃借其院長田村俊次暨將軍陳宦乘日船長府丸赴滬行時極秘密  
抵滬後各通信社特電至京曹黨爲之駭然派多人赴甯滬商同齊燮元設法攻擊並以重金徵募南中  
人物直接或間接阻止黎之活動南通張謇與滬上流氓政客等紛紛應募羣以江浙和平爲詞而指黎  
氏爲和平之妨害者且張大其詞謂將由黎一人引起戰事云云滬上爲曹黨所收買之各報紙從而利  
之上述奉浙之態度既已如彼而東南實際之狀況則又如此號召宣傳兩兩俱窮黎氏與南派議員政  
客所計畫乃完全無一成立黎氏此行似不得謂非失計然就當時政局關鍵而言則國民反直派之失  
策乃有大於黎氏者舍作亂毀法之罪犯而不討對於爲國受害之人反從而齟齬之失國民裁判之公  
長元惡神奸之勢其失策一逐黎爲曹錕賄選之先聲亦即曹錕得罪國家之鐵案排黎排曹義無並行  
之理在此時期倡導和平力排黎氏是明明表示擁曹而予亂黨以構成賄選之機會其失策二若夫黎  
氏在滬雖不能有所舉動然有此行則其政治上之責任已盡綜其前後事實均足以告無罪於國民  
求仁得仁可止則止失策之責亦僅矣哉至當時一般論者謂黎之南下係爲政學會與其左右所誤又  
有謂安福派明知東南空氣不佳而故犧牲黎氏之一行以爲嘗試者吾書本旨歸宿正義雅不願以此

種陰幽之政幕貽來者以不良之教訓且吾人論斷既認爲時局關係與黎氏個人責任均不能不爲此行則凡事前委曲之謀與事後成敗之論自無縷述之必要故所紀者止於此焉

黎黃陂南下後之各方面

到滬之情形 上海各通信社公電云黎黃陂偕李印泉陳二庵於本月(九月)十日在吳淞鐵城丸上住宿十一日午刻抵虹口中外要人暨議員各團體代表前往歡迎者約五百餘人黎氏登岸略爲周旋後即挾陳乘汽車逕赴法界霞飛路陸榮廷故宅寓所何豐林派參謀長偕林建章暨副官多人歡迎黃陂並沿途代爲照料並商法捕房派幹探四名在黎寓四週巡邏同行者十一人云云

邀唐紹儀商組閣事 某通信員報告謂唐紹儀已允就總理閣員已決定不日可發表府院及衙門設在龍華(去上海約六里地)部署昨已成立黎氏到滬後當有發表數道命令並宣言書云

上海各方面之懷疑 滬上各方以黃陂來滬破壞江浙和平昨日昨滬上各界聯合會等昨致黃陂一電云天津黎宋卿先生鑒本日決議以公南來徒滋紛擾決拒絕請祭照全國各界聯合會中國勞工同盟會天職同志會工商友誼會江蘇公團聯合會江西自治同志會江蘇履業公會中華公會新安徽建設討論會同叩佳

齊雙元之電告 蘇督十一日亦有一不加評斷主張之電文到京其文云國務院鈞鑒黃陂突然到滬中外人民紛紛來署表示反對爨元真

北京之會議 政府擬於今日下午開閣議時對此提出討論大意以黃陂個人行動無關大計惟難保不受人挾制假借名義淆亂聽聞應請齊督飭屬隨員偵查電告又江浙和平協約既成立在前今後滬上若有政治行動應請向何豐林切實質問此電今日大約可以拍發云

浙盧之策略 據某方面消息此次黃陂赴滬不獨爲段派所利用爲先驅且屬浙盧滬何預定之一種計畫蓋自蘇浙聯約成立後盧何感受拘束知非根本破壞不足發展其勢力故一方秘密迎黎預備在

滬組織政府一方維繫南下議員不使回京湊成大選法數預料北方國會必至老開不成會至十月十日以後某方必將另出途徑犧牲國會然後再行招致議員南下在滬開會此爲浙方之一種策畫云

唐紹儀之態度□當黎氏尙未南下之時有人以之間唐少川唐謂如黃陂以個人資格來滬則頗表同情如用總統名義則殊非所宜良以歐美各國卸職總統之赴各地游歷者經見不鮮故黃陂此次來滬如以一公民資格與各方共商國是或與各團體及個人從事酬酢均無不可若抱與直派作最後奮鬥之目的而爲其個人爭總統於國家前途毫無裨益則未敢贊同云但黎氏往日爲人似頗怯弱此次毅然南下或將與直派作最後之奮鬪尊意云何唐又答奮鬪固爲美名但當爲國家而不可爲個人如黃陂來滬將爲國家而有所振作自能得各方之同情如僅爲總統而奮鬪則殊非余所敢贊同云云又詢黃陂來滬之前途形勢如何唐又答時局變化瞬息莫測將來成何局面非余所敢知云云

江浙之輿論□留滬江浙兩省人士均不以黎之南下爲然且有表示嚴厲反對者因江浙兩省和約甫告成立和約中有兩省爲互相維持治安計不得有軌外政治活動乃擁戴任何方面以破壞和平之規定認黎南下不啻爲兩省治安之導火線故當即推舉代表數人分赴寧杭謁見齊盧表明兩省治安之重要不宜留黎以破壞兩省和局云同時淞滬何護軍使曾電致盧督請示對待復電內容大致謂黎氏如以私人資格南下旅行不妨援照某要人從前來滬先例對黎氏個人予以保護如以總統資格到滬活動則爲江浙兩省前途治安計當然予以否認此電發出後聞蘇齊方面頗爲諒解故黎氏之南下在江浙兩省治安本已不成問題又據接近盧氏之某君所言黃陂受直系擁戴入京復職之際浙江當局即以法律上缺乏根據爲言祇承認其爲事實上之總統此次到滬如果組織政府其行動已不免軼出常軌當然予以否認依此論斷黎氏之到滬與否實與浙江無關其理至明詎意黃陂到滬未幾蘇滬兩地各公團頓形惶惑且於浙江當局對黎到滬後所持之態度尤一致懷疑先後來電探詢事爲盧氏所聞因召集軍政商各界要人到署公開會議結果認定黎氏以私人資格到滬旅行浙江當以不歡迎不

反對之態度對待黎氏於江浙和平公約第二條所載不相觸觸會將議決情形電致滬何接洽文日杭總商會接據南京商會來電要求杭總商會就近晉謁督座表示對黎態度當由正會長金白順副會長王竹齋同時入謁據聞盧督答詞大致謂黎氏現為滬上萬公浙江所處之地位迎拒兩非當惟有任其自然使之自覺本人仍抱定保境安民之旨力謀江浙治安聞商會兩會長即依據盧督談話電復南京商會茲將來往電文錄下

南京總商會來電 前因蘇浙有不安消息曾由上海總商會召集貴會暨敵會等集議消弭方法當經決定由貴敵兩會分向兩省軍事當局設法勸止嗣以士紳協助公約告成兩省人民方幸中樞政潮不至牽及江浙矣昨聞黃陂南下已抵滬濱有無政治行爲原不敢必第目標所在難保不有人傀儡此公以爲挑撥政潮之用果爾則和平公約將成具文而兩省戰爭仍不能免全國文化中心經濟中心之江浙設因此而蹈糜爛之禍能不痛心敵會有怵於斯不忍緘默昨已電請上海總商會就近告忠黃陂勿爲足以引起軍事行動之政治運動一面向本省軍事當局嚴切勸告不得以此爲藉口而有所動作並希望貴會向貴省軍事當局作同一之獻替以期消弭此未來之浩劫蓋中樞政變無論鬧至如何地步而江浙兩省總須設法使之不陷入漩渦則一片乾淨土庶或可以保全也

杭州總商會復電 文電敬悉浙省軍事當局對於黃陂蒞滬認爲個人行動至於總統問題當去歲北方擁之人京時卽未承認其爲法律上之總統豈有被逼下野反而擁戴之理盧公督浙數年對國家但知遵守法律對地方抱定保境安民公約成立此志益堅全浙人士不獨愛戴至深亦且信仰至重我輩在商言商所希冀者安民樂業其他政爭不敢預聞且江浙和平原爲滬寧杭各商會所首倡但此瞬息千變之時仍望勿怠厥志貫澈主張則鋒鏑之禍當可倖免特此電覆諸維亮察

黎黃陂抵滬後之各方情勢

黎氏此次南下究用何種名義頗堪注意其部下及政學系固欲用大總統三字竊號自娛然中外人士

多不贊成據上海電訊十二日旅滬議員開談話者黎氏本擬赴會李根源以大總統在國會旁聽無此先例且總統問題未解決以前恐被民黨議員詰難遂而中止又聞議員談話會之結果張繼演說始終否認黎氏總統資格指爲被政學系包圍並定十四日午刻民黨議員全體假淞半園宴客表示反對黎氏來滬

又聞十二日午刻黃陂曾在寓院宴各省代表演說擬在滬組織政府以唐紹儀爲內閣總理兼外長褚輔成內長章士釗內長李根源農長浙盧代表鄧漢祥答辭茲事體大應電各省長官請示奉張代表楊毓珣演說承認黃陂以私人資格爲救國運動其他非所敢聞來賓大鼓掌云

又黎元洪抵滬而後上海各方力爲反對齊燮元已有真電報告昨日齊氏又致政府一電略謂黃陂到滬初擬寓居哈同花園嗣以該園地屬英租界英國領事以黎氏至滬不免帶有政治性質目下江浙兩省和平公約甫經成立規定於兩省地土之內不准有政治之行動故傳知哈同不准將房屋租與黃陂居住以免妨碍租界治安故黃陂抵滬以後改寓法租界之陸榮廷故宅請與法使交涉提出抗議云昨日閣議席上因之提出討論僉以黃陂如以個人資格赴滬遊歷不含政治意味自無關大局若以外人爲護符在上海爲政治的活動則於中國治安極有影響故決定由外顧將此意向法使口頭聲明並請電令上海法領事注意云云

### 紀黃陂到滬之詳細情形

訪問各政客（黎黃陂於十一日上午十二時乘長府丸到滬船至吳淞口半途適金永炎派輪到（何使所派兵輪未接到）遂過船同行者陳宦外二人在船居一極小房間患脚疾故二醫陪來在津未起身前只有李根源饒漢祥知之即家人亦不知李於十號乘三等輪到饒則准於明日來黎過小輪後在法界碼頭上岸改座汽車直至杜美路二十六號陸榮廷故宅門前置有巡捕多人以資保護黎入宅稍休息即乘汽車訪唐少川李烈鈞章太炎等旋與章太炎同乘回廬此時政治重要人物褚輔成姚國楨

章行嚴王有蘭劉楚湘郭白初劉禹生鄭萬瞻許世英曾雲沛及各派代表均到午餐後少川烈鈞西林亦均來同在樓上開會共商對時局解決辦法

接見新聞家口時中外新聞記者二十餘人又來請見初辭改期繼即出見美報駐滬記者芳蘭及泰晤士報記者某君面叩黎到滬之目的黎謂本人在國會未解釋任期以前當然有總統之地位予在京不能行使職權是以到津今天津復在暴力之下遂不能不來滬此地爲輿論中心且爲政治策源地故予來徵求各方同意以共謀解決國是辦法問總統對解決國是之方針若何答予主和平統一極反對武力予欲以和平方法不拘成見來救國希望方深喻此旨以共同救國問和平統一在事實上爲不可能恐南北部戰爭無法收拾將奈何答汝歷年南北戰爭之經過無非爲綱紀廢弛破壞法律倫能共守法律尊重綱紀則禍亂自少予之來滬願從根本上立論使一般人皆知綱紀之須重與法律之須共守也且予前既言之對解決國是極無成見倘有人能整頓綱紀遵守法律者則予願聽命即不拘個人之見凡事聽國人來解決是也問外傳曹吳將分家馮玉祥齊燮元吳佩孚三人聯合擁戴段祺瑞之內容若何答芝泉爲人正直早爲國人所諒馮等是否有此結合尙未能知而曹吳分家一層或係時局所常有然予對各方面毫不加厚薄感情倘曹等能尊重法律整飭綱紀予願邀彼等參與會議極不願外間有反直派之名詞更不願有拆台之聲浪蓋予之行動完全爲國非爲個人也此點請中外新聞記者注意問聞明日北京將開總統選舉會倘將竟選出將奈何答此點予可不問予只問予之任期究竟作何解釋津滬議員既如此其多北京自不足法數倘冒名替代選出總統自有國有會人來不承認予大可不問也嗣東方通信社京津駐滬及本埠各記者相間發問黎一一答之如前而散

致國會與孫中山之電

又黎氏抵滬而後即發出二通電一致參衆兩院及各省長官與各團體一致廣東孫中山茲覺得其原文如下

致國會真電口參衆兩院各省軍民長官省議會商會各法團各報館均鑒元洪忝受國民付託待罪公僕德薄能鮮致有六月十三日之禍惟念紀綱不可以不立責任不可以不盡業於九月十一日到滬勉從國人之後力圖靖獻謹此奉聞黎元洪真

致孫中山電口廣州孫大元帥鑒元洪忝受國民付託待罪公僕德薄能鮮致有六月十三日之禍惟念紀綱不可以不立責任不可以不盡業於九月十一日到滬勉從國人之後力圖靖獻我公昔在清季與元洪共開草昧丁茲喪亂休戚與同惟望共伸大義解決時局海天南望佇候教言元洪真

擬設辦公處口又黎氏現住陸榮廷故宅刻正與各方力事接洽一俟意見融洽即將在華界覓相當地點爲辦公之處而目下隨黎氏辦公者因饒漢祥故暫由章太炎章士釗及褚輔成三人主持一切文稿惟各方對之頗持冷淡非笑之態度即盧永祥與何豐林之態度現亦暫見明瞭盧氏日前已有以個人資格歡迎黎氏之聲明而何豐林答覆議員函則謂不容上海有政府等類似之政治組織故盧氏何氏之歡迎黎氏並非以其有總統資格乃以地主之關係故黎氏抵滬而後雖自爲張大之辭其實毫無發展云

蘇齊之態度口南京快訊黎元洪抵滬後人心大爲震動各界人世紛紛開會擬通電反對齊督近聞黎氏將在滬組織聯合政府除急電京保洛磋商應付辦法外並電話上海護軍使何豐林何以破壞公約又電詢主持公約之張一麐氏問其有無救濟辦法此外則蘇省與浙江交界之處一律增加防兵加緊戒嚴而以崑山等地劃爲特別警戒區域並急電調往淮北剿匪之陳調元氏迅率剿匪之五旅軍隊全部回徐屯駐以防時局變化連日派出高等偵探多人赴滬密查黎氏到滬後之計畫云

上海各方面對黎之態度

黎氏之行動口黃陂抵滬連日會議活動日昨黎面諭李根源金永炎等着手組織正式政府一方分派部下向民黨與各團體暨名流疏通意見但各方面均非正式表示極端反對又聞黎黃陂接見各方代



表黎演說後汪精衛謂余係中山代表但代表權限不能決定此議請俟電粵請示後再爲答復云云又聞饒漢祥十四日業已抵滬云

又黃陂到滬極力與各方聯絡前日在其私宅大宴西南各省代表到者計二十餘人席間黎氏略述此次南下宗旨係專拆北京之台並謂目下最要者在組織政府以號召一切希望各省與贊成而各省代表之答辭則極巧妙略謂各省對公個人皆極佩服惟去年直係之擁公上台各省所以不贊成者以於法律上根據所見不同今公跋涉南來足見公之爲國勞苦至於組織政府則事關重大各代表事前毫無所聞自應慎重考慮並各電本省討論可否再行奉覆云云

張謇之文電聞張季直日昨致電韓省長電云南京省公署紫公鑒真電敬悉此次以赴治江會及送兒子行昨午到滬適聞黃陂以個人名義昨晚亦至江浙和平公約墨尚未乾汗無可反響之私願且冀全國之消兵寧忍江浙之兆釁至外交關係之重又一義也明晨當本斯旨往晤正言以忠告之謇文使署之布告曰淞滬護軍使何豐林發出佈告云爲佈告事照得近來時局不靖謠諑繁興滬上爲華洋薈萃之區中外觀瞻所繫本使負有地方責任早經迭次宣言抱定保境安民宗旨始終不渝所冀閭閻安堵七粵七驚川慰中外商民之喁望誠恐流言傳播搖惑人心市虎杯弓爲患滋大用再剴切佈告俾衆週知倘有破壞治安擾亂秩序之行爲無論何人概予拿辦本使爲維持地方安寧計決不能稍示姑容仰商民人等各安生業勿得輕聽謠言自相驚擾切切此佈

法領之表示口上海十三日電云法領事已非正式向黃陂表示如以私人資格在法租界居住至爲歡迎如有政治行動關係國交將以相當方法制止云云

各方面對黎南下之意見

黎元洪此次到滬欲爲政治活動大爲各方所反對此種情形迭經刊報茲續誌其最近之情形如下

(一)黎與張季直之談話

黎氏到滬分訪各要人前曾派員約期與張季直氏會語張於十三日早與黎氏晤談張云公這幾年非獨辛苦可念抑覺痛苦否我初一十一時到滬夜即聞有公來之說度無此事因無必乘之事實也次晨見許交涉員言公來並云適從公處來乃信許於謁公之先探詢各方意思一方詢各方領事一方詢護軍使一方詢察商界之情狀其言想已悉達實是實情憶自壬子相識至今已十二年不可謂不久但初識時即知公爲十分忠厚人故衆欲利用之利用者衆公乃受忠厚之苦今被人逼迫下臺未嘗非忠厚之美報此來有無意思黎云以個人名義出來張云如此甚好從前被逼情形國人皆有爲公惋惜不平之意因無論爲法律總統無論爲事實總統就見熟人亦不應爲惡劇無禮之舉動我極願公永留此國人惋惜不平之意勿因此來而消損之江浙和平公約未定久而昨聞公來銀行大衆即開會討論應付保持方法可見江浙人之愛和平而怕生事黎云我來第一決不破壞和平公約第二並且無報復之意張云如此即甚好請更爲公補充一意願公以冷靜自處謝絕賓客所謂賓客於公並無有並之處見人多則利用多恐徒爲各方作導火綫實大損於公也黎云甚感好意請以今日所談轉告熟人俾知來南之意張云必爲言之

(一) 盧齊何之表示一致

江蘇齊督因各方對於黃陂南下頗多懷疑且影響江浙和平公約甚大會屬張孝若到滬與何使商詢一切張十三日午到滬即赴龍華何即出示與杭甯二方往來各電第一對於黃陂個人當然保護第二對於政治活動絕對阻止第三對於江浙公約絕對遵守以上三端盧齊何三方均表示一致觀此則黃陂之來於江浙大局決無絲毫影響矣

(二) 奉張對黃陂之意見

據瀋陽來京某要人云奉張對於黎氏南下招集緊要會議討論應付與黎接洽方法張主持黎若在滬組織政府實恐與西南意見衝突致碍孫文一切進行故對此極爲不贊成遂表決急電駐滬代表否認

組織行政委員會或黎履行總統職權應向各方面表示此項意見請黃陂速與民黨疏通合作俾謀政局發展云

(四)唐紹儀之時局談話

上海十四日東方電唐紹儀本日向東方通信記者語以此次日本震災衷心不勝同情當此混亂之際日本政府並一般國民對於中國罹災民亦與本國民同樣救濟實深感謝最後就中國時局問題所語之大要如下黎氏此次南下計畫在上海組織新政府在予個人並無何等異見又國民黨縱有一部分反對然在黨之全體亦非必不與贊成予對於黎氏勸告其寧拋棄此種計畫另講求善後策之爲愈中國現狀總統制度全不適當政府如仍照從來代表一部國民必無善果應有以取代表國民全體之政體其無視國民由一部政治家擁立之政府由其無視國民自無政府之價值中國時局救濟策之第一步在以全國統一爲先決問題應先由各省督軍或其代表集會選舉議長代替大總統設立類似瑞西聯邦制度之共和制此種計畫已有過半數地方當局之贊同早晚必見實現云云

黎氏暫取旁觀態度

上海十四日東方電黎元洪南下後當地政客有段祺瑞總理說又有唐紹儀總理說惟孫派以唐紹儀組閣必實行行政委員制故寧歡迎段氏而黎之總統因各方面不甚歡迎聞經決定暫取觀望形勢之態度云

黎氏在滬之近況

黎氏到滬之初因各方互有隔閡一時詠謠頗盛地方當局未便前往周旋日來黎氏態度冷靜組織政府之說已歸消滅何護軍使特於十九日派介弟鋒鈺君往訪黃陂代候起居聞黎對何君表示此來純出自動欲盡各人責任對於地方官爲難情形完全諒解對於何使慰問之意甚爲感謝云又聞浙江盧督辦亦派軍務廳長范統靈君到滬代表向黃陂道候黎亦甚表滿意范君已返杭復命黎宅日來除章

太炎唐少川等三數人常往晤談外生客多不接見中外新聞記者之訪問亦均謝絕聞黎氏自謂欲言之事業已發表無遺生性挫於辭令多言恐易滋誤會云又據接近黎之某君語人黃陂在滬亦不能久留或將出洋游歷亦未可知云又一消息黎元洪來滬後名流政客紛紛往謁每日自晨至暮絡繹不絕茲悉黎氏於昨日起特規定見客時間爲上午九時起至十二時下午二時至四時過時均各擋駕又據黎氏親信者云黎氏每日清晨六時起身在花園內（即杜美路第二十六號廬所）研究拳術一小時畢即進西點午晚兩餐亦均川西餐暇時與左右閑談爲研究礦學與實業並不提及政治日常態度亦殊閑逸云

又浙滬當局因不贊成在滬成立政府之故未便與黎親近現以開府之議打消乃各派代表與黎作個人交誼之周旋聞黎以久住海上諸多不便又不欲遽行返津示人弱點確有赴美國游歷之意不久當可表現若夫西南各省對於大局本預有計畫原與黎之南下與否無關今仍在分頭奮鬪之中也

### 大孫派拒黎

黎元洪南下後孫文方面對之何如頗堪注意據香港電訊帥府會議對黎南下討論甚詳以黎無切實解決時局法方徒供政學等系玩弄此後黎態度及活動如何無關救國大計吾人惟有努力貫徹主張云

### 某報對於黎氏來滬以後之評論

某報社論云黎黃陂到滬後發出電報二通一爲通電一致中山電文甚簡單大意先自引咎而歸結於追隨國人力圖靖獻其最主要之二語則所謂紀綱不可不立責任不可不盡也由此二語可以窺見黎氏之立足點而同時黎又傳對人言主張和平解決不欲輕用武力此與滯留天津大發討賊命令時遽進行大選之際遽發此論尤足使對方快心此種論調之由來大抵皆由般人對黎氏地位之解釋自始即不免錯誤依吾人所見黎氏之地位本不過一暫行總統去年入京後曾自己明白宣言文電具在萬

難抹却故一年以來之所謂任期解釋論毫無合理之根據徒爲黎府政客與曹家臣僕交互組織而成之一種作用蓋前者之意欲輕輕悔却暫行二字而後者之意則欲令其早日走路俾國會得趕辦大選也若以吾人所見則去年入京之一段事實除使之暫行總統職權外斷不能別有解釋而其暫行總統之地位則決非馮玉祥等受曹錕指使所能揮之使去亦非兩院非法會合會所能議決而取銷之此義既明則黎之地位自使至終爲一暫行總統不因六月十三之變而有所減損亦不能因張耀曾等之曲解任期而有所增益今後黎氏之行動如何不可知然國人對其現在地位則不可不有確當之認識也黎氏至滬以後居然知紀綱不可不立責任不可不盡由其在津數十日間遲迴瞻顧之態度觀之即此二語已足差強人意雖然黎氏知有紀綱亦知紀綱之果爲何物乎知有責任亦知責任之當作何解乎吾人敢就此二語對黎氏效下列之忠告

其一吾土之所謂紀綱含義甚泛舉凡合理的政制禮俗行爲標準皆得紀綱二字詰之而其主要成分則道是也吾土之所謂道德又以克己奉公爲最高標準由黎之素行觀之所短在無勇氣無定識而差能不貪不競然則去年入京以來受其同鄉與幕府之包圍行事與言論常現相違之點其翻悔暫行總統之宣言即公平之國人所最望者也此來滬上畢境將爲奮鬥之徑路與方式將以有利於國爲標準乎抑以個人之名位於便利爲標準乎黎氏能否確認紀綱之重要將於此點覘之

其二黎氏知有責任吾人卽與之談責任責任云何以吾儕所見六月十三日之政變即黎氏所自造成者也黎氏去年初入京師之態度如何既入京以後之態度如何裁兵未減一卒廢督徒有具文邀各方會議之未成而討伐之令遽下謀制止混戰之未能而徒作一系之傀儡黎側政客固未嘗不知曹黨大選運動之急進而以爲彼欲進行選舉總須拱衛北京維持一多少像樣之局面黎氏即可於其間暫延喘息此實黎派之錯誤而政變所由造成也紀綱何由而驟責任當有所歸故黎氏今日不僅口頭引咎可以了事而對其自己造成之政變當以奮勇不顧之精神收拾之使復原狀必如此始可以談責任至

於向來倡澈底改革之論者而亦牽引江浙和平公約（避免政治行動）之條文以箝動無識之人士此則吳佩孚走卒之始願所不及料而齊燮元亦將大驚失色謂何來此意外之同調其願下筆之際稍稍出以審慎也

### 記黎黃陂態度之冷靜

滬函云黎黃陂來滬後因各方事先接洽未臻妥洽故將原定計畫改更已有避去法律上問題而以個人資格從事活動之趨向本欲發表一種宣言委述本身出處意旨昨聞尙擬少待再行決定發表與否是其態度益趨消極矣惟黃陂在津僚佐日來尙有陸續至滬者除饒漢祥外李欽亦已來滬其左右之一部分人對於上海社會各方面仍在力圖接洽之中

法租界社美路二十六號黎元洪氏寓所昨日有章太炎李根源林建章鄧漢祥等十餘人親往晉謁外其他如中西各報記者密勒報主筆美人鮑惠爾東方通信社記者櫻井重義申報記者康通一等多人惟密勒主筆鮑氏往訪時因無譯員本擬攜駕適申報記者康君在彼故代爲翻譯云

黎氏抵滬後之消息種種

東方通信社專電云黎總統於十號夜乘長府丸至吳淞十一日正午上陸住陸榮廷公館卽與唐紹儀章炳麟李根源李烈鈞岑春煊等重要人物協議對付時局方策會議後接見東方通信社上海特派員當時黎總統之談話大要如左

- （一）予（黎總統自稱）七日晚單身乘長府丸南下予之目的深望以平和方法解決時局且願以平和相終始因上海係重要人物之會集地進行上非常便利本日曾與各派領袖交換意見大約無甚問題
- （二）究應用如何方法以收拾今後時局非會議終了後實難言明然無論如何當以法律解決之
- （三）聞北京國會定於十二日開總統選舉會果得成立與否實屬疑問假令選舉成功此不合法律之舉動毫無效果也

(四)予自信依據法律尙在中華大總統任中

(五)上海正式政府如何組織尙未決定但已得奉派段派民黨各方瞭解日內必有具體的辦法實行時總理一席予意以唐紹儀爲最適當予平素最主以平和解決時局如各方面果能舍去暴力陰謀予決不問直派與非直派當以共籌平和統一策完成此大業予日望之

又電云黎總統於十一日夜與各派領袖會議之後即發通電參衆兩院各省軍民長官等其大旨全在維持綱紀十一日親來上海當爲國會奔走同時電告孫文請其共爲正義解決時局云云

又電云十一夜會議組織上海政府總理似已得唐紹儀承諾其餘閣員與各方面慎重意志疏通之後再發表云

黎黃陂抵滬後之大選問題

久經喧傳之黃陂南下消息迄今始見實觀則其此行自必已得各方面之諒解目下所最可注意者卽爲黎氏抵滬後之行動耳聞黎氏臨行時曾有某君詢其赴滬目的黎僅答勘亂討賊四字語雖單簡但其意則可知矣外傳黎將在滬組織政府之說似頗可靠但恐時機尙早也

自黃陂南下消息傳到保定後曹錕最初尙不相信及接王承斌電報後始知確實頗爲焦急當卽致電籌備大選諸公商酌對付辦法據某方面傳出消息云曹現已派人赴滬偵察黎之行動並決定照常進行大選如明日選舉會不能成立擬卽自行統兵入京執行總統職權一說將以武力要求選舉是否可靠尙待證實云

黎黃陂抵滬後之聲明

上海快信云黎黃陂來滬後頗引起中外人士之注意昨日有人訪問黎氏謂自北京政變以來守正議員紛紛南下自身若不來滬殊覺無以對人今既來上海則責任盡已今後儘可回我自由至於此次之來純出自動以後對於國事之辦法則係國人共負之責自身惟翼作一過渡之橋及結束本身未了之

案而已黎氏又謂抱定宗旨力圖和平凡破壞秩序擾亂和平均非本人身分所應出亦絕對無此思想至於大局壞至如此則破法亂紀之主名國人固無不知之區區之意惟欲從國人之後樹立綱紀初非有報復仇讐之心云

黎黃陂最近之表示

黎黃陂抵滬後中外記者往訪甚衆黎均一一接見日前上海泰晤士報訪員與中報記者先後趨謁黎所表示者兩報均有記載但略有出入茲特並錄於左以見黃陂抵滬後之真實態度也上海泰晤士云泰晤士報訪員日前曾謁見黎元洪蓋前數日中事勢之轉移使黎氏所言頗見重要以黎氏之地位吾人多以爲不復可保而其所取之途徑爲上海有勢力之非政界份子所反對諒亦未必能收效也黎氏語訪員曰直接反對余之聲浪由某團體所發出該團體乃爲鼓吹此種聲浪取媚其主而組織者也此輩皆公論之惡狗不憚狂噬公衆惟余則不以爲之遲慮余知中國全體開通之人皆贊助余蓋余之企圖乃和平統一整飭紀綱及維持憲法的政府也中國必須有法律當北方武人組織政府時不復注意於憲法之准則致全國擾亂不寧使全世界之尊敬日益喪失余日來經營之進步已鼓起堅持勿餒之心孫中山於某種程度下確不認余總統地位而不允贊助惟孫苟欲求總統與余地余相抵觸則余爲法律上之總統較其優勢倘孫願與余合作則余願引以相助而孫氏亦決不能無立無援但孫或不允合作則亦不足以阻余實際已得反直各派之贊助也泰晤士報按今之時局擊於曹錕在京之行動當黎總統未來滬時曹錕所集得之議員已滿法定人數預備舉曹爲總統而可得五百票之多數迨衆聞黎已由津至滬消息局勢頻變當日豫選會觀法定人數約少百人且擾攘而散此亦可觀黎來滬之關係矣黎嘗聲明其阻撓政策卽利用其政府與曹氏爲抵是彼之來滬動欲與政治領袖協力進行此事也黎之言曰余誓擬定另組政府之計畫但實行與否全視曹氏行動爲轉移如曹氏堅欲攘奪總統位則余卽將組織政府如曹放棄其計畫則余之計畫亦將作罷黎又言張作霖段祺瑞陳炯明趙恒惕劉



顯世唐繼堯熊克武皆願爲之援惟諸事皆視北京之行動而定至於江浙人民無庸鯁鯁過慮彼之來滬乃因滬上地方適宜及盧永祥何豐林皆能予以保護之故黎又否認離津之前誤察滬地局勢及爲左右所絀諸說彼之來滬乃出自動蓋知滬地爲誠正輿論之中心點及義不能不作此行也訪員詢以與孫中山之關係黎謂國民黨全體除十四人外均贊助之此十四人徘徊於孫黎之間猶豫不決云黎末又聲明目下決不離滬云

又上海申報云外傳黃陂日來復有山消極而變爲積極之趨向本報記者昨日下午特行往訪叩其真相茲以記者與黎氏之問答詳述如下(問)近傳閣下將有貫澈裁兵廢督之宣言書發表未知此項宣言書已否草就將於何日發表(答)很有人希望余有此舉惟余以爲余此番來滬已惹起許多誤解若再有所表示恐泥脚愈踏愈深反對者將疑余向前又進一步而誤會益深矣故余主張此項宣言暫不發表凡事終求大多數民意公決可也(問)然紀綱終須整飭法律終須維持也(答)此固當然(問)然則若何做去(答)余個人毫無成見請多數主張可也(問)由前日某西報記者與閣下之談話觀之似閣下仍難以愜然而思有所作爲也(答)余日前與某報記者之談話極爲簡短昨讀各報所載譯文深爲詫異蓋余之談話中爲其大加辣椒形同挑撥恐係傳譯者多所舛誤實爲遺憾在余心目中無所謂(反直)二字以直省人民而言余甚愛之以世所傳直派而言中亦不乏明達之士素爲余所欽佩余頗不滿於首領及其部下少數人之不法舉動固屬事實然彼等如能憤然覺悟恪守法律以謀國是則余前已向君言之未嘗不可捐前嫌而與合作也至余與中山有爭勝意更屬無稽彼與余爲武昌首難之人向無隔閡彼現在護法余與之謀互相提攜之不暇安有與之抗爭之理至言余與曹錕爭總統亦屬不倫余不是沒有做過總統的人凡是均受法律裁判何爭之有那天談話爲譯者所傳誤而該記者不明余之地位漫爲加減遂大失其真相憾甚(問)聞閣下有海外之行確否(答)余蓄此意已有年不自今日始惟一種意念耳(問)擬久留上海否(答)那也說不定高興多住幾時現在不過問政治覺得很

自由也云云歷談半時許記者作別而出  
紀各團體及各通信社主持公論之函電

公平通信社云自黃陂來滬各團體紛紛阻止活動昨有浙民自決會等團體發出通電云上海各報館轉全國國民公鑒六月十三日之政變非黃陂個人受辱問題乃國民附麗法權所選舉之大總統被人蹂躪問題易言之即武人破壞大法之問題耳國人如謂形成中華民國之約法尙須尊重則破壞約法之罪魁曹錕首宜誅討毫無疑義藉曰不然前次討袁護法兩役國人流血無算豈非等諸兒戲此義先決始可討論黃陂來滬國民對之應否迎拒之問題焉近見滬上少數各團體或個人對於黃陂來滬藉蘇浙和平或宣言暗搆或拍電明拒是鉅奸大賊不妨曲予優容而蒙塵元首竟亦視同禍水甚至法律賦予個人之居住自由權亦可任情剝奪如此顛倒是非公理何在諸君須知蘇浙和平固當保守而國民人格宜稍兼顧實况蘇浙和平公約之起源在兩省當道所抱政治見解之不同復於黃陂何與萬事不察端末所在祇求諸表相而欲以此衡從事國家政治澄清之運動適見南轅北轍滋長變亂而已率直陳詞諸希鑒察旅滬浙民自決會浙江駐滬勞工總會上海國民外交後援會蘇民促進制憲會等叩

刪

工商友誼會函云宋卿先生鈞鑒自公蒞滬滬上空氣大爲變動商學各界咸遑遑以爲若大亂之將至推其所以無非由在滬組織政府之說有以致之耳不然公以個人名義蒞止中江則南中人士何反對之有敵會同人惟以愛公之深不覺責公之切請公從速發表宣言俾明真相否則因循不決坐誤時機則敵會亦必聯絡各公團以對付曹錕者對付公者也(中略)惟公三致意焉工商友誼會叩

李全章致黎總統函

宋卿先生左右章青年勞工也敢談政耶第不平者鳴母能止之姑縱其狂上書章公以其爲當代師表或能爲後生小子導也既不得進轉謀於申新二報以其爲滬地有力之輿論足以表民意也而終不佈

心抑鬱若失更相奉告焉非爲取媚抑有求天下人之盲失其明已久是非莫定誠堪憂耳謹如其書曰中國民族心理於歷史上有一特顯之弱性即以成敗評人格所謂成王敗賊是也夫竊鉤者賊竊國者侯自古已然於今爲甚耳民國締成中山舉國尊爲元勳及其亡命通國貶之曰彼奸亂者耳黃陂再任總統江浙人未或否之比者奔亂來滬皆非難之曰彼竊位者耳嗚呼何其毀譽之不相若無他成敗異時耳攀龍乃附鳳落井便下名危其詞曰黃陂江浙之導火線也惴惴然恐其一至便見炮烟使弭兵會喪其功祈禱會失其效夫亦不思之甚矣以今日軍閥淫威若戰豈無槍緝級集合之弭兵會所能全其功荒唐無稽宗教之祈禱會所收其功效果不戰又豈乎無椎雞之力如黃陂所能揮而使之也吾固不幸江浙之不戰而幸其戰吾浙人也寧非病狂奚欲令其父母墳墓受兵馬踐踏竊嘗思之人生宇宙間壽不滿百歲身不及七尺以言短命如朝露以言微小如蜉蝣終日爭名逐利於夜深人靜私自付度太覺無味朱門白屋富貴貧賤真不免於死故苟得可死之時毋不旋死而死於牀上婦女子之手爲可慚焉去吾而可以佑吾家福吾鄉吾無日無地不死也舍吾有可以利吾國澤世界吾無時無地不死也今夫曹逆叛國中原沸湯國無寧日民不安枕果若浙之當道能奮一省之師破釜沈舟爲民除暴爲國戡亂則吾且被髮纓冠以從之惟恐其後江浙人亦將樹竿執杖以共起乎而何其怕死之甚也夫當袁氏僭號蔡鐸首義於滇滇人且歡迎之不咎其擾滇江浙自名文化最高之區其不及滇實遠兮曹賊禍國甚於袁氏有能誅而討之者不可謂非有血氣之志士黃陂果有毅力掃淨妖氣吾人助不暇曷摧之兮中山用力於粵無能問中原事若奉張若浙廬途同道寧有濟耶黃陂雖無實力尙足號招今不幸又致命傷於江浙人矣而今之曹黨可以爲所欲爲嗚呼其誰使然歟吾不禁長慟是以言之若是其沈痛耳章不文不能盡其詞願公體其意請以敗爲成能以一人可爲百人千人乃至百億萬人所犧牲又何辭而不樂爲哉幸其圖之

上海大華總社之公電

全國各公團各使館各省區軍民長官均鑒國家多故怪醜百出人民盲從莫知所屆自黃陂南下人多杯蛇之懼黠者倡破壞和平之志詞陰售其附遂之志父老不羣起和之可駭孰甚夫所謂和平豈江浙所獨宜全國全世界何莫不同具此望中華民國之土地不止江浙宜避禍他省不宜避禍國且亡種且滅江浙將焉附人不務遠大而徒爲坐井之見執坐相欺其誰信之况黃陂老人奔走津滬無一縣土無一伍兵安見其破壞和平之端遂謂組織政府即足以召兵戎是必中國無政府而後可此其說之荒謬莫可窮詰平心而論黃陂自首義武昌以致被劫車站其間出處昭然在人耳目繼謂無功亦可無罪即今跋涉遠道不辭勞瘁試問其名利之謂何今國人以其無項城之驕橫紹軒之凶暴羣起而欺其仁厚是便天下後世勇於內盜而戒於爲善也我國民之宜出手在軍閥之行如虎狼心如蛇蝎造此危詞初不足責獨惜我國民身爲主人不鑑別其利害是非而畏於聲勢以附和乘數千年之奴隸習性一任盜匪式之長官包辦分贓於是誠亡國之本矣爲國民計黃陂既南來省視無論有無政治之舉當促名流與謀國是此在美邦已有先例北方軍人倘已悔悟不問黨系之誰屬未始不可合作此則國民今日之責國民當重法不當重威當謀全國之和平不當圖江浙之頑見本社以提倡學術輔導庶民政治爲職志目擊時艱不忍緘默迫切陳詞伏希公鑒

### 上海民生協會之公電

廣州孫大元帥天津段合肥先生上海黎黃陂先生唐少川先生岑西林先生奉天張總司令杭州盧督辦雲南省長貴陽唐督辦衡山譚總司令海軍林司令各省議會各報館各團體國會移滬辦事處均鑒六月十三日政變而後國陷坵墟滯京議員權門走卒咸孳孳以大選是務數月以來光怪陸離都門腥穢實已聞者掩耳言者蹙額姑不論曹氏平日功罪如何觀其軌法自便苞苴公進形同市販買賣之賄選豈能予吾人以承認如盧督辦感電所謂即令所舉者爲大聖大賢已足沾污國會騰笑中外而有餘况會選者爲全國唾棄之劣馴下乘乎國人燭奸鑑惡羣起嗚政宜矣特事彼輩利令智昏率意孤行人

言不足慎輿論不足畏掩盡天下志在必成雙節將屆時機已迫既非唇舌可以挽救更非函電所能收效若不急起圖維根本解決恐將長此混亂永蓋糾紛地方無清寧之望國勢有繫卵之危諸公或用開國元勳或係締造共和偉人或封疆所寄或民意所托觀此景象豈忍忘懷尚祈本愛國護法之初衷排除異見各本良心羣力組合共謀艱辛俾國家信用存一線生機使天下蒼生有所仰賴挈領振綱露在聲討所謂伸大義於天下者必先正名名正則詞順燕豫雖衆豈能敵天下億萬之心檄文所至其有不望風而來歸者歟敵會民生爲志豈預政聞惟感禍及眉睫正夫有費之義謹貢芻言願共起圖之民生協濟會上海總部叩陷

四川駐滬勞工總會總務委員楊草仙提出反對北京賄選案通電全國工民請大會公決書

工爲創造世界主人翁一人作工則生計安穩合全國之工則世界無敵近來世界交通益便競爭潮流日高我國破碎孱弱非工無建設辦法列強成績在非一人之私言黎與曹日享工人之大福不識工人爲何物總統爲黎爲曹於我國建設上毫無要領似毋庸議然工人既爲極重要之主人翁應作根底上最厲警之誥誠曹之逐黎櫻總統也非逐黎也黎常云有飯大家喫似與工人合作身分暗合不尙陰險忌殺人才不因借債營私賣國不執已見服從多數無論其事實總統法律總統能否行使職權之總統決非曹個人所能私逐而代之全國工人亟應於名義上一聲明我中華民國大總統黎元洪巍然在滬不特全國知之而北京賄選叛據之總統終無出現之日賄選必待雙十節而急進行謂黎任滿也設今曹與擁曹者稍安毋躁再用千萬人之臭金錢買劣猪仔議員豈不較易入手今乃挺惡走險我全國公民又急於應於事實上一致聲討六月十三日後雙十節前計一百十七日黎巍然在領土中北京僞攝政對內對外之行爲絕無承認之餘地以後叛據總統更無承認之可言矣尤可怪者政變突生全國而起反對曹以曹叛黎也今又有少數人反對黎或者明知國無二尊有黎則大選無名欲置黎於無何有之鄉助成賄選是直接擁曹之心腹也果出於有之非主人翁也若出於無知真可憐虫哉今爲惡劣之

猪仔行賄之曹逆告汝輩非叛黎實叛主人翁須知我四五萬萬之主人翁力量沉雄神聖威武決不容奸逆立足而全球外交上之觀聽又直以主人翁爲轉移也即令行通電外交一切權利義務惟工人能担任之萬勿承認叛逆彼特釜中之魚偷生轉瞬耳總之曹利於黎失蹤而任滿假借法律行叛逆吾主人翁則任黎在而任未滿堅持法律以征討雖中山以創造民國之首功及非常國會所舉之大總統現猶因恢復法統而僅稱護法大元帥豈容違法者以口舌爭哉吾全國人民爲個人爭公理即爲世界爭公理即爲世界千古爭公理工人者人人具神聖獨立之資格應出而爭之者也若曹黎總統問題固毫無關於工人之得失矣

### 民生協進會幹事黃維時電

上海杜美路二十六號黎宋卿先生鈞鑒頃接真電大駕蒞滬力圖靖獻迭聽之下快慰莫名惟年來國內糾紛愈難言狀所歷艱困公已備嘗揆厥原因大都由於顧曲求全及慕和平虛名之所至溯洄往事殊屬痛心我公此次南來諒必有所覺悟值此豺狼當道法紀凌夷民生倒懸之際務懇力求本辛亥革命之精神掃除目前禍國之亂賊毋姑息毋畏避興師問罪難緩與毀亂紀者必誅助桀爲虐者共殺大義當前公如不讓全國人民誓爲後援迫切陳詞不勝盼禱民生協進會總幹黃維時叩元

### 各團體歡迎黎大總統之公啟

大總統黎公武昌首義殊勳懋績其爲人公平正直慈祥惻素爲國人所稱道靡不具有愛戴之赤忱公於元年依據約法暨人民公意被選爲副總統殆至袁氏暴卒公又依法遞補大總統厥後督團叛區乃暫引避去歲六月十二日始得恢復繼位法統重光凡屬國人又靡不額首稱慶在當時有不憚者固已然認於前國會議員亦同時馳集北京重開會議論理反唇之謗何能再加於危迫之後落井投時對於平人且義所不爲况對於手造民國之元勳功蓋寰宇理宜有相當之愛敬設使辛亥革命公不出肩鉅任恐自今吾人尤處專制之不飲水思源更應追念平心而論民國之建設孫大元帥有提創之

功黎公有出肩鉅艱之功段合肥有贊成共和參戰扶持之功此三位元勳吾人均當崇拜之矧今夏六月十三日改變非常逆賊曹錕陰肆荼毒嗾使爪牙逼宮奪印極其弑父逐君之能事紀崩裂法律毀壞於斯已極國會觀茲逆跡昭著守正議員連袂南遷護法保節炳若日星大總統黎公因武力包圍不得已而移津毅然南下隨正義再移而至滬俾得從容計畫聽從國會正當解決且表示願隨國人正義之後其一種剛毅果決毀家紓難維持紀綱愛護國家之心殊令人欽崇愛戴不可名狀本團體等特發起歡迎大會表示擁護之誠倘其他團體崇拜正義欲加入者請於兩星期內具函加入共商進行一俟大會場及日期妥訂後再行登報披露此佈發起各團體簽名三民主義社工商友誼會民生協進會文華總社旅滬各省自治協會

潘大道移讓江浙人書

參議員潘大道昨日發表(移讓江浙人書)云當黃陂之被逐出京也江浙之輿情於全國最爲激昂街談巷議載指以曹錕及其黨者所在而有也報章十餘家連篇累牘揭載曹錕及其黨之罪狀惟恐後持重如上海總商會亦皇皇通電有所指摘且有民治委員會之組織焉參衆兩院之籍隸江浙者翻然南歸連翩載道吾人因之而有上海集會之舉遷延經月開會無成而北京大選之期迫在眉睫論者方責黃陂儉安津門不能奮鬪致國會亦受其影響無何黃陂薨然來矣江浙之輿論於全國又最爲激昂街談巷議載指以曹錕元洪及其黨者又所在而有也報章十數家又連篇累牘揭布黎元洪及其黨之罪狀惟恐後南京上海之商會電報日必數起持重如上海總商會則轉致其商人重利不敢與聞政治之新希望問其所以則曰(江浙爲全國商業之中心又其人素愛和平有利平公約在凡可以引起戰爭之政治運動皆非和平公約之所許)吾因之而有所不解焉自黃陂去年入都迄今年被逐之日除江浙之軍事長官個人而外江浙人之公意從未聞表示否認公私函電可以覆按故六月十三日政變之起江浙之人實以一國之總統被逐而憤慨之非以黎元洪個人被逐而憤慨之也夫當黃陂在京

及其被逐之時既承認其爲一國之元首矣及其被逐南來其總統之資格在國民黨可以不承認之以其自始未嘗承認也在曹錕及其黨可以不承認之以放逐之而復承認之狐狸狎於彼輩之論理爲不貫徹也至於江浙之人民則不得以此爲例朋友相與當其患難相投義不得以一身之利害而拒絕之何況代表一國之總統推江浙人之意但可以保全商業之中心雖亡於異族可也何也救亡之事本屬政治運動而不免有引起戰爭之危險也且政治運動固亦多端何者可以引起戰爭何者可以不引起戰爭原無一定之標準江浙不可以爲引起戰爭之政治運動他省可以爲之乎若各省皆不可爲則不如直截簡當曰凡屬中國之版圖皆不得爲政治運動以一涉政治運動皆有引起戰爭之可能性也若各省皆可爲獨商業中心之浙江不可爲則是江浙乃中國之驕子使人被其害而已獨蒙其利有是理哉嗚呼江浙人休矣號爲中國文化經濟之先進而不能自治其軍所謂商會教育會者一惟其軍閥之意旨是嚮而靦然曰代表民意和平公約云云特間接爲曹錕效力而已誠使各省皆如江浙人之所爲則被逐之總統待姦之國會皆無立足之餘地而曹錕可以爲所欲爲矣吾乃今知江浙人之巧妙也



六月廿三 中篇

一百六十六

六月十三 下編目錄

第一節 六月十三以後之賄選形勢

總論 袁家花園之最初會議 改選總統之提案名單 最高問題之波折 三十萬元之賄選  
預約券 王恒對於五百元節敬之抗議 賄選與逼選 吳佩孚銑電 吳之號電 王承斌之  
箇電 王懷慶等之促選電 包圍國會之未成 出京議員宣布逼選情形 六月二十日之兩  
院議員茶話會 公開之賄選運動 賄選籌備處之成立 中央公團之連日會議 賄選籌備  
處之內幕 王承斌承辦賄選之賣力 王家襄爲賣身者招待主顧 競賣中之賄選問題 速  
選中之各方形勢 吳景濂巧設騙局 北上議員自掩其醜之論調 張伯烈爭功促選之一封  
書 賄款之搜括 高凌霄等之搜羅賄款 京津公民之通電 鹽商不承認選費 揭破食鹽  
出口之黑幕 籌措賄款之計畫 旅京直人反對王承斌借稅充賄 出京議員致順直省議會  
公函 議員對於僞閣騙取盈餘之抗議 募集賄款之新騙局 鹽署促魯運使籌賄款電 江  
蘇教育會反對贊助選費電 議員致陳光遠王占元公函 議員爲過付賄款致各銀行公函  
保洛截留路款一千五百萬

第二節 賄選前後之政團

總論 六月十三以前之政黨 六月十三以後之政黨 六月二十一日各政團構成賄選罪案  
之協商會 黨略應付下之賄選情形 賄選告成以後之派別

第三節 賄選之經過

總論 九月十日之賄選預備會 預備會舞弊情形 張瑾雯李汝翼李兆年馮振驥劉景晨質  
問吳景濂因何冒名簽到 秘書孫曜通電吳景濂捏報人數 預備會之黑幕 出京議員宣布  
吳景濂違法舞弊之罪狀 出京議員否認北京國會開會 出京議員宣布預選會之不法 宣

布僞國務院蒸電請公討 孫耀之談話 預備會以後之雜訊 預會後賄選前之情形 延長  
任期案 十月一日至五日之賄選情形 賄選後之情形 選舉會之種種違法 邵瑞彭舉發  
賄選支票之通電 賄選支票 出京議員全體反對賄選電一 電二 電三 電四

第四節 賄選議員題名錄

總論 參議員賄犯人名單 衆議院賄犯人名單 參議院津滬領費回京賄選名單 衆議院  
津滬領費回京賄選名單

第五節 憲法賦穢史歟

總論 出京議員請停憲會之公函 曹銀聲明願守憲法電 曹銀以促憲爲促選之馬電 出  
京議員駁曹銀馬電 蔣智由駁曹電 蔣智由駁直系促憲電 呂復致曹銀函 高凌霨等保  
証完成憲法之公函 某報駁孫寶琦論承認憲法 湯漪致憲草委員會請南下制憲公函 林  
長民致國會同人論制憲意見書

第六節 曹銀小史

總論 曹銀家世 販布 漁色嗜酒 失業人伍接近袁世凱 東三省第三鎮總制 元年英  
掠京師 抗義師於瀘州 流連漢口 任直隸督軍兼直魯豫巡閱使 直皖之戰 段祺瑞拿  
辦曹銀之呈電 直奉之戰 保洛均勢 恢復國會 黎元洪復職 賄選當選 盧永祥等反  
對賄選 曹銀就職以後 劉喜奎

附錄 討曹文電

後叙

題詞

# 六月十三 下編

## 第一節 六月十三以後之賄選形勢

編者曰六月十三以後迄於十月五日賄選之成立在此時期北京殆無復人類之正常生活其號為執政之人則自處家奴而為辦理賄選之代表所屬僚佐則東西奔馳銜其長官之命令充接洽議員之牙俚與繙客主計之閣員則日夕操籌以搜括賄款為固寵分贓之計兩院議員則白晝鬻身招搖過市現金之要求抬價之作態回扣之分潤名單之進獻某號某園某社某廬某俱樂部所在皆是等之。女閩三百粉黛雜陳殆無以異焉。昔者暮夜苞苴之物今則銀錢堂上攫金市頭覲顏罔諱逢人輒道譬之列肆叫賣什伯為羣銀號開盤早晚定價遂使軒燧神明之胃禮義廉恥之防固然而以盡國民有覺其能無恟乎哉爰紀其事庶存丹書禹鼎之微意焉

袁家花園最初之會議 五月三十日下午六時各政團代表在袁家花園集會協商最高問題到者一百零六人當時急進一派主張即日由到會各政團組織「大選籌備會」或「大選促進會」以便籌辦一切但多數意見以為目下尚在商榷之時期公然標明大選二字似有未宜嗣由某某等提議組織各政團聯合會不冠其他字樣當經全體討論結果決定另行定期再開一次協商會為最後之解決云是日會議後王毓芝即於翌日出京謁曹報告一切矣又一報告云吳毓麟王毓芝前日在袁家花園宴請各派議員一節已誌昨報茲聞此次宴集之目的係因近來議會中關於總統問題之提案不下二十餘起連署者對於提案者因利益分配大生意見深恐進行上增多少窒礙故特聚集一堂公開討論其被請之羅漢無一不以攀龍附鳳為榮當然皆踴躍恐後躡躑躑躑交錯有某議員大賣力氣於酒酣耳熱之際起立發言略謂值此風雨飄搖之時局中央急應組織強固之政府總統選舉刻不容緩並述不即選舉總統目下有四種危險即（一）在孫中山所任命之外交總長伍朝樞極力運動各國撤銷承認北京政府已由中華民國黨發出通電致駐京公使團及各國政府實行拆台手段（二）南方目下召集

國會着進行在滬設立招待處粵中已着手籌備將來國會人數減少選舉更難且恐國會有破裂危險(三)在黎氏未離職之時總統未選出前設黎氏一旦去職必陷國家於無元首之地步(四)合法內閣必有待合法總統而後國家組織乃臻穩固本員認選舉總統爲目下之急務蓋所以避免前項四大危險也某議員述畢席間各議員雖互有發言大抵均以迅速選舉總統爲依歸最終對於二百元冰炭敬問題定有辦法即無論總統何時選舉應先將此款發放凡未領過者及已領而未領者均照數補發至領款之法則由各人親至袁家花園領取不得假手他人以免冒領重領等弊云

議員改選總統提案名單

曹錕奪取總統之計畫已定於六月十三日以前其初本議略行小賄由國會提議解決故一時解釋黃陂任期及改選總統等項提案至數十起之多此等提案議員雖目的各殊而爲始終主張納賄者則十之八九茲就北京各報所載編爲名單於次

衆議員提議改選總統案名單

直隸署名提案五次者韓增慶張鼎彝四次者李春榮張恩綏二次者李燕文金詒厚張雲閣齊守樸張國淩耿兆棟張書元賈庸熙張良弼宋慶餘崔懷灝張士才張則林李景濂張敬之趙金堂二次者鄧毓怡馬文煥王吉言王玉樹李保邦張滋大張官雲楊武震杜濟美胡源匯李東璧陳純修一次者呂泮林谷芝瑞溫世霖錢崇愷王雙岐常瑋璋馬英俊共三十九人

江西二次者賴慶暉一次者張益芳陳友青黃懋鑫王有蘭汪汝梅程鐸鄒繼龍潘學海謝越石歐陽城賀贊元共十二人

安徽二次者湯松年劉鴻慶一次者賀廷桂張伯衍寧繼恭張佩紳吳日法陳光譜王迪成許植材彭昌福共十一人

江蘇一次者高旭

浙江二次者傅亦增一次者韓藩陳煥章杜師業共四人  
福建李堯年張琴二人均一次

湖北彭漢遺一人一次

湖南二次者方表一次者魏肇人胡擊陳九韶王思博共五人

山東四次者張玉庚三次者彭占元二次者周慶恩管象頤董毓枚于元芳張映竹一次者閻可與金承  
新王謝家杜凱之李元亮史澤咸共十三人

河南三次者杜潛二次者岳秀夫丁騫王榮光一次者賀昇平徐紹曾李戴賡田增王傑耿春宴張善與  
王敬芳郭光麟任煥黎張嘉謀共十五人

山西五次者周克昌三次者康慎徽梁俊耀二次者景耀月景定成一次者羅輔張昇雲閻鴻舉鄭化國  
賈鳴梧劉視堯劉志詹王國祜共十三人

陝西二次者裴廷藩一次者楊詩浙段大信姚守先張樹森高增融共六人

甘肅二次者祁連元張映蘭一次者竇奉璋蕭泌玉周之翰魏郁文張全貞共七人

新疆文篤周繼孚羅潤業張端四人均一次

四川三次者杜華二次者江椿傳銓奉楷一次者余沄曾銘劉緯陳國璽周澤孫鏡清徐際垣楊肇基共  
十二人

廣東二次者李清源何銓譚林伯和林樹椿王欽宇一次者黃明新譚父駿黃霄九孔昭晟林繩武共十  
人

廣西唐樹基程大璋梁昌誥張廷輔四人均一次

雲南張大義角顯清嚴天駿岳岳昌候劉炳蔚五人均一次

貴州萬鈞一人一次

蒙古金永昌三次陸士銓二次克興額張樹桐蔡達生汪震東余司禮共七人均一次  
西藏康士鐸一人青海無

此外不知屬隸何省籍者李架張振麟余芹生三人衆院參與總統問題者總計實數一百八十人  
參議員提議改選總統案名單

直隸宋楨王文芹李廣濂郭熙洽(黑龍江)李伯荆(江西)黃緝堅鄒樹聲毛玉麟(河南)候汝信李槃  
(山西)劉懋實(陝西)范樵張樹森(甘肅)鄭溶(四川)吳連炬王猷楊肇錫(廣東)黃錫鈴(廣西)林  
炳華(蒙古)宋汝梅董士恩共二十一人此外各省無提案者

總計衆議員一百八十人參議員二十一人

案解釋總統任期改選總統事項本爲兩院自有之職權議員之此項提案吾人何能加以非詆乃同時  
提案至數十起之多而爲時又適在五百元節敬之後遂黎奪位之前証以賄選議員之題名與此單所  
列乃無一遺漏則此輩之用心可見是豈獨首犯吳景濂一人之罪哉

上紀提案人之多可見曹黨初步用賄之成績然擬當時各報所載實際情況又略有變化茲述於後某  
報云最高問題頃又發生波折議會方面提案之多固足惹人注目而實則議員中已經接洽妥貼者爲  
數並不甚衆蓋有一人在甲案爲提案者同時又在乙案爲連署者亦有一人在甲案爲連署者同時又  
在乙丙各案爲連署者昨有某君對於近來此項提案之提案及連署之人數爲之縝密計算除重複外  
實數亦不過二百二十餘人可見議會方面距離成熟程度尙頗遠遠所謂雷聲大而雨點小也兼以前  
此接洽多注重個人而不及團體究竟團體對於個人雖無絕對拘束力要亦能多少加以牽掣最近某  
方對於各政團雖有每月給予津貼費之說然一方需要愈亟一方則抬價愈高日前參院總統休息  
室各政團之集議雖其中有一二團體或對人根本反對者而其餘則大概皆含有講價作用聞此數個  
團體於星期二尙繼續討論其場所輪流假用各政團本部第一次會議所係在羣治社後此必更有第

二次第三次之集議則此問題之前途必呈一波三折之象可斷言也至於某方出力之政團自然亦在拚命奮鬪聞袁家花園迭有會議其目的有三(一)磋商進行兩院會合會事宜(二)主張於七月十日即設立總統選舉會(三)催促各政團將大總統任期已滿之議案即日通過但以目下形勢觀之似此項計畫尙難實現蓋如前述提案人與連署人之暗爭及上述各政團之講價皆爲絕大之阻碍也

又某報載日前袁家花園開會之際忽有河南議員某君起謂選舉總統固是要著惟非須南北統一憲法告成時不便舉行云云一時拍掌之聲震動四座主人爲之愕然蓋是日所邀請之人皆係對於總統問題提案之連署人間接即皆表示帮忙某方之人乃臨時竟有此態度無怪主人之駭然震驚也其實自提案人得有特別利益之說傳播以來所有連署人均已暗懷不平無可告訴則發言之某議員與其拍掌贊成者皆不過鳴其不平而已聞某君發言後主人急拉溫某吳某密議片時語秘不能聞但見主人亦起立致詞對於此次提案微表謝意並聲明其係純出義務舉座無言最終乃議到發給冰炭敬問題而散惟不平者終覺未能釋然前日仍在順治門大街某宅集議應付方法同時大小孫派及其他接洽未甚妥貼之政團於前日憲法會議散後亦羣集衆院大總統休息室有所擬議故謂議員方面已經拉攏成功者實屬過早之論也惟某方近日進行尤力則爲不可掩之事實聞除將大典籌備處設在袁家花園外一面更由其嫡派之政團出而聯合較與接近者組織一大選期成會以從事選舉上之種種準備如大選二字多數以爲不便則改用各政團聯合會亦可至經費一節確已由各省分任日來天津方面已分電催其勉日繳交並聞如議會中日內尙不提及此項問題則先將由疆吏來電催促此種辦法大約已正在往返電商中不久即將實現據某方面傳出消息謂吳佩孚態度業已變更日前曾致某方一電謂連年內爭不息均由元首地位處於飄搖之中大總統表示引退淡泊名位景仰何極仲帥老成碩望以之接替大位將見人民歡舞薄海欣騰神州大地放一異彩云云似此口吻誠足爲最高運動助目但據昨日東方通訊社上海來電則云某政客談曰最近直隸派中因臨城事件及奉直戰爭說並



其他軍閥多抱反感以爲此際如高唱曹銀爲總統問題反恐有利於黎元洪及反對派曹使之希望終歸失敗故不如主張制憲裁兵中止對南武力策並金錢之要求以順從民意之爲愈云云其所謂直隸派中雖不知係指誰何而使其說果確則是吳佩孚方表贊成而反對者又自有人在亦足見此事進行之尚有阻碍也

曹銀以三十萬元辦理賄選預約券

自黎黃陂籌撥制憲出席費大招保定方面之注意日昨保派中人對於此事密加討論僉以此種人情不能讓人獨做急應設法與爭而爭之道惟有爲議員籌發歲費蓋端節在即議員旅况皆極困難果能略示恩施則憾激涕零當不讓每次二十元之津貼也現此議已爲保曹所採納故特於江日致電吳景瀛表示代籌歲費其原電云吳議長連伯先生並請轉張副議長參衆兩院鑒國會歲費欠發甚鉅敝處業於昨日切電財部請其速爲籌撥現在節關在邇兩院同人旅居京華需款甚切茲復電托銀行公會請於節前墊借三十萬元撥交尊處暫充兩院歲費由敝處担保承還特此奉達即祈就近接洽辦理等語並聞銀行公會方面同時亦接到曹電托其籌款該公會雖已覆電婉述不能爲力之處但暗中實已代爲設法想窮極無聊之八百羅漢得此消息定必歡聲雷動歌頌功德不置語云鷓蚌相持漁人得利議員其今日之漁人乎

王恒函論曹銀所撥之三十萬是歲費非節敬

此次保派分送羅漢節敬五百元受之者大抵視爲暮夜之金不欲爲外人道乃近有自津回京之王恒因未接到此款竟自致書王毓芝直接索取所持理由亦頗正大其書如左

蘭亭先生閣下此次閣下代表保定分別致送議員節敬五百元無省界黨界之區別獨於鄙人靳不送到殊不可解日來黃陂被迫出京國無政府議員公費四月未發曹銳爲民國疆吏代收國家租稅劃其一部獻諸中央乃天經地義財部人員失信已久委任閣下直接分送議員以防中飽不使人民代表厄

于陳蔡之間以維國家之體面手續亦頗合乃閣下啣恩主之命爲謀不忠矯旨自專故爲厚薄豈以鄙人爲可欺而任意顛倒抑以曹氏爲可欺而意圖侵蝕耶曹錕托銀行公會指撥三十萬元爲議員公費與吳議長景濂文電往還已非一次國會文牘載諸京津報章爲天下所共見閣下竟敢化公爲私易名節敬據何法典取何理由國家一切經費徵諸人民用於國事既非昏夜之金同仁受之毫無愧色閣下可以變通手續化公爲私議員即可以更正手續使公款還原議員應得之公費未經國庫給付者何啻數千區區數百元不過議員應得之一小部分閣下若不奉曹錕之命取諸國庫何從得此數十萬之鉅款分送於八百議員閣下若非奉曹錕之命以代發歲費之名義究以何種資格而持此巨款向議員一分送鄙人以爲金錢之效用雖微而紀綱之關難至大燔肉不至孔子惡其無禮應享之權利爲有人格者所必爭閣下以爲鄙人不屑隨波逐流即可一任閣下左傾右仄須知民國一日不亡卽一日有法律以制裁舞文弄墨膽大妄爲之宵小閣下如有何等特別見解望卽勿吝賜教彼此同時披露於報章以取曲直於國人是所願也

賄選與逼選

黃陂被迫出京之後曹錕之家奴高凌霨吳毓麟等計議迎曹之榮以爲擁戴過急而選舉過緩於斯時也乃由吳佩孚王承斌齊燮元等商定脅迫議員迅速選舉以爲既可省錢又可省事此項主張吳佩孚持之尤力同時直系各疆吏紛紛電促大選而北京又發見公民團包圍議會之事吳氏之力持此策蓋襲袁世凱之故智而不知曹錕之非其倫也

吳佩孚銑電六月十六日

吳佩孚致直系各軍閥請一致促行大選電云頃接衆議員畢維垣寒電云元首元日下午赴津諒早聞知今早六時由津電兩院聲明辭職當於下午一時開兩院緊急談話會辦法如下(一)准元首辭職(二)由國務院代行辭權(三)定期組織總統選舉會惟多數心理選舉日期須在憲法公布之後明日

開兩院會台會前二項決無變更第三項日期不無爭論也等語當復一電文曰奉悉(一)(二)辦法甚妥第三制憲與選舉並舉固善但組織選舉會尤為重要想明達早已鑒察望轉達議長議員諸公審權輕重早日進行為盼等語除電馳仰帥外特抄原電敬祈一致主張為荷吳佩孚銑(十六日)印

吳佩孚效電 萬急北京國務院高總長吳總長鑒密成電奉悉時局糾紛亟宜速結務望進行促成選舉以奠大局至為盼切吳佩孚效印

上錄兩電外尚有王承斌致高吳轉達吳佩孚之號電其主張逼選之意尤為劔拔弩張矣茲錄於左  
北京高總長吳總長鑒號日玉帥轉示致仰帥一電文曰自黎去京連日所得各方消息漸趨緊迫西南各省不甘雌伏久欲伺隙而動以北制北彼冀倖收漁人之利重以奉浙陰謀勾結遠交近攻藉題發揮自為意中之事迭接京津報告安福政學聯合以重金收買議員南下並召集各處軍隊自鎮旅以上代表至滬將組織聯合辦事處云云証以蔡督佳亥代電所述以觀湘軍進駐岳州林虎請假規避閩江形勢實緊等訊蛛馬跡可以概見佩孚愚慮竊謂事已至此應於最短時間速以合法手續促成選舉萬不可遷延稽滯資敵以便利以現時急迫直下之勢觀之我方若不捷足先登咄嗟立辦半月以外擁段之聲恐紛擾南北屆時再圖補救事已大難而議員法定人數尤不易言矣應請我帥間接授意京中軍警各機關隨時勸慰各議員無論如何不得令一員他行一周之內迅定大選中樞既固便可以法定正統名義號召中外縱有一二反側大勢已定當易銷除也際茲千鈞一髮之秋須取當機立斷之義迫切謹陳敬候鈞裁等語特此奉聞請即就近催促進行是為深盼等因當此千鈞一髮之時亟應由兩院議員依法速辦大選以維國本至憲法不許成立更有把握敬請諸兄就近設法安速進行庶大選早日觀成藉以消除反側至為盼禱王承斌箇

北京某報載云保派因國會議員紛紛出京大為恐慌由駐京之三首領高凌霨吳毓麟王毓芝秘密集議決定三項辦法以維現狀而免議員星散(一)贊成先制憲後選舉以迎合一部分議員之心理(二)

派馮某赴滬以重金運動有力團體提倡反對議員使其不再南下(三)託某議員疏通在京者暫不出京一面多派軍警駐紮車站勸阻前日(二十二)河南護法議員侯海濤携眷由西站出京到站時有巡警數名上前阻擋據稱中樞無主大選在即請貴議員暫緩幾日出京侯選出新總統後再走云云詎知侯某係不出席之護法議員及盤詰得其底蘊相視而笑始放之行查侯某所住太平湖袁家花園一帶該處多議員所居當時崗警報區疑爲議員出京而致有車站留行之舉據此以觀近日議員行動已隱然有所監視徵諸吳王密電所謂應請我師間接授意出京中軍警各機關隨時監視各議員無論如何不得令一員他行云云頗有線索可尋也

上述逼選情形自吳佩孚效號各電發出後直系各軍閥應聲而起同時電促兩院舉行大選茲錄王懷慶等一電於左餘從略

北京參議院衆議院均鑒時局阨邦基阨陞元首高蹈大位慮懸雖有閣員攝行職務固云依法究屬權宜當此異說朋興人心浮動情勢岌岌不可終日竊以爲欲挽危機莫如早定大計選舉總統職在國會兩院碩彥明達冠時愛國之忱寧居人後允宜聯萃羣英奠定邦本大選之會尅日期成皎日一出陰霾自解國家靈爽實式憑之懷慶等分屬軍人本不干政然安危所繫匹夫有責風雨同舟誼難坐視敬獻芻言幸邀聰聽王懷慶張錫元馬福祥米振標諫印

包圍國會之未成

六月十日包圍東廠胡同之公民團本爲國務院秘書張廷諤與張英華之弟張膺芳等所組織至十三日黃陂出京之後高凌霨奉曹錕吳佩孚之電令因即召集該團加以擴充作爲大舉包圍國會威脅議員立選曹錕之部隊茲紀當時情形於後此六月十九日事也

六月十九日下午二時爲憲法會議第一百五十六次會期副議長吳景濂主席出席議員不足法定人數黃汝瀛謂本日門前有公民團散布印件請主席速與軍警當局接洽設法制止否則下次開會議員

畏逼將避不出席吳景濂謂頃據軍警長官報告門前有公民團不過少數此次殊不足慮因散發出席證宣告延會

各通信社之報告此事真相具錄於左

議會方面忽有人宣傳謂保方將乘昨日(即十九日)憲法會議以大批公民團包圍強迫即日選舉總統於是各議員彼此相告各有戒心胆小者遂因此裹足不前石附馬大街四十二號得此報告且開一臨時緊急會議議決向保派某要人質問究竟有無其事某要人極力否認至下午一時各議員紛紛赴會某議員報告謂議會大門外某牆角有十餘歲之苦孩子數人手執小旗上書公民請願四字在彼藏藏躲躲於是大家爭謂既是如此何妨抓來一問立派警衛往拘捉來三人形狀果如某議員所述初詰其來此何爲均瞠目不能答嗣經某議員力飽以耳光其人痛極而哭始供出係受東河沿所雇囑其來院並未說明原因惟同時受雇者本有多人尙有一頭目指揮候至此時尙未見到不知何故云云嗣又追問其東河沿六號雇彼時知道係何人出錢答云聽說是什麼張秘書長(當係張廷謨)又問前此東廠胡同曾否去過答去過每次大洋二毛云云訊至此羣謂關係重大當先交警廳看管再行從嚴追究云云此事發生後議員方面遂紛紛議論且有謂據此推測可證明前此東廠胡同之事確爲張某所爲也又國聞通信社云自發給制憲經費以來議員出席憲法會議者非常踴躍昨日忽然流會其中實大有原因蓋某議長與某方訂立交換條件擬用公民團包圍國會以達其包辦目的之陰謀已爲外間所知一般不願爲某議長所賣之議員咸相戒不出席而昨日憲法會議未開以前兩院附近已早有十人一班二三十人一班之請願團兩三起準備到時包圍許多未深信某議長有此手段之議員行至象坊橋見四周埋有伏兵即色變而退者人數尤爲不少云

上述包圍國會之事未獲成功吳佩孚號電又爲外間所共悉曾迫選舉之計畫業經敗露出京議員通電揭發其文如左

此次暴迫元首主使有人司馬之心路人共見頃閱吳佩孚號電王承斌箇電益駭聽聞夫人民自由載在約法議員保障世界通詮乃竟欲受意軍警監視行動甘犯脅迫毫無顧忌將來或藉公民之名或假保衛之義包圍議會強架議員暴力橫行盜名竊國極其所至何事不爲凡有血氣之倫安忍強暴之辱尤可駭者憲法未成舉國渴望王承斌等竟謂不許成立荒謬絕倫令人髮指同人等久窺隱謀早圖防衛冀存國家之正統並保個人之自由區區寸丹天日共矢茲復鄭重聲明倫北京發生監視議員強迫選舉情事依法當然無效論罪且有攸歸特布中外咸使聞知褚輔成焦易堂章士釗鄭萬瞻沙彥楷邴克莊丁惟汾黃雲鵬白逾桓韓玉辰劉恩格徐蘭墅等二百八十三人同叩濼

上海發表之後主張逼選之洛吳不免受一打擊而京(高凌霨吳毓麟)津(王承斌曹銳)保(王毓芝熊炳琦)三派原主賄選之諸人仍抱定從前計畫與吳景濂協商積極進行吳佩孚一擊不中因而退處靜默賄選之局於以大定茲紀吳景濂與京津保各家奴運動賄選之事實於後亦卽此輩蹂躪國法百世莫贖之罪狀也

#### 六月二十日之兩院議員茶話會

十九日憲法會議流會原因雖屬不一而一般議員對吳景濂極爲不滿實爲最大之原因吳見週圍空氣不佳特於昨日(二十日)下午三時在衆議院小議場邀集兩院議員開茶話會藉以解釋一切到會者四百三十餘人由吳景濂報告略謂今日請大家來此意在討論時局及國會本身問題其應爲諸同人報告與說明者略有數端(一)希望大家不要離京值此風雨飄搖之時國家前途或好或壞全在法律國會爲法律寄託之地大家務宜振作精神謀正當解決不可輕易渙散自墮其勇氣(二)決不可有法律外行動現在各方面均表示尊重法律我們個人亦不宜爲法外行動(三)決不受外力壓迫外間有無壓迫固屬另一問題但景濂個人無論何時何地決不受外力壓迫在北京一天當始終以同人之意思爲意思決不使同人有受委屈之處(四)希望憲法與總統問題同時並進值此新舊交替青黃不

接之時總統問題固屬重要而憲法問題亦不可擱置大多數國民心理固希望早選舉合法總統組織良好政府以鞏固國家之根基然如憲法未經公布仍不足爲合法政府之保障故希望新政府產生之日卽爲憲法公布之日(五)兩院同人歲費及制憲出席費由景濂完全負責制憲經費經國務會議正式通過下次開憲法會議時卽可照發兩院同人歲費亦已由曹使來電託銀行公會墊款三十萬(原電見後)景濂在職一天卽當積極負責(六)希望勿信議長包辦之謠言議會議長不獨以大家意思爲意思且須以之大家行動爲行動包辦之事非但景濂決不肯爲且事勢上亦萬辦不到此種謠言完完是破壞國會者所捏造務望大家勿要輕信(七)此後決不致再有公民團包圍之事前日(即十九日)開憲法會議有流氓十數人自稱公民團到院請願比經警察廳拿去孟文元張德善二人旋據供稱伊等係西城某橫房橫頭率帶橫夫四十名及小孩十名到衆議院請願係某要人用金錢所僱言明每人一元當時只給現洋六元經橫頭等分用其餘僱用小孩之十元尙未發給等語現經軍警當局切實聲明負責國會此後開憲法會議決不致再有公民團請願之事發生縱有此事景濂亦當始終以法律爲根據決不違法變更議事日程致妨害制憲程序(八)實力派已誠意表示尊重法律決無用武力干涉國會之事外間謠傳實力派將如何逼迫國會仍不外一種挑撥作用同人萬不可墮其術中云云吳景濂報告舉常有張樹枬胡鈞相繼發言質問昨日公民團請願之事究係何人主使應請明白宣佈從嚴究辦以懲效尤吳景濂謂軍警當局既切實聲明負責辦理我們可暫不過問云

編者按自六月十三以後曹黨縱橫京邑明目張膽以威怵利誘四字對待議員凡稍知自愛者均已相繼出京而吳景濂則以主張賄選之故認爲居奇壟斷之絕好機會觀於上紀各節其蓄意所在可想而知貪人敗類辱及神聖代表國民之最高機關其罪誠不容誅也茲就當時兩院與曹黨公開之賄選運動述之於後

十九日憲法會議因人數不足延會後有多數議員在議長室內對於此事詳加討論僉謂本日憲法會出席議員距法定人數只差數人似不難聯絡足數當即決定由各省議員分途向同鄉議員接洽勸勸出席以免久延至於選舉總統問題有人問吳景濂將來票價議長能否負責吳答價目議定手續釐清可負完全責任担保前途必可支付等語又有某議員勸告直隸議員謂此次事實上繼任總統最有希望者籍隸直隸直隸議員似應多負一種任務因之直隸議員又在院內某休息室集合會議僉以某議員之言爲然決定於星期五下午一時在化石橋順直議員同鄉會招集全體直隸議員開一度大會商定具體辦法並公推參議員宋楨即日發出通知以免貽誤此外袁家花園前晚亦有一重要會議聞因津保兩方均有派人到京調查近情遂由袁乃寬王毓芝邊守靖出名邀請各重要人物前來共同討論計到者閣員方面爲高吳程三人國會方面爲吳景濂及各政團領袖軍警方面爲馮王聶等諸人臨時並由電話將張華英請到首由王毓芝李翰琴（由津來）聲言際此時局緊急同人當戮力同心以策進行財政尤關重要月筮宜速打銷辭意自明日起實行到院出席閣議以期團結一致共肩危局云云張唯唯次又討論融洽各政團意見辦法有人質問吳景濂外傳領取保方現款三十萬元真相如何吳謂此款曾由某方電囑王叔魯籌撥但迄今並未交到分毫衆聆言後即以電話請叔魯到會久而不至此問題只好暫爲擱置遂就選舉進行手續討論至夜深始散

賄選籌備處之成立

六月二十八日張志潭特在騎河樓私宅東請各直系重要人物預開籌備大會到者有王毓芝吳毓麟顏惠慶劉彭壽邊守靖高凌霨袁乃寬屈映光潘復王克敏顧維鈞吳景濂張英華項致中張廷諤劉夢庚等約二十餘人會餐畢公推張志潭爲主席首先發言略謂凡辦一大事總須有當家的人主持大計此次大家爲老帥熱心辦事實任在欽佩但有一點毛病就是當家的太多反弄得人人不能當家現在第一要緊須公推一位主位推定之後大家須受其指揮第二是要緊確定一辦事地點不必拘定形式實



際上爲籌備之用第三是要分部担任職務分途負責進行請大家討論經衆人討論數小時最後決議定名爲籌備處公推張志潭爲處長吳景濂爲副處長(聞吳尙未就)辦事機關擇定南長街張孤舊宅由邊守靖常駐其中改稱邊宅不另懸招牌以避人耳目內部組織分財政交際外交文書各股財政股主任爲王毓芝副主任潘復交際股主任邊守靖副主任劉彭壽屈映光外交股主任顏惠慶副主任顧維鈞文書股主任程克副主任劉夢庚均經全體通過次研究選舉期間大多數主張速選以一個月辦成票價多寡主張不分等第其有政黨中重要人物之力帮忙者另予特別酬勞與票價另爲一事並定進行方法分爲團體接洽省界接洽個人感情接洽由交際股分途相機辦理云

### 中央公團之連日會議

自議員紛紛出京其在京者亦不能按期到會大選前途未免令人擔心前日王毓芝自保定返京精神又自一振前昨兩日(六月二十八九)連在中央公團董事會開會召集最高同志討論進行方法聞前晚會議之內容因議員態度多不可靠使錢者也許不出席如前次袁家花園所發冰敬每人五百元者共約七百餘人其後到會人數只有五百人左右是明明有人開玩笑故會間所決定者爲從新澈底調查贊成者究竟若干人反對者究竟若干人騎牆者究竟若干人調查方法並不從團體入手由各省挑選一二人調查各該省之同鄉其應付之法則真反對者索性置之不理騎牆者分投疏通之對於贊成者之酬報方法分省由同志中推舉兩人爲負全責的代表錢來則交此二人分配之未見錢者或領錢而不賣貨者皆惟此兩人是問此種辦法多數以爲然惟當代表者責任如此重大報酬亦應格外從優昨晚中央公團董事會繼續開會所議即爲此事又據某報載得某方消息日前籌備大典之王某等召集各政團首領籌備商大選經長時間之討論議決(一)票價一律五千元(二)發給票費方法(甲)由籌備處發給票據至某銀行存帳於總統選出後一日領款(乙)由各政團首領經手票據至某銀行存款總統選出一日後領款此種方法非常麻煩多數議員頗難就範云又某通信社報告是晚會議情形

云日前包辦首領與大選經紀等復在中央公園董事會開五頭會議切實研究交易手續討論良久決由大典籌備處某出名邀請各省區議員各十餘名齊集該董事會開會而由各該省區議員中自行選出代表一人會同某人將大選票價的款預存由某指定之一銀行並由各該代表於其存摺上公同簽各蓋章以資保證俟投票後再由各該代表一一署名蓋章向該行將款取出分配並預先向該行聲明如各該代表中缺一名而未簽名蓋章者該款即不能取出以表慎重而示責任之共同某某等散去後某氏比即如議邀請名省區議員各十名左右來會令其自行各推出一人負保證之責聞該議員等多對此表示不信任其所據理由有二(一)取款既須各省區代表一齊署名蓋章倘其中有中一代表係某私人故意不肯署名蓋章而他適則此款不能取出(二)恐某與所謂存款之銀行串通一氣屆時難免翻出許多花樣此事遂無結果前晚某以告其他四頭於是又開會議繼續討論一最妥辦法某等主張於投票之前一日將票價定數發放銀行有期支票即註明投票後之一日起始可照數兌取此又被某某否決謂同人意思既在希望現金則支票恐難辦到萬一以此問題引起同人不滿則我等亦無法維持云云結果決定於同日上午在衆院小議場發錢下午在議場投票此項交易手續遂告確定惟價目六千或一萬則雙方尙在爭持甚烈似非到投票前之最後一日不易議妥云

除中央公園之會議外吳毓麟近因津滬形勢日見緊迫而國會議員行止又復無定殊於大選前途大有妨碍昨(二十八日)上午十一時亦特在交通博物館邀集各要人開緊急會議討論進行辦法計分四項(一)現在在京議員確數之調查(二)回京議員人數之調查及優待條件(三)定期選舉條件之磋商(四)大選經費之籌畫及用途關於一者又分(甲)絕對贊成定期選舉誓不離京並能疏通中立派議員二人以上使之就我範圍者受上賞(乙)絕對贊成定期選舉誓不離京者受中賞(丙)贊成定期選舉當實行選舉前三日誓不離京者受下賞以上甲乙丙三項人數應分別調查清楚關於(二)者俟得赴津代表確實報告後再行定奪關於(三)者應從速催各經手人開單報告關於(四)款所差



十萬元袁氏尙未肯交款便持此捐冊向熱心功名之闊人沿門托鉢爲化緣之計日前請飽載而歸之陳光遠認捐一百萬陳氏極爲躊躇於是可徵其内幕之齟齬而上述諸人情狀亦足見小人之爲不善真無所不至也

王承斌承辦賄選之賣力

王承斌自告奮勇承辦大選於日前(七月十四日)入京寓於吳毓麟宅遣其省署秘書長雲章(奉天人)拉攏東三省在京議員許以最優條件如肯留京捧曹則聘爲巡閱使署高等顧問月薪五百元按月照發如不相信亦可預支十個月以符選票五千元之代價設欲做官即由直魯兩省當局優先位置但均嗤之以鼻無肯應命者王又奇想天開擬請保曹發一通電聲明停止大選請離京議員回京專心制憲說者謂其本意所在固候議員回京後湊足大選人數仍以武力包圍議會強制選舉但此等伎倆早已經人窺破其無效果不卜可知云又滬報載北京特約通信云王承斌來京之任務外間多所揣測據知内幕者云王氏係津派爲主張急進大選之健者京中空氣混沌大選形勢不佳殊深焦灼故親身來京觀察情形藉利進行且王氏與大頭有瓜葛之親此來更以親戚之情面與大頭計議急進大選之策一言以蔽之王氏此次來京實爲謀大選之急進及與大頭磋商包辦條件與方法也故王氏來京以後急進大選派咸興高彩烈一若敗陣之軍見大將親臨軍威陡振也云云

王氏來京之目的在急進大選已如上述然因時局至此欲謀大選早日成功非堂堂之陣所可奏效王氏與大頭幾度密議後遂大唱先憲後選之說以迎合多數議員之心理並聲明不用非常手段以籠絡衆羅漢暗中復買動幾個有力頭陀俟隙設法大選王氏此種策略純爲掩耳盜鈴之計頭腦略爲清晰者莫不洞知底蘊不入彀中也

反直系派議員大部已行出京目下滯留京中各羅漢可分四派(一)直派(二)反直派之未出京者(三)作孫曹携手和平統一運動者(四)拜金派直派對於大選當竭股肱之力分子散於新民全民民

治及幾個小政團中拜金派惟利是圖無一定主張其去留向背純視金錢之吸引力如何而定反直派對於大選處於反對地位在京日期已無多惟擬擋一切以便出京故亦無所表示作孫曹携手和平統一運動者爲全民自治羣治等政團羣治社近見津保對孫曹携手和平統一等主張無誠意採納已傾向拆台自治全民兩團分子亦多抱消極態度王承斌來京一行後上述四派一派精神頗振四派因王等有承允某某等包辦及用非常手段之陰謀殊不痛快二派自行其是對王行動加以偵察三派見王等仍無停止大選誠懇熱謀解決大局之意頗覺不快態度甚形消極最近各派對大選之態度既如上述大頭欲謀包辦殊屬不易刻聞大頭等擬先試其包辦手段以與各政團領袖承辦大選若不奏效再乘機使用非常動作以達目的果爾大選縱成適足引起爭端異日時局更不可收拾矣

王家襄爲賣身者招徠主顧

熊炳琦來京數日分途接洽大選事項頗著成績昨日參院王家襄等與保系人物高英熊王劉等公宴議員於中央公園之來今雨軒聞王家襄等表示熊度略謂赴津滬者係爲被人收買同人留京制憲實力派表示誠意當彼此互勉以維大局等語保系人物對王預宴議員深致慰勉謂外交緊急元首不可無人財政艱難王叔魯允担任兩月公等留京獨見其大不勝欽佩先憲後選先選後憲悉憑尊旨謹代表曹使表示充分贊同云觥籌交措可謂極一時之盛但不識津滬間之議員聞此一席話作如何之觀念耳茲將列席議員名單誌下黃元操。周恭壽。劉緯。徐象先。陳銘鑑。吳作榮。司徒穎。姚桐豫。黃佩蘭。雷述。方表。林玉麒。王樞。孫世杰。李景猷。王式。李兆年。李耀忠。呂祖翼。洪國垣。沈鈞儒。藍公武。吳日法。傅夢豪。張金鑑。阮性言。許植材。張聯魁。熊正瑗。恒鈞。李堯年。張端。王家襄。李渠。萬鴻恩。董象熙。胡璧城。陳煥章。龔慶霖。劉景烈。蔣舉清。王敬芳。桂殿華。毛玉麟。楊擇。楊允升。曾銘。陳家鼎。饒孟任。任煥黎。辛漢。劉鴻慶。雷殷。符詩鏞。王侃。張我華。呂復。蕭湘。符鼎升。董慶餘。劉以芬。郭光麟。傅師說。劉炳蔚。姚華。周澤南。劉景晨。陳鴻鈞。

編者曰曹錕之經營賄選凡數閱月當時爲之奔走於議席間者內則自號閣員之高凌霨吳毓麟等外則身爲疆吏之王承斌熊炳琦等莫不日夕籌畫往來徵逐忘其職守之所在狐鼠縱橫羣蜚刺天冀涸之象充塞京邑其視議員會娼妓之不若飛箋侑席計等評價而議員不覺也王家襄會長參院夙附名流對於賄選之事亦復先後背附其間儕於犬豕社會風紀爲之掃地可勝慨哉

競賣中之大選問題口近日所謂大選問題者其接觸之點簡捷言之不過磋商價錢與交款方法而已昨日關於是項消息甚多污穢不堪言狀不得已一律割棄特擇一二較爲光明之消息以見一端

憲法會議屢次流會致大典無從進行頗令高選派焦急聞吳景濂前晚向某方建議謂同人之過慮者係恐無得價之把握意欲將票價先發然先發又安能證同人之必投票此亦應過慮者愚意可作五千元平均計算先付二千後付三千庶兩無妨礙但承辦之某人對於此議仍不放心謂設若二千付後彼將甘心拋棄後數不爲投票又將若何磋商許久始終未得結果雙方訂下次再斟酌付款辦法但有少數議員頗贊成分期付款辦法力盼其成未知能否如願以償也

近日某方鑒於議員之活動先在京拿五百元節敬後又到津拿三百元簽名費三百元拿了又到京來想預支二千元定金以爲此種行爲愈足表示其不可靠而此跑來跑去之一百餘議員似不能利用欲六百人出席衆院以後更夏夏乎其難故急進派主張由國會發表一宣言謂同人存心缺席不能選舉而中央無政治首領對內對外甚爲危險茲爲事實上之必要以在京出席人數執行非常選舉云云此宣言發表即以在京人數有多少辦多少仿廣州例舉非常大總統一二日內若留津議員不受疏通恐難免出於此着云云但聞保定方面頗不以此舉爲然以爲要作個光明正大合法的總統若出於苟且手段美其名曰非常其簡稱亦不難是個「偽」字殊爲老帥所不願云

編者按以賄選爲合法民國之法尙可問哉

日前各政團協商之結果主張憲選同時進行乃連日憲法會議以不足法定人數屢次流會以致大選

問題亦受影響昨據國會方面消息對於憲選兩問題已有變更上次協議之趨勢僉以憲法會議屢次流會勢必阻礙大選之進行現在國務院零落不全斷難久持若不迅行大選則國家難免陷於無政府狀態主張將憲會暫停數次籌備八月十五日舉行大選在此停會期間專事議員間之聯絡磋商評價與交款各辦法云

速選中之各方形勢

近日各政團協商結果雖已定八月十五日爲選舉總統日期但有無變動仍視王毓芝之一行以爲斷蓋多數議員已不能本其獨立不羈之精神以執行其執務其對於解決時局之辦法殆無不直接間接窺探實力派之意旨故謂各政團幾度協商之效力不敵某方面之一言亦非苛論聞王已於前晚回京述及某方之意以時局嚴重選舉日期最好須酌量提前惟無論如何決不妨碍制憲於是外間又有謂選期雖定爲八月十五而暗中實爲七月廿六或八月初一者此說是否可靠固難斷定惟以各政團之協商視爲已成之鐵案恐亦未必爲然也究竟選期之確定爲一事而選會之能否開成又爲一事據樂觀派言則以昨日憲法會議場中簽到人數實已超過法額二名可見在京人數並不算少益以政變未發生以前告假出京者尙不乏人選期一定彼輩必將陸續趕回故人數一層尙非決無把握反之悲觀派者則於憲法會議之疊次不成表面上雖似只差數人其實不特簽到不出席者心懷異見且有許多列席之人意在成會時設法搗亂此輩意見與在京多數議員已成正反對憲會且然其對於選會更不必論况選會人數較之憲會又須增加數十人即今臨時有鎖假回京之議員絕不足以彌此數故無論如何選舉總統一節非努力以重價收買萬不能成爲事實云

吳景濂利用議員巧設騙局

國會議員赴津簽名領費南下者截至七月八日止已達四百人以上故上星期內出席憲法會議人數益形減少殆永無開會之望吳景濂見此情形異常着急竟至夜不成眠聲嘶喉啞上星期六之會議不

能主席不得已對於津派議員用因敵反攻之計近日通告其黨徒及留京議員儘可多邀同人赴津簽名領費即八百餘人全往領取毫無妨礙俟領費到手仍各回京出席憲法會議及將來參預大選不必南下俾津派湊手不及財源匱竭自當假旗息鼓即財源寬裕不至匱竭亦使其徒勞無功而彼派留京議員坐收兩方利益適足投合現時苟安貪得之惡劣心理在議員個人多拿錢而不走路在彼則藉此要結黨徒以遂其包辦大選之奇勳聞赴津議員以吳大頤此計至狡且毒業籌抵制之法擬自本星期起改爲每星期二四六日即憲法會議例會之日始在京發給南下議員旅費庶免少數敗類議員一方於星期一三五日赴津領費一方即於翌日出席憲法會議貪得二十元之出席費並於領旅費時須由各該省招待員或介紹人負責務於領費後南下不僅杜絕冒濫實寓維持議員人格之意云

北上議員自掩其醜之論調

某報載由南而北之議員談話一則茲錄於左大選派與羅漢團日日講價故近日報章中緊要之消息無非(錢)字問題幾把一座北京鬧得銅臭薰天令人不可嚮邇但總括雖爲錢之一字而分開尙有許多問題發生如票價之爲五千元八千元一萬元各種之爭執一也先付現款後行投票或先行投票而後付款或付款一部即行投票二也各政團首領競欲包辦而其分子則恐權利有壟斷之弊紛紛反對三也有此三種癥結故大選派渴望成功猪子團縱饑涎欲滴亦祇好暫忍飢渴從長磋商日來表面上所傳之先憲後選或憲選並進雖空氣甚形熱鬧但揭開暗幕無非在上述錢的問題之三種上做文章王家襄等一派之變節而有招致南下議員巧電之由來吾人誠不能曲爲之諱也目下商略程度大抵一三兩項或較易於解決最難者厥爲第二項之先行付款與先行投票問題蓋其中不特原來在京猪仔之持爲先決條件即此次由南返京之議員亦以此爲惟一之着眼點記者昨晤由滬回京之某某議員質以回京之故是否因貪票價而甘冒猪仔之名某某答復頗爲質直謂我等此來確是爲五千元之票價此亦不必爲君諱因若輩歷年陵削積產纍纍如此儻來之物非此絕無僅有之機會又安能拔



其一毫惟我等有須聲明者即金錢可以要而猪仔實不可以做此語在君初聞必以爲奇不知所謂猪仔者因其甘於賣身而得名若得錢不賣身又安能謂爲猪仔故我等決計五千元之款不能不要但因此而出席投票則萬萬不可能蓋因得錢而賣身不幾自認爲猪仔乎雖此有類於過河拆橋然取之於盜不爲傷廉我等以爲得錢是一事投票又是一事也我等預備金錢一經到手即當遷眷南下即或被迫逼暫難離京而外國飯店尙多亦儘可爲安身之地將來仍當南下貫澈初志決不至因金錢而失身即反直派方面對於我等意旨亦已完全諒解蓋借糧於敵亦反直派之計畫也當我等過津時曾以此意商於反直派某某等彼甚贊成故我等之回京實非變節云云記者按某議員之言雖屬牽強然亦可知由滬返京者一般之真意與反直派之策略矣聞大選中亦有窺破其計畫者誠恐空擲金錢於虛耗故力持先投票後付款之議此層未知果能辦到否

張伯烈爭功促選醜態畢露之一封信

莫景濂包辦賄選之際議員中憤其壟斷及因分贓不均致起衝突者迭有所聞衆院副議長張伯烈新近投身保系頗欲借賄選事立一大功以爲獻身之媒因致一書於吳責其遲不辦選以見好於保曹書中責吳之詞處處爲媚曹之地可謂醜態畢露茲錄於左以証明張吳同等之罪狀

運伯議長足下伯烈才力綿薄忝列副席除依法代理外本無特別責任可言惟今大局日陷阽危伯烈爲國家計爲國會計爲足下計爲自身計均有不能已於言者願足下一垂聽焉查國會由參衆兩院組織而成並賦予選舉總統制定憲法之特權其選舉總統會與憲法會議依法以參院議長爲主席如有障故時衆議院議長及參衆兩院副議長亦得遞次代理此法律所規定也惜參院自王楊爭長以來議長一席產流至今於是選舉總統制定憲法之重大責任乃集於足下一人之身不幸制憲未成國家多變黎氏元洪於六月十三日棄職出京京師震動海內鼎沸國家之安危共和之生死其重心點莫不環視於國會詩所謂赫赫師尹民具爾瞻者也足下有怵於此即於六月十四日開兩院會合會解決黎氏

棄職問題是日兩院簽到者共五百六十八人出席者共四百六十七人此項會議之人數應否適用國會組織法第二十一條之規定是一問題足下倘有過半數即可開議之成竹在胸當場諮詢大眾固不難一言而定是過半數通過之案在法律上在事實上無不名正言順乃足下開會之始計不出此強持堅定態度報告大眾謂（現在續到者三人共四百七十人依國會組織法之規定兩院會合會非有總議員五分三以上之出席不得開議云云）（載在議事錄）旋由參議員鄧江灝君動議派人往休息室請大家出席久之八九十人仍不出席足下乃改正式會為談話會談話尚無結果遽由馬驥君動議足下又改談話會為正式會徘徊復徘徊游移忽然變更前此報告以過半數通過黎氏棄職之問題自此兩院同人對於國會及足下之種種懷疑閎然釐起引為口實甚至隨同貴黨重要黨員褚輔成君紛紛南下以至今日二十餘次開憲法會議不成以釀成不可收拾之局謂非由足下事前獨斷獨行臨行又舉着不定有以致之耶此案既經過後即當速開選舉總統預備會以維國家治安以盡國會職責乃足下又悍然不顧日以憲法會議為事絕不提及選舉總統雖經兩院同人紛紛提案催促選舉足下亦置若罔聞誠不知足下用意之所在揣足下之意或有三點一欲先憲後選二因憲法會議人尚不足未便開總統選舉會三依法於三個月內選舉此時為期尚早足下果以此三點相持伯烈又不能無說就第一點論之伯烈本極端贊成者但依法限三個月內選舉總統若期滿而憲法未成又將何法以避違憲之罪耶况制憲在法律上是無限期的選舉在法律上是有限期的兩相比較其理自明當袁世凱為臨時總統時兩院同人多數主張先憲後選而伯烈尤力卒恐臨時總統不足以對內外同人等遂變更主張先選後憲故先行公佈憲法中大總統選舉之一部分非同人前後自相矛盾也蓋權衡較重緩急不敢拘於成見也當其時也尚有臨時總統維持於上國會同人猶汲汲以選舉總統為先務今也並臨時總統而無之則選舉總統與制定憲法孰緩孰急孰輕孰重不待智者而知是先憲後選之說在黎氏未棄職以前則可在黎氏既棄職以後則不可羣龍無首國院攝政內閣外侮險象環生不於速選

總統是圖而終日以制憲相號召是不知緩急相重也然以足下之智豈不知此就第三點論之若憲法會議流會至五次以上時即當變計設法善後詎流會至二十餘次之多足下雖明知人數不足而竟開會如故意在以每次二十元出席費維持同人的生活耶然議員應得歲費甚多足下催政府籌撥足矣何關此區區二十元並開會一次動費萬金現在制憲經費行將告盡而憲法仍無希望不惟虛耗國家數十萬之鉅款且加同人制憲不成之罪名足下何忍而爲此偷足下移憲法會議之精神以之開選舉總統會縱因人數不足流會至二十餘次而國會同人急欲依法選舉總統以維持國家之苦心足下大白於天下吾料天下人民必不因是而罪國會且可因是而諒國會並可以諒足下耳夫同一人數不足開會不成也而足下不憚二十餘次施之於憲法會議不肯一次施之於選舉總統會伯烈百思不得其解也就第三點論之據大總統選舉法第五條第二項之所載大總統因故不能執行職務時以副總統代理之副總統同時缺位時由國務院攝行其職務同時國會議員於三個月內自行集會組織總統選舉會行次任大總統之選舉大法所定無論何人不得違犯今黎氏棄職出京已二月矣以三個月計之已去三分之二延至九月十三乃轉瞬間事三月期滿補救無從足下爲獨一無二之主席負獨一無二之責任何以兩月以來竟視選舉總統會若仇敵而不一言提及耶苟至其時選會不能成立總統不能產出國會構成違憲之罪有野心家乘時而起假借國民資格向國會興問罪之師國會同人其將何辭以對吾恐法統從此墜地政局從此紊亂民國一線生機斷送於國會之手國會同人貽誤之罪固不可道足下與伯烈之肉亦足食乎總之斯時無論何人爲候選大總統國會無論在北在南而吾人於法律上事實上究不可不依法組織總統選舉會足下若贊成褚君輔成等南遷則即宜往南集合同人選舉總統今足下心不向南身尙在北又不肯即行依法開選舉總統會謂非有意妨害大局其誰信之斯三點也質之三尺童子莫不謂然何況足下伯烈自客歲濫厠副席以足下盤盤大才經驗宏富一孔之見何敢妄有補拾然近念足下漸處人寰之勢伯烈亦有同舟之感千鈞一髮稍縱即逝禍在眉睫補牢恐晚

故不惜爲足下一言或謂足下非不知此將變相的師湯化龍兩次犧牲國會之故智耳伯烈未之敢信語云士有諍友則不失於令名又云惟善人能受盡言伯烈於足下雖愧爲諍友而足下則不失爲善人希於伯烈所言稍致意焉則國家幸甚國會幸甚足下與伯烈亦幸甚吳景濂接張書之後乃據之以與戴先憲後選之假面具者相商運作賄選之預備發出議程於九月八日開選舉總統預備會是日出席者另送出席費二百元力疾者醫藥費如之然尙未成十日復開人數仍未足吳命秘書長鄧林皋爲議員冒簽到者多人並在議場捏報出席人數預選會遂以開成張伯烈之一函不爲無功也

賄款之搜括

編者曰賄選之案吾人已詫爲古今中外之所罕見矣而其實施賄選之際尤有可駭者則其行賄之款並非曹錕之出其私財而直接或間接仍取之於國民是也曹錕搜括賄款之事對外則賣國借債如金佛郎案以及四路轉息克利斯浦等項借款對內則以軍餉及西南軍費爲名攤派各省加稅勒捐如直隸之各縣借征苛罰金丹等案一時磨牙吮血天日爲昏道路譁然莫不以爲此種籌集選費之法殆與強盜白晝設壇沿戶歛錢無異而經理此項賄款之曹銳邊守靖張英華張弧潘復王克敏等其所得乃數倍於兩院之羣豕焉當時受賄之無恥議員自白於衆曰軍閥之慳囊須於此際破之云云豈知此輩所分潤之餘賸乃卽其父老昆弟之膏血是豈不足爲恟已哉關於曹黨搜括賄款之事已具本書第二編第四節(出京議員之主持正議)茲以此事爲賄選案內最重要之事實亦卽國民裁判賄犯之真贓確據爰就各報所載摘紀概要於後其事實已見前編各議員函電之內者則從闕如以省繁複焉

高凌霨等之籌備賄款

北京某報載高凌霨等籌備賄款一事云攝政內閣發現後除發幾個通電外並無若何建設而前日閣員會議忽通過一個重要案件其事維何卽續訂滿蒙吉會高徐順濟四路借款合同是也此案由某閣員提出主張將四路借款一萬二千萬捲利作本湊一筆整數仍不夠整數時由日本找出現金事先商

之日本正金銀行請開列條件此事固日本想不到者當已一口應允惟找現問題則不願太多後商決新合同以加八百萬新欸訂立原來四路借款無着實担保今將因新欸一律指實擔保品惟指定何物今尚在考慮中其所找之現即為大選期內緊急之用故一提出此案即群為贊成有人問之正金銀行方面有無此事該行初不為諱謂已電東京請示電到即可簽字是此說或非虛構之消息惟歐美資本家聞之無不咋舌謂日本以小惠得此大利令人羨慕不置云上項新聞見之各通信社稿中內容與稍有出入茲附錄一則於下安福當國時代與日本成立之高徐順濟滿蒙各鐵路借款屆至本月底又為付息之期現時中央財政一貧如洗此項鉅欸當然無從籌付而日債權方面迭次催迫急於星火連日由外交財政各當局向日本興業銀行磋商第二次墊付息欸辦法結果決定由該行墊撥日金七百萬九十九萬餘元一切條件均以第一次墊付息欸之合同為標準雙方訂立草約並由財部提交攝政會議表決通過日內即行正式簽字云

### 京津公民護法團之通電

(全銜)北京首都盜匪盤據舉措乖僻國亡無日計其自六月十四日以來賣國政策層出不窮高徐順濟借款私人訂約國家向未承認乃到期利息九百餘萬元高凌霨等准續訂新約藉以從中取現以助大選經費而置國家數千萬損失於不顧此高凌霨等賣國助曹之罪一克利斯浦借款英金一千萬磅年息八釐九折交欸以盈餘全部及關餘一部擔保如此苛刻條件高凌霨等一一承認計其所實得亦不過墊欸百萬磅因大選經費無着遂不惜舉國家利權斷送於外人而謀此區區墊欸此高凌霨等賣國助曹之罪二金佛郎案在有正式政府完全國會之時當因國人反對不敢取決今高凌霨等僭攝政權肆無顧忌竟以私人名義獻媚於法公使祇要求供給大選費二百萬元予該案成立查此案國家損失在一千萬元以上而他國繼起剋尤損失尤不勝算此高凌霨等賣國助曹之罪三食鹽關係民生大計雖孩抱何以爲生乃高凌霨等倒行逆施在七月二日偽攝政會議通過鹽引輸出案預收一百六十

萬元稅款充大選經費內地鹽價將因此陡漲財部因此已有加價之議爲一人尊榮增萬姓痛苦凡老少無告之人孰能逃此慘禍此高凌霨等剝民助曹之罪四曹三尙未篡入白宮高凌霨等已敢如此猖獗然則不幸曹三得志我四萬萬同胞血肉供高凌霨等吮索恐尙不足耳曹三昏庸軍閥故有如此惡腐官僚爲之作俚推其所至剝民賣國使地圖變色種族滅亡而高凌霨等方快於心此敵團所以急起呼告望我四萬萬同胞速起自救勿容高凌霨等僭竊政柄恐知後悔之時而國已亡矣臨電不勝悲憤之至京津公民護法團叩江  
鹽商不認選費之確訊

保派因籌備大選向鹽商敲借鉅款已見各報茲聞長蘆鹽運使張調辰於七月九號午後七時在公署內約請鹽商振德店長源益昭臨瑞昌德裕厚恒源晉有孚松昌泰恒義昌洪福昌華集成天成永利昌晉益恒晉源水通惠皇祥長裕同源益昌福泰福德寶豐等四十六家請籌備墊款四百萬元充選舉經費若不肯時即將鹽商應享之權利取消等語各商極爲憤慨晉有孚主人劉銘即席代表發言謂吾等無代曹氏負擔運動費之義務若以高壓手段相加實屬不當張調辰至爲驚愧後又要求籌墊一百萬元暫時通融將來一定奉還各鹽商仍未首肯各鹽商散去異常憤激遂於十號午前在北門大街蘆綱公所開臨時總會討論此事決定直派以壓制主義強迫墊付絕對不能承認若鹽務當局有損害鹽商權利時即同盟罷業以爲抵制云

揭破食鹽出口之黑幕 華人經手者爲李松年日人經手者爲原順太郎承辦者爲長蘆保證金每噸二毛回手則一元一千二百萬之洋財恐不易發日領日使均未認可得毋空喜一場耶

基於非法攝政內閣下之各種行動無不倒行逆施以捧老帥冠冕登塲爲愧于實行乘火打劫捲票陞官之目的若金佛郎案之一筆大財王克敏固挾此以上台者也俄國租界地皮津派固欲押款百五十萬充大選經費者也昨日北京盛傳已備大選費現款三百萬實係糊鬼性質蓋曹氏私款不願拿出大

家抱定老帥有功於國家大選經費當然作正開支之套話外省報効又多空頭人情試問款何由來乃據秘中所聞天津發現一種大買賣不特大選費可由此予取予求即籌備諸人亦能見財有分大家歡喜其買賣爲何卽食鹽出口一千萬噸之案是也華人經手者爲李松年日人經手者爲原順太郎其機關設在太利旅館承辦者爲長蘆因長蘆之價出口較他處爲有利益也雙方協議每噸表面交保證金兩毛內容則回手另加一元額數爲一千萬噸分三期運交表裏兩面計之可得大洋一千二百萬元但日領方面對此未加認可且北京日使方面亦從未知道究竟能否成功尙有問題或者日人鑒於我國軍閥之專橫與國民之公憤拒絕此種詭秘之契約也

籌措賄款之狀況北京某報載賄選消息云曹錕以四周形勢不佳頗有暫行停止進行之意然乃弟所主持之津派與包辦之吳大頭則絕對的不贊成主張繼續猛烈進行關於經費方面除食鹽出口可得一百六十萬元外復由曹四將天津紗廠官股票一百萬元向某方抵押五十萬元靳雲鵬亦擬出昧心錢三十萬以促其成總計三項有二百四十萬元以之收買豬仔代價所差無幾再以零星湊集當可備用云

旅京順直同鄉反對王承斌勒捐選費之公函

王承斌以軍餉爲名勒派各縣認解選費一事備受各報攻擊茲錄旅京順直同鄉致吳佩孚之公函於後以見當時承辦賄選者之暗無天日也

逕啟者頃閱直隸省長王承斌致各縣知事漾電內開迭准曹巡帥函電各軍欠餉甚鉅大局未定部款無著囑設法籌備數十萬元以濟急需等因用特電飭該知事向該管境富紳殷商通挪款項二千元三千元以至二萬元三萬元不等勒限電到十日內辦定起解本省長將於此別賢否課殿最焉云云查國家軍費歲有常經餉糈之源自應取之中央政府決不應取貸於地方人民雖愚尙不至無茲常識海內苦兵革久矣治軍旅者動以欠餉過鉅譁變堪虞恫嚇迫脅誅求無藝豈知吾人固日望潰變或可減却

一分之兵不願長此混紛難填無底之壑况此次王承斌向地方索餉所以如是汲汲者據報紙宣傳固陽以軍費尸其名陰爲大選爲其實耶夫大選國事也司其責者有國會議員輔其政者有中央官府疆吏何職竟越俎而代謀王承斌前者環兵截途逼黎取印騰笑中外殆無完膚稍有心肝當知歛戢今乃益肆狂悖擾及閭閻吮血磨牙倡言無忌知事怵於亂命紳商畏其積威吸萬姓之金錢博一人之色笑此則吾人所爲疾首蹙額而共鳴不平者也吾人不向爲軍費爲選費但除正課賦稅外決不能再重以任何之負擔貴使與王省長誼屬袍澤九鼎一言立罷此舉使吾省之千萬人民垂絕之生機延一線之活路臨楮迫切不任神馳

又致各縣知事函云逕啟者頃有自某縣公署看得直隸省長王承斌快郵代電一件略謂刻因中央積欠軍費太多直魯豫巡閱使軍費無著不得不仰給各給各縣以資接濟仰該知事即於該縣籌措大洋若干元迅速解省以應急需或由該知事出入厘息借或由該知事設法自籌不得指派勒捐激成事端惟現在需款緊急倘屆時有悞要需該知事恐難負此重咎云云查國家軍費歲有常經則餉餉之供自應取之中央政府地方除正課賦稅外不得濫事誅求人民亦斷難直接負擔無藝之軍費稍有常職盡人而知今王承斌藉口軍需電令各縣代籌銀洋或數萬數千元不等試問貴知事若八厘息借誰肯貸此低利之錢若設法自籌誰甘出其僇囊之蓄勢非施以強迫即須大肆剝敲乃一則曰不得指派勒捐激生事變一則曰待款孔急莫悞要需迹其措詞矛盾欲蓋彌彰是直飲之醜而惡其死也不亦狡乎數年以來直皖直奉兩次戰役向地方索軍需迫人民出輿馬一切損失不可以數量計事過以後猶不知戢日惟擴張軍旅之是務中央苦於供應轉而強取於地方濫度支之常軌殫民力所難堪况此次該省長之索款所以如是汲汲者據報紙傳聞固陽以軍費尸其名陰以大選爲其實耶在貴知事怵於亂命畏此簡書或不敢犯大府之怒但吾人願與貴知事約凡地方所儲之自治或教育或隄防河工等專款不得絲毫挪用更不得向殷實紳商指派尤不得向鄉鎮勒捐有一於此則在任一日卽是我仇卽卸事



以前必爲爾梗總之吾民必不吝惟正之供決不輸造孽之錢言盡於斯惟高明裁之此致某某縣縣長  
旅京順直同鄉會啟

出京議員致順直省議會公函

順直省議會議員諸君均鑒近聞王承斌爲曹錕籌措賄買總統及預備戰事兵費等已擅用其省長之  
權爲竭澤而漁之計據最近探知該王承斌命令各縣知事向紳商籌款大縣担任二三萬元中縣一二  
萬元小縣一萬或八千元不等許以利息八厘明年下半年償還直省計一百十七縣總計此款約五百  
餘萬元又聞王承斌近派其屬下軍警在某縣等處拿獲豪富紳商三四百人之多謂均係販賣金丹  
毒丸責令每人以二萬元罰贖總計此項得款不下六七百萬元查政府收入支出無論中央與地方均  
有預算即有時入不敷出亦應提出救濟方法交代民意之立法機關議決方能有效此次王承斌責  
令各縣紳商籌措之數至五百萬元之多其效果爲何用何以責令各縣紳商負此責任在貴會何以默  
無一言至販賣毒丸果有其事應交法庭訊辦何以不經檢察官廳檢舉擅令軍警拿人至三四百人之  
多該王承斌蹂躪人權已屬藐法乃更擅用私刑勒令罰贖合其前後觀之其明白裁贖希圖敲索尤爲  
顯然省長之無法無天可謂至王承斌而極矣查該王承斌年來依附曹錕兄弟爲効死力藉結主知以  
圖取得軍政大權便可肆其野心說者謂王承斌本奉產旗人也民國以後以王爲姓自託於漢人藉以  
掩人耳目其眷念故家陰謀復辟之心未嘗一日去懷前者人言張勳擁宣統時承斌言張無能爲役也  
俟予舉復辟時方可成功但以舊君之誼勸曹錕姑舉龍旗以明向背承斌之爲復辟罪犯証據昭然前  
月黎總統移津承斌劫之於車逼辱至數小時之久有謂其故賣氣力藉博曹家任用者承斌對人言吾  
不過爲祖若宗稍報武昌起義之仇而已蓋宗社黨之陰謀無端不露其端兆焉挾曹氏之餘威以劫奪  
民財名爲擁曹成大業實則徒擴充一己之實權民怨歸曹大利歸己果羽翼既豐聚范陽之衆效安祿  
山所爲曹氏兄弟庸闇茸庸甚於唐中宗他日倒戈豈特民國之害亦曹氏之叛兒也直系梟雄當以彼

爲魁首爾莽粗躁之吳佩孚沾沾自喜之馮玉祥豈其敵手哉今者憑直隸省長之地位無在不爲蓄謀叛國之預備曹氏利令智昏養奸肘腋毫不之悟吾人不必爲之惜也特爲國家長治久安計斷不可使胡兒得志請貴會諸公群起而撻擊之使宗社餘孽猶知漢族尙有人則稍歛逆謀消鉅禍於未萌則未可知也頗聞前此曹銳任省長時亦曾令各縣籌借款已聚矣卒以駐京同鄉會激烈反對而罷以此觀之燕趙感慨好義之風猶未遜於昔也前者既能爭勝於曹銳今豈不能抗王承斌乎曹銳託阿兄之蔭利用邊守靖爲膺犬其貪鄙無恥固與承斌等也然其凶橫專制則承斌實過之一日而囚三四百人裁職而敲數萬元是直孫美瑤之故技耳此賊不除直人必難安枕望諸君爲國爲鄉殲此雄賊勿爲利餌勿爲威怵則被其澤者豈僅直人七千萬已哉同人哉志與賊抗義不返顧管見所及難已於言倘荷垂聽直起殺賊一言興邦僕等與有榮焉臨穎神馳不勝企禱彭養光王用賓韓玉辰等叩

出京議員對於偽閣騙取盈餘之抗議

逕啟者自六月十三日以還北京號稱攝政之內閣完全失法律上之根據不過一種不正當勢力之存在而已其生命建築於金錢武力之上絕對違反正義與民意其政策在濫借內外債因之利用金錢以謀賄買大選準備作戰之實行此則事實昭然人所共見寧有旁觀局外而又密邇中樞如貴公使貴銀行團代表者而乃受其蒙蔽任彼愚弄者乎頃聞北京偽內閣擬假維持京畿軍警餉項名義重以由孫寶琦熊希齡等聯合中外人士所發起之京師治安維持會隱爲助力建議在鹽稅項下按月儘先提撥盈餘八十萬元作爲軍警餉需及教育經費然後再照向例支配其他盈餘用途等情自表面觀之似爲合理之措置然同人所聞原定計畫則此八十萬元者另有相需甚殷之處非用之於賄賂卽以之充軍費其用之以維持地方秩序及教育事業者不過十之一二其餘大部分適以飽軍閥之囊括供內爭之一擲此則貴公使貴銀行團代表亟宜慎重考慮者也北京政府之支出向來由官僚上下其手黑幕重重無人過問今乃貿然大開方便之門每月以八十萬元援助敵國作亂之軍閥增加內部之紛擾甚爲

貴公使貴銀行團代表不取也特函抗議即希亮察此致英法美日葡各公使四國銀行團代表中華民國國會議員湯漪王用賓彭養光楊永貴鄭萬瞻烏澤聲韓玉辰褚輔成郭同白逾桓等四百八十五人同叩

### 募集賄款之新騙局

北京特約通信云進行最高問題無錢不辦盡人皆知津保對於籌備大選經費本定由直系各疆吏及願爲保方奔走之政客協濟款項各方所認擔之協款十萬二十萬三五萬不等蘇督齊燮元認擔款項最多政變以後齊氏竭力運動張紹曾復職津保未滿所欲頗不痛快對於協款一層大不願意其後復召集省中軍政兩界要人及在野名流開一會議討論此事在野名流因桑梓關係咸不願齊氏有此舉動而齊氏亦因江浙智齒相關聲明願與浙江聯合保境安民協款之事托辭謝決議既定齊氏遂以軍餉積欠過鉅所存款項已分發各士卒認擔協款於中央應撥欠餉中划撥爲辭謝決協款各省疆吏除已解決者不計外其餘見齊氏有如此行動咸起効尤於是津保指望籌備大選之經費遂形落空此著既見失敗津保乃思從中行入手由中行發兌換票以充經費不意王克敏以此種行動不啻破壞中行堅持須有應發鈔票數目三分二之存款貯存中行此項鈔票始可發行經此一棒由中行發行鈔票之計畫又歸失敗一般籌備大選者急則智生準備買動兩家小銀行使之發行兌換票即以此項兌換票搪塞一羣飢不擇食之虎狼議員將來總統選出發生擠兌風潮則該行經理拔足而跑當局便裝腔作勢下令追緝以掩耳目現在籌備大選之輩正從此著著想設法進行一般利令智昏之羅漢若不提防將來受人愚弄實後悔莫及乃籌備大選之人物人多手雜意見不一此項異想天開之騙術日來漸爲外間所知此前昨兩日各報所以皆爲披露一二也一般天驕之羅漢得此消息莫不大發脾氣紛紛假唱和平統一先憲後選之高調立意不合作者業已陸續出京另謀擇地開會而一般意圖高抬寶身價格者亦紛紛作津沽之行在京議員日見減少最高問題之進行益覺困難而吳大頭雄心正大一面

意圖包辦大選一面又想操縱攝政內閣以私黨填布空缺閣席目下其徒黨咸向此兩個目標進行分頭與各派接洽未知能達到目的否又據北京秘密消息直方初擬以四百五十萬為大選收買議員之經費其中三百萬由各省攤認一百五十萬由王克敏担任惟王之條件須先將三百萬現款交存中國銀行然後由該行發行兌換票五百萬除付出四百五十萬外其所餘之五十萬即為該行之利益乃因各方認款不肯暢交共計到者僅九十餘萬且又不交存中國銀行逕由保方分給王蘭亭高五劉彭壽及其他籌備大典諸人吳大頭得包辦費三十萬前次發給各議員五百元節敬亦即由此款開支現在存款實已無多王克敏担任之一百五十萬則因存款不到拒不肯交日昨王蘭亭出五千元支票三張送交中國銀行兌款竟以未經存款抗不支付彼此大起糾葛王不堪其要脅已避入西山四日矣直方至此無法可施故有日前發空頭支摺之舉復因各議員不能見信日昨籌備大典諸人又集議種種詐騙一時之法其法維何（一）係與內容原空可以犧牲二三銀行約由各該行發行千元百元十元等兌換票即於選舉日內發給議員非收買費俟選舉事畢各該行即告倒閉以遂其空頭騙局（二）故意提出種種為難條件今得空頭支摺者取其若干保人方允配支現款即以得支款之數人為模範昭示其信用以為騙誘云

鹽署促魯運使籌選費電

山東鹽運使司王司長鑒各電計達邇來中央政局各方面正在積極進行所有一切籌備需款甚鉅京保以制憲選政諸端部署均負有籌備之責惟現在庫空如洗各省鹽商歷來擁護中央必能相助一切執事謀國公忠素為各方所信任自能體念中央財政困難代為設法勸諭嗣後部署對於各商應有利益如引票等項自當極力保護望將此意切實宣布俾各商踴躍借助事機迫切請速示覆為盼財政部

鹽務署齊印

江蘇教育會反對贊助大選電

六月十三

下編

三十三

南京韓省長齊督軍鑒報載南京願助大選費百萬請由中央撥還蘇省墊餉項下扣除等語查選舉總統依法係國會議員之義務何所用費現所喧騰之大選不啻指明嗾使軍警迫辱元首離京之罪魁早爲全國輿論所一致吐棄穉坦如有急功近利之徒違反全國民意願助此污蠹國會之費者請即查拿究辦且教育費積欠纍纍墊餉久不發還早應由蘇省於國家稅項下扣除不解以補積虧兩公夙抱保境安民宗旨斷不致犧牲人民膏血自陷漩渦以玷我蘇三千萬人之人格倘報紙所載不實應請迅即宣布更正以釋羣疑而免公憤云

國會議員致王占元陳光遠函

直派之盜位陰謀不肯破己身貪饕而以派捐式行之近由王占元陳光遠名下各捐二十萬元以濟其奸國會議員昨特致函王陳兩人勸其毅然拒絕以免國人之最後裁判茲錄原函於後

子春秀峯先生閣下奸人亂國覬覦非分自知勸業德望不足服人實行賄買聞已派定閣下担任二十萬元以招股募捐之形式行竊國盜位之陰謀惡耗傳來不勝駭異竊閣下功成身退避地津門以地位言既非曹氏之家臣安有捧場之義務以情勢言縱可僥倖一時爲曹氏之功狗他日聲罪致討必爲國法所不容使閣下承認前項派款是無異以二十萬元之代價買一罪魁禍首之頭銜天下大惑不解之事孰有甚於此者務懇爲一己利害計爲國家體面計毅然決然拒絕曹氏要求則助寡勢孤或可戢其奸謀否則同惡相濟厥罪惟均國人必有最後之判決也

出京議員爲過付大選賄款事致各銀行書

敬啟者現在曹錕黨徒到處招搖收買議員選舉總統每名酌給票價五千八千元萬二千元萬五千元不等其支付方法係委託銀行經理一面與議員約定凡願票舉曹錕者商明價格後即交給銀行存款摺據一扣該議員隨將提取存款之印鑑交給居中介紹之把頭俟選舉完畢由本人携具存摺把頭携其印鑑同詣銀行兌取一面與銀行密約此項存款摺據雖經發出惟應採特別會計不得登記於普

通存戶簿籍中摺據上所蓋圖記亦勿用銀行向來慣用之印章選舉告竣後是否照數付款或僅付若干仍以經手人有正式通知爲準此爲曹氏黨徒所規定之方法連日分頭進行經理銀行亦經指定數家聞貴行亦在指定經理之列不勝詫異查收買議員過付賄款實犯刑律第一百四十二條及第八十三條之規定特製存摺另蓋印章希圖湮滅証據而証據終不可得而泯其是否付款抑僅付若干不憑存摺乃以經手人之通知爲準更屬預圖倒槌扶同局騙明係詐欺取財又與刑律第三百八十三條相合有一於此已難逃法網况數罪俱發安能倖免耶夫曹氏厭惡於國人亦深矣昏庸獨著貪鄙性成向無尺寸之功祇聞邱山之惡遭逢時會已領兼圻不自量度復覬大位逼宮劫印以逐元首利誘威逼以臨國會衝破國家之綱維敗壞人類之道德此而能成是無天理民國建元已歷一紀其中憑藉金錢武力橫行城內快意一時者亦已有人然其敗亡皆忽然殷鑒不遠曹氏之勢才智不逮前人而其倒行逆施則遠過之彼輩末日之至實可立而待縱總統迷夢勉強一圓亦洪憲之續耳貴行管鑰金融懋著信用自宜避之若浼安可投入漩渦爲之過付賄款串同局騙自取罪戾縱不爲正誼計獨不爲一行之前途利害計耶某等敢以莊言正告此次曹氏黨徒毀法亂紀貽禍實大國人萬難漠視力所能至誓不殲除以肅紀綱而伸大義凡助惡長奸者亦不一一置之於法力矯從來寬大獎亂之習以垂大戒一切行賄賂賂之摺據現正從事搜集一經取得當先訴諸法庭公諸輿論縱暴力所在一時不能求直然曹黨崩潰之日卽爲彙總算賬之時公判執行不容假借特先聲明毋貽後悔道路傳聞之詞謂貴行經理此種不正業務某等亦不敢遽信但願有則改之無則加勉勿牽於平素之情面慮與委蛇勿貪圖一時之小利自貽伊戚敢佈區區惟祈自擇京華在望不盡欲言此致中國金城中南直隸邊業交通鹽業大陸東陸勸業各銀行最近保洛截留交通機關收入二千五百餘萬

兵多財細雖竭全國之收入尙慮不足自袁項城驕養武人之餘毒黠者乃逕截留國稅收入以爲養兵

之需其實大半都掬入腰囊兵士不過稍沾餘潤欠餉多至數月一面向中央藉口索款一面挾其威權  
制據有收入之機關即如現時中央萬分窮困而日前尙張羅解款二十餘萬赴洛其實就其截留收入  
各項計算那能尙有許多欠餉如收入最巨之京漢京奉津浦等鐵路已完全爲保洛扣留最近交部咨  
請財部轉帳總數達一千五百餘萬殊屬駭人聽聞而此撥去之一千餘萬亦均無賬可稽茲由陸軍部  
方面覓得財部致該部之咨文云「准交通部咨開京漢津浦京奉及天津電報電話等局先後撥付曹  
吳兩使軍用款項一千五百三十三萬七千六百九十元零四角一分四厘請照歷次成案作爲本部暫  
代貴部墊付之款查照轉帳各等因前來當經本部核覆以中央應撥曹吳兩使軍餉在列入陸軍直轄  
各機關預算之內者各該局所撥之款係屬支付某師某旅正餉若干或臨時費若干應俟查明後再行  
轉帳在案所有京漢各局撥曹吳兩使之款究係支付某師正餉抑係軍費應請貴部迅予查明並希見  
覆」等語據此文所開則曹吳等截奪路款純飽私囊並未用之正餉與軍費也  
編者案曹吳禍國之罪狀罄竹難書而其爲國人所共見者莫若擁兵冒餉劫奪路款之舉如上所紀則  
其數年以來侵佔國家公帑何可數計予由報端錄此一則附入搜括賄款之列冀國人有最後之裁判  
也

## 第二節 賄選前後之政團

編者曰政治生活者社會生活之一部社會或其分子不良而期於有良政治殆爲不可必得之事政黨之爲物集合一羣從事政治生活之人而自爲一種組織是亦政治社會中之一部也政黨之組織健全而有力量其勢常足以轉移政治而政治之美惡亦往往視政黨之主張步調以爲幹旋緣是之故政治之與政黨乃有不能脫離之勢政黨而善則政治賴其櫛鋏若梓匠輪輿之有良工不善則爲政治上增骨之疽荼毒肌肉滲耗血液終於潰敗甚者乃迄死亡建國以來國民進步兩黨角立元二之際分野犁然號爲極盛繼起政團某會某系華離分裂要皆兩黨之支與流裔而已政無常軌禍亂相尋其動也則軍人策士牙掉機張其靜也則官僚鄙夫蠅營苟苟號爲政黨者不過依違徵逐於此輩之間軍閥官僚偶爾借重則份其殘羹冷炙爲政黨食息之資否則蹴踏而播異之亦罔所惜根本上既無政治之可言則政黨之生命與其機能亦祇能附寄於權力藩溷之下不能爲善惡也賄選事起吳景濂欲以民憲同志會一派出面包辦各政團惡其壟斷起而斲之三三五五自爲組織朝懸社牌夕索黨費員額過少則借名冒簽開單列籍當時爲分索賄款而組織之政團乃至數十起有一團僅三數人者承辦納賄之機關大選籌備處及津保公司洞知其弊乃改用「分省采辦」及「直接定貨」等辦法賄選告竣大孫派(孫文)小孫派(孫洪伊)研究系討論會與反直派之安福交通政學系益友社等各政團或以全體名義參加或由團員自由出賣其能自號純潔者蓋無一焉吾國政黨之價值亦隨是役而委地盡矣時人之論政黨也謂其關係於政治社會者須參以經濟史觀的考証不當概以舊倫理爲觀察之主眼是說也予乃不能無疑政治之本義基於最大多數幸福之要求而其貫徹此項要求之歷程則恃有社會上相當之人格以判其權利義務之所在而達於安全秩序之域若其以人類貪污掠奪不可盡免之惡性推而放之爲社會之惡化假政黨之名以贖亂政治而恣其無疆之欲此與率獸食人何異而猶曰政黨之性能固爾法不爲惡嗟夫有是理哉有是理哉近人謝彬氏著民國政黨史於賄選前後之政團區



析至詳茲錄於後以明政黨罪惡與假政黨之名以為罪惡者同為國民所不赦也  
 (甲)六月十三以前之政黨

名稱	經理人	派別	地點
民憲同志會	吳景濂馬驥羅家衡等	舊益友社	小麻線胡同吳宅
新民主	張伯烈胡祖舞鄭人康 邱冠芬孔慶愷等	新保系	石附馬大街三十二號
石附馬大街三號	吳蓮炬趙時欽劉輔同 張佩紳等	保派王毓芝關係	見名稱
全民社	溫世林錢崇愷谷芝瑞 等	保系	甘石橋一一七號
宣外二百號	黃明新任煥黎斐廷潘 王法歧周克昌等	保系劉夢庚關係	見名稱
化石橋五十六號	彭占元等	保派劉夢庚關係	見名稱
壬戌俱樂部	張漢孟昭漢田永正廖 希賢余紹琴等	保系蔣雁行關係	化石橋十六號
後孫公園十一號	鄭江灝牟鴻勳等	新民主所分裂	見名稱
西河沿一百八十六號	張益芳景耀月林繩武	保系	見名稱
觀音堂十號	許峭嵩董慶餘林伯和 等	保系	灰廠
憲友俱樂部	王謝家李鐘麟	保系與陸錦有關	北新華街
憲法學會	鄧毓怡	直隸議員勢力劉夢庚 關係	南長街

報子街十八號	常瑋璋	直隸議員勢力王毓芝 關係	見名稱
頤園	彭漢遺黃贊元張玉堂	新民社所分裂	西城
漠南寄廬	諸們達賴	保系蒙藏議員	石碑胡同
以上十五團體對最高問題均極端贊助			
西北議員俱樂部	董士恩	甘新兩省議員	豐盛胡同
旭廬	未詳	吉林議員	吉林新館
改選議員俱樂部	未詳	第二班改選參議員	報子街五十號
是廬	于式芳	政團聯合會之一	石燈巷
宏廟二十三號	李春榮	全民社之支店	見名稱
蒙藏議員俱樂部	熙玉	蒙藏議員	石碑胡同
以上六團體亦贊成最高問題但較前十五團體略遜耳			
中鐵匠胡同二號	政學會要人均有分	憲政社	見名稱
憲法急進會	蒲伯英	研究系之一部分	未央胡同一號
香爐營頭條十六號	易次乾	半政學會	見名稱

匡廬	湯瀚鄒樹聲陳友青	江西議員	江西會館
翠花街十七號	混合制張復元	浙江議員	見名稱
順成街三十三號	翁可均陳士髦	蜀蘇議員	見名稱
南廬	王欽宇楊詩浙范殿棟等	廣東派	絨線胡同
蒙事研究會	白逾桓	湖北議員	油房胡同
以上西團體主張真正統一與西南有關			
地方制度協進會	王試功	小孫派接進洛陽	未詳
民治社	王湘牟琳宋楨陳堃	小孫派	松樹胡同
南溝沿六十四號	凌毅徐清利等	民八派	見名稱
護法議員聯歡會	謝持	大孫派	頭髮胡同
以上大團體大概接近府方			
樂園	司徒穎賀廷桂林炳華等	討論會	東太平街七號
適廬	江天鐸譚瑞霖	討論會	宣外椿樹頭條
西交民巷七十四號	籍忠寅	研究系之一部分	見名稱

明社	葉夏聲陸達	兩廣議員	丞相胡同
水月菴七號	王紹鏊	順城街三十一號支店	見名稱
以上七團體通電主張促成制憲者也			
梁園	未詳	未詳	東華門口袋胡同
第一班參議員聯歡社	未詳	任滿之參議員	手帕胡同
廣西議員俱樂部	未詳	廣西議員	宣外北堂子胡同二號
以上三團體趨向不詳			

右表所列僅以稍有規模者為限至三五人所組之小團體尙不在內考其組織之由來或就原來團體加以鞏固或為曹銀專辦選舉或故反對選曹以增身價或與府方接近以謀維持黎氏或忌選曹為人包辦乃故唱高調本茲根據而詳審其內容因別為右之六類雖然再細究之仍有不能完全包括之處各政團之聯合會本皆為曹運動選舉之機關但其中亦有態度不明者故西北議員俱樂部等六政團雖列之於另一類而與石附馬大街三號並看亦無不可新民全民石附馬大街三號諸政團擁戴曹氏稱最得力而其組成分子又均舊益友小孫及少數之討論系頗園本與饒漢祥有關係在理宜接近府方而與新民全民民治之三民團體往往取一致行動且與新民全民過從尤密又如討論會政學會接近府方最著者也然亦曾與石附馬大街三號化石橋五十六號時有接洽且加入各政團聯合會於此而欲斷其果為何派又從何處說起愚所區別不過就其大概標題假定屬某黨派而已

(乙)六月十三以後之政黨

當是之時北京政府無一事不呈散漫狀況而議員三五成羣人自爲戰尤爲一切混亂之源假使其時國會僅爲兩大政黨所組織則內閣問題總統問題成敗歸於一方欲謀解決尙易乃以政黨林立失其重心「是」之一點以金錢爲轉移權利契合有時數十政團可合而爲二權利衝突則一小政團亦不難裂爲數部分故新民社駱繼漢胡祖舜袁麟閣范鴻鈞等分裂而別組成社張瑞萱等聯政學益友分子於太僕寺街別組政益社李渠阮性言等別組政社錢崇愷盛際光等別組均社班廷獻等別組憲法協議會傅師說等別組大中俱樂部林繩武等別組廣譽社周鈺等別組聯社傅夢豪等別組浩園賈庸熙等別組果園岳秀文等別組法治統一會于元芳等別組明德學社謝函元等于東太平街別組俱樂部此外尙有中社河南議員俱樂部是盧憲民社南廬庸廬法治協會諸小政團綜合數之實達五十餘處以兩院八百議員平均分配每處不過十五六人而已以一國會之團體分門別戶至于此極當爲五洲萬國所未有亦爲我國有政黨以來空前之盛況而一二野心之徒又欲操縱多數以包辦選舉其糾紛遂益不可解決延至十月五日賄選雖慶成功而所費已不貲矣

雖然所謂五十餘政團者皆舊來四五政黨之變象及當時一二大黨之分支其歷史上之關係尙不能脫除淨盡概括而論約可分爲六派即大孫小孫政學益友討論研究是也但政變而後東三省議員團結甚力在政治上之活動頗能發展其個性此當別爲一派安福系自法統恢復後無人論列時則擁護拒曹亦成一部分小勢力又其一爲褚厲原與益友社合併且已改組爲民憲同志會者至是褚輔成爲主張國會南遷最力之人儼然成一首領且其行動大半代表浙慮似可稱爲浙系不得復以益友視之故除六大派外又可別爲上述三小派也試將此九派之內容一一解剖於左

(一)大孫派 此輩忠於中山至死不變實爲難得其黨略勇於破壞黨中分子又皆曾操革命事業故在政治上屢仆屢起終能獨樹一幟議員多愛錢而民黨議員則決不肯賣中山其勢力之不磨滅者以此張繼謝持彭養光鄒魯焦易堂皆其中之佼佼者此次政變保曹實深受民黨之打擊賄之以款不受

擢之以威不懼無可如何乃許中山以副席蓋知民黨之反抗名義上護黎實際所以擁孫故以是動之然副席一席保系曾許奉張蘇齊浙盧今又以許孫一女數字抑何可笑

(二) 小孫派 其嫡系即所謂民治社是也此系有一不可思議之政策每一度閣潮必造一度孫洪伊組閣之空氣屢試屢敗毫不灰心說者謂孫伯蘭爲內務總長時曾與同人實行共產故同人德之以爲伯蘭如作總理又將若何該系初聯洛吳繼聯蘇齊此時又竭誠擁保無非爲孫閣迷夢所驅使近以國會破裂與該系關係較近之全民社相約以聯絡大孫派爲挽救蓋不願投南之故然大孫派已極力詆罵之矣

(三) 政學系 此時擁黎最力之人當莫如該系改名之憲政社若說者爲該系曾一度降保此益友社離間之詞不足信也憲政社之慣技向以一足在南一足跨北爲狡兔三窟計黃陂喜其機警引爲己用遂深爲保洛所忌然黎不願去一張耀曾復用一李根源彭允彝政學系之勢力在北方大振皆黎之力而憲政社亦以是德之竟犧牲其模稜之故智絕對的擁黎是時岑春煊唐繼堯兩方頗因李根源章士釗之拉攏與黎表示好感非無由也

(四) 益友社系 此系行動完全爲吳景濂所指揮法統重光後已小有分裂吳乃重新改組名之曰民憲同志會別於益友社所以視爲私人黨也其黨略至陋苟權利所在不難朝是而夕非之初與張紹曾黎元洪三角同盟繼黨黎而排張復去張而倒黎吳景濂本無包辦國會之權竟引該系馬驥羅家衡二三私人把持國會一切行動深爲議員所不滿樹敵亦至多保系之驅黎其起因一點爲黎動用海關建築金作制憲經費而此事則民憲派所建議政潮既起吳景濂默不一言一聽黎之被逐人多疑該系設計以陷黎不爲無故然保系以益友社壟斷議會亦深啣之吳景濂明知政治生活將漸入絕境遂擬借大選問題謀一地位下台黨之存亡不復能顧益友社三字恐將從此葬送矣

(五) 討論會 人多認此系爲擁黎派其實不然第以張國淦等二三人比較的親黎耳其黨綱亦以騎

牆爲第一義送往迎來不圖發展故亦不至失敗每政爭劇烈時作壁上觀俟佔優勢者望其臂助然後加入或以第三者之資格調和以取利當時政潮激發該系人少勢微對曹黎不作左右袒黎去以後態度尙未大明蓋其慣技也

(六)研究系 該系早已改組爲憲法研究會發佈新黨綱素好大言善投機遂以陰謀稱然頻年佞倖殊甚急於求售當時保系非常行動曾一度反對之後保系允遂楊永泰而以參院議長與王家襄並准其以一人入閣情不自禁遂向保系投降若藍公武籍忠寅林長民均熱心制憲者時則悉爲曹所利用人謂該系散漫名存實亡其實遇大問題仍可合作其情形正處於貌合神離之反面也

(七)奉系 東三省議員除一二人自行活動外大約悉是在中其在京集合機關即三省議員俱樂部是也此輩完全以鄉誼聯合人數約有五十餘名張作霖從而團結之其勢益固在政黨中別具一種特殊勢力政變以前施肇基長外否決於參院即東三省議員不同意所致其合作精神至爲堅卓不若他種同鄉式俱樂部之孱弱也此系向無首領自政變後劉恩格常代表之與各方接洽無形中劉已成爲中堅分子同人最憾吳景濂未嘗以同鄉視之吳亦無術可與接洽其組合如此奉張所費殊不貲始終與保不合者除民黨外當推此系爲巨擘矣

(八)安福系 人數不多勢力亦微以其歷史上之地位與第一屆國會不相容其初本無形結合後始組一竺廬爲機關政潮勃發後該系以段合肥之關係而增身價在津頗爲活躍其行動亦能自成一組不爲他系所支配亦列強中之魯衛也

(九)浙系 以浙籍議員與褚寓合組而成其首領即褚輔成褚寓本益友社之一支因恨吳景濂包辦遂脫離關係然浙籍人亦殊憾褚氏初不樂與合作尋以盧小嘉之搏合始言歸於好其行動完全以擁盧爲主旨故以浙系名之吳景濂所視爲勁敵者亦正在此說者謂益友社分子其時均跨民憲褚寓兩黨直系勝則隨吳景濂後直系敗則隨褚輔成後吳景濂漸失其操縱益友社之實力所以畏褚者其在

是賦

六月二十一日國會各政團構成賄選罪案之協商會

本月二十一日參眾兩院各政團代表在衆議院小議場開協商會列席者(民憲同志會代表)吳景濂  
羅家衡馬驥劉冠三(憲研究會代表)籍忠寅藍公武杜成鎔李文熙熊正璣(民治社代表)牟琳宋  
楨陳堃(新民主社代表)邱冠羣孔慶愷(羣治社代表)雷殷辛漢(誠社代表)駱繼漢胡祖舜袁麟閣范  
鴻鈞(憲政社代表)金兆校丁文瑩(全民社代表)谷芝瑞(政社代表)李榘阮性言(樂園代表)賀廷  
桂林炳華(二百號代表)王法岐周克昌(匡廬代表)鄒樹聲陳友青(均社代表)錢崇鎧盛際光(三  
號代表)張佩紳(憲法協議會代表)班廷歧(憲友俱樂部代表)李鍾麟(西河沿俱樂部代表)景耀  
月(頤園俱樂部代表)張玉唐(大中俱樂部代表)傅師說(明德學社代表)于元芳(觀音堂十號代  
表)許峭嵩董慶餘(廣譽社代表)林繩武(聯社代表)周珪(順城街三十三號代表)陳士髦(翠花  
街俱樂部代表)張復元(七號代表)謝翊元(浩園代表)傅夢豪(果園代表)賈庸熙(法治統一會  
代表)岳秀夫(適廬代表)譚瑞森開會時由各政團代表公推民治社代表牟琳爲臨時主席報告謂  
值此時局緊急之秋欲謀根本解決之計責任全在兩院同人故今日特約各政團代表諸公到會務望  
各抒所見以救此危亡之時局王法岐起謂今日未協商各辦法之先本席須先質問吳議長者三事(一)  
一)前日憲法會議開會時突有公民團包圍議會之事發生吾人欲促成憲法必先得予吾人安心制  
憲之保障吳議長與軍警當局交涉之結果此後究竟能否保障憲法會議之安全(二)值此時局糾紛  
謠言繁起之際外間相傳憲法會議開會時將有迫脅變更議事日程改開總統選舉會之事此亦吾人  
不能安心制憲之一原因吳議長究竟能否負決不變更議事日程之責任(三)制憲經費有無具體辦  
法請吳議長立即答復吳景濂當即登台答謂王議員法岐所質問之三點正本席欲向同人報告之事  
(一)前日公民團包圍議會之事已與軍警當局嚴重交涉由軍警當局保此後再不致有此種公民團



發見(一)憲法會議變更議事日程選舉總統之謠言係存心破壞憲法者所捏造憲法會議既係景濂主席則景濂不變更議事日程誰也不能變更議事日程今日可對同人宣誓決不作此違法行為吾人頭可斷違法之事不可爲此層請同人放心(二)制憲經費一層今日(二十一日)交涉之結果已由中國銀行撥到現款十萬元餘數亦可陸續照撥景濂亦可完全担保以上三點均請同人不必顧念祇求同人勿輕信謠言自相猜忌則時局必可漸就法律上之軌道王敬芳謂此後憲法能否促成時局能否依法解決全視吾人院內之行動如何爲轉移吾同人果然能同抱頭可斷法不可違之精神則本席可以斷定吾同人終能實行依據法律解決一切時局之責任李肇甫謂宜先由各政團分別協商提出意見再開協商會藍公武謂既謂之協商會須各代表到會協商以多數政團所主張之辦法爲最後之結果協商會無妨連開數次以有辦法有結果爲止似無各個政團預先提出辦法之必要籍忠寅謂今日爲第一次之協商會雖不能求具體之結果然須大約決定吾同人所應協商之範圍以本席之見吾同人今日所應協商者厥有兩點(一)如何而後可以保障憲法會議可以安全開會如何而後可促成憲法(二)總統選舉會開會日期究竟定在何時將此二點協商妥協則一切之爭端一切之謠言不難迎刃而解焉下主張即以籍議員之動議爲協商之範圍主席諮詢大眾無異議遂決定再開第二次協商會而散

編者按上紀政團協商情形爲國會中無恥份子造意及構成賄選罪犯之鐵案而此後吳景濂半籠各政團實行賄選之途遂均由此逐漸進行率領此輩不肖團員日夕馳逐於罟獲陷穽之中而不自覺研究系分子假先憲後選之名欺飾黨徒促成賄選已於此次協商會徵之藍公武籍忠寅輩之罪不在吳景濂之下予因紀錄本則論次於此俾國人知所懲討焉

黨略應付下之賄選情形

民治通訊社云政變以還國會內部日趨破裂大選南遷各行其是關心時局者深用悲觀而其所以致

此之由據透澈此中情勢之某要人云則謂自大選題目標出之後各政團乘機活躍羣起以圖包辦者除民黨主義根本與直系不相容且帶有輕視某氏之心理與安福奉派爲銜前嫌之故俱無條件的反對某氏外其餘之小政團無論大焉者厥爲政學研究大頭三派此三派俱爲有條件的幫曹以前三派之人數論民黨約八十人以上奉派五十人左右安福二十餘人合計僅一百五六十之數是故偷政學研究大頭三系能合作則大選人數已夠而乃各欲單獨包辦互不相容此一系成功則彼兩系相率以去或彼一系而欲成功必以破壞其餘兩系爲其包辦之手段此實關係今後政權遞遷消長之樞紐所以不能不互爭也政系之幫曹乃反面的即明整擁黎之旗幟而暗挾以爲最大之要求按之恒情設甲乙兩者爲對手方丙既誓忠於甲而欲其反而助乙固非有特殊之條件不可政系抱此黨略以黃陂爲幌子以圖償其政治上之大欲其對曹條件則除以該系首領容春煊爲副總統外如閣員及各省疆吏之支配等亦在其條件之中該系爾時蓋已舍院內之鬪爭而轉向廣泛的政略着想其故則以楊永泰競選參院議長不成於前韓玉辰競選參院副議長又失敗於後該系遭此兩度打擊蓋早已知院內不足以有爲研究系向來排黎對曹爲正面的幫忙其條件即先要求某方贊助該系之王家襄競選參院議長而以大頭派之趙世鈺副之以爲調濟之方此其政略係因取得參議長即取得憲法會議正議長及總統選舉會之正主席自不難更進一步恣其所求從而發展其政權若大頭派則忽反忽正前此府院會三角同盟時大頭派固對曹爲反面的今則已純爲正面的且居然已戰敗政學研究二系其包辦生意獨告成告其成功之惟一策厥在以不潔之手段收買參院行政委員會之一部份人使該會永久開會不成不惟無以開選議長即常會亦莫由召集遂根本上破壞王家襄議長之實現於是大頭得以現在資格攫取事實上之憲法會議及總統選舉會之正主席方以其地位關係之重要乃有不敢不容納彼之條件而應其包辦焉惟吾人再試反觀獨告成功之大頭派究能使大選告成否此則視邇來憲法會議接連九次流會已可知國會之破裂乃於此而有不屬於大頭派之幫曹者出而倡

爲孫曹携手之論如全民社之溫世霖派松樹胡同王乃昌之小孫派皆鑒於大頭派無力包辦反將大選局面弄僵其各本身爲求忠於某氏計乃出爲此救濟之方其八代表赴保之結果除已發出冬電外昨陳嘉會牟琳等復通電鼓吹之（上電並見第二編）以目下時局論若果孫曹合作亦屬三系之利然曹正孫副孫氏是否甘居其下又屬一問題矣

編者案孫曹携手之說不過自號民黨改節附曹之輩藉以掩護其穢德而已於事實上殆有不可成立之勢然自孫洪伊倡之於南楊度揭之於北兩院無恥之孫派議員從而和之其事乃在若隱若現之間迨賄選期迫黃陂南下正曹黨恐慌之際孫派乃以全力抗黎間接以助曹之成功論者始知孫楊輩之策略不爲無效然此特黨派上互相利用之一種手段至於議員惟一之目的則仍爲賄是從雖在父兄猶不能束縛其子弟何有於黨首觀於賄選實行之時主張孫曹携手之民黨議員紛紛加入投票其前後用心可謂利盤託出矣關於孫曹携手之函電及其事實經過各報均有紀載予意欲爲民黨二字稍留聲價故概屏弗錄焉

賄選告成以後之派別

曹銀經營大選已及一年費盡獅子搏兔之力耗款至一千三百五十六萬始獲如願相償其心目中已恨國會議員刺骨早存鳥盡弓藏之心無如議員乖覺先將任期延長迫請政府明令公布曹即當局雖欲根本解決終覺狐埋狐搯無已其惟使之內閣兩敗俱傷以收最後勝利正式組閣在賄選前本已許吳景濂速及選舉成功曹之左右恐吳催踐約言也乃提顏惠慶孫寶琦令與之爭峻齊燮元蕭耀南主張新新國會有效使增一敵散布由孫洪伊組閣助王家襄王湘牟琳任議長空氣令其自相殘殺猶恐不濟事也更於甘石橋組織憲政黨吸收反對吳派諸議員停止各小政團津貼俾令窘迫來歸最近電傳憲政黨員在兩院中已佔絕對多數並已分科辦事舉出主任人員審查爲谷芝瑞王謝家文書爲駱繼漢賀道元宣傳爲景耀月趙時欽會計爲史澤咸段大信交際爲胡源匯郭步瀛馬務爲王雙岐周克

其·主·要·目·的·則·在·推·倒·吳·景·濂·使·並·議·長·而·不·可·得·喪·失·國·會·之·地·盤·近·日·衆·院·議·長·風·潮·醜·聲·穢·聞·空·前·絕·後·即·其·政·略·成·功·之·表·現·也·至·若·憲·政·黨·組·成·分·子·據·十·二·月·十·日·專·電·則·爲·石·附·馬·大·街·三·號·報·子·街·十·八·號·化·石·橋·五·十·六·號·宏·廟·二·十·三·號·觀·音·堂·十·號·宣·外·二·百·號·西·河·沿·二·百·八·十·六·號·憲·友·俱·樂·部·憲·法·學·會·漢·南·寄·廬·西·北·議·員·俱·樂·部·新·民·社·全·民·社·德·社·政·社·同·社·均·社·諸·政·團·吳·派·方·面·亦·就·政·團·協·商·會·中·各·中·立·派·努·力·拉·攏·期·便·競·爭·勵·治·社·之·葉·夏·聲·法·治·促·進·社·之·李·載·慶·已·允·力·予·維·持·並·聞·將·組·統·一·黨·與·憲·政·黨·爲·兩·大·政·黨·之·對·峙·惟·是·憲·政·黨·魁·政·權·在·握·勢·力·自·足·奔·走·多·士·金·錢·萬·能·議·員·復·皆·拜·金·之·徒·吳·派·戰·略·恐·終·難·期·成·功·耳·雖·然·此·亦·吳·景·濂·所·自·取·也·茲·將·十·二·年·十·一·月·末·調·查·所·得·黨·派·變·遷·表·列·如·左

(名稱)

(首領)

(關係人)

石附馬大街三號

吳運矩趙時欽

王毓芝

憲友俱樂部

王謝家

陸錦

報子街十八號

常瑋璋

王毓芝

憲法學會

鄧毓怡

劉夢庚

化石橋五十六號

彭占元

劉夢庚

上述五處以與保派中人有深刻關係將爲基本黨大致已經接洽妥協其再接洽中者有

漢南寄廬

諸們達賴

原屬保系

西北議員俱樂部

董士恩

原屬保系

宏廟二十三號

李春榮

原屬保系

新民社

張伯烈

原屬保系

贖園

黃贊元

原與黎黃陂接近

德社

未詳

壬戌俱樂部 原由張漢主持頃已分裂保派擬令馮振驥接辦

政社

恒詩峯

同社

未詳

此外有向由保派象養人數較多欲維持獨立門面不願合併者如左

均社

錢崇愷

全民社分裂

全民社

溫世霖

宣外二百號

任煥

觀音堂十號

董慶餘

西河沿一百八十六號

景耀月

吳景濂以民憲同志會為基本其可以拉攏者有

香爐營頭條十六號

易次乾

西交民巷七十四號

籍忠寅

誠社

駱繼漢

匡廬

葉夏聲

後分裂勵治社

上述四個團體之中匡廬人數本不多葉氏本人尚欲以大孫派之頭銜借孫中山別有號召其中份子曾有在南方領拆台費者大概將分裂為二葉或另樹一幟與左述幾個團體聯絡

民治社

王湘

孫洪伊

南廬

楊詩浙

順城街三十三號

劉可均

其他如羣治社法治統一會以及研究系分裂之小團體討論會之適廬樂園暨一切三五成羣之所謂黨社指不勝屈但其勢力既薄弱賄選成功後津貼又已停止不能維持獨立勢非歸併不可惟吳景濂與高凌霄正各以財力競所謂首領人物認爲奇貨可居狡滑者且向兩方活動一如市場之標賣底貨故其態度游移不定此則且看兩派財力上競爭如何耳

六月十三 下編

五十二

### 第三節 賄選之經過

編者曰曹錕吳景濂之經營賄選也豈絕未計其爲一種犯罪行爲哉彼蓋以爲名由我定法由我操國人將懾於勢力而莫或敢置喙也孫洪伊於賄選告成之時誇之於滬上某外報記者云「曹氏之得大位雖以金錢然使非擁有現時偉大之勢力亦不能成功」然則曹氏之賄選緣於憑藉勢力異翳國法其用心與袁世凱之稱帝張勳之復辟殆無以異此際所可憫惜者民國之主人而已國民於建國之始以「傳統的」重勢力而輕政策之觀念取全體安身立命之政權假手於少數不肖之代議士間接以奉之一系之首領與一部之軍閥而此輩軍閥首領因緣時勢擴張暴力與其地位羽翼既成威權日恣國民乃坐受其蹂躪魚肉而不可復制又寢假而潛伏於威怵利誘之下奉之以名器與實際上之統治權乃至身爲主人而擁其奸奴悍僕以爲發號施令之首長尤愚懦者且認爲天與人歸謳歌而朝覲之吾民識之闇力之薄乃若此賄選在政治上之罪惡非曹錕吳景濂爲之乃國民自爲之此不可不自覺者也匹夫匹婦愚賤之倫語以鬻身則視爲厚辱詈爲犬豕則色然以怒乃賄選一案犯罪者至數百人之衆號稱國民優秀之流身居神聖立法之地一朝墮落乃自儕於滬上之姪妓斐士之黑奴賣身投靠計等評價此豈非最可痛而最不可解之事哉粵稽其故良由社會生活世界思潮震盪變遷超乎恒率舊式人物之思想工作舉不足以相應因而暴露其本相新進時流狃於方隅之見墮於功利之習朝棄佔畢暮登壇坫家習中韓人居葛實則逐臭海上乞肉播間出入權門奔走軍閥分餘贓而共盜假議席而獵官計不出於錐刀事不逾乎筐篋貪詐無恥成爲風尙往者見利忘義之徒國人猶知鄙棄今則暮夜苞苴白晝掠奪滿坑滿谷于囊于囊賄之一字乃無復諱言之者聞當九月十月之交賄選急進之時各政團首領各省區僑客汽車絡繹分途兜攬或當筵而出諸懷袖或叩門而納之僕妾盈束累卷莫非鈔幣譬之九城殞仗冥鏹亂飛三月墓田紙灰四起其時之北京乃成一摸金發塚牲畜互市之世界國民人格之敗壞一至於此嗟夫嗟夫賄選在社會上之罪惡非曹錕吳景濂爲之乃國民自爲之此又不



可不自覺者也。國民主人也。政不能弭亂。法不能懲奸。操主權者豈得無拔本塞源之計。今後建國之大計。與一切政制組織之基礎。吾儕當傾血誠與全力創造之。是乃吾儕安身立命之地。其可忽乎哉。予紀賄選之經過。具爲爰書。以待國民之裁判。復爲之論述。鄙意如右。藉以警策國民。俾有事前之覺察焉。九月十日之賄選預備會。

編者案。吾國代議制度之現行組織。一般政論家已不勝其懷疑。然而不能不承認其存在者。則以其內部成立之條件。猶在法之範圍。苟欲根本摺擊之。在理有不可也。自六月十三以後。吳景濂與三數不肖分子。利用議員嗜利忘義之劣性。抱定金錢萬能之目的。毀法自毀。舉國會存在之原素。而根本蔑棄之。至是而國民對於國會之信仰。乃掃地而無遺矣。吳氏執法舞弊之事。一見之於六月十六日之兩院會合會（詳上篇第三節）再見之於九月十日之大選預備會。此兩會者。皆國家重大政局所關。而吳氏利令智昏。兒戲大法。均以舞弊出之。毀立法之信用。種種無窮之禍源。貪人敗類。以此爲最預選會以不足法數。公然執行大選之一切手續。尤足以證其賄選之迫不及待。爰紀其事。昭告國人。以定吳景濂賄選開始之罪狀。

自六月十三日政變後。國會分裂。兩院常會及憲會未能開成。吳景濂窺破議員心理。遂創預備費名目。凡每次出席常會者。給與一百元。以爲餌。一面復派張魯泉赴滬。勸誘南下者。迅即來京。議員本無一定宗旨。何處有錢。可領便到。何處出席。適某方款項到手。其餘尙可俟。諸異日再領。遂有二三十人。隨同張魯泉來京。而在京者。亦以每次出席。可領百元。故亦十分踴躍。此九月七日常會所由成立也。經過此次常會之後。吳景濂以爲人數頗有把握。非常高興。視爲大功不日告成。於常會散後。即將大選預備會通告發出。且其日期。即定在八日。所以如此。匆促者。蓋恐稍遲數日。則北歸者。或又將南下也。茲將其通告錄下。啟者。前次兩院議員會合談話。決定在九月十三日以前。依照大總統選舉法第五條第三項組織大總統選舉會。茲定於本月八日下午二時。在衆議院議場。開大總統選舉會預備會。屆時務希准臨爲

要等語詎料好事多磨八日之總統選舉會預備竟以四百二十四人之出席不足法定人數而不能開會矣此其原因蓋有種種（一）衆院常會因有延長任期一案與議員自身利害有關而總統選舉預備會則否（二）常會出席可得一百元而預備會則純盡義務（三）津派遇事均惟吳景濂之言是聽極惹各政團之反感而自七日常會開成之後吳尤自詡爲包辦之成績因之議員中故意缺席以拆其台者爲數頗不少（四）各政團初意祇在延長議員任期乃議長乘匆遽之際並議長任期而亦延長之當時以投鼠忌器不敢與爭事後無不大加憤恨大有非將吳排去不可之勢更安肯令其成此大功以是之故而八日出席人數乃大減少不獲已遂宣告延會散會後衆議院秘書廳發出十日繼續開會通告一紙云啟者茲定本月十日下午二時繼續在衆議院議場開大總統選舉會預備會屆時務希准臨爲要特此通告衆議院謹啟定於十日繼續開會其急起直追若恐不及之狀況已可概見前會不成之原因其主因仍在金錢其他皆居於副的地位故于夕間甘石橋會議決定凡出席十日之總統選舉預備會者每人給予出席費二百元至大選票價仍定五千此皆由熊炳琦王毓芝二人於會議席上對衆宣布者熊王又謂大選費確已籌足諸君如不相信我等願負責任云云是日列席者皆係某方認爲可以包辦一部分之人彼等於散後當即以電話四覓其黨徒告以此等消息一般羅漢對於出席費二百元尙無所可否惟於所謂五千元者則仍懷疑問蓋求現不賒四字已爲羅漢所信守之主義無論何人皆不能使之拋棄熊王雖自命爲担保之身分其如彼之不相信何大選預備會既經二度之流會大選派奔走甚急八日晚間至九日晚間吳景濂幾有五官並用之妙九日上午十二時及晚間七時大選派分十三班請客吳大頭知流會原因一爲拆台派收買不出席一爲票價未有切實保障於是大放空氣政府將逮捕反抗諸人立予槍斃以恐嚇拆台派停止收買之進行一面授意高凌霨吳毓麟熊炳琦等在甘石橋政團聯合會召集各豬團代表商權票價問題各政團到者百餘人彼此赤裸裸的打開窗子說亮話由熊宣言每票五千元先開支票當選後三日內照兌由高吳熊三人負責並鄭重聲明此款現

存天津王省長處可以調查決不虛假等語各政團得此定心丸減去疑慮不少大頭仍恐不可靠又令各政團推舉代表於五千元票價內先領二百元分途致送以表誠息（此款係用汽車連夜秘密送交並非公開）各政團於即日預備會散會之後又開聯席會議一面推孫潤宇李樂等四人赴津見王承斌調查存款傍晚抵津與王見面由王介紹某某兩銀行行長與各代表見面聲明存款確實願負完全責任當夜各代表即有電話來京報告一班見錢眼開之議員無不眉飛色舞而十日之大選預備會遂居然成會矣初定二時開會後延長時間至三時簽到人數參議員一百零七名衆議員二百九十四名兩院共到四百零一人去四百三十六人之過半數尙差三十五人復聲明延長三十分鐘於是一面延長時間一面由錢崇愷邱冠霖分乘汽車到處拉人聞由松樹胡同及中央公園水榭兩處拉得五六人至三時四十五分報告在場人數四百三十六人恰合過半數遂宣告開會吳景濂時面現得意大聲曰大總統選舉預備會民二民六前例均以過半數行之現在在場議員已有過半數當即依法開會依法第五條第二項之規定大總統有故障離職時以副總統代之同時副總統缺席則以國務院攝行政權現攝政期滿國會應照大總統選舉法於此期間決定選舉會日期選舉大總統宋汝梅發言攝期間既爲九月十三日應即以是日爲大總統選舉會錢崇愷言本席認爲須提前一日改爲九月十二日吳景濂以錢崇愷九月十二日開大總統選舉會說付表決起立者多數吳又報告選舉會之手續民二有五項規定茲付表決起立者亦多數五時始散會據議員某君之所述是日確有未出席之議員而簽到簿中竟有爲之簽到者如四川議員之張瑾雯李汝翼湖北議員之馮振驥浙江議員之劉景晨福建議員之李兆年廣東議員之陳紹元曾慶祺河南議員之孔慶愷方德九賀昇平山西議員之李素李景泉等皆是而張瑾雯李汝翼李兆年劉景晨馮振驥等皆已有函切實聲明又是日如王乃昌牟琳等亦皆未出席不知簽到者何以有四百六十人之多此中玄妙殊不足爲外人道矣此外尙有可紀三事者（一）是日有病議員易宗夔等三名由同人扶之上汽車到院院門口另備躺椅一只由同人將病者扶

到鵬椅之上由二人抬赴議場然本人入場後因病體不支不能坐起乃由背後及左右各扶一手極盡奇觀(二)宋汝梅陳策谷芝瑞等二十餘人雁排於簽到處窗門鵠候到院議員延至最後尙差十餘人每到一人即握手歡迎並監督簽到(三)警廳提署防護極爲嚴重馬巡步巡便衣偵探梭巡不息且有長官散布於院內各處此亦極可注意者大選預備會開成後當夜甘石橋即開票費評價會主張分三種(一)八千元者(五千票費二千還賤費)(二)五千元者(開會前付四千現金選出付一千)(三)六千元者(會前付半現半支票)茲將張瑾雯等致吳景濂函錄之如下

(一)張瑾雯李汝翼函蓮伯議長大鑒昨日大選預備會汝翼瑾雯兩人因事請假具有假條掣回收據可憑乃昨閱預選出席人名單竟列汝翼瑾雯之名實深詫異務請即日更正宣布同人以昭核實而免弊混實爲公便(二)張瑾雯二次詰函謹啟者本月十日總統選舉預備會瑾雯因事請假執有收據可証乃聞簽到簿上竟有瑾雯簽到字樣不勝駭異因到院查勘是日名簿瑾雯名下確並有到字硃印赫然紙上當即具函聲明請予更正公布以明真象而免弊混迄今多日尙未見原函印布更正不識議長是何用意竊立法機關何等尊嚴總統選舉預備會何等重大乃不意青天白日之下竟有此公然捏造議員之舉查議員簽到名簿係由議長派有所屬專員監司其事瑾雯旣已請假則此到字硃印從何而來此等偽造行爲實已入刑事範圍議長自不得辭其責任且到會人數旣發生偽造問題若不切實查究表明事實則當日人數多寡已屬不能確定選舉預備會安得遽認爲成立瑾雯爲保持國會尊嚴起見特再鄭重聲明即請查照前函立予更正否則法院具在我兩院同人當不忍以神聖莊嚴之國會係議長一人蹂踐破壞不留餘地也愚直之言幸賜明察

(三)李兆年函蓮伯議長大鑒敬啟者昨日大選預備會弟因久病初癒步履尙難實未出席茲查有人冒爲簽到若不聲明誠恐日後流弊滋多除查究外特此函達

(四)馮振驥函蓮伯議長台鑒九月十日總統選舉預備會本員因病實未出席(有請假回條可証)迺

查由院印佈之出席人名單內竟列有本員姓名實屬錯誤應請飭廳速爲更正並印佈同人爲盼

(五)劉景晨函連伯議長左右敬啟者十日大總統選舉預備會景晨未嘗出席頃閱報載出席人員列有景晨之名殊深浩歎大總統選舉預備會關係何等重大而會場捏報人數舞弊顯然應請閣下注意十日之會是否有效天下人必有公判也用特嚴重聲明希即飭科油印分送兩院同人鑒察爲幸

以上五人切實之聲明已足使預備會陡生裂罅不料此外復有當場查點人數之衆院議事科科員秘書孫曜之通電縷述始末一場黑幕揭露無遺原電云各省軍民長官各法團各報館均鑒謹呈者曜前蒙委爲本院秘書任事以來夙夜警惕惟恐奉職不力上累知遇對於議事科法定職守範圍以內從不敢有所怠荒當蒙鑒察本日大選預備會曜出席議場稽核議員人數查是日在場人數據分路查點人報告總數實爲四百二十一人當時三次檢查之所得不可謂不精確惟秘書長訓令再三使書四百三十六曜以此事關係過大未敢從令秘書長乃轉于其他秘書遂以湊成是日之會此當日實在情形本科科長深知其情堪以作証伏思國會爲立法機關職員係法定職守在議場莊嚴之地而行此詭遇預備會如此止式選舉可知瞻念前途不寒而慄曜一介書生只知守法供職議會十餘年從未見此千古創聞之惡例倘常此苟同上有累議長知人之明下亦貶損一己之人格謹將當日實在情形繕呈鈞鑒倘不蒙察諒下情以爲愚懇不堪任使則曜竊知罪矣言盡於此進退惟命謹呈議長秘書長鈞鑒議事科科員秘書孫曜謹呈九月十日

慨自六月十三日總統被逼去位以後北京一隅法紀掃地今竟以非法之行加諸守法之身大選以非法爲預備縱令詐欺而成實足以滋長禍亂言念法統良川疚心謹電敬告邦人衆議院議事科科員秘書孫曜蒸叩

九月十日大選預備會之黑幕

天津國會議員通訊云九月十日之大選預備會純係吳大頭捏報人數而成其違法之處約有兩點按

法總統選舉預備會須兩院各過半數出席查前日出席之人衆院固已過半數參院則所差尚有十餘人乃大頭竟不將兩院出席人數分別報告但含混其詞謂簽到四百三十六人已足法定半數遂宣告開會此其違法者一秘書廳所油印公布之出席名單其中竟有十餘人實已告假居然亦行列入且查之簽到簿竟均印一到字如四川議員之張瑾雲李汝翼湖北議員之馮振驥浙江議員之劉景晨福建議員之李兆年廣東議員之陳紹元曾慶祺河南議員之孔慶愷方德九賀昇平山西議員之李素李景泉等皆是而張瑾雲李汝翼李兆年劉景晨馮振驥等皆已有函致院切實聲明按前日之會據大頭所報告之人數其超過法定之額僅有二人而未出席而被冒簽者竟有如是之多是昨會根本上已不能發生效力此其違法者二吳大頭愈益專橫而議員亦愈感不平因之即素未南下者亦不肯出席出京議員因通電宣布吳景濂舞弊罪狀其文如左

各省區軍民長官各省省議會各公團各報館均鑒近日吳景濂等盤踞北京國會議場挾其議長資格利用軍閥武力與金錢公開賄買議員而猶不足迺至破壞立憲國之根本制度以求其詭計之得逞竟於本月七日常會十日總統選舉預備會捏報出席人數宣告成會查兩次開會所有實在人數業經被捏報而未出席之議員及秘書廳在場職員證明絕對不足法定人數同人等曾於庚電及兩院院內行政委員會真電聲明否認當蒙鑒及查前次列名庚電之兩院議員四百八十三人現除在奉省趙連瑛等四十九人在津者彭養光等三十八人外餘爲褚輔成等三百九十六人現均在滬以此核算在京議員實數不過三百數十人自六月十三日以還時逾兩月迭次常會憲法會均未能成是其明證今吳景濂等既敢以捏報而成常會及選舉預備會則明日之偽選會必仍取以少報多之慣技捏報成會竟一日之力使曹錕得假借尊號以入都門察往知來事有必然前聞吳景濂等曾偽造議員徽章希圖僱人名入場各報喧傳舉國皆知查大總統選舉會法定出席人數爲五百八十人現在京人數相差既多吳景濂既敢捏報於前勢必僱員冒充於後總以完成盜竊名器之偽選會爲務此等惡例既開後之強有

力者但能盤據首都勾通議長倒行逆施復何事不可爲民國法律之謂何國民公意之謂何同人等爲國爲民義難緘默特再正式通告吳景濂等以捏報及冒名之伎倆擁戴總統國人誓不承認尙祈邦人君子一致否認同力聲討以紓國難則國家之幸亦同人等之榮也

出京議員否認北京國會開會之通電

各省區軍民長官各省省議會各報館各公團均鑒本月八日同人等聯名發布宣言聲明自六月十三日以後所有吳景濂在京個人賣身之行動不能認爲國會職權之行使一切議決在法律上絕不生效力其唯一鐵證即在簽名報到實行赴滬之議員已達四百八十三人及吳景濂等肆無忌憚作爲枉法甘冒不韙竟於九月七日宣告衆議院常會開會出席議員三百零九人已足法定人數又於九月十日宣告開總統選舉預備會出席議員四百三十六人僅足過半數以國會議員總額計算旅京議員絕對不足半數公然宣告開會其爲虛報人數或人簽到或名頂替數罪俱犯方能搆成此劇不問可知同人等除依據此間兩院秘書廳議員名冊及吳景濂在京發布之出席議員名單切實調查證明吳景濂犯罪實據依法懲戒外特行聲明所有本月七日十日兩次假借名義之會議在法律上絕對不生效力以明責任而維法紀事關國家根本絕非院內爭議可比尙希公等主持正義共圖挽救民國幸甚謹此布聞

聞候明教移滬國會參議院衆議院

出京議員宣布北京預選會不法電

各省區軍民長官各省省議會各公團各報館均鑒自曹錕及其部屬騙逐總統盤據首都以來吳景濂爲虎作倀甘心附逆公然以賄買詐騙浮報冒名不法手段進行僞選秘密擁戴迭經同人通電聲罪致討與衆共棄諒邀洞鑒茲將九月十日吳景濂在總統選舉預備會所作不法之證據列舉如下查照民二民六先例總統預備會須有兩院各過半數之出席方能開會乃吳景濂舍混其詞謂簽到者四百三十六人已足法數悍然宣告成會證一以吳景濂印布出席名單考之當日未出席之議員吳景濂簽者計

四川則有張瑾雯李汝翼湖北則有馮振驥浙江則有劉景晨福建則有李兆年廣東則有陳紹元曾慶祺河南則有方德九賀昇年孔慶愷陳鴻疇山西則有李素李景泉華僑則有黃伯耀等截至十二日止已有張瑾雯李汝翼劉景晨馮振驥黃伯耀等具函否認證二衆議員秘書廳科員孫曜具呈向吳景濂辭職聲明當日預備會人實爲四百二十一入並擬將在場分路點查人數之報告單及孫曜核算之數目用寫真版公布以明真相證三按以上三項鐵證雖由合法機關行之猶當宣告無效况吳景濂等降志從賊賣身軍閥固根本上爲國人所否認者耶預備會如此僞選會不問可知凡我國人果不忍坐視國家名器爲鼠竊狗偷之輩所篡取者其速起圖之謹此布聞惟希亮察移滬參議院衆議院篠出京議員宣布僞國務院蒸電請公討通電

各省區軍民長官省議會商會教育會各公團各報館鑒昨由保定負責機關抄來蒸日北京僞國務院致曹錕電件文曰本日兩院人數實則四百零九人由吳蓮伯就兩院書記編成三十人列席湊成預備會半數之法定人數惟大選會須三分二以上出席四分之三以上當選實在人數尙差百餘名吳請先發百萬方能辦到此事萬一人數不足此百萬鉅款擲於虛牝不得不慎重請轉令王孝伯直接與蓮商量辦法秋舫來電話四帥對於蓮伯等頗不放心決定非俟議員足法會議人數不能將款放手如何之處仍盼卓裁等語查十日大選預備會冒名浮報種種舞弊實情迭經在場秘書孫曜及被背簽代到之議員張瑾雯等先後通電指証鐵案如山諒邀鑒察惟其頂替浮冒之人數關用兩院書記編成匪夷所思非個中人不能道破連日吳景濂等極力進行憲法會議以先選後選或憲選並行爲號召意在必成孰知此中黑幕以要求百萬鉅款格於曹銳非俟會足數不能聽其誣取故以制憲名號愚弄我同途其發財局騙之私王孝伯亦適於寒夜入京實行蒸電直接商量辦法蛛絲馬跡更歷歷可尋該電內容已完全証實似此行賄作畫公行情真罪確此而可忠不特廉恥道喪實人心全死國何以立敢據實披露唯國人實圖利之國會離京議員褚輔成湯漪等四百八十三人叩刪



### 孫曜到滬後之談話

滬訊云揭發九月十日總統選舉預備會舞弊情形之衆議院議事科科員孫曜氏前日隻身到滬昨有人訪渠於厲次茲以其談話述之如次孫曰本月十日預選會捏報人數舞弊實情已盡於余之蒸電余與吳蓮伯私交素篤惟爲公義所迫爲維持國會尊嚴個人人格計遂有此舉京畿全在直派軍警勢力之下余知此電一出必有性命之危故先以電稿託友人拍發隨即赴津在津益旬日受警察與暗探之監視不勝其麻煩故毅然來申並思與各派人士接洽防止非法選舉照現在在京津議員人數而論今近六百而廉潔自好決不受運動者亦近百人奉天及現在在滬者亦有二百餘散處其他各地決不出席者亦五六十人故欲選舉合法甚難辦到爲違法舉動爲法律所不許余擬對於前次舞弊提起訴訟雖知暴力之下公道難伸惟當盡心做去勝敗非所計也

### 預備會以後之雜訊

九月十日大選預備會冒名頂替之情形業已完全証實茲查是日並未列席而秘書長竟爲之割到者計有議員劉景晨李兆年徐寶田苗雨潤李素常堵彰馮振驥賀昇平陳鳴疇孔慶愷方德九李汝驥李景泉陳紹元張瑾雲等此外尚有多人俟訊查其姓名後當陸續發表此次首先質問冒簽者爲張瑾雲氏故大選派對張極爲注意特於日昨派警前往張宅刺探其行動如同監視張見形勢不佳遂於日昨逃來天津矣至吳景濂對待宣布當日舞弊情形之孫曜曾商於陳策陳主通緝於是攝閣之高凌霨遂擬下令通緝孫曜康士鐸袁振簞范熙壬等數人以示懲戒並聞楊士聰於十二日大選會開會時當局曾派軍警赴其私宅包圍良久並由警察雇一汽車請其出席楊到會後因未成會遂假赴李國筠晚宴爲名因楊自用車受當局運動改乘李車逃往六國飯店此吳景濂與攝閣對付留京議員之情形也至其對於反直派各議員約有三種辦法一爲監視二爲妨害其行動三爲保護美其名曰保護實爲拘留形式此種威迫之辦法實不啻將所有議員視同囚犯剝奪其自由使其就範孰知此種苛虐手段不但

不能收大選功效且反而引起一般議員之公憤以故日來東裝南下者大有其人云又某報載吳景濂之無惡不作已爲盡人皆知濫用私人無非爲包辦大選計聞吳氏除改派秘書廳人員外並推荐一差役穆某於薛之珩以充西城某區署長擬於大選前一日密使警察及穆某所轄區之巡警挨戶強迫議員出席刻正進行中當此直系諸人與吳景濂爲大選極力佈置之時有一事足爲大選點綴者卽參院秘書廳人員之大索薪運動是也聞衆院人員對此亦已響應其原因純由冒簽情事而起蓋秘書廳人員對於冒名頂替一事認爲違法舉動感抱不平且謂薪水不發尤可而議長秘書長朋比爲奸舞弊作僞責任由我們負之我們萬不能放過之云

預會後賄選前之情形

九月十日之預選會舞弊顯然已無可掩飾凡稍自好之議員不願扶同作弊者當然避之若浼益以大選會定人法數至少須五百八十人較之前日只須四百三十四人者實差至一百四十六人之多其不易湊成自屬共見之事實因之十一日高凌霨熊炳琦邊守靖劉夢庚王毓芝等爲事先疏通議員起見按照兩院議員名單發出請柬在外交大樓宴請兩院議員席間高凌霨發言略謂攝閣期滿希望各議員以國家大局爲重依法選舉繼任大總統高語畢議員互相發言有參議員陳某起云現時在京人數僅有五百三十人左右此尙是根據親到支領歲費之人數而言其領得歲費又復出京者尙不乏人故明日(十一日)之會根本上萬不能開成不過現在據十月十日爲期尙有一個月仍望設法拉攏俾足法定人數云云繼陳而起者爲四川衆議員吳某詳述此次派員南下拉人之情形據云接招待員某來函謂在滬議員參衆合計不滿二百其中有一部分與南方關係甚深不易疏通一部分雖已動搖但因籌資缺乏不能成行能特別優待亦可使之北歸尙有二三十人業已說妥即可動身云云語畢並將來函呈示王毓芝王閱時頻頻領首照此說來則十二日之大選會萬無成理乃兩次延長時間其結果到會人數卽就簽到簿而言不過四百十六人其到而復出者果尙未扣除非但與法定五百八十三人之

數相差尙鉅並日前預備會之一四百三十六豬亦不能維持可見吳大頭之包辦能力究竟有限聞吳於事前亦擬效預備會故智向車行預定汽車八十餘輛之多在院門聽候調遣並向大選派要來大批支票以備挨戶抖攬同時大選籌備處又派員於午刻分在四城宴客席散後即以汽車細載送行送院並派大隊警探以保護爲名實行監視羅漢住宅以爲如此三管齊下當不難立集大舉故是日象坊橋畔之汽車往來無殊織廠梭洵爲從來未有之盛況乃萬事齊備只欠東風日前預備會各羅漢之所以慨然應命出席者徒以有現款「猪敬」二百元隨車前來之面子情難固却而此次雖有一紙二千元之支票然而是否空頭前途畢竟難卜且大頭事前曾許現款而臨時變卦未免跡近欺罔因此拜金羅漢遂現欲前且却之態（按大頭確曾許羅漢發積欠歲費爲名每人概先支給二千元故曾幾度向津方要款百萬而津方以如此鉅數何易立集且對大頭金錢上亦未能絕對信任故卒改用支票）加以具函登報聲明未出席預備會者十餘人因恐實力派干涉性命上未免危險已紛紛於十一日下午襁被出京有此數因而是日盛會之結果殆矣

十三日總統選舉會以不足法定人數敗興而散熱心大選者對於二次開會正在籌議中惟於開會之前一爲京外議員之拉攏一爲大選人數問題關於第一項前昨兩晚小麻線胡同吳宅及甘石橋俱樂部均有會議討論應付反對派種種策略當即見諸實行關於第二項則津滬二地均已着手羅致王承斌來京之預告即與解決大選人數問題相因而至者當十二日大總統選舉會流會後邊守靖即走訪吳景濂商議補救辦法吳仍謂只要有錢人數不成問題照我算法人數已將近六百人邊雖不敢十分信吳之言但不能任此事漫無解決因與吳決定即日請王承斌入京商決墊款辦法吳以爲然即由吳電話王王因尙須與曹四一商答容稍爲考慮邊即赴津迎迓至晚間十時王電覆吳景濂謂可以前來同時並通知吳毓麟借其話水井宅下榻聞津方現以黎黃陂在滬組織政府若北京仍無總統則黃陂之稱號較有根據故對於大選不能不稍上勁且攝政內閣十三日已經滿期就北京而言亦有敦促大

選舉之必要王此來非有幾分把握當不回津至經費一層有兩筆款可以羅致聞其一卽爲樹德堂款至於滬上方面自張魯泉裴廷藩黃明新等南下接洽後滬上議員亦頗有爲金錢所動者十二日流會之後經紀人與包辦人方面皆知此事已無成功之望然心終不死於是別出奇計又思制憲問題爲誘致議員之手段故先憲後選之說又甚囂塵上於選舉會開會之前晚高凌霨等與吳景濂同訪王家驊談及大選王力言先憲後選爲得計高吳以時期迫切制憲萬來不及仍主先選後憲再三磋商結果高始提出折衷辦法謂先將二讀會業已通過之條文速開三讀會卽日公布其餘未經二讀會議決者則待大選後再議談話無結果至此而散至十三晚吳景濂又與王家驊磋商吳已明白表示其拋棄先選後憲主張惟彼等知大選會事已弄僵非變換題目無以轉移各方之視線逆知制憲兩字爲留京議員一部分（如研究系等）所標榜遂借制憲爲題以爲號召之具而胡祖舜之意見書遂應時而出依其主張目前憲法會議應廢續進行最好儘於十月十日以前公布憲法同日舉行總統選舉萬一時機緊迫憲法全部不易告成亦須將通過二讀會之條文提前舉行三讀會從事補綴以與總統選舉同日公布吳景濂卽與各政團首領接洽一次津保兩派則主張儘十日內將制憲辦妥續開選會然此種偷樑換柱之手段豈無明眼人識破各派議員有兩種用意（一）用憲法會議以測驗留京議員之確實人數（二）將來憲法會議出席人數能足大選法定人數時卽臨時同議改爲大選會好在大選會既已開過一次固隨時有開第二次大選會之可能然此種用意稍有眼光者皆能見到故十五日憲會出席者反較上次爲少卽係窺破機關不肯上當若憲選並進則更與先選後憲毫無區別總之此數日中表面上爲憲選交鬥之時期而實質上則仍爲選勝於憲也先憲（全部公布）之說制憲派既極力主張大選派爲圖和緩感情起見自不能不略加敷衍實則其暗中已抱定最大之讓步卽所謂一部公布是也故當時所謂每票若干事前先行過付若干之一種穢濁空氣又極濃厚並有謂王承斌已携有鉅款來京者十六日甘石橋各政團會議士亦親自出席席間雖曾討論憲選問題然仍僅及第二層第三層辦法卽

所先將憲法公布一部或憲選並進二者至第一層之辦法則絕未嘗提及也總之大選派果無澈底覺悟不特憲法終於無成即大選亦豈能辦到無論在京人數尙未及大選會之法定人數即令可以湊成而其中亦必有一極小部分確有主張未必盡能以金錢左右者大選派既無促成整個憲法之誠意而制憲派又極不肯得此有名無實之憲法故照當時之趨勢觀之兩派必無合作之日憲選已入絕望之途其結果惟有束手以待末日之至而已當大選停頓之際於是外間頗有大選派對於不出席者將另籌辦法之說十五日警廳方面因發現派警干涉議員之謠言特發出通告聲明毫無其事惟據參議員劉以芬致警廳之函則有足以令人注意者茲錄其原函如下松坪總監執事啟者本月十日敝宅門前忽有巡警日夜站守據稱係令前來保護本日下午復有本段劉巡長到宅請見適弟外出由舍姪接晤據述奉賞廳命令如有議員到宅搗亂請即扣留一面電區拘辦特爲達及等語聞之殊深駭異查兩院同人皆屬友好何至有來宅搗亂之事又何以忽加以扣留拘辦等詞究竟賞廳有無此項命令及用意何在務乞明白見覆以解疑惑敝宅亦無保護必要門前站警並希即行撤去爲荷劉以芬啟十六夕王承斌執賄選總司令之旂幟目見形勢愈弄愈僵不得不親自出馬到京後今日一宴明日一宴所接洽之各方面到底握有如何之勝算尙自不落邊際所便宜者三數家闔公館之庖丁一二處馳名之飯莊則著實叨惠不少甘石橋方面有大規模之晚餐會所請之客較多所接洽之事件當亦不少萬家燈火時仍見其車龍馬水門戶有如市之盛猶見生搖尾而來者數乃非渺羅漢團十六日豫定於十七日晚七時在衆院小議場內召議政團協商會討論憲選之或先或後此其趨向大約以十六晚爲接洽結果之前提也十六日午間曾由王承斌柬請研究系人物在大甜水井吳宅會餐藉忠寅王家襄等均已列席席次頗欵洽研究系已漸漸趨於軟化即如十五日赴津之蒲伯英亦已過返再加一爐火不難其將弄到純青之候惟根本發生問題之九月十日大選預備會其冒名頂替等等情形經議員張瑾嬰等之質問與衆院秘書孫曜之通電業已暴露世間據議員中人謂是日未列席而到者計有議員劉景

晨李兆年徐寶田苗雨潤李素常瑋璋馮振驥賀昇平陳鳴濤孔慶愷方德九李汝驥李景泉陳紹元等首先以冒名責大頭者爲張瑾雯故其相手方對張極爲注意張之私宅多有蔦生生之足跡張見來頭不佳遂於十五日逃往天津相手方對待宣布當日舞弊情形之孫耀曾有一部人物主張通緝據聞內定之通緝令孫耀康士鐸袁振笠范熙壬等數人楊卜聽於十二日大選開會時曾有多人赴其私宅包圍良久並由來人雇汽車請其出席楊到會後因未成會遂假赴李國筠宅晚餐爲名楊自用之車早已受人運動楊亦早有戒心乃改乘李車逃往六國飯店此吳景濂與攝閣對付留京議員之情形也吳大頭自選會失敗後見四週空氣愈逼愈緊一方面扳起面孔說說硬話一方面則腳底擦油準備最後一着倩其姨太太等出京以免累墜而一面則仍向籌辦大選當局狂吹法螺謂在京議員不下五百人總可全體出席在津者亦有五六十人不難悉數招致故下星期三定能開成選會然言之匪艱行之維艱實際究能辦到與否無論吳大頭若此一變而爲小頭恐亦不能鑽研出一種善法也一般之熱於從龍者將何以善其後耳十五晚常宅會議對於大選方法之進行討論已略有眉目惟尙未十分大定所商之大端猶不過爲數月以來所未決之先錢後貨先貨後錢問題而已王來與議員直接交綏亦不消除誤解得一公正辦法自晚飯前吳景濂更就王於甜水井吳宅傾談甚久吳之意以爲議員人數不難湊齊惟議員決不受騙如恐拿錢後不肯投票可先交出三分之一之取信金（以每人五千元計算總數約三百萬則三分之一爲百萬）以堅人果然有錢之信仰然後開一次憲法會議看看如果人數可以齊便由吳開支票交議員着手正式選舉常宅會議即以此種意見爲基本議案惟仍有人認爲不甚妥當故甘石橋辦事處十六晚繼續有所會議又十七晚七時各政團在衆院小議場開協商會討論先憲後選或先選後憲及如何公布憲法等問題此外即可注意者王承斌來京原負有兩種重要任務（一）調查議員確實人數（二）切實向各政團疏通如人數認爲無甚問題疏通有圓滿之結果即可開始爲條件上之磋商故王此來實帶有大批金錢蓋以議員目的在金錢斷非可以空口說白話者故即

決定從援助經濟上着手以收指臂之効吳景濂與王迭次磋商吳堅持須先交保證金若干以堅議員之心志王則殊審慎從事謂在京議員確數若干至今猶令人疑故未調查確實以前不能草率交款蓋議員得款後倘有溜而他去豈非空擲金錢一誤不容再誤非俟通盤籌畫的實基本票若干後絕談不到交款問題然議員聞王確携有巨款之訊大半眉舞色飛形勢爲之一變矣

當斯時也在承辦者奔走疏通猛進不懈但一方拉攏一方破壞即本願出席投票者亦以金錢問題意見紛岐根本上無成立希望但內幕中尙有其他原因在其一爲參議院選長參議院中一部分議員固爲王家襄派主張選王爲議長但亦有一部分議員爲吳景濂勢力所及當王家襄與楊永泰競爭議長時吳派之議員曾助王拒楊現因包辦大選問題吳派議員反不肯爲王帮忙蓋吳一手包辦大選實欲償其將來組閣之大欲今參院若選出王爲議長則憲法會大選之主席勢必讓諸王氏而吳氏包辦之目的決難達到在王派議員方面亦因前途阻礙甚多故竭力主張先憲後選以冀延宕選會預計在京議員人數選總則不足制憲則有餘憲會若成則將來憲法無論公布一部分或全部分勢非短時期內所能告成又對於衆院延長任期一案亦決不輕予通過寧願同歸於盡因此吳王目的不同兩派意見不一而大選前途多一重障礙矣其一爲津保派不合作保派對吳包辦大選極不滿意本擬選會不成即不用金錢收買另闢蹊徑即津派之曹銳對吳亦不喜歡與吳最投合者惟有王承斌故吳竭力請其來京作一支生力軍雖熊炳琦王毓芝等以財權歸諸津派不得不日與周旋但對吳終非心悅誠服者不願十分賣力即攝閣之高凌厲亦袖手旁觀不出主張因此津保派內部之不合作而大選前途又多一重障礙矣此外大選派中持拜金主義者尤居多數不問出席不出席祇知以金錢多寡爲轉移甚有要求增加出席費者若輩固無往不利也觀於十八日憲會制憲派因昨晚協商已有結果多數出席而向日本來出席選會者反裹足不前終致流會故人數問題吳景濂等雖竭力拉攏終無起色之望一言蔽之則大選票價付者收者皆不放心也惟承辦大選方面對於雙十節前之選會勢在必行大有一不

做三不休之決心總統府內早已收拾整齊煥然一新衛隊服裝亦先辦好萬一選會果不成會將另採別種方法即雙十節後將由攝閣全體辭職川命令式迎老曹入京攝政故無論能選與不能選老曹勢必登台此最後之一着也十八日憲法會議於下午二時開第一百九十三次會議仍由副議長吳景濂主席兩次延長時間至三時不足法定人數旋即改開談話會由藍公武登台發言以現在憲法會議出席人數距法定人數不遠極有成會希望前擬就致滬會同仁趕即北上共襄憲典之電稿一件即用此日出席憲會全體名義茲將電稿錄下 上海各報館轉旅滬暨各地國會同人公鑒民國擾攘十有二年皆由憲法未完故無政治軌道可循去年國會恢復國人屬望甚殷惟在完成一大憲法事業是憲法成否尤爲國家安危所關抑亦國會職責所在本月十四日憲法會議出席人數計五百一十一人距法定人數所差無幾九仞之功虧於一簣言念及此痛心奚似諸公誠能即日反京促成憲會則憲法大業當可告成尙希毅然返旆成茲大業海天在望不盡翹企大名鼎鼎之林萬里因與顧鰲爭攬勸進買賣在社會日報攻擊虎威曾令警察監視將借吸食鴉片烟以懲治之已於上月通信中報告今不幸其言驗矣先是吳大頭對於拆台派在京議員及各報館屢請攝閣拿辦攝閣不欲結此惡感故虛與委蛇不意十八日下午五時大頭在其小麻線胡同寓中召集一般蝦兵蟹將正在會議忽有一人從其東牆拋一炸彈入其院中適一僕婦在院中洗衣致傷足部並炸壞一木椅當響聲發現警察聞聲趕至只有人力車一部停在東牆之外當將該車夫拿獲據車夫云見一穿灰色襖之人向牆內拋擲一圓物即向北逃走等語巡警追趕一程已無蹤跡遂指該車夫有嫌疑捉將官裏去軍警各長官聞訊均至大頭處問安並驗視炸彈係以三炮台烟盒製成試其炸藥不甚猛烈大頭見軍警長官怒不可遏謂迭次叫爾等拿辦反對黨爾等一味優柔以至肆無忌憚爾等縱不敢開罪議員難道連報館都不敢辦麼爾等今夜必須將我所開單內所列之報館擇尤拿辦以儆效尤如不照辦我即不辦大選步軍統領聶憲藩警察總監薛之珩均被大頭罵得惶悚萬分只得唯唯遵辦回署後互相討論以拿辦報館恐蹈京津晚報覆轍



法庭宣告無罪徒討無趣不如仍借吃鴉片題目捉拿林萬里塘塞大頭聊以銷差於是聶憲藩先派石翼統帶往西斜街宏廟三十八號林宅拜會林萬里（田與林係熟人）偵察林之烟室暢談良久而別次由薛之珩派偵緝隊長高振廷隊官馬瑜丞乘作汽車前往揜捕而警廳司法處長蒲志中與林係福建同鄉交誼頗密以電話告林林遂避匿迨高馬抵林宅入內搜索僅有林之第二妾在家由其床上搜出烟燈一具追問烟缸烟鎗其妾答稱向不吸烟只有烟燈各標兵逐一檢察在玻璃櫃內搜出鴉片烟一大缸又在帳後搜出烟鎗遂追問林之下落其妾以赴津對高等不信拿出鎖鍊非將該妾帶走不可遂供出林之蹤跡或在棉花頭條胡同一號社會日報館或在太僕寺街七十二號其第三妾家中高馬二人遂分途前往高振廷往社會報館僅搜出烟土一包並無林之形影馬瑜丞到太僕寺街直入林之臥室將林由床下拖出並搜出烟具全副烟膏烟泡若干林俯首被縛臨出門時告其妾曰速打電話向陳元求救語未畢已擁至惜薪司偵緝第五隊辦公處矣復由惜薪司解至鷄兒胡同偵緝總隊問供林在車中沿途大罵謂曹錕吃烟吳景濂薛之珩亦吃烟何以專辦我之罪我雖死亦不甘服云云此林萬里被捕之詳細情形也林之被捕近因由於吳大頭之示威遠因仍在保系諸要人聞王毓芝曾對人云凡報館未受錢而反對大選者各有政見不同可以諒解獨一面要錢一面攻擊此等報館必須加以懲創等語則此案之所以發生尙非吳大頭一人之力也先憲後選之議人人知其爲一種空氣作用也大選問題則力爲疏通有疏通反對派者有疏通絕對制憲派者有疏通參院議員使常會通過衆院延長任期案者各政團代表肩背相望僕僕風塵吳景濂本爲大選之包辦者自十八晚炸彈案發生後頓有戒心十九日尙奔走大選各要人表示消極謂本人左右危機四伏不願負接洽選政之重大責任各要人則極力慰藉並令由軍警機關嚴加戒備吳表示消極原爲一種欲進故退之手段連日甜井與甘石橋兩處均有秘密會議中間種種難題爲雙方所爭持未即解決者不外兩項（一）款項問題（二）人數問題關於一者議員聲言中秋節以前大選並非不能辦妥但款項須全數現交否則亦須有確實之保障

關於二者即主持大選者謂欸項完全由此間負責無論如何必不使議員有不滿意但人數之真相非得有最終之證明以前自不能冒險交欸此兩問題經居中者奔走磋商無圓滿之結果人的問題京中十九日之實情約有五百四十人左右與大選法數尚差四十餘人而此五百四十人中又有不肯出席者在內雖由南方拉來不乏其人面都帶流動性質固未必肯勾留北京以待出席選會而願意出席選會者在票價之支付方法未曾議妥以前又決不輕易投票也又十九日各政團代表與大選派各要人在袁家花園協商結果由王毓之將國會開來允許出席之議員名單核實作爲第一批共四百餘人先行開給支票以資憑信惟此項支票大選告成方能付款大選不成當然無效但距法定人數相差一百人以上其第二三批人數一爲現在北京之議員日內再招過數十人一爲在滬議員除國會全體署名通電邀請回京外二十早八鐘專派鄭廷璽乘車赴滬接洽限於十日以來即須回京故九月間大選問題絕對不成功但此第一批之支票聞議員方面誠恐不甚可靠其始終不願將就事前總要到手若干成實在之現洋方肯投票故雖再四磋商迄難就緒蓋談到錢字即平常僞爲起立舉手者亦不肯稍糊也至票價有分一萬八千五千等級之說尙在躊躇中蓋衆生平等一有差別事至難爲不過有特別關係之人物及團體額外得若干特別補助則固有之例如研究系本不肯出席者近因拉攏臨議場而王家襄等有先已到步六萬元充黨費此外新民社等數十政團亦因他種因緣而略得額外之沾潤或萬或千不等要之當之大選光陰現尙消磨蹉跎於人錢兩字中也籌辦大選諸要人向各政團疏通事宜頗見順利惟以當時拆台派暗中奮鬥甚厲報紙上亦多有種種敵對色彩故於此兩層障礙亟思設法排除俾使大選趨入坦途方可暢行無阻富在某要人私邸內曾開一會議研究一切對待方法吳大頭謂拆台派橫行京城破壞選會軍警長官不能盡力防遏以致拋擲炸彈之危害迭見層出而軍警等又未能將此暴徒弋獲此後若不將軍警長官迅速撤換得力人員殊難收大選成功之速效至於報紙上不利大選之言論以及拆台派之活動又有如下之對付（一）對於京中各報宣施威劫利誘手段如

有就範者則可給予五百元或三百元之津貼否則相機逮捕施以重懲似此恩威並用庶幾言論上可免激烈之攻擊(二)應責成軍警長官督飾所屬設法搜緝拆台派餌以利示以威使其不爲拆台之行動則大選自易成功告捷等語惟經衆討論對於撤換軍警長官一層咸現謂值金融風潮未平軍警欠餉日久與京城治安關係重大要當慎重考慮至關於約束報館搜緝拆台派之兩項事屬正當亟可照擬辦理當時復有人主張組設執法營務處推李硯卿爲處長仿照民國二年陸朗齋組織執法營務處之辦法以資鎮懾敵對者種種破壞行爲以上各節証諸當日社會日報全社人員被拘及中一通信社編輯李君被拘新聞界遭遇之事則所聞不虛又當日拆台派集合運動多以六國飯店爲根據地亦已運動六國飯店股東不使該店日後再有政治集會故該拒絕議員政客武人在該飯店居住矣大選問題不祇有「人」與「錢」之關係當時南北兩方開會之情形參觀互勘在京人數已可略數敷衍惟其中仍有在京而未必出席者不能再下一番疏通工夫時已被拉攏者計有五百零數人其餘則尙待接洽至於「錢」的問題擬事前先過付十之三其餘給以支票俟事後支領多數雖表贊成而一部分仍有持異議者故尙不能算爲定着大選日期固以此二者接洽結果爲標準然暗中則預定爲十月二日或三日至遲不得過五日其中尙有主張再開大選預備會與選開大選會之兩說厥後仍以後說佔優勢而攝閣方面亦因此事開一會議結果向國會聲明時局緊張外交財政均形棘手閣員責任重大政務殷繁事實上實難再爲兼攝且雙十節前下屆總統若仍不能選出時局前途必受極大之影響務請各政團在十月五日以前速行續選俟根本問題鞏固然後安心制憲俾國家大法早日告成云云此雖屬照例文章然其先選後憲之意則固已明白揭出矣於大選急進中忽發生最有刺激性的新聞如保定公園之炸彈聲曹派方面聞訊大爲震驚惟語焉不詳且多以訛傳訛不符真相余於某要人處得悉當時情形撮其大要述之保定公園有三其一在城南其一爲曹家光園其一即出事地方之保定公園城南者係舊廟宇改建因陋就簡地位亦窄光園則爲曹家私有建築宏麗陳設精美較天津河北四馬路

曹家花園尤勝一籌不亞於從前愛親覺羅氏之頤和園惟因屬禁地庶民不能同樂民入曹銀移駐保定乃於南門外迤西沿河迤西南城角創辦「保定公園」以爲公共游息之所其地既極寬敞建築亦壯麗亭台樓閣花木珍禽之外有飯店劇場暨各項遊藝與海上大世界新世界相類木由商人承租營業秋節既屆園經理特加放焰火三日以廣招徠有此諸勝景而後乃得貴人不時臨幸故此雖屬題外閒言亦殊不能不連帶紀述之也曹銀深居簡出既有妻妾之奉又有光園足以遊目騁懷故向者從不輕易出門除作其太平巡閱使外他事多不過問近於公餘之暇不時涉足歌台舞榭彷彿有黎黃陂平民總統之氣概與之所至曾連包公園劇場廂座幾日遂爲反對黨所注意出事之夕（二十六）本擬借參謀長陸錦副官長周渭臣等赴園觀劇惟以起居遲延每晚恒在十時左右蒞園其所包定之樓上第一級第二座包廂則有護衛及某下級官在座謀之者錯認其人以爲曹氏已到八時左右即自樓下池座連向曹廂拋擲炸彈兩枚惟以用力過猛彈從斜線而上致獨柱落於池座傷及觀客三人其一爲某署軍事偵探受傷最重其二在鐵路服務者俱傷腿際其一腿已炸斷攝閣即據以通函各報闢謠者公園炸彈聲隆起左右居民大爲震驚滿街亂跑軍警機關聞訊立即出隊齊集公園曹之衛隊旅本由乃姪士傑領帶比亦率隊出城一面關闔南門由曹士傑所部將公園四面包圍搜索兇犯所有園內遊人均不准外出祇許在園內行動所有無辜受累之男女遊人至翌日（二十七）晨始由軍警按名押送回家若係旅客並須覓保証明職業始能釋放其無保者均被看管噫羈人苦矣淫威逼人至於此極

●延長國會任期案與大選之進行已成極密切之聯鎖關係議員方面深恐總統舉出後大選派過河拆橋將國會任期延長案永久壓置不與公佈而使議員生命自然消滅故國會方面不得不以先公佈後選舉爲條件惟此項法令之公佈必須在十月十日以前方能有效欲促政府在十月十日以前公佈此項法案又非在十月十日前試行開大選會一次不可故當日國會方面已通知大選籌備人員定於十月三日開大選會則國會任期延長案又必須趕於十月三日以前公佈也

十月三日爲期甚迫而票價等等條件並未十分妥貼然國會方面竟允於是日開大選會者可知其僅以十月三日之大選會爲促佈任期案之一種手段尙未有誠意舉行大選之時常猶在金錢條件妥洽之後也十月一日下午各要人與各政團均在甘石橋會議汽車馬車南至洵貝勒府北至豐盛胡同口擁塞約二里許至傍晚方散會議結果係由外國銀行立二五千元之存摺交與豬仔豬仔以名章交與大選派候大選揭曉後憑名章向銀行提款以免領款南下及選出不付款之疑慮時雙方均已認可言者鑿鑿向來甘石橋之會議均在深夜類乎鼠子之晝伏夜動今則光天化日之下魑魅旣然現形可見大選之急迫矣吳大頭之高興程度已到二十四萬分見人談話手舞足蹈忘其所以組織新閣已不作第二人想曹三登大位後所遺直魯豫巡閱使直隸督軍應有繼人亦已爭烈頗烈吳大頭主張王承斌王毓芝主張吳佩孚高凌霨主張馮玉祥其結果終以吳爲巡閱王兼督軍又有主張以齊燮元升任直魯豫巡閱使以王承斌繼任江蘇督軍者惟齊燮元不欲放棄其固有之地盤遂攬得蘇皖贛巡閱使之頭銜當日忙碌之人除豬仔及津保系外厥爲公府之庶務司向來新總得就職均係新陳代謝由舊庶務司籌備歡迎惟此次舊總統被逐庶務司亦中斷此時籌備需人山樞閣函聘徐東海之庶務司長楊冠如暫行担任以資熟手已將公府房屋粉飾油漆更將新華門外紫成松柏牌樓上下全綴五色電燈照耀如同白晝最苦者對外未便宣言迎接新總統託辭曰慶賀雙十節蓋總統尙未選出恐受人譏評亦足見作僞之心勞日拙也距雙十節之前數天大選派於成敗關頭之際其努力苦鬪自不待言在若輩認定之目標無論如何五日以前必開大選會蓋大選派對於此事旣未有絕對把握自不能不多留迴旋餘地五日至十日中間尙可開會兩三次萬一開頭不甚順利猶可極力設法且吳景濂等早抱一擇日不如撞日之宗旨故定有十月一二三日連開憲法會議之計畫以爲何日撞着五百二十人以上卽何日開大選預備會本擬定一日憲法會議人數夠時則於五日開大總統選舉會不料一日卒以疏通未能就緒只到四百九十五人又成第四十三次之流會然今日不成有明日此三日中吳景濂以爲

必可開成憲會憲會後兩日開選舉總統大會加工趕造則對於雙十節之良辰吉日當可不致誤約也  
十月十日舉行大選雖非法律上之期限然自各方面政治的關係觀之實不能不以是日爲大選最後  
之一日惟大選當局與一般議員之間尙未疏通妥協位在大選派與議員間之吳大頭其焦灼亦較大  
選當局爲甚其第一日憲會仍然流會吳大頭之掃興亦當可想見矣至憲會連日開會乃吳景濂及研  
究系之主張其依然流會即可知此中用意一則反對派暗中破壞惟於票價方面亦一大問題據某議  
員云大選派對此仍持憲會開成在第二次大選會以前即付十分之六大選成功後過付其餘之十分  
之四一般拜金主義議猪表示承允者確有二百八十五人惟一般視金錢如性命之議猪（約一百九  
十餘人）要求非將三千元現款二千元支票付給不能出席憲會以示要挾二日下午吳景濂等在常  
宅會議已將選期定爲五日但當時滿擬五日以前之憲法會議決可開成乃是日憲法會議又告流會  
流會原因雖傳說不一然要爲尙未妥協則可斷言查在京人數確過五百不過此五百餘人中確有若  
干猶自高聲價不肯賤售者各議員與保津要人多採取直接交涉辦法不由黨魁經手故甘石橋俱樂部  
部中議員蹤跡特別加多一方面因係尋娛樂而主要目的則多欲藉此瞻仰要人風采公開磋商藉得  
高價各要人來者不拒遂致各人辦公桌上議員名單殆已堆滿各政團首領雖大多不滿於此種辦法  
然亦無可如何有某政團首領當初成立時自稱確有基本黨員三十人其餘挂名者尙多乃此次大選  
要人令其開送名單（此項名單被開人均須簽名蓋章）此首領各覓所部則各人皆已直接無庸代庖  
結果僅有一人願附驥尾嗣聞直接者有種種利益遂又致函某要人謂本人願意直接所有前此之簽  
名蓋章一概無效某首領得訊異常難堪然亦只好忍受此種情形其他政團亦復發現不少可見五千  
元之法價尙未必定能一概滿足不過大選要人已十分決心不論如何決不能增加一文以免糾紛  
則希望高價者正亦未必能如願耳拆台派來京運動議員不入場投大選票每人最低價格爲八千元  
遂使拜金主義之議猪爲之心藹紛紛探詢挾巨款者之蹤跡使此訊果確於大選前途恐又將發生麻

煩不少也。一日晚甘石橋俱樂部發出請柬宴議員於該俱樂部席間不過關於大選之討論惟結果未能探悉大選派耗資費力廢寢忘食以供曹家奔走果爲何事一言蔽之不外希望因功獲利耳大選派之有殊功者當推兩奉人一爲吳景濂一爲王承斌吳以國會期滿本人將失政治生活之根據不能不爲未雨綢繆之計初擬集合民憲派死黨三十人將所有票費悉充黨金另向保方謀十五萬湊成一筆鉅款擴充黨務以謀下屆選舉而吳仍可藉此爲衆院議長無如保方不願於選費外再挖此意外之腰包吳遂另易方策謀大選後之內閣曾以此意遍徵津保同意總之大選成否之關鍵全在吳手津保只得唯唯聽命惟以素稱首功之王承斌亦頗有自任組閣之意今一旦爲師所奪當然不滿大選派處此頗覺兩難而於大選前又有不能不預爲確定之勢因之保派復向吳景濂疏通矣大選票費保方實已開發支票然票上無付款日期又無圖章深恐將來等於廢紙均紛紛退回保方之以此空頭支票與人者半由於不放心半亦爲基金未足天津存款不過百萬元皆直隸各縣所攤及金丹罰款所謂二百萬三百萬者實爲預擬而未募得之數一般拜金主義之議猪悉此情形料定所發支票全係騙術不然何以所開支票皆出諸大有等小銀行此事一經指穿顯爲一種圈套因之要求外行發支票之說愈爲堅決故有磋商決裂之傳言後得某方確實擔保議員亦已無言三日參衆兩院均開成會出席人員均較前爲多因之大選樂觀派莫不喜形於色北上猪仔大有日多一日之勢但因自視爲奇貨可居遂亦高抬價格故在條件未商妥以前不易使之先行出席確聞政學系議員亦經蘇督齊燮元之疏通拉攏已肯北歸就範到京出席齊氏電告王承斌熊炳琦諸人計有十八人之多可謂大有進步惟自支票發出後有一人領取數張者亦不肯收受者關於票價問題亦經議定每人五千元由二日晚起開始發給支票票面簽名者爲經濟界素有聲譽之王某所簽字形係「果」字惟票尾並未填列日期因必須選出以後始能付款某日期無從預定故也聞多數猪仔對此尙有異議三日憲會散會後各政團首領復開協商會討論大選方法有主張憲會暫行停開卽於四日舉行總統選舉會完成大選後再行制憲者

然多數意見僉以如此辦法與預定大選以前公布憲法一部分之辦法不符恐反對派有所藉口故結果決定如下（一）四日再開一次憲會至五日決開大選會（二）開會前一律邀請午餐即席爲懇切之勸挽一面預僱多輛汽車俟餐畢拉其同赴議院列席憲會（三）能疎通反對派及中立派議員者於應得優惠條件之外加給優惠條件務期大選以前開成憲會一次以符憲選並進之旨至賄選支票已送出五百九十餘張賄選形勢至四日急轉直下居然有可以成功之勢當日憲法會議到會者忽達五百五十餘人爲政變以來未有之盛會憲會既成大選當然依議舉行下午吳景濂遂以總統選舉會名義發出通告如下「啟者茲定於十月五日（星期五）上午十時開總統選舉會依法選舉中華民國大總統特此通告總統選舉會啟十月四日」依昨日憲法會議之人數距大選所差僅三十人左右據大選派所談尙有五六十人只出席大選會而不出席憲會故五日預計總可成會至票價問題連日王承斌等對於大選不分晝夜拚命進行在甘石橋親領或代領票費者截至四日午止已有五百七十六名故第一步憲會人數竟達五百五十一人而成會調查國會中大小政團計有三十七處據精密之調查已加入大選者照錄於下民憲法治協社自治統一會憲友部新民誠社均社研究系討論會民治宣外二百號憲民社政德社大中俱樂部匡廬南廬同社全民庸廬石附馬三號西北議員俱樂部西河沿一百八十二號憲社法治協進會又據吳景濂語人五日大選出席之人數目下已有把握緣日前甘石橋所發五千元之支票計發出五百十七張另有十四五人不能願受此代價均爲蒙古王公之豪富不重金錢而重官職者又有在津者數人因反直色彩太深却又不願放棄五千元之利益已與大選派協商妥貼准於開會日來京投票後即行領款返津並提出條件不准將其姓名宣布此外尙有五六人須先錢後票持之甚力惟有極力協商大約持至臨時付款成交以此總計已有五百九十餘人較之五百八十三之法定人數約超過十人之譜其抱重病者臨時抬至院中暫置於休息室待投票時寫票後即出場至於各人所取支票係任聽各人指定銀行指定外國銀行者最爲多數且議員住宅均派暗探把守偵察



每日均有人數報告當局據聞所報數目在京者爲六百零七人大選中之種種應有問題人數一層當已無慮不足然疏通接洽仍爲不可少之手續四日尙有三十餘人奉命四出奔走商定票價之五千元支票有已簽發當晚(五日)卽行領取者亦有方纔送到而受領者亦有因恐留痕跡先期暫不受領支票而願待事成後再取現款者一部分比較活動之議員則都不願得如許金錢之報酬而另具他種雄心已在當局諒解之中復有一部分別有希圖之輩另結團體或各走相當路徑與當局別訂種種條件作爲選舉之酬應是故已發出之支票退回者亦頗不少蓋解決期近各有希冀自不能盡趨一致也大選派與議員接洽甘石橋是爲中樞以連日發給支票核對之就範者確有五百八十七名而前次所派赴滬疎通南下議員之廖希賢假蔣賓臣宅中大譙吳景濂吳毓麟高凌霨王毓芝王承斌邊守靖熊炳琦及余霽員紹琴等宣告其疎通成績亦頗不惡故三日由滬來京者八人四日十二人五日早車尙有劉映奎等九人邊又示以所接洽議員回單已有五百九十餘人尙有張伯烈所擔任之十八人在外至於院內外設備衆院內均加班佈置添加汽燈院外方面象坊橋一帶仍由軍警保安隊佈置一切復通知各商戶一律再掛國旗一日以資慶賀院內另備午餐茶點一千份以免選舉人受飢渴之苦而會場內外一切戒備十分週到據國會方面傳說此次選會擬照前清科舉時代考試通例實行搜檢不但旁聽人員須受搜檢卽議員中之不甚信任者亦須搜查其用意蓋爲前兩次炸彈案及保定之發現炸彈均與大選有關惟恐盛極一時之選會亦受此打擊故特嚴格警備以免功虧一簣云

十月一日至五日之賄選情形

以下所紀均見北京各報

十月一日口大選問題日來仍無發展據深知内幕者云此事實難進行蓋因在北京人數確係不足法定而在此不足法定人數之中所謂交換條件又復層出不窮羅漢慾望過大主持大典者殊感不易應付但彼等爲一時便於報効恩帥起見不得不暫爲俯允屆時能否實踐殊不敢必此實大選派目下對

付猪仔之真實心理也聞彼等與各政團首領妥協之條件即於大選成功後吳景瀾組閣張伯烈繼吳扶正王家襄爲參院議長牟琳溫世霖葉夏聲等分據閣員甚至要求省長次長各監運使道尹權運局差缺者均已互相默契且籌備大典處秘密支給領袖各黨費多至二十餘萬金即自命各省組之代表亦各得特別酬勞費自二三萬以至數千元不等大選派此舉之用意完全係拋棄一般普通羅漢而專就所謂大小首領諸猪仔身上做工夫以冀在此法定期內激動離京議員北返湊足人數且吳與王（承斌）密約決於十月二日或三日秘密進行舉辦大選會故對吳等所提條件不得不容納以便此種計畫之實施云

十月二日口現距十月十日僅有八日大選問題已屬肉薄時期大選派因此決定本星期五（五日）或下星期一（八日）舉行總統選舉會惟人數問題大選派仍不放心除將憲法會議提前於星期一二三三日召集試驗願意出席人數究有若干外並於昨日川發大選支票手段查驗願被收買之議員實際數目如何以下大選前途之吉凶聞昨日甘石橋大典籌備處對於在京議員不問是否已經接洽妥協一律發送通知書內稱頃有要事相商即希駕臨一叙云所謂要事云者即係發給票價支票是也蓋恐以發支票召不到猪仔特以要事給之耳不料是日到者僅有二百人左右其中尚有莫明其妙因好奇心發動而赴會探視者亦復不少且各猪仔以其一文不給僅以支票敷衍要求全部發現者有人要求先發三千元現款者有人收取支票而不允投票者亦有人聞是日所發支票僅有一百五十餘張中有二三十人係由他人代領似此情形頗爲不佳在大選派初意倘領支票之議員能超過四百人以上則再設法湊足尙易爲力今領支票者僅有一百餘人大選派當然受一打擊並聞該支票面字樣爲（憑票交來人大洋五千元此致大有銀行）簽字者爲（潔記）邊守靖號潔卿大有銀行即邊所辦者也該支票並未填寫日期此款何日可以支領不但吾人莫明其妙即雙方當事人亦恐尙在不知中是亦可見大選之費不可靠也蓋自非直系之各實力派如浙之盧川之劉熊以及海軍林建章等電通反對

賄選後大選派已知時局非武力解決不可對於猪仔票價當然不能過付僅以無期支票敷衍其面子將所有以大選名義籌集之款項完全移作軍事費用倘一戰而直勝則曹之總統自無須國會之票選可以坐得如一戰而直敗則所用巨大之選費不啻虛擲此日來大選派對於猪仔冷談之一最大最因也亦即迭次憲法不能成會之一大關鍵也然大選派對於猪仔之黠者及掮客之領袖則仍不敢得罪頗有予取予求之慨除吳景濂之總包辦已得款十五萬元外其餘各分包辦亦多得三萬五萬不等即個人之稍有搗亂資格者亦得現款一萬五千或一萬兩等已領到此數者則有張魯泉駱繼漢宋汝梅吳連炬馬驥錢崇壇常培章羅家衡孫鍾易次乾張漢朱觀玄林炳華王雙歧張漢章葉夏聲陳策劉鴻慶郭步瀛陳蓉光汪建剛湯松年等數十人其碌碌無所短長者皆一律五千元

十月三日。自王孝伯分省接洽大選後各政團遂發生分裂現象聞王出此政策實係吳景濂所授意而拆散中立團體與抵抗反對派之連環計但自居爲政黨首領及其中堅分子仍謀結合爲反吳之奮鬥尤以民治社之小孫派與羣治社之大孫派爲強有力之抵抗彼等現擬主張先憲後選直接反對省憲派以攻擊王家襄與吳景濂互相勾結之陰謀間接打破其串通包辦大選之籠絡蓋津派與吳景濂締有密約總統選出後即吳登台組閣之時此與各方面所要求閣員簡放省長及協運使權運局等等優差頗有關係將來如受吳之挾制反生重大之影響故有多數主張不用記名式投票自由選舉以爲避免行賄與受賄之形跡俾拉縴者亦易於疏解至票價五千元除先提三成現款外其餘七成則無論總統產出與否均應按摺向直隸勸業邊業農商等各銀行即時提取決不因選無成而失其賄選之代價甚至尙有要求此項儲款應由各代表指定外銀行以昭信實故預定昨日驗資之舉遂又中止聞吳景濂王家襄王承斌吳毓麟等相約於交通博物館復開秘密協商會擬先公佈憲法一部分爲抵制唱議之文章並由攝閣咨催國會速辦大選其所持理由大意不外謂內閣不能長攝總統職權倘不以雙十節前選出總統不獨有關時局之變幻且於國際地位恐將發生動搖之危機云云並引直系實力派

之催選電以示威武之聲援在包辦者即可藉此詞爲舉行大選之號召而大選派則又以尊重國會制憲之意思爲曹錕間接之表示此攝閣與疆吏所以有保証制憲函達兩院也聞該函文係由王幼山馬驥等捉刀以爲挽回南下議員之手段與疏通反對派之用意故昨晚甘石橋大典處對於第四十二次憲法會流會不出席之人數分別調查擬定辦法（一）認爲有能疏通反對者許其特別利益除票價外另給酬報費並擔保爲下屆議員（二）對絕對難以疏通者密用間接野蠻手段以中傷之或由包辦者以故意缺席論開除另補之而支付票價問題即按其已開名單爲開發支票之標準統由雲章王蘭亭分送經手介紹之代表及政團之領袖間接送達至酬勞費則另行支付惟領到此項支票均以簽蓋圖章爲回証此所以熱心大選者連日分向各政團協商憲選並進決定十月一二三日爲連開憲法會議將其已經二讀會通過之條文舉行三讀會手續先行公布以爲避重就輕遮掩外人耳目之計務使星期四（四日）續開選舉會倘屆時人數不足改開談話會協商急進大選之方法微聞吳景濂對王孝伯表示大選意見倘屆時選舉總統票萬一不及法定則用取決過半數之表決並聞津保兩派定今明兩日分宴各省組羅漢團於甘石橋與袁家花園兩處專爲促進大選最後之請願並宣布時局緊迫外交險惡財政困難之情形哀求猪仔先生諒解是亦可見大選派之窮無聊賴矣

十月四日吳景濂與津保大選經紀人協商之結果決定於五日開總統選舉會前日（一日）津保各經紀人特宴各省議員將以到者之多寡定大選前途之形勢自下午一時起至夜十一時止每二小時一班共分五班各經紀人於事前曾直接或間接向各議員聲稱此次與平常宴客不同凡熱誠贊助者務望光顧否則同人等實無法辨別諸公態度云云故是日到會者確達四百餘人爲從來所未有惟宴會席上除由主人方面報告現擬辦法及幾句客套而外並無其他特別情形可記蓋此次宴會目的只在點名京中各通信社報告謂有何種會議並指明係晚間七時按之真相實不如是也

支票自前日起實已開始發放每張五千元支付銀行共有三家以打磨廠大有銀行爲最多票上未填

支付日期三方約定將來付款時須由開票人補填日期並加蓋一圖章方能生效而此項補填及加蓋手續則必須在總統選出後三日履行質言之此項支票非總統選出實即等於一廢紙也故各議員對此承受態度尙不十分踴躍不信任保定者謂此項支票並不是保障信任保定者則謂不必有此支票儘可空手投票到將來再行領款落得做個慷慨云云聞持此種態度者數不在少外傳謂領者已有六百餘人則大選派故造之空氣耳

又同日北京報云 票價問題以多方之磋商析爲分團分省或個人直接三種經甘石橋長安飯店等分頭接洽均已談有眉目前日晚間即在甘石橋簽發聞到甘石橋領取支票者截至昨晚已有四百餘人其撥款之銀行爲大有銀行鹽業銀行等三家簽字爲潔記兩字支款數目及簽名騎縫三處均蓋有青色長圓木戳內係三立齋三字有月份而無付款日期聞普通者爲五千元其有特別關係者或一萬元或七八千不等今昨兩日即已有人持此支票往大有鹽業等銀行照票以定真僞持有此票之議員莫不欣欣有喜色而主持賄選之王承斌連日亦密令直隸財政廳長金某解款來京分儲各行以堅議員之信用

同日某報記賄選將成立各情形云自九月十日吳景濂以捏報出席人數開成總統選舉預備會後即以五百元之出席費於十二日先開總統選舉會一次然此次之會票價問題及延長任期問題俱未解決故是日之會出席人數僅有四百二十二人距大總統選舉法規定之五百八十一人尙差一百五十九人迨票價問題經兩旬期間之切實協商於十月一日開始填送五千元支票而國會延長任期令爭持之結果僞掛閣亦於四日公布憲法會議自政變後已接續流會四十四次是日即有五百五十餘人出席開成憲會於是吳景濂即以總統選舉會名義發出通告訂於五日開會選舉矣

十月五日口賄選形勢至四日急轉直下居然有可以成功之勢茲將四日情形誌之如下昨日(四日)憲法會議到會者忽達五百五十餘人爲政變以來未有之盛會憲會既成大選當然依議舉行昨日下午

午吳景瀛遂以總統選舉會名義發出通告如下「啟者茲定於十月五日（星期五）上午十時開總統選舉會依法選舉中華民國大總統特此通告總統選舉會啟十月四日」依昨日憲法會議之人數距大選所差僅三十人左右據大選派所談尚有五六十人只出席大選會而不席憲會故今日預計總可成會至票價問題連日王承斌等不分晝夜拚命進行在甘石橋親領或代領支票者截至昨午止已有五百七十六名另有十四五人不願受此代價均為蒙古王公之豪富不重金錢而重官職者又有在津者數人因反直色彩太深却又不願放棄五千元之利益已與大選派協商安貼准於開會日來京投票後即行領款返津並提出條件不准將其姓名宣布此外尚有五六人須先錢後選持之甚力刻正在協商中大約待至臨時付款成交以此總計已有五百九十餘人較之五百八十三之法定數約超過十人之譜其抱重病者則臨時拾至院中以湊人數此外尚有一絕大原因即為吳佩孚表示非在雙十節前選出總統不可之電報吳氏此項表示極為有力據聞各省對於延期選舉俱極不贊成故議員中稍乖覺者咸知若不在雙十節前選出將來或起極大風潮故只要延期令公布便當投票而昨日議員方面又接到一種催迫出席之救民軍傳單中有如不出席則吾救民軍當搜殺其人並殲其家屬等語有此種種情形今日之選舉會或竟能如大選派之願也

至於院內外設備衆議院內昨日下午均加班佈置添加汽燈院外方面象坊橋一帶仍由軍警保安隊佈置一切昨晚復通知各商戶一律再掛國旗一日以資慶賀院內另備午餐茶點一千份以免選舉人受飢渴之苦而會場內外一切戒備十分週到據國會方面傳說此次選舉擬援照前清科舉時代考試通例實行搜檢不但旁聽人員須受檢查即議員中不甚信任者亦須搜查其用意蓋為前兩次炸彈案及保定之發現炸彈均與大選有關惟恐盛極一時之選會亦受此打擊故特嚴格取締

十月六日北京之總統選舉會經王承斌吳景瀛等極力拉攏之結果昨日（五日）居然開成曹銀以四百八十票之大多數（投票總數五百九十）於金錢支配之下哀然當選以視民元之袁世凱民五之

馮國璋均經決選始能產出尤爲生色金錢之魔力誠可畏哉四日之夜甘石橋之大選籌備機關通宵達旦活動不休夜分門外猶有汽車六百餘輛該俱樂部中原有五大客廳卒以來者過多幾無立錫之地喧鬧終宵支票計發出六百零數張而大選派對於人數一層始略爲放心五日晨內外城各大街商鋪即由警察挨戶勒令懸旗慶祝順治門內外十步一兵五步一警荷槍實彈如臨大敵國會街一帶警備尤嚴衆議院門前有營帳數座是爲軍警休息之地制服軍警約有五六百人之多私服暗探數亦如之衆議院圍牆以外配置軍警偵探之數亦不亞於門前軍警當局如王懷慶聶憲藩薛之珩車慶雲等均親自蒞場指揮監督足見其特別鄭重旁聽席中亦有偵探數十人往來監視而女旁聽席人亦有女偵探殊不能不令人歎服其戒備之周到也

吳景濂爲大選元勳又爲選舉會主席昨晨八時半左右即驅車疾馳到院沿途軍警舉手爲禮吳微點頭致意其得意之色雖車如閃電疾馳而過猶令路上人一望而知之車旁附有警衛自不至發生意外吳到院首令秘書廳查點今日有無請假議員有者即專函派人往逐不來則又繼之以同鄉或同黨熱心大選之議員專誠奉邀吳之苦心亦足以報曹錕特達之知矣

昨日旁聽者之制限及搜查特嚴入門者必得介紹議員對面始准放入男女來賓共約一百餘人議場東首操場搭蓋席棚四間爲旁聽者休息之所唯人多地狹鴟立院中者不少旁聽者既入門便不能再出故過午未餐者山院供給麵包以備充飢按照規則在開票以前絕對不許旁聽其早晨到者直至下午三時始獲入旁聽席未免太無聊矣

直系要人之奔走大選三月於茲連日甘石橋之活動已得八九成把握然票數未揭終屬未安蓋議員中山津返回者雖日有十數人而在京領出支票之後又復潛行出京者亦頗不乏故昨日之會究竟有無成算即主其事者亦殊難斷定因是昨日特將衆議院西鄰之大中公廡(即楊永泰舊廡)包租一日並架設臨時電話數機以便應用高凌霨吳毓麟顧維鈞袁乃寬程克玉承斌熊炳琦沈瑞麟劉夢庚等

均於上午十一時左右相繼戾止該公廡頓成爲臨時大選進行機關每數分鐘必與衆議院通電一次籌商如何拉攏人數方法迨二時前後衆議院方面報告「人數已足」高吳等始安心縱談喜形於色投票揭曉彼等遂驅車赴國務院開緊急會議據人云高凌霨吳毓麟王承斌熊炳琦等數夜未曾合眼其埋頭選事有如此熱心者盡忠報主真堪膺凌烟閣之選矣

昨日外國公使到院參觀者祇有美國公使舒爾曼一人餘如英日德義荷那威西班牙各國不外派參贊照例前來而已接待外賓自非熟諳外國禮儀者不能勝任且選舉總統何等鄭重故顧維鈞自告奮勇躬任招待之勞惜昨日顧夫人未到致招待女賓尙有遺憾耳據蒞院參觀之某外國人談云昨日議員踴躍出席殊出意外而主張先憲後選或憤然南下者亦犧牲主張聯翩戾止尤見中國人不肯固執已見大非西方人所能企及云云是何意味祇得待議員自從解釋耳

昨日十時左右即有大選派中堅議員相繼到院總統選舉會之通告載明十時開會唯議員按時到者寥寥無幾故臨時變更爲不定時開會以簽到足法數爲準以免後再延長致爲法定次數所限不能不宣告延會十一時三十分簽到者僅四百數十人吳景濂頗形憂慮之色急派人分頭拉攏大抵皆由同鄉議員及同系議員各一人擔任邀請一名議員大選派中堅議員出入頻繁但見其驅車而出未幾即挾一議員而歸亦可謂賣盡氣力矣一時二十分簽到議員達五百九十三人（實際出席投票者五百九十人）院內外走相報告吳景濂卽下令搖鈴開會議員聞鈴便魚貫而入議場面皆欣欣然有喜色吳景濂就主席顧盼議場意殊自得五十二分宣告開會吳報告簽到人數計參議員一百五十二人衆議員四百四十一人共五百九十三人唯現時出席者五百八十五人已足法定人數可以開會尙有議員梁善濟廖宗北張佩紳三人力疾到院允於投票時出席報告畢由秘書長抽定檢票員十六人（衆衆各八人）其人名如下（參議員）黃樹枕郭步瀛婁裕熊王觀銘王伊文姚翰卿董士恩丁銘禮（衆議員）鄭康聰趙金堂王雙岐馬驥易次乾謝翊元陳承箕克阿穆爾（此十六人者皆熱心大選之人



又多爲吳景濂親信之人可謂用當其材。檢票員抽定吳起而說明寫票投票方法先由檢票員投票再檢由票員唱議員姓名挨次寫票及投票秘書散票並發五百九十張自二時投票至四時始畢照例將票匱封好招呼旁聽人入席當衆點票唱票據吳景濂報告票數與人數相符投票總數爲五百九十票四分三應爲四百四十三票曹錕得四百八十票按照大總統選舉法當選爲中華民國大總統議員鼓掌如雷真可謂賣氣力到底矣（昨日投票總數爲五百九十三票除曹錕得四百八十票外其餘孫文得三十三票唐繼堯二十票岑春煊八票段祺瑞七票吳佩孚五票王家襄二票陳炯明二票陸榮廷二票吳景濂陳三立張紹曾張作霖陳遐齡唐紹儀汪兆銘王士珍李盛鐸谷鍾秀譚延闓盧永祥李烈鈞高錫符鼎升姚桐豫胡景翼歐陽武嚴修各得一票又廢票十二票聞中有孫美瑤一票五千元一票三立齋三票吳景濂秘不發表）

昨日簽到人數五百九十三人實超過前日在京之人數其原因實由前晚（四日）由滬趕來者四人（本有十八人車到天津被截十四人）又昨午由津乘汽車趕到者又有十五人聞此十五人先至大中公寓與直系要人接洽後即到院出席依前數日形勢觀之出席人數似不至如此之多嗣經調查結果始知此次拆台最力之政學會議員竟有暗中北上投票者而主張先憲後選之憲法研究會議員亦多臨機應變棄憲言選故出席者得超過法定人數十一人又在京議員確實未出席者祇有五人王家襄劉以芬黃元操其餘贛籍二人姓名未詳又有周大烈者雖辭職未准亦未出席王家襄因外間攻擊甚烈故特缺席以示避嫌黃元操則以「心痛」二字請假語頗萬妙劉以芬之請假書原文如次敬啟者先憲後選爲弟夙所主張曾經布達諒蒙垂察邇者憲法會議業已開成地方制度經過二讀果能更盡一二日之力至少亦可將重要部分完全告成然後再行定期大選豈不兩全其美乃偏急其可緩致使垂成憲典不免稽延萬一他日又生波折誰尸其咎弟以根本主張不符本日選會未便出席特此陳明敬祈鑒及此上主席大鑒劉以芬謹啟

吳景濂於選出曹錕爲總統後當晚即以總統選舉會名義咨達高凌霨等其咨文云「總統選舉會咨十月五日本會依大總統選舉法開總統選舉會舉行大總統之選舉列席人數五百九十人曹錕得四百八十票當選爲中華民國大總統相應咨請攝政國務院查照可也此咨攝政國務院」同時又致電曹錕報告原電云「萬急保定曹大總統鑒本月五日上午十時依大總統選舉法開總統選舉會舉行大總統之選舉列席人數五百九十人公得四百八十票當選爲中華民國大總統除即日由本會發送當選証書外先行電告總統選舉會歌印」一面並以個人名義偕同張伯烈馳電致賀以示慰勸其電文如下萬急保定曹大總統鑒十月五日依大總統選舉法舉行大總統選舉我公依法當選中外騰歡萬姓仰戴永奠邦基造福民國謹掬誠申賀順頌鈞安吳景濂張伯烈叩歌

五日選出曹錕爲總統後高凌霨等即於下午六時在國務院開緊急會議議決三事（一）以國務院名義將新總統當選票數通電各省區知照（二）公推袁乃寬代表全體閣員赴保定歡迎新總統（三）責成內務部籌備新總統就職典禮又公府指揮處侍從武官處及禮官處官兵人等計共一百餘名昨晚已會同外交部預先選定嫺熟各國言語文學之參事司長乘專車赴保歡迎曹錕入京就職並招待賀客吳景濂亦定日內親赴保定致送當選証書並向曹錕表功云

同日北京報口昨日總統選舉居然成會矣曹錕居然當選矣預製之証書以蜜色綾爲邊以古錦爲套以桐木爲匣居然於今日上午從兩院秘廳選一好書手敬寫曹名定於晚間送保矣（一說吳親往一說張伯烈往現尙未決）大選籌備已邀約各省代表今晚赴保歡迎矣昨日閣議決定各部院各派二人會同禮官處籌備就職典禮矣曹之喜可知直派之喜可知而反直派拆台派數月之忙未免目前暫告失敗今日直派機關各報特別標明合法當選蓋意欲以此四字抵制反對派也此事之急轉直下蓋有兩因（一）奉浙西南通電已出籌備諸人認定不疾速辦好則夜長夢多將有變局必趕於數日內做成（二）吳佩孚勸陷兩電反對衆院延長任期其中扼要之語即謂雙十節前合法

當選可無話說一過雙十節不必選舉高吳諸人原以延任事請示保洛原不欲公布而吳氏兩電則反有促成之作用一可以公布延任爲如期選舉之交換品故四日午間議員方面包圍催促而次日選舉亦同時確定此中交涉吳景濂而外駱繼漢之力爲多二因吳氏謂過雙十則不要選津派諸人遂認雙十以後吳氏別有辦法彼等籌備之功將付流水不可不趕緊辦好以問執吳口此三十日以後紅羅廠大甜水井小麻線胡同兵馬司迭次密商之結果而於甘石橋見之實行者也

諺云有錢能使鬼推磨矧在見金天不有躬之議員派人南下拉入又加以蘇督之協助當然議員多有北上者票價名爲五千元然實爲起碼數有八千者有一萬者所簽支票自邵瑞彭舉發之大有銀行以外有鹽業有勸業並聞有特別者則爲匯業麥加利之支票所簽之字潔記（邊潔卿）以外尙有蘭記（王蘭亭）秋記（吳秋舫）孝記（王孝伯）等等本月二三兩日頗有議員持票至銀行對照者然自邵瑞彭舉發而三四兩日之夜甘石橋大着忙將前發支票收回另換其他式樣之票且以示人不漏洩爲條件且聞已書明日期至於昨日上午直派議員四出拉入亦有付現者又有五千元以外增價者並聞對於前拆台而昨出席之議員許以投票自由票價照付而兩院員役由秘書長以至打掃夫各另給薪工兩月由吳景濂發出共八萬元以爲犒賞此斯選之大概情形也

昨日選舉會之表面情形各報已載茲不贅但此外有可述者則北起西單南至宣外大街三步一警五步一兵又有整隊巡行之保安隊象坊橋則自東口至西口軍警夾道排隊上午十一時後即斷絕交通非赴會者不許通過城堞上偏立瞭望之兵衆院門前徧張天幕無論議員職員參觀人均准入不准出入必搜檢女賓川女探爲之惟公使閣員及保津要人不搜對於議員則加餐兩頓（實只吃一頓以四時半已畢也）並在衆院隔壁之大中公寓設烟榻四烟槍八有癮議員得向吳景濂領通行證於軍警監視之下往吸而大中公寓則除吸烟外更有一大關係即甘石橋長安飯店之機關臨時移設其中閣員全體津保要人全體自上午九時始即至其中發號施令指揮一切也

昨日之會與四日之憲會連屬而來四日憲會已於二日議定由議員二十三人分頭請不出席者到會每人給額外津貼二百元故四日得以成會昨日暗定不定時間會足數爲度計包僱汽車數十有人於午前八時過石附馬大街三號門首即見停有三輛即吳運炬等拉客之車十時以後分頭拉人計臨時出發者三十餘各拉一二人回出時吳景濂親簽通行証其事由爲請人二字以愚所聞曾大索王家襄符鼎升不得鄭人康於午后二時車載盛時陳家鼎二人來而抱病之張佩紳廖宗北梁善濟易宗夔則以榻昇至易不能入場即持票至場後請其自寫？此拉人之情形也

簽到人數百有零出席者五百九十此中有無不實不盡非局外所能知吳景濂於甫散會時即囑將簽到簿密儲櫃中嚴戒秘廳人員不許漏洩簽到處及會場執事職員均先期派定未派者不許在側而簽到處有許多大選派議員圍繞之有某議員語人在場人數大約不缺惟我於同院人之面目不盡熟悉是否一一正身則不能出結云云簽到處曾起圍數次參衆各有蒙古議員一人非其人本身經某蒙古議員指出山西議員某到亦經人指出非本人江西某議員代同鄉鄒某簽到亦經其同鄉指出自彼等言之可謂異常認真然此外有無未指出者則不敢知矣

昨日之未出席者晨報所載爲王家襄黃元操劉以芬及贛籍二人（其一即符鼎升）但聞王正廷張我華焦子靜等亦未出席有蘇齊運來之議員三十四人由浦口特掛專車預定四日夜一時半到京但專車到津時下車者三十人迄昨晨未來聞其中蘇籍議員楊擇朱溥恩等中途脫逃此逸活也反直派之活動昨已無所聞然前日尙有四千六百元代價之說但聞拆台之運動者昨固未出席而連日受暗探之監視甚烈昨日東交民巷各口均排列軍警華人出入異常注意意者台之不能拆其以此乎至於會場之檢票員則大有問題議員人名之簽筒吳景濂特派專員數人司之密藏議場後圓樓中昨日由衆秘長鄭林臬抽籤其抽出者皆大選派要人絕無南下復歸者惟曾抽出參院呂志伊衆院李肇甫其人皆不在京改派兩人仍大選派重要分子說者謂此中大有手法也檢查之時十六人圍守他議

員不得上前廢票十二張內容更無能窺見者矣(十月六日下午一時)

同日北京報大選拾零云 大選形勢經經紀人之拚命奮鬥一部分拜金議員貿然來歸自命制憲派諸人亦犧牲主張於四日憲會告成後當晚即下苦功夫召集各政團會議決定翌早(五日)十鐘大選一方發出通知書一方鑒於前次流會更漏夜爲縝密之佈置東西車站及各緊要道口因防議員出京起見四日憲會散後即分佈便衣軍警防阻是晚及次早曾有少數議員欲微服離京均被截回衆院附近更張天幕六個院內外均加臨時汽燈準備日以繼夜非達到目的不已大選當局與攝政閣員復包賃衆院左側大中公寓組設大本營臨時安置電話多具議員方面除特種關係者自由出席外其他即由有關係之議員暨軍警各一乘汽車分途爲押解式之迎接自十鐘以至下午一鐘汽車尙滿街飛跑好在預約之安系議員袁振黃等十餘人適於是時乘汽車趕到(此輩約定投票領款後即行離京不宣布姓名)然一次兩次延長時間仍不足法數乃又爲最後之搜索雖病人亦用軟床抬入院內休息室其中凡屬名之反直派迎到後必令先入大本營與大選當局見面略談數語而後入院是殆當局要預留印記然因此種種直至下午二鐘半始湊足五百八十五人宣布開會投票是日本許人旁聽各界男女前往參觀者尤衆新聞記者另有招待室但在開票前既不許入場又不准出院議員諸人雖亦同被困在院內究竟有午餐茶點旁聽人則祇給兩個麪包果腹正爾嗟我嘆互怨觸鬚頭間會場宣布開票旁聽人乃紛紛入場參觀

開票結果曹銀四百八十票最多數當選其他一二票以至十票三十餘票不等唐繼堯之三十票自以副座關係早有預約而廢票中有孫美瑤一票五千元一票三立齋一票是雖謔而又虐要亦足以形容一斑據個中人言此番票匪係用複底狸貓換太子一幕即在禁止旁聽時做手脚此則以種種反證而信其確有舞弊情形也

賄選會之種種違法日某報載賄選會違法情形云曹銀賄買議員當選總統已構成公然行賄罪名除

邵瑞彭已將證據呈遞訴狀在地方檢廳告發外國人無不一致反對惟選會種種違法情形外間尙多  
茫然茲特逐條彙列於左

(一)查選舉會日期及選舉規則應按定手續由選舉預備會決定議長無此權力九月十日預備會  
既因違法失效五日選會復未補行此種手續則在法律上已失其根據當然不能發生效力

(二)據出席五日選會之鄂籍議員某君報告是日出席人數僅有五百三十九人而某報記者在參  
觀席上查點人數亦復相同且河南議員某君云五日投票時議員空席比前日憲會爲多則距選會  
法定人數相差更遠不問可知

(三)據接近大選派者言步軍統領烟酒督辦事務署警察廳特別偵緝隊四機關之錄事及辦事員  
計六十餘人在大中公寓坐候擬於人數不足時冒名頂替入場投票吳景濂於一時左右令秘書廳人  
員電大中公寓其說話內容雖未探悉但電機剛掛數分鐘即見此六十餘人連貫而出赴會入場其  
所帶徽章係議員蠶形式非參觀人之圖章當某議員在大中公寓見此形頗爲疑惑遂問在場某閣  
員此等人何人也某謂皆參觀人今日選會與平常會不同非佩帶此種徽章不能進院參觀此均爲  
五日選會有六十餘人冒名頂替之鐵證也

(四)聞是日選舉票多有由不到會人在外寫好携入者如豫籍議員王某係在大中公寓寫就交出  
代投甚至有有在樂戶中賄寫者亦有在衆院大總統休息室寫者梁善濟等三人此種院外寫票是  
否合法不待智者而後知也

(五)照議場投票規則應於投票前先將票壓向外一照以示內中無票是日之會並未經過此種手  
續何也則以其中已豫投有票在故也

(六)查普籍議員續相溘本人在津而選會簽到簿竟有其人此爲冒簽之一證

(七)照例開會出席人員翌日必用油印公佈此次吳景濂獨拒絕發表此項名單其有所忌憚可知

(八) 出席人數不足法數

(一) 查在滬議員除有二三拜金豬仔見財起心趕回出席者外尚有中堅分子一百五十餘人可信絕對決不回京者

(二) 在津議員二十餘人

(三) 在奉議員四十餘人

(四) 在籍議員三十餘人

(以上實際人數日內均有通電聲明) 加以在京未出席者三十餘人總計約在三百以上並未出席而吳景濂竟宣告出席五百九十人兩院總數不過八百七十四人除三百餘人外試問此五百九十人從何而來

(九) 查出席投票本為議員之自由而昨日大選派對於在京議員均用強迫手段且其中因強迫出席而未投曹錕票者將近一百餘人更有因憤其強迫而投(五千元)(梅蘭芳)(尙小雲)票者數人若謂昨日之會非以虛報與強迫而成則何以有百餘張不投曹錕之票

(十) 確查昨日在衆議院隔壁大中公寓臨時組織二十人佩帶議員勳章入場投票

(十一) 總統選舉會向有攝影以留紀念乃昨日此項手續竟付闕如蓋恐看出議員不足法數及冒名頂替等弊也

邵瑞彭舉發賄選支票之通電

高凌厲王毓芝邊守靖王承斌吳景濂等為曹錕謀當選總統向議員行賄經數月之接洽於十月一日始實行填送支票浙籍衆議員邵瑞彭得此支票後將其印成照片正反面兩紙於十月三日向京師地方檢察廳告發請其實行偵察起訴並通電各省聲訴此事經過雖中國司法處於軍閥積威之下未能完全獨立實行偵察然此則千古之鐵証也茲將該電原文照於錄下並將五千元支票正反面照片兩

紙附后

各省區軍民長官各省議會各團體各報館均鑒瑞彭幼承庭訓自行束修及爲議員不驚黨爭不競名利十載以還嵩目世變以爲憲典未立撥亂無方曩歲恢復國會之役蒙犯艱難奔驟夙夜方冀大法蚤懸私願已足未敢貪婪競進爲我邦家羞暨乎六月十三政變又作瑞彭雖切覆巢之憂猶殷補牢之望不圖構難之人志在窃位僉壬鼓煽思欲重賄議員使選舉曹錕爲總統初疑報紙譎言未足憑信乃本月一日宵分竟有授瑞彭以五千元支票之事窃謂政變之應如何處置曹錕之宜爲總統與否皆常別論若夫選舉行賄國有常刑不爲舉發何所逃罪特向京師地方檢察廳依法告發又恐京師受制強暴法律已無效驗用是附告發狀原文布告天下以求公判邦人父老百爾君子其鑒察焉訴狀如後爲告發高凌霨王毓芝邊守靖吳景濂等因運動曹錕當選爲大總統向議員行賄請依法懲辦以維國本而伸法紀事窃民國總統職在總攬政務代表國家地位何等重要乃直魯豫巡閱使曹錕者以騷亂京師翊戴洪憲之身不自斂抑妄希尊位國會恢復以來以遙制中樞連結疆吏多方搜括籌集選費爲第一步以收買議員破壞制憲明給津貼暗增夫馬費爲第二步以勾通軍警驅逐元首爲第三步以公議票價速辦大選爲第四步近月以來高凌霨王毓芝邊守靖吳景濂等與三五不肖武人假甘石橋梁宅房屋組織買票機關估定票價一律給價傳聞每票自五千元至萬餘元不等於本年十月一日所謂甘石橋俱樂部竟公然發行通知召集在京議員五百餘人至該處表面稱爲有事談話實則發給支票此項支票係用潔記字樣加蓋三立齋圖記均由王毓芝邊守靖商同高凌霨吳景濂等親自辦理所簽票數在五百張以上而當時領票人員有一百九十餘人其經中間人過付持送者不在此數瑞彭持身自愛於此等事未敢相信適值同鄉議員王烈將前往該處託其向王邊等探聽王君回稱該被告等已將選舉曹錕之票價支票五千元交我帶交退還與否聽君自便我不負責等語瑞彭當將支票留下似此公然行賄高凌霨等顯犯刑律第一百四十三條第八十三條第一百五十九條第一項第二款之規定瑞



曹 銀 賄 選 鐵 證

六月十三 下編

九十四


彭為國家立紀綱為國會保尊嚴為議員爭人格不得不片言陳訴除曹錕王承斌熊炳琦吳毓麟劉夢庚等分屬軍人當依法另向海陸軍部告發外特檢具甘石橋通知一件五千元潔記簽字蓋有三立齋圖記背註邵字之支票照片正反兩面共三紙向大廳告發為此請求即日實行偵察起訴嚴懲頑兇民國幸甚此呈京師地方檢察廳檢察長龍衆議院議員邵瑞彭呈

浙江國會議員邵瑞彭取得曹銀行五千元支票正面



浙江國會議員邵瑞彭取得曹銀行五千元支票反面

曹 錕 賄 選 鐵 證



出京議員湯漪楊永泰等在津通電一

各省區軍民長官省議會商會教育會各法團各報館均鑒自曹錕覬總統大位種種毀法亂紀行賄舞弊實情數月以來同人等迭經據實檢舉昭告中外全國輿論亦已一致抨擊嚴重監視乃彼昏不知悍然莫顧十月五日吳景濂等竟公然開會妄行選舉十月十日曹錕亦公然普京宣告就職或疑曹錕被選之經過情形於法律實質雖諸多違反然於法律形式則無大差謬者不知此次選舉法律上根本不能有效事理昭然不嫌煩複彙舉經過之事實原本要終重為國人詳陳之自六月十三日政變之後兩院議員應否即舉行次任大總統之選舉自以依法解決黎元洪之職務為先決問題乃六月十六吳

景濂等突然催開所謂兩院會合會者議決宣告認黎元洪之離京爲因故不能執行職務自十三日以後所發布之命令一律無效應依大總統選舉法第五條辦理夫兩院會合會原爲憲法會議之前身然以過半數開會則在法律上無此規定在事實上無此先例竟以此爲僞閣攝政舉行大選之根據已屬駭人聽聞况曹錕使軍警僱用公民包圍黎元洪官邸示威迫之離京赴津竟以此爲法律上因故不能執行職務之解釋則大總統選舉法直長奸教亂之資耳天下滑稽可笑寧有過於此者耶此兩院會合會之非法應根本無效者一也夫總統選舉會之組織查照歷屆成法必先開總統選舉預備會以決定之凡選舉日期及選舉規則均由預備會議決此一定之程序也九月十日吳景濂等所開之選舉預備會種種浮冒虛報不足法定人數經被僞報冒簽之議員張瑾雯等及列席專司計算人數之秘書孫曜先後函電指摘舉國皆知吳景濂卒不能舉出反證已鐵案如山矣夫預備會猶母選舉會猶子也母之來源既不正則其子之產出自屬私生是預備會所議決之日期及規則既當然無法定之效力則十月五日之選舉會何所根據而組織之耶此預備會之非法應根本無效者二也至於十月五日之總統選舉會純以舞弊及行賄朦混而成法律上尤應根本無效更無待論綜其實况可確得而言焉按自預備會舞弊爲議員秘書先後舉發以來吳景濂大有戒心衆議院議事科長王灝奉職守法不易就範遂易員代理兩院簽到之職員亦概行更換代以親信證一選舉開會之初照章須簽定檢票唱票人員所司職務關係最大乃是日簽定之王觀銘馬驥等參衆兩院共十六人無一非奔走大選著名熱心之人其中以吳景濂之親暱爲尤多若平日對於大選無所盡力者竟無一人預選院簽本吳氏自製簽端概暗加識別名爲抽定實則指派顯而易明證二向來成例凡投票之先須將票匭揭開當場高舉明示中無所有以昭大公此不特總統選舉應然歷來兩院投票無不如此五日大選會之票匭始終並未高舉揭示中有弊混無俟言詮證三大選會選舉規則應於議員席次外另設寫票處按照席次唱名魚貫就位寫票以防頂冒而當日選會則蜂擁而上毫無秩序不特違反歷屆成規實屬有意希圖朦混證四兩

院開會無論何種會議凡出席缺席請假三項人員名單翌日必須印刷宣布已成慣例總統選舉會何等重大乃該項名單久不宣布迭經同人等再三函詰終置不理長守秘密謂無隱情其誰信之證五現據同人調查兩院未參加賄選之議員截至本日止已有二百七十九人之多其名單已陸續送登各報以明真相益以未補選之議員參議院中央學會八名蒙藏及各選區之未補者十三名衆院缺額未補者共二名二十三名五日選會未列席之議員總數都爲三百零二名以國會議員法定總額八百七十七人計之已超過三分之一以上此爲第一次之調查其有居鄉或在京規避不肯列席者未據確實聲明以前均不計算在內是五日賄選會之列席人數已絕對不足三分二更無有五百九十人列席之理其由捏報頂替不問而知證六據彭君邦棟蒸日通電五日選舉彭君匿居六國飯店下午二時餘已開始投票其同鄉議員鄒人康曾親往苦勸出席告以實情謂五百九十餘人原爲吳景濂預報之數實則距法定數尙差三十餘人冀多邀數人列席藉掩中外耳目是彼輩作僞心勞早經個人自行道破證七出席名單雖未宣布然蒙古議員明阿克興額業喜海順三名或則是期請假或則誓不列席當日選會確未到場然簽名簿中已代爲簽到經其同鄉議員敬棍太當場發覺嚴加質問吳景濂始令秘書長將該三人姓名用紙條貼蓋取消同時該假冒之三人遂竊自退席各報多有紀載復經阿克興額業喜海順君等通電證明鬼蜮伎倆可謂無奇不有證八五日選會十時開會據十一時許吳景濂報告簽到人數已有五百九十餘人嗣偵騎四出強拉議員陸續加入最後報告亦祇云五百九十二人及選會通電又僅舉列席大數云五百九十人是人數多寡吳景濂一成不變已有預定與陸續加入者無關已屬節情離奇而報告與通電參差尤爲自相矛盾證九查選舉當日大選要人於衆院左側大中公寓組織臨時指揮機關臣門如市雜沓不堪有烟酒事務署警察廳步軍統領衙門及偵緝隊等機關之書記職員數十人齎集坐候均佩帶新製之議員蟹形菊花紀念章與議員標識毫無分別及得議員電話即陸續入院通行無阻凡當日曾到大中公寓之議員均共聞共見可作人證是浮冒頂替必盡藉彼輩爲之毫無

疑義證十有此十證事實昭然所謂選會無非掩耳盜鈴之談耳自簽票以迄檢查開票皆吳景濂派人一手包辦布置多日操縱自如凡列席議員則甘心賣身明知非法唯有嘿喻自無不爲之扶同隱飾之理此大選會舞弊之實在情形也不甯惟是選會法定人數固根本不足卽此不足法定之人數亦純由賄買而來自去歲國會恢復曹銀黨徒卽四出招搖聯絡議員組織團體節敬冰敬紛若雨飛某部某號貨如輪轉莊嚴首都久已穢聲廣播銅臭薰天政變而後遂論價公開更昌言無忌經紀狂犇四出招徠函馳電紛逢人商榷五千元之支票三立齋之圖章雖經邵議員瑞彭攝影告發繫訟法庭然行賄者實未嘗因此稍形中餒而受賄者則反藉此而益肆要挾各得重易期票改取現金滿橐而歸驕其妻妾公然秘密毫不諱言况大選經費到處攤派形諸公牘選費清單詳分欸目遍紀報章不特當局者無隻字之辯明乃津津而樂道之肆無忌憚寧復知世間尙有羞恥事耶此大選會行賄之實在情形也要而言之自會合會之公決改選實無法無天預備會之公然作弊亦共見共聞而十月五日吳景濂等之所爲選以賄成票由偽造尤根本非法當然宣告無效名義不可以篡取隱忍不足以圖存以國家代表之尊法律神聖之地乃山一貪鄙昏庸之夫假鼠竊狗偷之術一旦據而有之滅絕廉恥衝破綱維惟憑藉大位以縱其素來獎匪媚外好貨佳兵之惡來日大難何以立國何以示後此則我神明之胃血氣之倫所當投袂而起爲國家飭紀綱爲人類存正氣努力奮鬥無待躊躇者矣同人等奉職無狀誠不足以感人

力不足以迴俗奔走數月莫挽狂瀾撫躬自審良用疚心惟共和國國家之主權在國民全體而共和政治存立之要件尤在國民協力敢將賄選經過之情形原始要終聊陳梗概靜候國人之公判倘加鞭策願爲前驅刀鋸斧鉞安敢辭命臨電不勝屏營待命之至湯瀚楊永泰高仲和張瑾雯沈鈞儒烏澤聲王用賓范熙壬吳淵韓玉辰胡鈞覃壽公寶應昌同叩感十月十七日自天津發

津議員等致滬議員請連名宣言通電二

上海參議院衆議院公鑒在津同人擬通電請由院彙齊在滬在籍在京未出席選會諸同人連署發表

文曰本年九月十日大總統選舉預籌會有捏造出席人數情事大總統選舉有賄賂情事均經舉發事實昭然同人身爲議員受國民重托不能容忍累經通電冀申正義防止官邪今大總統選舉會竟根據捏造出席人數之預備會於本月五日開會行賄被訴之人亦竟宣稱當選元首重職買賣公開四維不張其於亡滅同人奉職無狀不能遏此橫流不得已只有以獨潔其身之度表白於國民之前瀆職之罪幸未於干犯假令司法能保其尊嚴國人能起而聲討同人等或作公證或爲前驅刀鋸斧鉞所不敢避不信我中華民國五千年禮義廉恥之教竟掃地而無餘也敬佈痛言伏希公鑒云云特此奉聞湯漪林長民張我華邵瑞彭楊永泰李靖國沈鈞儒王用賓烏澤聲范熙壬張瑾寰胡鈞覃壽公同叩魚津議員宣言反對賄選通電三

自六月十三日政變以來兩院同人多主遷地制憲之議時逾三月同人等赴滬之期雖有後先或因事北歸或延未南下然對於公開賄買之大選則一致反對南山可移此志不易茲再鄭重聲明如有冒簽出席或捏報投票者不特於法無效而且罪有攸歸特此宣言惟全國父老兄弟共鑒之王用賓范熙壬張瑾寰資應昌沈鈞儒韓玉辰楊永泰烏澤聲梁登瀛何海濤邵瑞彭林長民張我華石潤金楊山光丁文瑩秦錫圭楊擇平溥恩金兆校李汝翼王源瀚胡鈞覃壽公同叩  
出京議員全體宣言反對賄選通電四

全國各機關各團體各報館公鑒自六月十三日北京政變同人等猥以身受全國人民付託之重爲衛護國家紀綱法律相率南下集會滬濱迭次發表宣言當爲全國所共鑒迺直系軍閥仍悍然不顧恃其金錢萬惡可以驅使一切無恥之徒竟於十月五日以五千元之票價捏報五百九十人之出席四百八十之票數使民國罪魁及此次毀法亂紀之禍首曹錕僞稱當選總統竊以共和國家總統國會俱爲人命所託命今竟明目張胆使神聖議會變爲貿易市場尊嚴總統視若交易貨品闖犯刑典騰笑友邦曹錕個人不足惜其如中華民國名譽何賣票敗類不足惜如四百兆人民之人格何同人等誠足以感人

力不足以弭亂撫躬自問負疚滋多雖不敢謂保茲清白之身爲國家留一線之正氣仍當大聲疾呼追隨全國人民之後明正賄選之罪一致聲討謹此宣言統希鑒察國會參衆兩院出京議員凌鴻壽等叩

第四節 賄選議員題名錄

編者曰人類之生存也有二道焉其一爲關於物質者若衣食住與夫經濟日用之要需事項是也其一爲關於精神者若人類道義社會倫理與夫宗教教育上所共守之信條是也時亂俗墮苟存之心理混泯芬芬而不可遏所謂人類之精神生活日以頹喪然由一國一民族之歷史文化植爲國性者言之則精神生活之正義固一日未嘗或息在昔戰國之季世道人心之禍可謂亟矣而孟軻氏奮然獨標仁義之說又其衡量人物之際恒反復鄭重於風節取予之間故其中明舍生取義之旨謂由是則可以得生而有不自由是則可以避患而不爲又曰富貴不能淫貧賤不能移威武不能屈此之謂大丈夫中華民族之恒性蛻嬗數千年而不滅其不以此也哉國會議員賄選之案播亂於一時其罪小流毒於社會其罪大吾人爲垂戒將來計誅之不得不嚴爰就當時所聞見參以各新聞所著錄揭其姓氏必詳必愼期無枉縱焉

移滬國會秘書廳宣布之北京賄選罪犯人名單中華民國十二年十月十五日宣布

直隸之賄犯口宋楨 王文芹 王觀銘 李廣濂 籍忠寅 郭熙洽 張樹柵 鄧毓怡 恒詩峯

韓增慶 馬文煥 李燕文 金詒厚 王吉言 李春榮 呂泮林 王玉樹 張雲閣 李保邦

張滋大 谷芝瑞 齊守樸 李 榮 張國浚 張官雲 楊式震 耿兆棟 溫世霖 張鼎彝

馬英俊 錢崇壇 張書元 賈庸熙 杜濟美 童効先 張礪生 張良弼 宋慶餘 崔懷灝

張士才 胡源匯 張則林 李東璧 李景濂 陳純修 張敬之 王雙岐 常培璋 張恩綬

趙金堂

奉天之賄犯口孫乃祥 黃樹忱 王蔭棠

吉林之賄犯口蕭文彬 趙成恩 趙學良 畢維垣 谷嘉

黑龍江之賄犯口李伯荆 劉正堃 姚翰卿 郭相維 楊崇山 劉鳳翔 葉玉成 馬慶長 傅



航國 薛丹驥 田美峯

江蘇之賄犯口 藍公武 潘承鏗 辛 漢 吳榮萃 方 潛 夏寅官 阮性言 孫潤宇 孫熾

昌 高 旭 胡兆沂 劉可均 沙炳元 戴維藩 陳 義 陳 中 丁善慶 石 銘 楊

潤 謝翹元 邵長鎔 陳尙裔 王茂材

安徽之賄犯口 丁銘禮 桂殿華 胡璧城 呂祖翼 何 雲 賀廷桂 張伯衍 吳汝澄 李振

鈞 陳 策 寧繼恭 湯松年 劉鴻慶 汪建剛 張佩紳 吳日法 張振麟 王迪成 許植

材 彭昌福

江西之賄犯口 黃緝熙 鄒樹聲 劉 濂 蔡復靈 蕭輝錦 毛玉麟 張益芳 陳友青 黃懋

書 梅光遠 王友蘭 曾幹楨 陳鴻鈞 葛 莊 陳子斌 賴慶暉 劉景烈 汪汝梅 戴雲

程 鐸 潘學海 盧元弼 吳宗慈 鄧翹元 黃象熙 羅家衡 歐陽成 彭學浚 邱冠

蔡 賀贊元

浙江之賄犯口 鄭際平 張復元 孫棣三 周學宏 周 珏 陸昌煊 謝國欽 金尙銑 姚桐

豫 蔣著卿 王 烈 陳煥章 傅亦僧 傅師說 徐象先 林玉麒 杜師業 韓 藩

福建之賄犯口 李兆年 陳祖烈 范毓桂 裴章淦 董慶餘 鍾麟祥 歐陽鈞 朱騰芬 高登

鯉 曹振懋 賴德嘉 陳承箕 陳 壘 朱觀玄 李珪年 張 琴 陳馨光 黃 荃 黃肇

河 楊樹璜 林鴻超 楊士鵬 連賢基 劉萬里 潘訓初 張 琴 陳馨光 黃 荃 黃肇

湖北之賄犯口 牟鴻勳 鄭江灝 張 漢 胡祖舜 彭漢遺 范鴻鈞 陳邦燮 張伯烈 王篤

成 廖宗北 駱繼漢 袁麟閣 杜樹勳 馮振驥 李 鏞 陳嘉會 陳家鼎 黃贊元 何弼

湖南之賄犯口 田永正 席 業 方 表 劉 彥 李 鏞 陳嘉會 陳家鼎 黃贊元 何弼

虞 鄭人康 羅永紹 魏肇文 程崇信 陳九韶 席 綬 周澤苞 王恩博 向元均 禹瀛

山東之賄犯	劉星楠	蕭承弼	張魯泉	王鳳翥	徐寶田	張駿烈	張漢章	周慶恩	劉昭
一	周嘉坦	閻與可	張玉庚	袁景熙	胡錫珪	王廣瀚	金承新	王謝家	盛際光
錄	杜凱之	周祖瀾	趙正印	管象頤	于均生	于淵	于元芳	王志勤	張映竹
元	李元亮	郭廣恩	劉冠三	周廷弼	曹瀛	史澤咸			彭占
河南之賄犯	王伊文	陳銘鑑	黃佩蘭	毛印相	李槃	萬鴻圖	侯汝信	楊允升	任同
堂	賀昇平	徐繩曾	李載慶	李奎文	田增	孫正宇	岳秀夫	陳鴻疇	孔慶愷
潛	耿春宴	李時燦	陶毓瑞	王敬芳	郭光麟	任煥藜	王法岐	張嘉謀	陳全三
黃	方德九	王榮光	陳廷鸞	王傑					袁振
山西之賄犯	劉懋賞	班廷獻	苗雨潤	田應璜	張聯魁	李素	郭生榮	冀鼎鉉	康慎
徽	周克昌	裴清源	梁俊耀	梁善濟	趙良辰	穆郁	羅輔	張昇雲	閻鴻舉
顯	鄭化國	郭德修	石璜	劉祖堯	劉志廣	王國祐	景耀月	狄樓海	高洪
成									景定
陝西之賄犯	范樵	李述膺	張蔚森	岳雲韜	張鳳翽	楊逢盛	趙世鈺	譚煥文	王鴻
賓	白常潔	李含芳	趙烜	楊詩浙	馬驥	段大信	閻琳	朱家訓	任郁文
先	楊銘源	裘廷藩	高增融						姚守
甘肅之賄犯	萬寶成	文登瀛	魏鴻翼	王鑫潤	范振緒	姜繼	鄭潛	趙守愚	李鳳
威	李鳳穠	寶奉璋	祁連元	田澍	郭修	張映蘭	李克明	丁佩毅	蕭汝玉
彌	郝天章	周之翰	魏郁文	張全貞					張廷
新疆之賄犯	那德昭	蔣舉清	閻光耀	依不拉引	劉衢佺	徐萬清	師先敬	孔昭鳳	李
瀾	文篤周	繼孚	李含荃	李永發	楊增美	陳世祿	袁炳煌	李式璠	羅潤業
									張

瑞

四川之賄犯口王 猷 吳蓮炬 王 湘 趙時欽 潘 江 楊肇錫 余芹生 黃 翼 曾

銘 劉澤龍 劉 緯 廖希賢 袁弼臣 周 澤 陳宗常 蕭 湘 孫鏡清 古 壹 江

椿 傅鴻銓 杜 華 徐際恒 蒲伯英 唐 玠 奉 楷 王 樞 余紹琴 熊兆涓 黃汝

鑑 楊肇基

廣東之賄犯口黃錫銓 易仁善 李自芳 黃明新 陳 垣 李清源 譚文駿 葉夏聲 譚瑞

霖 馬小進 黃霄九 徐傳森 黃汝瀛 曾慶模 饒芙蓉 郭寶慈 楊夢弼 何銓謫 陳紹

元 司徒穎 易次乾 許峭嵩 梁成久 林樹椿 王欽宇 郭寶慈 楊夢弼 何銓謫 陳紹

廣西之賄犯口林炳華 劉景雲 郭春森 黃紹侃 劉錦才 雷哲明 黃寶銘 唐樹基 詹永

祺 陳師汝 程大璋 程修魯 龔 政 龍鶴齡 王永錫 梁昌誥 張廷輔 王乃昌 羅增

麒 凌 飛

雲南之賄犯口李正陽 李恩陽 何 畏 周澤南 李 增 王 楨 嚴天駿 畢 宣 角顯

清 張大義 山宗龍 李華林 陳光勳 李燮陽 俞之昆 陳時銓 陳祖基 萬鴻恩 張聯

芳 段 雄 劉炳蔚 趙 誠

貴州之賄犯口姚 華 胡慶婁 吳作棻 張世昌 金鏞昌 曾昭斌 牟 琳 楊榮英 符詩

鎔 杜成鎔 萬 鈞 孫世杰 劉尙衡 夏同龢

蒙古之賄犯口鄂博噶台 訥謨圖 李鍾麟 祺克慎 劉丕元 祺誠武 張 文 劉新桂 車

林端多布 德色賴托布 佈 霖 陸大坊 塔旺布理甲拉 宋汝梅 鄧芝靈 阿拉瑪斯圖呼

董士恩 棍布扎布 婁裕態 郭步瀛 博彥德勒格爾 金永昌 張樹桐 樂 山 敬棍太

李 芳 恩克阿穆爾 唐寶鏢 孫 鐘 陸大銓 熙 鈺 李景鈺 克希克圖 易宗彥

吳恩利 張海若 諸們達賴 鄧 鎔 汪震東 余司禮

西藏之賄犯口龔煥辰 巫懷清 劉文通 巴達瑪林沁 王 式 康士鐸 蕭必達 饒孟任

方 貞 江天鐸 江 聰 恩 華 石鳳岐 李安陸

青海之賄犯口劉丕烈 那旺呢嗎 龔慶霖 南木勒 札木蘇 多爾吉

華僑之賄犯口陳壽如 沈智夫

編者按上列各罪犯乃十餘年來號稱法統之國會議員且爲我四萬萬民衆主持政治之代表也嗟夫吾儕國民其滋辱矣關於誅罰此輩之文電滬報登錄無日無之皖浙學生且有驅逐賄犯在籍家屬各情事羣情之憤正義之不可沒於此可見予書本節第紀姓名以示與國人共棄之意其事實則散見各節茲不具錄至於後之從事政治者取鑑本書爲國民尊崇人格規銜政軌俾國事日趨於改善豈惟民國前途之幸此即蠕蠕然可憐之數百罪犯亦庶乎其萬幸矣哉

南北往返之賄選罪犯名單

編者案恒論對於賄犯以爲留京受賄者尙有不事二姓之義奴風範至若南北往返津滬領費沿門鬻身乘機詐財此等賄犯人物尤劣罪狀尤鉅吾人誅之當尤加等焉以實迹論則信然矣抑予就當時議員中加以查察知此輩初步之良心上確有主持正義不甘受曹氏之污辱因而投袂出京者中經政局情勢之變其志稍搖而王承斌齊燮元等利用兩院中曹氏之義奴四出奔走函電誘惑重金招致白門沾水使者相望有同緹騎袞袞議郎因而降志辱身低首以就俘虜者乃纍纍然相屬於道匹夫之不可奪若是乎其難哉先哲有言執德不弘信道不篤焉能爲有焉能爲無其此輩之謂乎時論對於此輩誅之既嚴吾書自應特加標榜另爲名次以待國人之裁別焉

參議院津滬領費返京賄選之罪犯名單

直隸 李廣謙

江蘇

潘承鐸

江西

鄒樹聲 劉 濂

蔡復靈 蕭輝錦

毛玉麟

浙江

鄭際平 張復元

福建

陳祖烈 張 漢

湖北

李鴻勳 張 漢

湖南

盛 時 田永正

席 業

山東

徐寶田 張漢章

山西

毛印相 楊允升

陝西

岳雲韜 楊逢盛

甘肅

魏鴻翼 范振緒

姜 繼 趙守愚

新疆

那德昭 閻光耀

劉爾佐 徐萬清

師敬先 孔昭鳳

李 瀾

四川

王 猷 趙時欽

潘 江 楊肇錫

廣東

黃錫銓 易仁善

李自芳

廣西

郭椿森 黃紹侃

劉錦才

雲南

李正陽 李恩陽

何 畏

周澤南

貴州

張全鑑 吳作棻

蒙古

訥謨圖 車林端多布

佈 霖

博彥德額勒爾

西藏

李安陸

華僑

陳壽如

衆議院津滬領費返京賄選之罪犯名單

黑龍江 傅航國 田美峯

江蘇 方潛 夏寅官 阮性言 高旭 胡兆沂 劉可均 戴維藩 陳義 丁善慶

石銘 陳尙齋 王茂材

安徽 何靈 賀廷桂 李振鈞 吳日法 張廷麟 王迪成 彭昌福

陳友青 王有蘭 曾幹楨 陳子斌 賴慶輝 劉景烈 汪汝梅 戴書雲 程鐸 潘

學海 盧元弼 吳宗慈 鄧元 黃象熙 彭學浚

浙江 周學宏 陸昌烺 金尙銑 姚桐豫 韓藩 王烈 陳煥章 傅師說 徐象先 杜

師業

福建 董慶餘 歐陽鈞 朱騰芬 賴德嘉 朱觀支 李堯年 林遜之 楊士鵬 劉萬里

范鴻鈞 陳邦燮 廖宗伯 袁麟閣 杜樹勳 馮振驥

湖北 陳家鼎 何弼虞 羅永紹 魏肇文 程崇信 周澤苞 王恩博 向元均 禹瀛

周慶恩 閻與可 胡鑫堯 盛際光 杜凱之 于均生 周廷弼

河南 賀昇平 徐繩曾 田增 王傑 陳鴻疇 孔慶愷 杜潛 耿春宴 李時燦 王

法岐 張嘉謀 李奎文 方德九 王榮光 陳廷巖

山西 郭生榮 冀鼎鉉 羅輔 張昇雲 鄭化國 石璜 景定成

趙烜 楊詩浙 閻琳 朱家訓 任郁文 姚守先 裴廷藩

陝西 李克明 丁佩毅 張廷弼 魏郁文 楊增美 陳世祿 袁炳煌 李式璠 羅潤業 張

文篤 周繼孚 李含荃 李永發 楊增美 陳世祿 袁炳煌 李式璠 羅潤業 張

新疆 瑞 劉緯 廖勁伯 袁弼臣 陳宗常 孫鏡清 古臺 杜華 唐玠 奉楷 余

紹琴 熊兆渭 黃汝鑑 楊肇基

廣東 黃明新 陳垣 李清源 馬小進 黃九霄 黃汝瀛 曾慶模 郭寶慈 楊夢弼 何

詮調 許峭嵩 林樹椿 王欽宇

廣西 梁昌誥 凌飛 程修魯

角顯清 陳光勳 陳祖基 萬鴻恩 劉炳蔚 趙誠

雲南 曾昭斌 符詩錄 孫世杰 劉尙衡

貴州 張樹桐 樂山 敬棍太 李芳 唐寶鏗 張海若 汪震東 余司禮 霍椿森 王

蒙古 克興額業 喜海順

## 第五節 憲法歟穢史歟

曹錕逐黎之後掠奪總統已成迫不及待之勢留京議員乘其情急陽以制憲爲名陰以納賄相挾賄議既定乃並向此「先憲後選」及「憲選並進」等名詞而拉雜棄之已而覺其無以自解也則以十數小時之頃取天壇委員會送院之草案息息公布即所謂十二年十月十日之憲法是也此輩所公布之憲法有類於商店競賣之贈品如廣告中之「買一贈一」者彼既以賄而鬻總統於曹錕矣持此故紙堆中之憲法作爲「不另取價」之物以資曹錕之保障爲情至周一方則藉以塗飾國人之耳目而自掩其賄選之罪爲計亦至巧雖然國民豈盡可以欺飾者哉予意憲法之爲物所以適應一時代之民族的政治生活亦即以表現一國以內之民族的人格與其精神蘊蓄國民之所爭於憲法乃在民族的政治歷史之眞價值豈徒藉紙片上之條文要約爲一時共守之信條而已乎憲法之實質與其效用非能家論戶曉如村塾所持誦之三字經百家姓也又非能如農村所供奉之天地君親師五字牌位也國民毅人以爭之瀝血以誓之其能永久灌注於一般國民之腦際昭其信仰而留其紀念者必其事實人物創造大法之際足以貽留光榮於政治歷史之上而爲一代之民族的人格及其精神意蘊資以標幟若表之於影固有有所忒古今中外之民族組織國家而特垂一種最貴重最純潔之國法其價值亦若是耳矣彼貪劣賊私之留京議員其自身瀆職毀法已成爲國家與國民之罪人以此輩揭櫫大法留貽國人與移盜賊之餘贓以汚人者何異予意國民可以無憲法而不能有此種無人格無價值之憲法爲我中華民族政治歷史之大玷以是之故對於賄選之曹錕與附贈於曹錕之「賸屬的」憲法應一並予以否認昔北齊魏收納爾朱氏之金爲之作傳顛倒善惡時人猶以爲穢史十二年十月所公布之憲法爲留京議員納賄而成事實昭然憲法歟穢史歟國人必有能辨之者爰紀其事於後

出京議員議停開憲會之公函

六月十三之後守正議員紛紛出京曹派議員欲以憲法會議爲軟禁議員之一種方法出京議員劉



楚湘等洞知其謀因公函吳景濂請停開憲會就政變上爲正當之解決原函如左

逕啟者自六月十三日黎大總統元洪出京發生政變後現內閣能否復職及十六日兩院由談話會改爲會合會以過半出席人數所議決之事件於法律上已起重大之爭執同人等認爲於此兩大問題若不依法有正當解決則國會之神聖信用實掃地以盡憲法爲國家百年根本大法在此法紀紊亂狀況之下制出何以垂永久而詔來茲同人等爲愛國會愛法律愛憲法計用特函請議長將憲法會議暫行緩開一俟此兩大問題有正當解決國會神聖信用回復後再繼續開會即希查照並分布同人是荷劉楚湘董昆瀛范熙壬等同啟

吳接前函置之不理仍繼續開憲會然以出京議員之日衆竟無一次成會至七月中旬北京僞攝政內閣以財政無著財長張英華辭職拜金議員以天津有旅費五百元上海有月費三百元可取南下者愈多北京憲法無成大選有絕望之虞於是保派之王毓芝高凌霨熊炳琦（山東省長時因促進大選入京）等欲改變方略勸曹錕發一停辦大選促成憲法之電以羈縻國會議員勿使南下時僞內閣邀中國銀行總裁王克敏長財政欲藉其承認金佛郎案得賣國贏餘以作大選經費王到保定謁曹錕亦以是爲請而津派之邊守靖（直隸省議會議長）等則仍主急進大選上書曹錕謂若發停選先憲之電不啻自招口供與項城取消帝制如出一轍必歸失敗等語曹閱之頗爲所動幾經磋商僅由曹錕於七月十五日發一促憲之電對於大選一字未提惟電末輕描淡寫有私人權利夙不敢爭之語藉以表示決不逼選爲羈縻議員之法其文如左

參議院衆議院鑒竊以憲法爲國家大本憲法一日不定國家一日不寧銀前此致電懇請早日制成憲法經月以來迭次憲法會議均聞不足法定人數不能開會區區愚衷不勝過慮往者國會初集亟亟以制成憲法爲先務及後迭遭二年停會六年解散之變遂致根本大法制而未成延至今茲已逾十稔議會諸君艱難轉徙其於制憲大業豈能一日或忘去歲國會復集法統重光海內喁喁以爲憲法告成期

在且夕今日國人猶此心志望歲之殷更逾疇昔蓋根本大法先立則枝葉從而就理事勢困難皆得據法律爲解決一日憲法昭垂全國遵守固爲我國家無窮之慶事抑亦我國會制憲無上之光榮也雖然無法不可以爲治而徒法不能以自行立法之責負之國會至於憲法既成期當共守不惟恪守期當實行此其責任則我國民所當急謀共負者矣抑銀尤有進者國家創建之始常患無法而在憲法初立之國家則患在有法而如無法非有遵守憲法之誠心與實行憲法之毅力必不能除去事勢上一切之困難而進行法律中惟一之正軌國會爲人民代表人民爲國家主體所貴有立法之責者必求其可以共守可以實行成爲法治之國家有行政之責者必誠心毅力二者具備以負此法治國家之責任此則銀之夙抱所願爲我國民披瀝陳之者也銀服務國家垂十年民國肇建未嘗一日自逸私人權利夙不敢爭耿耿寸衷惟知有國用敢盡言以明素志邦人君子幸共鑒之曹銀刪

上電發出後直系各將吏發電響應同月二十四日曹復電兩院仍以促選爲名促選爲實蓋與議員中以先憲後選爲號召者相視而笑莫逆於心也茲錄曹電於左

參衆兩院均鑒國家大本在於憲法民國肇元今十二稔紛紜擾攘無藏無之揆厥原因皆由憲法不成實際之厲銀於去年主張恢復法統之時私心企望即在憲法早日宣佈國本早日奠安寤寐以來又將一載變端百出心實爲危諸公愛國心長必同斯指所望憲法及早制定則不朽之業與國俱長瞻企下風不勝叩禱之至曹銀馬印

曹銀以促選爲名促選爲實蓋與吳景濂等串通作弊假制憲招牌做論價定貨之買賣行爲者也出京議員等對於曹之促選有通電闢之其文如左

各報館轉各機關各法團暨全國國民公鑒頃閱曹銀養電以憲法會議經月無成相責望其詞若有憾焉者雖然憲法會議之所以無成者何一非曹銀及其部下多方破壞之所致乎如制憲經費一事曹銀之黨高吳等於黃陂在京時皆竭力反對之直隸省長王承斌電高吳謂憲法不許成立更有把握電文

曾披露於各報此其尤彰明較著者也。跡彼輩所以破壞制憲者，益深信惡憲法一布則人民有所憑藉，以相抗拒而直系諸將將不得長保其地盤。又慮憲法早成，議員夕散，則曹錕所慘澹經營之總統，或不得如其願以相償。故鬻之使不得就耳。即如此次黃陂被逐，其所以攫彼輩忌而急不能待者，夫豈有他亦以黃陂欲促成憲法而已。在彼輩之意，黃陂之促成憲法，即所以破壞大選。是故黃陂不去，則憲法必成。憲法有成，則大選無望。所以放逐黃陂者，為欲破壞制憲也。所以破壞制憲者，為欲擄得總統也。以欲擄得總統之故，不恤放逐黃陂，破壞制憲之曹錕，今也皇皇然通電全國曰：「憲法會議不能開成，不勝過慮。」其羣從子弟之將領亦起而和之，如響之應聲。若其不勝過慮者，其誰欺欺天乎？抑曹錕輩之意，非直塗飾觀聽而已。彼以為國人至所屬望者，憲法也。以此揭羣則可以誘致議員，而償其所欲。不然，咎有所歸。國人亦將諒解曹大巡閱使之苦心於南來議員及同情於南來議員之諸自治省反可以加以破壞制憲之罪名。其且聲其罪而討之。此其用心可謂路人皆見者也。今請正告國人同人：此次南來其消極的作用在保全國會之尊嚴，其積極的作用在完全憲法之大業。此物此志終始不渝。所望邦人君子鑒此微忱，作之後盾，俾盜國者志不得遂。則民國前途實利賴之。國會議員潘大道、焦易堂、褚輔成等四百五十三人同叩。

蔣智由駁曹錕促憲電

憲法本無救於治亂，今之槩言憲法者，欲假此以善其爭奪之名，及隨羣之盲從而已。民國十二年之變亂，約法在也。約法在而亂不休，而謂憲法成而亂即止，有此神異之術乎？湖南行省憲而蔡趙爭，不聞能以省憲治之。今南北未一，而先制憲，將南一憲法而北又一憲法，憲法之爭紛糾環互，而國真無寧於一日矣。曹錕以南事制憲，亦以制憲電告，欲以國財藉制憲而收議員，即援憲法之成，自居於合法而據總統。其言益美，而其惡益章。大盜發塚誦言詩禮，王莽以大誥篡漢，曹操實逼禪代而自居文王，此乃小技不足欺人。曹錕及北京諸偽議員，今無為國制憲之資格。憲法成，吾民直冀而棄之，毋以國人為可欺也。

蔣智由迥

蔣智由駁直系軍閥論制憲通電

自曹錕發電促憲和曹之電塵起夫憲之效非發於國人之信仰而行之乎今以曹與僞國會制憲有國人之信乎無有也然則直以制憲收買人首憲法成自供狀以貽千古臭耳且先憲後選與夫先選後憲何以異昔有狙公養狙予狙栗糗三而暮四則衆犯怒怒狙公局然則朝四而暮三則衆狙喜今先選後憲國人怒而曰吾將先憲而後選是曹爲狙公而以衆狙愚我國人也夫曹而必欲爲總統力政據位猶之可也何也是猶吳楚之僭王也舞文以欺世飾言而盜名則國人必嚴絕之首誅之何也是重操莽之僞行也孔子惡季氏謂君子疾夫舍曰欲之而必爲之辭曹欲總統而以制憲爲辭是孔子之所疾也大學之傳曰小人爲不善揜其不善而著其善人之視如見其肺肝然以制憲揜不善而著善是使國人見曹之肺肝也蔣智由陷

曹錕發出馬電促憲之後●國●會●議●員●呂●復●曾●有●復●函●一●道●極●盡●忠●告●茲●錄●其●函●文●如●次●仲●珊●使●君●麾●下●養●電●讀●悉●國●綱●不●振●政●失●其●常●法●律●雖●號●聖●神●祇●足●以●繩●尺●小●民●不●足●以●越●制●勢●豪●此●由●數●年●來●毀●法●亂●政●所●積●而●成●非●旦●夕●之●故●也●乃●當●陰●霾●四●塞●天●地●晦●盲●之●際●忽●然●日●月●烘●照●雲●端●光●明●頓●見●皇●皇●明●電●既●期●憲●典●之●早●成●復●勗●國●人●以●共●守●凡●有●血●氣●孰●不●欽●心●雖●然●人●事●綦●繁●一●凡●變●故●之●來●苟●祇●拘●觀●見●象●必●無●所●得●如●知●推●究●原●因●方●能●切●中●肯●綮●耳●去●歲●法●統●重●光●國●人●於●國●會●之●始●即●孜孜●以●制●憲●相●約●其●且●有●以●專●事●議●憲●不●問●政●事●提●出●議●案●者●此●亦●可●以●少●覘●國●會●之●志●矣●卒●之●有●關●國●際●之●政●治●問●題●雖●不●敢●置●之●度●外●而●萬●世●所●賴●之●制●憲●大●業●亦●不●敢●竟●爾●忘●懷●其●事●俱●在●試●爲●左●右●陳●之●計●自●開●會●之●始●地●方●制●度●章●中●大●體●議●題●不●滿●三●月●悉●經●審●議●會●議●決●而●增●定●之●草●案●都●凡●四●章●四●十●條●亦●經●起●草●委●員●會●二●十●有●六●次●之●會●議●於●兩●月●之●內●一●律●告●成●又●以●國●會●組●織●法●規●定●議●憲●自●出●席●與●表●決●之●人●數●不●免●過●高●而●應●行●補●選●之●議●員●未●曾●選●出●者●有●之●選●舉●機●關●不●但●議●員●未●選●其●機●關●迄●今●未●成●者●有●之●同●人●等●於●是●有●國●會

組織法第三十一條第二項改正案之議決咨經大總統公布在案復慮人雖減仍不免有意於列席者於是修正憲法會議規則關於議員之請假或缺席無不嚴加限制省憲議起爭執頗多實則凡事皆有可否兩面何獨省憲爲然爭執在以求是非不議也然同人等恐因此遂延憲法之成立乃有協商會之組織爲臨時二星期耳而協商就緒矣凡此或關議憲程序或涉憲法內容要之皆同人所以促成憲法者也雖不敢以此遽告於國人而知其責無旁貸百計以求其成衡以此次尊電所論敢謂其相去不遠若無他故擾之不煩何方催促敢信其於數十日內可以觀成孰知倉卒變起政象立紛張內閣忽然有二次總辭職之舉未經批准即掉頭不顧走往天津其餘閣員亦同不視事翌日即有軍警直向黎大總統鼓噪索餉之事未幾復有自號公民者聚衆求黎退位之事侵入家宅擾及私居夫所謂警察所謂檢察者固熟視而無睹也黎大總統亦曾有蒸電通告國中尊處近在畿甸諒有所聞大總統出京我國現行國法原無禁制之規定考之他國行政首長出遊都外事所恒有如美總統威爾遜之加歐議和返國之後周遊各州演說和議歷史此固世所共知者也六月十三日黎大總統往津乃當地長官當途邀截劫索印信果何說耶最難解者黎在因索餉而辭職者黎去雖無餉而即復職黎在相約不出視事者黎去則登時回任此又何說耶黎元洪爲人如何另屬一事即其去歲復職容或有法律疑問但在國會未經依法解釋其任期之前固國法上之大總統也而其名義全體本諸現行大總統選舉法而來尊電現知恪守憲法之誠心與實行憲法之毅力期望國人矣抑知對於未來之憲法是否有恪守之誠心爲實行之毅力須先視今日對於現行國法之態度爲如何現行大總統選舉法非他卽憲法之一部分也京師此次之變已將現行大總統選舉法視同無物台端至此時方慮及法憲之無望致勞通電促督然使憲法成立之後強勢豪暴亦以視今日之大總統選舉法者視之則國家亦何貴乎有所謂憲法者乎莫謂去黎而與國會無關也蓋國會非絕對獨立自如之物必與行政一部相輔而行方克無效立法行政之於國家猶棟梁之於屋宇苟折其一其餘之一雖不折而亦不能顯其機能此次之變既直接顛覆國

最高行政機關間接即予國會以莫大之不便雖日言尊重國會其誰信之近兩院同行人行者多矣揣其用心殆恐人之將以加諸黎氏者加之國會其或加諸議員本身耳雖不能謂即有此事然既不容黎在矣亦不能謂此爲不應有之推測也此次之變或曰有人指使或曰別有所圖總之不究內幕但觀表面其爲犯上不軌生心害政已爲中外之共見共聞者苟不窮究主名置之典常則現行國法已至強者而失效憲法縱成又何足當其一顧今之輿論沸騰里巷訊咒來日大難閉目可想根本消弭之方已不繫於憲法之遲早成就蓋今日之犯上者無罪則異日之毀憲者亦必無罪矣故此大政變若不明其責任果當誰屬非但議憲不足以遏亂萌而黎元洪之任期與此次出京是否即係大總統選舉法上所指之因故二者未經解釋確定之前即使選出總統恐亦不足以釋天下之疑而箝議者之口也復忝在聞教之列既拜嘉言用敢一竭愚誠貢其款款惟希諒察衆議院議員呂復

編者按予紀本節特詳曹錕促憲及闢曹文電者蓋以當時留京議員之目的除一賄字外實不知國會與憲法之爲何物而曹錕則爲此次交易貨品惟一之主顧曹通電促憲即爲承允納賄交貨之預約的條件憲法云云本無此物安有評論內容實質之地哉曹錕促憲既如上述其後尤有一荒謬之奇聞足爲此輩制定憲法上之特色者則高凌霨等公函兩院保証賄選之後允許議員完成憲法是也當舉行賄選之前數日議員等恐先選後憲與前此所標揭者不符且恐選成而憲不成將以致國人之謗且無以自解乃要求高凌霨等正式函達兩院聲明選成之後允許議員完成憲法此函出閱五日而賄選完竣又四日而憲法亦完竣高凌霨等之一函乃與憲法並重而十年以來糾紛膠擾之憲法經過此一次保証而竟得產出高凌霨與賄選之議員等並可以自豪而憲法之價值則掃地矣茲錄高等原函於左

逕啟者民國肇造十有二年海內喁喁無日不望憲法早成以奠國本不圖屢更世變未能早觀厥成樞府中斷瞬逾三月憲法流會已數十次國勢岌岌險象環生大政不宜久擱元首豈可虛懸值風雨飄搖之時爲亡羊補牢之計倘於最短時期能將憲法制成尅期公布固足以慰四海士民之望如因時迫憲

法不能完成惟有於法定期內盼速選舉總統以安國基而固人心一俟大選告成正式政府得早成立  
爵等更均希望我公等完成憲法納羣倫於軌物之中庶乎統一實現寰海昇平此固爵等馨香虔祝而  
同聲預慶願作保證者也區區愚誠敢祈昭察高凌爵吳統麟王統芝熊炳琦王承斌

留京賄選議員出賣總統附贈憲法之後頗欲假借穢憲號召國人資爲辦理曹錕一統事業之標幟當  
時張伯烈等欲在北京上海組織一種促成施行穢憲之團體運動國人承認穢憲而曹錕之總理孫寶  
琦出席國會亦有承認憲法之演說當時天津某報載有評論一則闢孫之所謂承認憲法其論至明晰  
錄於左

(上略)孫氏之希望全國承認憲法亦曾體認北京國會所制之憲法果爲何物乎當高凌爵吳景濂等  
經營賄選之時北京兩院中蠕蠕然之羣豕知有賄而已矣彼且不知有法何有於憲自研究系與一般  
中立派陰預賄選之謀以濟其奸陽假制憲之名以掩其惡於是有所謂先憲後選之議已而慮其事之  
不成與其挾以求賄之真正目的有礙也由是而低首以受污辱於前復圖納采以壯門楣於後此輩所  
謂憲法謂爲賄選之餘贖與羣豕之穢史可耳尙得名爲憲法乎

憲法之制定當植基於國民公共意志之上故就根本而言國民自制憲法則亦自衛之自守之而已無  
所謂承認與否也自其價值而言一國憲法之成立無論其爲成文或不成文均必有其眞精神之所在  
此種精神即所以陶冶民族之品性調節生活之狀態國民善良之習慣與理惟上之動作胥於是焉寄  
之是故憲法之成根於民族心理而以國民之血灌溉之者也如上所述北京所謂憲法適爲民國憲法  
史上污辱之材料有何價值之可言不寧惟是自去歲十月五日賄選告成北京議員均爲干觸國法之  
罪犯世界國家寧有假手於罪犯以制定國法者乎羣豕繞笠自行作態問其本心初無是物國民對於  
憲法自應注意於精神價值之所在而善自爲謀若如孫氏所期望之全國承認亦適爲羣豕之所竊笑  
以爲吾儕始願固不及此也

抑吾人有可爲孫氏原諒者觀於孫氏自述曾於前清屢陳立憲之利而深惜清廷之無誠意老耄對於憲法殆有獨得於味外之味者彼其所謂承認云云與當時高凌霨王承斌等致函兩院擔保憲法或者同一妙想其尙足責乎哉

編者案留京之各賄犯既以先憲後選與憲選並進之詞欺飾國人矣故當賄議未定之前所謂憲法會議者雖以人數不足流會至四十四次之多而仍掩耳盜鈴按次履行開會之儀式至賄選部署已定乃於十月四日成憲會五日成選會其計畫愈周而其罪乃愈不可掩語云小人作僞心勞日拙其吳景濂等之謂乎此輩公布穢憲之後猶欲逞其假憲蒙選之手段故其告於人者必曰賄選爲一事憲法又爲一事人之無恥乃至於此哉予嘗告某君賄選與憲法誠然各爲一事但吾人實無法解剖此輩受賄贖職之罪犯使其賄選爲一人制憲又爲一人耳穢憲無成立之價值既如前述故凡關於憲法實質上之評論予書均不詳載惟事前湯漪氏曾以憲草委員長名義函邀留京者南下而留京各賄犯不之應又林長民氏南下時發表對於制憲之意見各賄犯亦置之不問二氏持論並極平正而留京各罪犯充耳有若未聞則其宅心之不在制憲豈待事後之撻發哉茲錄湯林兩原文於後以證明號爲留京制憲者之罪狀且使論憲者知此輩所自定之穢史無存在之餘地焉

憲法起草委員會委員長湯漪致各委員請南下制憲公函

北京憲法起草委員會同人均鑒法統告復國人即以速成憲法責望國會同人本其職責急起直追首先增修憲法草案四章業已完全告成分次提交大會其未成者特關於本憲法施行附則一案已耳施行附則之所關視全部憲法尤爲切要舉凡今日紛亂之政象與現存之事實一一納諸憲法軌道之內非厘訂施行附則不爲功行遠自邇登高自卑民治之階梯統一之先導基於是矣自遷地制憲之議起兩院同人多數贊成綜計在津支領旅費決計南下者已超過制憲法定人數本委員會爲國會組織法上特定機關於憲法會議兩相對待超越於政府組織以上而爲民國主權之源始地位何等莊嚴責任



尤爲重大茲滬上同人方將完成內部之組織亟謀憲會之召集務希本委員會同人率先南下俟本委員會擇定會場即當續開會議草擬申華民國憲法施行附則案既可減少國人對於憲草之疑慮尤足補充二讀條文之缺略亦千載一時之業也游已定於日內南行除與兩院同人商定國會之政策力謀立法事業之發展外謹當及早籌備本委員會開會一切事宜勉爲公等之前驅毋負國人之祈嚮引領以企不盡眷眷

憲法起草委員南下議員林長民致國會同人論制憲意見書

國會同人公鑒六月十三日京師軍警肇禍黃陂出亡以後迄今月餘憲法會議流會已十六次吾同人留京離京者數略相等何去何從果得大多數人一致決擇則國會開會地點本亦無關宏旨然而相持不下日漸睽離解決時局制定大法之唯一機關乃分裂矣民國之不統一已五六年向者分裂各立其法各有其國會以相頡頏而臨時約法之系統卒獲勝利然則並未分裂特系統之爭而已今則一會兩分一法兩系是真分裂也爭持之點乃在遷地之微而彼此各挾有無窮之疑以相逆憶逆憶不已背道而馳本無順逆之分竟成參商之隔是何現相吾同人果何所爲而必自畫鴻溝耶夫國會分裂使僅屬於國會問題則亦無足深憂而今日之禍患決不止於國會分裂而已第一因國會之分裂全國遂無一合法之機關以執政務而解糾紛將陷於無政府第二與國會分裂因果之（武力衝突）從此肉薄國本益傷民生益困禍亂將益蔓延第三內亂愈亟外侮乘之將啟干涉至於不國是三者若自吾國會敗之則國會眞負罪矣武力衝突何以與國會分裂爲相因果不有武力之外煽國會不至於內擾不有國會之內擾武力亦無所挾持以相搏彼武人之黠者各襲歷史上所謂（假竊名號）之故智想挾國會以爲重乃從而利用之各同人當無不知者知之而苟比之吾人無論爲甲爲乙又無論引甲以排乙與引乙以排甲雙方之兵連禍結乃至因兵禍發生之結果危國亦殘民生或且引起國際干涉馴致不國一切之責任將與雙方武人同負之吾同人必不甘竟比之也一月以來各報所載吾同人彼此宣言與

夫信札之往來累數萬言匪不持義正大堂堂乎以整飭綱紀力謀和平統一爲辭然贛邊告警福履之間海陸交綏靖安兵艦因運械而獨立蘇滬衝途因駐兵而驚擾江浙主將各自枕戈奉直舊仇增其戒備處處危機種種事實與吾國會之分裂乃相因而起即吾同人不甘比之而彼之各有懷挾者固明明以吾同人爲奇貨彼迎國會此尊法律其軍事行動乃無一不觸發於迎國會尊法律之聲中吾國人實有重大之嫌不能不亟謀所以避之不然將何以自解於國民且爲國家計爲國會計吾同人更有杭此潮流消除武力衝突之義務

國會既爲國家之唯一合法機關雙方武人亦皆假此以爲號召雖擁兵數十萬不敢肆其威力遽加壓抑固彰彰也假令我多數同人不攝於外力不惑於外誘嚴陣以待死生以之則此一月之間一二問題當可次第解決制定全部憲法可也議訂旅行附則可也任舉何人爲總統可也設臨時委員制可也組成有政策之內閣可也被覬覦高位者敢以暴力相侵陵耶果侵陵者吾八百同人亦正合犧牲以求最後之勝利暴力終敗正義必勝敢斷言矣

事至今日關鍵仍在開會南北地點應置緩議留京同人離京同人不必急於引致或挽留來去議以求必不能足之法定人數亦不必急於雙方牽強遷就之成會更不可有絲毫聽候武力解決或依賴武力解決之意各提議題舉關係時局必要各事項留京者儘留京之人共議之離京者亦然議有結果然後協商之協商既定則去者可歸留者亦可去國會以外之人無論任何勢力可不問也其關於實施細目可留餘地以待各方之斟酌如是則綱舉自張即理想與事實亦不至於兩相牴牾滯國會之威嚴立國家之根本得以日鞏實吾同人唯一之權義也今試舉應議事項如綱參以區區一得之見願與吾同人商榷之

一●修改大總統選舉法規定現役軍人不得當選大總統選舉會另組織應參加地方議會及各職

業團體

二● 改造全部憲法重行起草限期提出大會其要如左下

(甲)省自定省憲法中央政府選定爲聯省府

(乙)國權一章大致可採現草案及此次各團協商之件

(丙)關於軍事之規定可用現草案

(丁)生計教育兩章可用現草案

(戊)憲法解釋權應屬最高法院

(己)國務員應於國會中有議席或規定議員得兼國務員

(庚)自由保障各條應更有確切之規定

(辛)國會解散權不必限制與不信任投票對等規定

三● 設臨時中央行政委員會委員五人或七人由國會選舉執行政務至大總統選出之日解職

四● 大總統選舉會於民國十三年十月十日以前三個月內組織之選舉大總統副總統

五● 設裁兵委員會以軍政財政上富經驗負重望有實力者組織之以中央行政委員一人爲委員

長

六● 尅期由國會制定中央行政委員會及裁兵委員會組織法

七● 組織內閣以負重望通達中外治體之人當之秉國會之方針國會爲之後盾

八● 憲法施行法由憲法起草委員於憲法全案提出後即行起草關於憲法上立法事項於憲法案

提出後釐定項目分期擇要起草

九● 憲法施行法及憲法上立法事項提出大會時中央行政委員及裁兵委員會得到會陳述意見

十● 修改現行衆議院議員選舉法以法典股審查報告之案爲根據限十二年十二月三十一日

公布之

十一●根據新選舉法辦理衆議院議員選舉

十二●現國會衆議院議員任期延長一年此一年中應將上舉諸務一一辦理分期課功或選改衆議員任期爲四年

以上所舉特長民一人之心願而已然按之今日政局似亦非此無可解決者條目容有出入大體當無差矣但望吾同人能毅然任天下之重了然於義利之辨廓然忘爾我之形舉當前一切外障而空之先求內鞏則世間無不破於堅無不祛之禍即少有障礙示之以堅貞感之以至誠終當就我範圍若在我者先無定見一一惟事實之顧慮以日與遷就則顧慮愈甚遷就愈多遷就愈多後來之顧慮將更甚終於一事不能舉一切與之俱毀而後已吾同人當能熟思面審處之也

抑長民更有不能已於言且不憚重言以申明之者今日政局吾國會以外固明明有兩造之武力互相激盪以吾國會爲名號以達其報復夙讐攫取政權擴張勢力之目的假令吾人聽其所爲甚或依倚之及其一造功成此空有名號之國會豈尙有自由討論國家大計之餘地少忤意旨毀棄隨之吾人亦何貴有名存實亡之國會况並此虛名亦有時不能倖存耶國會經十年來之屢挫漠漫無紀暮氣已深吾同人更有不堪入耳之譽在全國國民心理中爲好爲惡爲敬爲蔑吾人實有不忍言者特一時無有可代之物故得倖存耳任期延長之議非有預定之政策期在必行恐無以逃國人指摘萬一彼武人者他時更憑其戰勝餘威轉而利用國民心理以衆議院議員任期已滿爲辭面橫加摧折則此名號之不能終存亦意中事也

總之今日吾國會同人欲求於國會以外得一與援無論爲甲爲乙其亡皆可立待滌瑕蕩穢與天下更始惟吾國會自身能自振而自造運命卽有危難困苦忍之須臾國家可以長治久安國會尊榮亦終古不敝矣

長民自十一年八月國會恢復以後迄於今年六月杪止十一閱月間憲法會議未嘗曠席一次憲法以

外之問題未提一案未發一言區區專諱之意當爲吾同人所共察政變以後不出席於國會者已月餘日憂憤之意幾謂一切絕望然猶隱忍不敢遽出於辭職念者議員任務之重痛同人所趨之歧尙欲竭其智能在此國豚垂絕之日再試一奮鬪而已政變以來身居北方來往京津間個人言論公然發表者對於北方軍閥曾無絲毫顧慮自問尙非懼怯者行將南下對於彼方恐亦不能有恕詞也國會自立同人自愛有奮起者願爲執鞭如不得請吾其遜矣數年之後吾之主義當有發揮而光大之者敬布臆誠拱候垂教林長民再拜十二年七月三十一日

## 第六節 曹錕小史

編者曰予記述曹錕之事未嘗不浩然而歎其矣。社會作惡社會之全體受之毀一人而求其禍與其罰僅及於一夫而止豈可得哉。吾國史書所載造成政治罪惡之人若王莽董卓曹操朱溫之流類皆奸悍狡黠足以顛倒羣倫自號梟鷲而曹錕則固非其儔也。李煜瀛有言「曹錕之知識不能支配本人何能望其支配全國」(告孫洪伊書)信哉言乎人之生也不能支配其本身必其爲人所支配者也。以人所支配之人妄任支配全國之事智小謀大力小任重鮮有不覆是豈獨曹錕爲然高陽之市有善爲傀儡之戲者。捲局暗幕之中以一手操縱數十傀儡進退疾徐莫不中度予意曹錕亦傀儡而已凡其所造罪惡必有暗幕操縱之人且必由於多數作惡之人物思想集合而居於操縱之地位而決非出自一手緣此之故予意曹錕之罪惡乃十數年來卑劣無恥之政治社會有以成之此類社會假曹錕之身以肆其貪欺軌轍之行爲而蘊崇其毒以速其罰逮其毀也則與之俱路或顧而之他又因緣一類似曹錕者以供其利用其爲毒也有若菌疫中者輒斃曹錕之生命乃在被疫之列意者賄選告成即爲宣告死亡之日而乃以爲慶幸不其僨乎俗稱以多數人愚弄一二人或作奸犯科者名曰紫台或曰局騙或曰念秧曹錕之經營賄選緣於受人愚弄殆屬實情當時紫台之輩軍閥則有若吳佩孚齊燮元王承斌熊炳琦官僚則有若顏惠慶顧維鈞王克敏高凌霨吳毓麟程克讓議員政客則有若吳景濂王家襄孫洪伊張伯烈及其他受賄之各政團首領等市井不肖之流奔走其事者則有若曹銳邊守靖張志潭王毓芝劉夢庚張弧張英華潘復張廷諤劉彭壽等此輩才智類都高出曹錕之上而乃一致擁戴曹錕爲之盡力賄選爲舉國所唾棄而不辭者則以內幕中共同之目的在於獵官詐財而曹錕乃適爲此際惟一可供利用之人物曹錕出而此一幕之大騙局於以告成至於曹之生命久暫與其關係政治前途若何豈此輩所計哉吾叙述曹錕傳記揭其實際情狀於此俾未來之政治社會與首領制度下之各色人物知所戒焉

曹銀小傳

曹銀字仲山直隸天津人父某操漁業或曰津市小販家貧而有七子銀居三幼時無力就塾童騃無所識市人以曹三傻子稱之不之怒也

編者案曹銀竊位入都之始令警廳嚴禁梨園子弟演古史罵曹之劇舊時戲目如徐母罵曹則改爲擊祝禰衡罵曹則改爲羣臣宴然仍以禁令所在演者甚鮮此亦其無識之一證人即甚愚何至自附爲篡國者之子孫耶又按史載曹操之父曹嵩本爲中常侍曹騰之養子莫能審其生出本末而三國志注則引吳人曹瞞傳謂嵩爲夏侯氏之子曹操與夏侯惇乃爲從父兄弟故陳琳討曹之檄稱操爲贅闖遺醜然則曹銀卽欲標榜祖德而究以曹或夏侯爲本姓尙屬疑問彼禁演曹劇之舉豈非無識之尤乎津人謾語多以昆弟輩次相呼如邊四(守靖)高五(凌霄)之類銀稍顯人不以爲傻子而呼曹三則如故五代史載劉崇以朱溫懽懽不作業數加笞責而崇母則曰朱三非常人宜善遇之曹三之無賴好色與朱三略同而兇悍則不逮果以漁鹽世業自食其力寧非四民之上選乃以僥倖際遇妄冀非分之故卒爲羣小劫持加於燼火之上抑亦其不幸歟易曰負且乘致寇至曹之賄選成而寇之連袂以躡其後者衆矣哉

稍長以販布爲業推小車搖小鼓往來天津大沽之間市人之黠者以其不通書算或故短其值曹亦不之較人以此槩與之交易每日所得頗足以糊口

編者案推車販布非賤業也然較之督軍巡閱使乃至大總統則貴賤絕殊社會階級超越爲不可避免之事平均其生產調節其分配職業平等享受平等雖執大總統之待遇以繩於推車販布者之前或且不值一顧况於貽禍全國而謀之者哉北系軍人出身微賤者十之七八若王占元之司炊陳光遠之補履其鄉人類能道之凡此均不足夷視所可鄙者乃在未受教育昏庸無識而妄廁非分耳然而此實緣於所處環境之故其責乃在家庭社會不屬之於其本身矣

然嗜酒漁色得錢必飲每飲必醉售布所得不足供杯棹乃蹀躞於酒肆左右遇所識則相隨入座恣飲  
啖自若以此遭市井厭棄里婦有購布而爭贏尺寸者則故多予之而納以調笑無賴子伺其側譁而  
逐之曹則大恐棄布及車而遁喪其資因而失業

編者案古帝王起自草澤嗜醉好色乃至爲賊盜者有之矣然未有卑鄙閹陋如銀之所爲者民國總  
統之人選本與帝王不同無相當之人格行誼而頽然居於人上彼其自身不足惜其若辱國何坊間  
所有曹之傳記敘述其少時佚事類猥瑣無足道予撮其稍雅馴者叙次如右然已屑屑矣

清光緒年間袁世凱練兵於小站募燕薊丁壯曹適無生活資乃就友人求資斧應徵募入營後同伍者  
以其庸駘恒薄視之曹不以爲忤值袁氏選精卒入陸軍隨營學堂曹與焉既畢業仍歸小站候差遣袁  
見其長厚錄爲親弁曹以是獲親袁納其妹爲袁側室袁益寵信之屢加升擢暮年之間獲總兵之職  
編者案坊本曹傳所載袁曹夙昔關係略如上述納妹一節得之傳聞無從徵實然予友某君於民國  
元年間過袁克文燕談適曹至聞者引入文命之坐則遠巡避席執老兵之禮甚恭已而立正告退文  
則領之而已果外傳不盡實則克文之倨已甚也

東三省改制設軍府徐世昌爲總督調統兵大員曹以袁故授第三鎮總制移駐長春東省軍事編制告竣  
竣晉擢提督

編者案此爲曹銀在清季超擢軍秩之行略迹其前後升遷非有資勞足錄徒以袁世凱關係以一小  
飯而驟擢軍門爾時武職之濫亦可見矣

民國成立袁世凱任總統曹率第三鎮由長春入駐京師時南京派遣專使蔡元培等迎袁南下就職袁  
以北方秩序未定不欲遽行元年二月二十九日即舊歷正月十二日下午六時京師朝陽門外東獄廟  
第三鎮第九標之砲隊與祿米倉之輜重隊及帥府園煤渣胡同東城土地廟等處該鎮分駐之各隊同  
時譁變焚掠內外城各繁盛商店迄三月初一初二等日後先搶劫九城市場悉成瓦礫商民受禍之慘



逾於庚子義和團之變事後僅由毅軍搜捕潰兵土匪數千百名相繼正法而曹錕則安然無恙。

編者案此曹錕入民國以來開基之第一切也京師市民至今念之猶有餘悸予意民國元首雖不必有大勳勞然以得罪民國商民切齒之人而代表人民者乃從而戴之豈非喪心病狂之甚者哉。

民國五年袁世凱稱帝蔡鐸唐繼堯等起兵雲南聲討袁氏叛國之罪義師抵瀘州西南各省及長江上游均響應袁以曹錕所率之第三師與張敬堯之第七師編爲討虜軍以張爲總司令曹爲副司令同時入川張駐重慶曹進扼瀘州蔡師入蜀奪瀘州曹兵潰敗賴所屬旅團長吳佩孚馮玉祥出死力救護錕得以身免而軍械餉需之損失者乃無算。

編者案曹錕在民國躬歷戰事始於入蜀一役而其背叛共和反抗義師因而得罪國家者則亦以瀘州之戰爲最著洪憲顛覆而曹張之流晏然未聞有加以誅譴者國法之不行豈一朝一夕之故哉。

袁世凱死黎元洪繼任曹錕率殘部東下以所屬軍隊交由吳佩孚等統率而已則流連漢口以聲色權藉自遣南妓花寶寶以色冠漢上銀奪而置諸駐漢辦公處以四萬金昇其假母湘鄂軍官至漢口往謁曹者則捉之入賭場有一夕耗數萬金不得脫者。

編者案民國軍人挾妓縱博靡然成風曹錕尤其中之豪者也若使舉此二者爲競選之博賽錕之得爲元首庶無慙色哉。

黎任總統時以段祺瑞爲總理地方軍府任免悉操諸段氏曹在袁世凱舊部時以謹厚爲段所知袁死曹失所倚乃傾心結納段之左右段亦以其出身小站頗收用之緣是而被命直隸督軍尋兼任直魯豫巡閱使之職。

編者案段氏之於曹也收之於殘破之餘畀之以疆圻之地筦領畿輔擁節建牙其倚任不可謂不厚及其羽翼已成則高掌遠矚逐段而自取之曹之背德忘義亦甚矣哉雖然曹固抵抗義師得罪民國之人段氏不能明正其罪加以罷斥又從而重用之關於知人遺禍家國段亦有自取之咎昔何進之

召董卓也主簿陳琳以爲「委釋利器更徵外助大兵聚會強者爲雄功必不成祇爲亂階」段之用曹  
召亂之道也

復辟之變北洋軍閥首領如馮國璋曹錕等均預其謀段祺瑞居天津聞變赴馬廠督李長泰曹錕等討  
逆事平依法迎馮國璋代行大總統職權馮內不自安又以段功高不可復制陰與曹結合直籍軍人與  
段氏對抗直系皖系之爭由此而起段以傅良佐督湘馮以范國璋王汝賢扼之傅逃嗣段復以湘督昇  
張敬堯直系之悍將吳佩孚自以入湘有功不能得一督積不能平因電曹撤防回豫擁曹氏聯張作霖  
以排段民國八年徐世昌爲總統亦以段專橫不能爲之下乃結曹張以自固緣是而有直皖之戰九年  
七月曹錕率所部吳佩孚之第二師王承斌閻相又蕭耀南曹錕商德全等軍隊凡五混成旅龔漢治李  
榮殿彭壽華王用中等軍隊凡四補充旅進兵逼北京驅段祺瑞段亦編所屬之西北邊防軍爲定國軍  
令徐樹錚段芝貴等率之以討曹東起楊村西迄琉璃河爲兩軍交綏地點由七月十四日開戰迄三十  
日止東西路軍迭次潰敗曹兵圍京師段引咎自劾邊防軍一律解散段罷職

編者案直皖直奉之戰吾人不能得其主名一言蔽之則私門而已矣然直皖之役凡曹所加罪於段  
者段固假政府以行之者也政府失政究與叛國不同豈能遽由軍府臨之以兵況於曹之作戰全起  
於勢力地位與恩怨齟齬之私乎當時段氏請拿辦曹吳呈文及討曹文檄列舉曹錕罪狀於戰事起  
段原由述之甚詳茲附於左  
段祺瑞請拿辦曹錕吳佩孚呈文

呈爲揭効奸凶呈明拿辦以整綱紀而振人心事竊維國於天地必有與立法制紀綱人人所應恪守封  
疆大吏膺方面之重寄爲羣衆所具瞻宜如何正己率屬恪供爾職以報國家倚畀之隆而盡守法服官  
之責若曹錕者始以第三師長奉派人川無功而歸尙無大過適直隸督軍員缺遂以畀之意尙不滿尋  
與張勳歃血爲盟秘圖復辟討逆軍突起馬廠聲威甚盛曹錕中樞乃請附義軍鼠首兩端論功已屬可

馳事未幾即定而彼驟增二旅並要請上將頭銜比因湘戰方亟姑予報可授以兩湖宣撫使之任兼第一路總司令俾率衆南征詎彼徘徊漢上擁兵不前繼假吳佩孚轉戰之力獲拔長岳而曹錕不以爲喜反從而媚嫉之政府擬任吳佩孚湖南督軍曹錕則再四力阻惟恐其名位出己上嗣受以孚威將軍而曹錕仍怏怏時出怨言謂政府將奪其所部於是委師北旋道遙津保嗾使吳佩孚叛變一則要請經略四省再則懇求增兵四旅挾勢邀賞不獲不休政府欲資其力以收統一之效遂不惜委曲以徇所欲盡允其請而卒未出保定一步今大總統當選時吳佩孚以曹錕部將仍敢妄肆詆譏稱曰五朝元老至就任後猶稱東海先生未嘗一盡敬上之禮與入衡前行止頓異電文具在海內切齒曹錕不惟不加約束反曲代辦解縱容指使情節已屬顯然吳佩孚駐守衡州暗與敵通受賄六十萬元沿途使用廣東毫洋証據確鑿無可諱言擅自撤防叛不奉命逗留鄂豫嚇詐金錢盤踞京漢隴海各路檢查郵電梗阻交通搜檢行人礙及商旅又監視鞏縣兵工廠私留部械扣阻陸軍部採購之軍米意令京軍絕食截留發給江西之槍彈意令贛軍陷敵目無政府鄰省跋扈恣睢而曹錕乃派兵橫出京奉津浦各路監視德縣兵工廠遙與爲應且令所屬津保一帶隊伍羣向京師修築砲台作長圍之勢其膽大妄爲罪惡擢髮難數此次湖南失事全出曹錕奸詐所蔽自知湖南淪陷無顏居湘鄂川贛四省經略之名乃更覬覦直魯豫晉四省巡閱之職覬覦而不遽得羞懼無可掩飾則妄造黑白攻擊西北邊使迫挾元首違法出令以洩驕蹇之氣外蒙全境大逾內地數省辛苦收回未費國家一錢較之喪失湘省損失棄械害民禍商相去何啻天壤不知爲國進賢乃獨數數勾通陸榮廷誘惑元首屢請起用復辟罪魁之張勳誠不知是何肺腸矣至其貪墨贖貨不恤士卒尤堪痛恨南征時國庫奇絀強索軍費數百萬元儲之洋行預避抄檢於私宅起造花園窮極工巧計費在十數萬之鉅而所部服裝餉需乃動欠數月之久不復補放現又派人四出煽惑軍隊視北京儼如敵國肆意設計困絕京師糧食圖激民變不復顧念各國駐使及僑居商民似此包藏禍心貌爲熱愚始則憑藉寵靈擴張權勢終乃奮揚凶狡危害國家其一切貪謀秘計均由其

弟曹錕爲之布置亦難兄難弟也。本上將軍創造民國至再至三參戰一役費盡苦心我國國際地位始獲超遷此後正當整飭紀綱益鞏國基何能聽彼鼠輩任意敗壞法律牽惹外交希圖搖動邦本謹用揭明罪狀上請大總統迅發明令褫奪曹錕吳佩孚曹錕等三人官職交祺瑞拿辦餘衆概不株連整飭紀綱以振人心而定國是去腹心之患則統一可趨足而待兵隊現經整備備齊即發伏祈當機迅斷立沛大號與天下更始不勝激切屏營之至謹呈大總統  
段祺瑞討曹吳通電

爲檄告事案查曹錕吳佩孚曹錕等日無政府兵脅元首圍困京畿別有陰謀本上將軍業於本月八日據實揭劾請令拿辦罪惡確鑿誠屬死有餘辜九日奉大總統令曹錕褫職留任以觀後效吳佩孚褫職奪官交部懲辦令下之後院部又迭電飭其撤兵在政府法外施仁寬予優容該曹錕等應如何洗心悔罪自贖末路不意令電煌煌該曹錕等不惟置若罔聞且更分隊派兵北進不遺餘力京漢一路已過涿縣京奉一路已過楊村進窺張莊更於兩路之間作擣虛之計猛過固安乘夜渡河暗襲我軍是其直犯京師震驚畿甸已難姑容而私勾張勳出京重謀復辟悖逆尤不可赦京師爲國家根本重地使館林立外商僑民各國畢屆稍有驚擾動至開罪鄰邦危害國本何可勝言更復分派多兵突入山東境地逕佔黃河岸南之李家廟嚴修戰備拆橋毀路阻絕交通人心惶惶有岌岌將墜之懼本上將軍東髮從戎與國同其休戚爲國家統兵大員義難坐視今經呈明大總統先儘京畿附近各師旅編爲定國軍由祺瑞躬親統率護衛京師分路進剿以安政府而保邦交鋤奸凶而定國是殲魁釋從罪止曹錕吳佩孚曹錕等三人其餘概不株連其中素爲祺瑞舊部者自不至爲彼驅役即彼部屬但能明順逆識邪正自拔來歸即行錄用其擒斬曹錕等獻之軍前者立予重賞各地將帥愛國家重風義遣此急難必有屢及劍及興起不遑者祺瑞願從其後檄到如律令祺瑞印直皖之役告終中央政權完全移轉於曹錕張作霖之手曹之部下吳佩孚素蓄野心當戰勝皖系時自

謂不難一躍而與曹抗衡不意張作霖出而掠奪其地位故銜張甚深其後因成愼在河南反抗趙倜吳預其謀趙訴之張陰謀暴露吳深以為恨自此吳張交惡張部張宗昌駐江西吳授意陳光遠解散之王占元陳樹藩均附奉吳以蕭耀南取主以閻相文馮玉祥取陳自是直系地盤日以擴大奉方勢力乃限於關外張作霖忿甚然以與曹為姻親之故謂一切皆吳所為因時以告曹務約束其部下曹則惟有從中調停實莫能制也十年十二月徐世昌以梁士詒為總理梁亦以增奉聞於時吳乃揭梁為帝制禍首及對於華府會議收回膠路案有通日賣國之事通電排斥最後並侵張電文有為梁保鑣之語直奉之禍由此乃勃發十一年二月間張作霖擬將京奉關內駐軍撤回同時曹銀左右及其弟曹銳等忿吳之專橫因以奉洛互倒之策進於銀是年三月某日張作霖壽辰曹銀派銳赴奉祝壽力請張將駐軍開回原防藉以制洛張不虞其詐乃調兵復入關曹銀之弟曹錕等率天津馬廠之兵退至德州以防地讓奉吳聞奉軍入關因通電數張之罪逕赴保定迫曹銀對張作戰曹因發電稱張作霖無故興師等語至是張始悟受曹銀之騙因通電聲明調兵入關始末謂實由鮑貴卿與曹銳奉曹銀之命再三請求曹銀迭電並有弟如撤兵兄即辭職之語何得以罪名加奉又謂曹氏從前巧使吳佩孚痛詈合肥而自己則謂並不知情此次對奉又用故技云云時吳已至保開軍事會議以曹銀為總司令吳自為總指揮王承斌任中路曹錕任東路馮玉祥任後路各軍悉由吳節制奉軍因撤回防布置促迫直軍逕前攻擊時始部署入關軍隊以軍糧城為大本營張自為總司令張景惠任西路張作相任東路四月二十八日直軍向奉軍猛攻同時雙方各路開火繼續劇戰至五月六日東西各路奉軍相繼潰敗張作霖退至灤州尋以殘部出關徐世昌下令免去張作霖巡閱使督軍省長各職並候查辦張回奉聞此項命令因於五月十二日通電宣告獨立曹銳以張之入關實係本人招之使來此次張雖戰敗而吳勢益大已有震主之嫌因不欲再戰仍由曹銳鮑貴卿等與張接洽遂定直奉和議畫山海關為界約兩不相犯

編者案直皖之戰段氏雖係假政府之名義然其為計則在削弱藩之勢申中央之權號曰為國猶為

近之至於直奉之役則國人無賢愚莫不認爲張作霖吳佩孚之決鬥當時執政之人乃如弱息介於兩姑之間左右調停莫知所可昔人所云諸侯出征伐陪臣執國命者至此而極矣曹錕之聯奉也其始本欲以制洛結果則奉敗而保洛均勢之局又成是固曹之始意所不及料然而錕之庸闇何能及此主其謀者蓋爲曹銳邊守靖之流即所云保係之支派號曰津派者是也小人自爲勢力攻取之計飛短流長陰張陽闔以買禍於國家遂使近畿之內洩歲之間兩遭兵禍人民困於塗炭政府委於土芥曹錕之肉尙可得而食哉

曹錕既逐奉直系各將領大會於保定僉以北部及長江各省已盡入本系勢力範圍謀黜徐世昌以曹爲總統吳佩孚以戰後卽行擁曹在法無名且於本系不利力主借舊國會之名以驅徐而暫擁黎元洪號曰復職作爲最短時期之過渡議既定乃召王家襄吳景濂告以此項計畫令其自行召集並通電否認徐世昌爲總統一而由曹錕吳佩孚電知駐京辦事人員告徐應卽去職六月二日徐世昌辭職出京曹錕吳佩孚率所屬直系督軍及各將領通電迎黎元洪復職十一日黎入京爲大總統十三日撤消六年六月十二日解散國會令第一屆舊國會乃復在北京召集當時所稱恢復法統是也

編者案去歲賤賄選之際議員中有盛稱恢復法統謂曹錕功在國會者予謂此特變相的權奸廢立之故智又卽其取而自代之途逕而已何功之足云且議員謂曹功在國會亦知解散國會之際曹固與倪嗣冲孟恩遠等同爲通電斥責國會之領袖乎國會不能自存反寄其生命於軍閥喜怒之下而軍閥之視國會亦在能貴能賤之列曹氏之功乃其罪國會之榮乃其辱議母耶輩重視直奉一戰之價值乃以恢復法統爲一時之盛事岷之蚩蚩亦可哀矣

黎復職曹遙領政權於保定吳佩孚居洛陽挾戰功以抗曹政府命令必得保洛之同意而後行王寵惠爲總理財政交通內務等重要閣員均爲洛派曹滋不悅又以黎提出之解釋任期案國會久不決黎不去恐選舉無望遂黎之謀乃益急十二年六月曹令所部馮玉祥王懷慶等率軍警入公府及黎邸迭次

索餉高凌霨吳毓麟張英華潘復邊守靖等指揮流氓首領張膺芳張廷諤及便服軍警數百人圍黎邸數匝迫令退位是月十三日黎赴津高等謀迎曹尋以一部分國會議員執國法抗議且相率出京內外時論尤不直曹所爲吳佩孚電曹請以軍警迫議員舉行選舉各議員聞之益憤駭四散選會不能成立曹乃命高凌霨吳毓麟等攝政而以重金賄買吳景濂張伯烈及兩院中貪劣無恥之議員等訂明出席投票之員每人給予現金五千元賄議告成十月五日吳景濂等開選舉會曹銀以四百八十票當選爲大總統十月十日曹銀入京就職

編者案曹銀之恢復舊國會也意在預爲竊位之計非爲國會與黎氏也黎既去矣國會選曹反曹可  
以兩言而決反曹者守義持正不爲金錢勢力所屈辱既相率出京矣彼當時留京之議員所爲何事  
殆不問而可以知之果欲選曹則選之已耳而乃徘徊嗚呼至數月之久再三索價卒以五千元之賄  
易一選票焉議員人格之墮落汚及國會之尊嚴損及國家之光榮吳景濂張伯烈等之罪乃在曹銀  
之上國民果識定本案不駢誅此輩烏足以謝天下哉

浙籍議員邵瑞彭儒素有風節賄選會之前數日其友持賄金支票往謁邵不敢獻乃納於其僕而列邵  
名於賄籍邵以支票揭其事於法庭津滬之守正議員通電斥賄選否認曹銀爲總統浙江盧永祥奉天  
張作霖西南各省將吏羣起聲討斥曹銀爲賄選竊位汚民辱國曹以直系各將領擁地十數省區有兵  
二十餘萬勢力雄厚反對者莫敢誰何故儼然得居於其位焉

編者案吾國士人致身之始以銓試爲正途捐納者次之若其賄賂鑽營或科舉舞弊或賣差鬻缺一  
經事發未有不立加誅罰甚者謫邊遠處死刑載在史書著爲令甲彰彰可考今以握全國最高治權  
之人號爲對內對外代表國家之元首而以賄賂得之信哉其辱國汚民之甚也抑吾聞國會議員自  
命國民代表處莊嚴神聖之地號爲創國之法統中經迭次摧折南北轉徙而不失其名位今乃一朝  
毀棄人格等於自殺雖其存也亦復行尸走肉了無人狀曹銀一監子耳豈能爲此纍纍金錢化爲禍

水吁可畏哉

曹銀就職後以內閣及內外重要官職爲酬庸。任用羣小。穢黷王克敏。顧維鈞等。廁身閣席。與王毓芝。李彥青。輩朋比勾結。日以貨賄爲事。承認德國債票一案。曹銀及王顧等分贓數百餘萬。而曹則語人此不過填償賄選虧損。我無所獲。直隸房山縣之西域寺藏歷代石經千數百方。號爲北部文化歷史上之古物。本年三月間。忽被人鑿毀盜去十數方。某議員調知爲曹遺。劉夢庚所爲。提議查辦。時論譁然。以爲曹銀作賊盜取古物。

編者案。民國元首以納賄而得。而其贖貨亦最甚者。曹銀庶乎其首出也。盜取石經一事。京津間外報傳載一時。乃有強盜總統之稱。辱國若此。而國民猶忍而戴之。豈非國民之恥歟。曩者曹操掘漢陵。掠金寶。乃至特置發近中。耶將摸金校尉。今曹銀以盜古物之事。委之京兆尹。殆所云緝其祖武者哉。竊國者俟自古有然。予爲國法滋恫而已。於曹銀何誅焉。

曹自入公府。恣意聲色。嬖人李彥青。周夢賢等爲之。妙選佳麗。惟時某閣員某督辦之姬妾。亦以供奉聞。新華門以內之穢褻。乃不可道。女伶劉喜奎。以豔冠菊部。曹在保定。百方羅致。不能得。尋嫁參謀部司員。崔某。曹入都。劉適新寡。曹以五萬金囑陸軍總長陸錦爲介。將納之。劉不從。以金返陸。且告之曰。崔氏門第清白。不能以多金故。乃鬻其嫠婦。翌日以遺孤託族人。而遁居天津租界。或曰爲尼矣。

編者案。學者恒言夷視社會階級矣。予意果以人格爲尊賤之標準。則階級自平。而社會亦緣是以向上。彼劉喜奎一歌者耳。加以十倍於賄議員之賄。曾不足以動之。其人格之賢於議員奚啻什伯哉。或曰。吾國舊劇所演三國歷史。如曹操篡漢之事。劉聞之熟矣。曹固劉之世仇也。宜乎其不從。曹野人之

論其或然歟

附錄討曹文電

南下議員宣布曹銀罪狀



全國民公鑒民國肇建十有二稔變亂相尋迄無寧歲吾民陷於水深火熱中幾不克自拔推原禍始則軍閥之頑強與官僚之險毒狼狽爲奸階之厲也顧軍閥爲官僚之奧援官僚爲軍閥之傀儡若能剷除軍閥則官僚亦易消滅耳今國內軍閥之最強暴者直系也而直系之渠魁則曹錕也曹錕率其醜類據地十餘省擁兵二十餘萬日惟沈酣於北洋正統武力萬能之迷夢不惜倒行逆施與民國爲敵近更謀以威脅利誘竊奪大位是可忍也孰不可忍同人受國民選舉置身最高立法之府不忍以全國行政首長之重任付托於元惡大憝以重國民之禍亂乃毅然南來欲伸大義於天下特揭曹錕禍國殃民之罪昭告於全國父老兄弟諸姑姊妹之前願國人念國家興亡匹夫有責之義共起而討國賊焉自武漢首義各省從風民國政府成立於南京及清帝退位民國統一臨時大總統孫文辭職袁世凱被選繼任乃別蓄異謀不願南來就職曹錕時任第三師師長教唆兵變蹂躪京師禍甚于庚子拳匪之亂袁氏遂籍口維持地方治安效社鼠城狐盤據數百年首惡之區種後日帝制自爲之禍此曹錕禍國殃民之罪一也及袁世凱買凶毀宋違法借債薄海同憤發獨立袁氏特其金錢武力倖勝一時稱帝野心遂愈潛滋暗長願民岳可異逆謀未發曹錕身任軍職不避干政之嫌惟希逢惡邀寵自稱直省代表假托民意請願帝制促成袁氏叛國改元洪憲之鉅變此曹錕禍國殃民之罪二也泊乎雲南起義擁護共和川黔響應舉國震動曹錕受袁僞命率兵入川抵抗義軍幸滇川黔軍隊均義勇善戰而曹錕軍隊則惟事奸淫搶掠至臨陣潰逃屢戰屢北甘爲桀犬枉作凶人曹錕禍國殃民之罪三也迨袁世凱自斃黎元洪繼位曹錕以叛人之黨敗軍之將膠膺濫賞擢任直隸督軍自宜効忠民國力蓋前愆乃復島嶼居心勃狠成性入京示威通電干憲督團叛亂逼京邑而弄兵張勳復辟稱奴臣而恐後致國會被非法解散民國幾斬然中絕此曹錕禍國殃民之罪四也至國會移粵集會西南護兵興師義聲所播國人景從而曹錕仍挾持武力命吳佩孚率隊侵湘飲馬洞庭屯兵衡嶽以倒戈攻北之詭詞騙護法政府之鉅款後復背信滅義北向邀功此曹錕禍國殃民之罪五也若夫兵凶戰危古有明訓必不得已而用兵亦宜純以

衛國救民爲主旨乃直系之與皖戰與奉戰雖陽假救國之美名實爲爭政權奪地盤之私圖黨同伐異日尋干戈以暴易暴暴愈滋甚致使直魯豫陝數省赤地千里十室九空膏血流河川尸骨積原野此曹錕禍國殃民之罪六也又粵蜀黔湘均屬西南護法省分在全國未統一時自宜保境安民不相侵越乃曹錕與吳佩孚等復時謀乘機入據贛武窮兵招納各省叛將授以僞命資以金錢助以械彈利用虎狼之惡藉收漁人之利致各省兄弟鬩牆同室操戈內訌不已民困愈深此曹錕禍國殃民之罪七也尤有甚者民國大總統對內爲全國行政首長對外代表國家非依憲法規定之大總統選舉會無權黜陟乃曹錕及其私黨恣作威福任意廢置狐狸埋狐狗有類博奕招來揮去直同兒戲而其走狗高凌霨吳毓麟輩以曾經免職之閣員妄稱攝政私相授受日惟謀以賣國之鉅贖爲賄買選票代價近更聞有欲以武力壓迫異己奪取總統之凶謀小人爲惡肆無忌憚此曹錕禍國殃民之罪八也以上八端惟舉其犖犖大者如摧殘鄂省自治則決江堤蕩民居激成京洛工潮則駛機車屠人命縱容土匪則臨城劫客車外僑並受其害擾亂幣制則中行通用票五省咸被其殃破壞憲法會議則前後通電自相矛盾禁阻外交後援則紳商愛國反令捕拿綜其罪狀罄竹難書要之曹錕及直系之暴戾恣睢無惡不作實由彼自認曹錕長子之吳佩孚所誇詡爲北洋正統之謬想深印於彼等腐舊之腦筋中而執迷不悟頑梗不化故生心害政發政害事拂國民之好惡逆世界之潮流今因多行不義罪惡貫盈不戢自焚陰謀暴露日暮途窮反欲竊號自娛而毫無悔禍自新之誠意同人爲國家存正義爲國會保尊嚴爲個人全人格爲國民作先鋒願我邦人君子懲前毖後義憤同伸爲國保障去彼凶殘共立於討賊勘亂之旗下爲最後之決戰有民國決不容有北洋正統之曹錕有北洋正統之曹錕則民國必至名存而實亡甚或並其名而亡之爲五族幸福抑爲一姓作家奴愛國男兒當知所擇特此電聞以當露布衆議院議員褚輔成參議院議員潘大道等五百三十二人同叩

旅滬軍人同志會請全國軍界討曹書

六月十三

下編

一百三十五

民國十二年六月曹錕圖竊總統大位嗾其黨驅逐黎元洪屢流勾千百冒充公民團圍擾黎邸軍警索餉繼以辭職以恫嚇之擾亂一星期至十三日黎氏出京曹錕復嗾其黨要黎於半途囚黎於天津車站歷十二小時勺水不得飲逼索印信勒令通電辭職凡此種種怪劇中外之人莫不駭歎而曹錕方以爲大功告成賄買議員籌備大選駸駸乎擁號而稱尊矣

雖然曹錕偷夫耳無功於民國何所恃而敢爲此曰恃有我軍人耳恃有我軍人之擁護耳事成則彼享其富貴尊榮設有反對設有戰爭彼則犧牲我軍人之生命作私人之保障故敢躬行大逆無所顧忌質言之我軍人而服從曹氏者生爲鷹犬死作芻狗而已我軍人而欲保此人格雪此奇恥乎則當明乎下述三者之要素

第一當知軍人之責任國家何爲而用軍人爲保國耳爲衛民耳保國者乃對於外國人侵占我土地主權或國際交涉不能貫澈我政府主張而訴諸武力此我軍人所當效死勿去殺敵致果以保障我國權者也衛民者對於社會之秩序人民之安甯務當加意護持如有匪類橫行蹂躪人民者必出死力以保衛之所謂民出稅以養兵兵出力以衛民者也故爲保國衛民而戰我軍人天職所在誓死勿辭若今之曹錕吳佩孚等將我國家之軍隊據爲私有專權跋扈以太上政府自居敲剝民膏誅求無厭種種倒行逆施喪失國際地位幾使外人監督財政甚至因臨城劫車之變將火車上保護隊歸外人訓練指揮使我軍人供彼驅使作被牛馬是而可忍孰不可忍迹其敗國殄民之事實與我軍人保國衛民之宗旨完全背道而馳我軍人對於曹錕等分當鳴鼓而攻滅此朝以免亡國滅種之禍豈可作一姓一家之走狗爲國賊利用招萬口之唾罵留萬世之惡名乎此我人對於本身之責任而應行覺悟者一也

第二當知人心之向背事無古今人無中外事業之成敗莫不以人心爲標準若人心不附雖有如何之權力財力亦決不能成功十餘年來吾輩經歷之事實可爲殷鑑當前清末年滿清賞乳臭小兒把持政局斥去老成陰主排漢人心憤怒與論不容武昌義起各省響應不數月將滿清政府推倒而建設中華

民國迨至民國二年黨人搗亂所作所爲與望治之人心大相違背黨人逆潮而興兵項城順心而定亂旬月之間黨人敗項城勝其後項城驕蹇常制自爲遂有民國五年洪憲之役西南利用人心偏師號召以弱敵強項城一世之雄坐是身死名裂由此觀之成敗之數決於人心以項城之魄方尙不能違此通例何況其他曹錕吳佩孚上年驅逐總統徐世昌今年驅逐總統黎元洪驅逐徐猶曰恢復法統驅黎又何說乎視一國元首之廢置如奕其然梁之侯景唐之朱溫惡亦不過如是微特中立之國民人人疾首痛恨即黨於曹吳之輩亦孰敢公言贊成可知正義所在無論如何不容抹煞今國人已公認曹吳爲國賊矣我軍人猶爲國賊効忠必將爲全國所共棄外人所恥笑何如幡然變計順人心扶正義共同建設全國人民所希望之政府以免我神聖之國家亡於曹吳之手乎此我軍人對於人心之向背而應行覺悟者又一也

第三當知國賊之罪惡我軍人而欲擁護人者必其人爲國民所信仰而後可若曹錕之罪惡通國皆知我軍人詎可淡然忘之茲爲歷舉於次

(甲)民國元年曹錕因索餉不遂縱兵焚掠京師捆載寶物至琉璃河分贓他種軍隊因之分出焚掠天津被焚掠四分之一保定被焚掠二分之一以上馬廠被掠一空濟南被焚掠六分之一百姓怨恨呼天冤痛人骨迨各兵携帶掠物散歸途中又爲議銀設計截殺無倖免者導之爲惡又從而殘之以掩其迹陰賊險狠至於此極罪一

(乙)民四民五之交曹錕怨項城稱帝領銜勸進雲南倡義率兵出川沿途擄掠圍里爲墟項城歿後黃陂繼任曹錕出其掇奪而來之贓款對於政客紅人分途送禮運動直隸督軍又挪用兵餉以補助之洪憲功狗一躍而爲民國干城而北軍拖延欠餉之風實如於此以私害公喪良無恥罪二

(丙)民國七年援湘之役我軍人在前敵者受盡暑熱蚊毒曹錕則逗留漢口每日招妓數十飲酒打牌並納蘇妓花寶寶爲妾報紙騰笑恬不知恥復敢擁兵要挾政府加以川鄂湘粵四省經略之頭銜敗壞

軍紀莫此爲甚罪三

(丁)民國七年直隸大水曹錕出其歷年侵蝕之財將新城至小站一帶之稻田以廉價收買彼時水勢將淹人曹家之田渠聞信命軍隊將南堤掘開十餘處水入十餘村莊田廬人畜蕩然無道當掘堤時十餘村人跪求不但不允竟將男女老幼推入水中以致水勢成災各村未活一人後各處捐助賑款渠又扣出一部分建築光園以供娛樂殘忍貪黑古今中外罕有其匹罪四

(戊)民國八年曹錕俟挪軍餉一百二十萬運動選舉副總統不成遂暗令吳佩孚撤兵干涉行政構起九年皖直戰爭京津保一帶大受兵革之災是年直魯豫陝大旱曹錕強迫各該省助出兵費若干受災之民未獲賑濟先被勒捐逼死無算迨政府以特抽海關火車捐款匯住放賑曹又提出三百餘萬名爲軍恤費不但災民未得染指即戰傷士兵屢次求恤亦置不理因之軍心不服是以保定兵變至七次之多曹錕以一己之私貽人民無窮之禍又因購置私產及開紡紗麵粉各廠囑其弟省長曹銳將直境運河兩岸李文忠時所栽防堤柳樹全行伐賣充作資本且將樹根掘出而缺處不填將來大水時必有沖開淹沒之患逞毒虐民無惡不作罪五

(己)民國十年三省巡閱使在津會議曹錕以王占元不能順承其意又忌其資深位重將有候補總統之競爭乃暗中遣人搆煽王部變變並陰令趙恒惕出兵騙王吳佩孚屯兵漢口坐觀成敗仍暗結王部孫傳芳離王王以內外夾擊不得不走吳佩孚乃銳意進兵大肆戕殺決金堤之水灌湘鄂之區以致兩省軍民陷於塗炭賣友殘民居心險惡罪六

(庚)民國十一年政府擬將全國地賦押與銀行團借款四萬萬並將全國鐵道歸銀行團共管此種計畫曹錕首先贊成嗣以奉張不與贊助曹錕陰令吳佩孚打十三電報漫罵奉張百計挑戰欲借此以挫其鋒使不敢競爭大選一面將戰地餉需科派各縣每大縣派款五萬元小米高糧四千石中縣派款四萬元小米高粱三千石小縣派款三萬元小米高糧二千石至今各縣有案可稽苛擾不堪言喻迨奉直

戰後奉張出關凡係直軍經過之地莫不受害最重者爲青縣大城靜海一帶市里凋殘如被赫寇曹吳乘戰勝之餘威驅逐徐世昌迎黎元洪復位大發廢督裁兵之電純盜虛聲尤復增加二師七混成旅之兵力使人民負担餉精每年一千餘萬嗜利無良殘民以逞罪七

(辛)曹錕貪鄙猥瑣習與性成既囊括直省所有且私將清室東西陵百餘年風水林伐賣得一千餘萬清室敢怒而不敢言其兄弟效其所爲流毒全省長兄綽號化得雷在大沽遇有姿色之婦女強拉逼姦有不從者誅及其父兄雖百告發官廳承曹氏鼻息不敢過問其四弟曹銳任直隸省長六年不問民治專意聚斂其私產現有四千餘萬之多其五弟在家人稱爲惡霸費得公強占天津新城大沽一帶民產甚鉅其七弟曹錕爲二十六師師長不知軍紀務奪民財天津自民六大水後民間田產契據漂沒者居多曹錕派遺無賴釘椿占地據爲己有被害者起訴法庭反以無據罰辦綜計所佔地畝約值十餘萬元津人無不知之縱惡映民伊於胡底罪八

凡此八端皆其落落大者餘如勒停順天議員勒徵明年田賦釀成臨城劫車重案致貽國際之羞賄賣差缺人員大爲吏治之玷綜其罪惡罄竹難述今又驅逐黎氏圖僭大位恃我軍人爲爪牙以濟其無窮之惡若不速加制止勢必害於而凶於而國我軍人而欲求國家之存在人格之保全鄉里之安謐家人父子之團聚者必當服從正義與衆棄之比我軍人對於國賊之罪惡而應行覺悟者又一也上述三者爲國家計爲人民計爲我軍人自身計無一語不至誠無一字無來歷三光在上誓不欺誣時至今日非速扶持正義建設全國人民所希望之政府不足以強救危亡凡我軍人孰不欲立功當時揚名後世豈願從國賊長此夢夢乎思之思之盍歸乎來

盧永祥反對曹錕賄選電

各省區軍民長官各省省議會商會教育會農會各法團各報館均鑒自六月十三政變以後所謂大選問題甚囂塵上永祥痛國紀之傾頹不忍持對人之臆說惟冀促成制憲補救方法至元首但能依法遞

贖則人選聽諸國會意以爲我中華民國之誕起胎原於民意形成於法律與帝王根本不同帝王以武力開基原無所謂法律地位若民主而產於非法則本身已播革命種子更何能進國家於法治此義顯然無待推論乃不意領袖立法機關之人竟敢以執法自便之伎倆爲所欲爲一若舉國聾聵盡人可欺以彼暮夜苞苴之行爲猥瑣穢濫勢難一一縷述其彰明較著者如本月十日之大選預備會依國會先例應兩院各過半數方能開會乃竟籠統宣稱過半數意圖牽混已屬違法鉅其中更有僞填請假議員姓名冒名頂替情事迭經離京議員褚君輔成等四百八十人通電舉發並經在場秘書孫繼及被冒簽代到之議員張君瑾璽等先後通電指證確鑿可據此外各報所載種種賄選運動之文電足以構成刑事犯罪者更不一而足亦從未聞當局有一字之辦正藉非理屈詞窮誰肯甘心默認如果所謂蒸日院電（見本編第三節）無誤則不惟賄選已成鐵案即先憲後選之說亦是欺詐之一種手段一預備會尙復如此則將來選舉會之不法可知過半數之弊混如斯則三分之二之法定數絕望可知證以過去事實雖信誓旦旦已不能爲大選合法之保證况彼等作惡計術愈出愈奇將來譁張爲幻有非吾人意想所及者言念及此心膽俱裂孰實爲之至於此極姑無論最後結果仍不外藉法律爲面具攤出製造革命之人即令所舉者爲大聖大賢不僅永祥愚戇未敢承認凡有血氣諒亦同深憤慨須知此種公開攘奪尙敢托名選舉已足玷污國會騰笑中外倘任其自號合法元首是不啻以四萬萬國民之人格供一人無價值之犧牲人孰無良寤甘忍受先哲有云君子恃千萬人之諛頌而異二三有識之評笑讀報載莊院長蕪寬啟事所謂害人害己害國之說義正詞嚴威於斧鉞清議未亡公理不死證往察來所信彌勇敢佈區區伏希公鑒慮永祥感張作霖反對曹錕賄選之通電

各省軍政長官各報館北京各機關各省議會各工商會各法團鑒嘉帥感日通電詞嚴義正名論不刊凡屬血氣之倫讀之無不驚心動魄國會何地大選何事議員何人以莊嚴神聖之壇場類競賣投機之

市販穢迹騰播聞者耳汚近更於大選預備會施行卑劣手段牽混計數冒名代簽明目張胆毫無忌憚迭經褚君輔成等舉於前孫君耀張君瑾雯等指證於後構成鐵案萬口喧傳堂堂國家立法機關公然爲飭法營私之行動議員個人之人格不足惜其如我國家之人格何一時之國會地位不足惜其如萬世紀綱制度何夫民主國家構造基於法律尊崇法律即爲保障和平一日違法召亂其咎果將誰歸此種惡例一開一方面人人視爲可居之奇貨一方面人人咸懷非分之野心來日方長禍患伊於胡底又况一國元首對內對外地位何等尊嚴若舉非其人固非國家之福即使克孚人望則愛之者固不應賂以非法之玷而自愛者亦豈甘蹈此非法之嫌自汚汚人莫此爲甚議員爲人民代表選舉元首本天職所應爲若違法圖財既無以對國人更何對鄉者以少數之不肖賂全體之羞顏兒戲若斯成何事體根本上謂爲無效誰日不宜作霖年來安民保境都門政局久不預聞對人問題尤無絲毫成見惟大選爲非常盛典不在一時而在萬世匹夫有責骨鯁在喉憂憤陳詞敬希公鑒張作霖東印

何豐林反對曹銀賄選電

各報館鈞鑒近數月來大選問題喧騰全國凡屬國民休戚攸關莫不希望依法進行以奠邦本不料近日報紙紛載道路傳聞主其事者竟視爲奇貨可居不惜飭法營私穢跡顯著談者色變聞者心驚以堂堂代表民意之立法機關果各有此行爲是直以少數賂全體之羞視國會爲牟利之所人格何在綱紀何存循此以往恐國事益陷於紛糾大局益趨於破裂瞻念前途不寒而慄頃讀盧嘉帥感電張雨帥東電詞嚴義正實獲我心全國人民諒同斯旨豐林職任疆吏分屬國民心所爲危難安緘默敬布區區維

希公鑒何豐林江

四川將領反對曹銀賄選電

廣州孫大元帥鈞鑒天津黎黃陂段合肥先生上海參衆議員章太炎岑西林唐少川諸先生各省軍民長官各法團各報館全國公民均鑒邇者曹吳禍國內外騷然以中樞爲椽屬魁柄僭操視西南若寇讐



侵伐日肆衡情定罪久已應服上刑而彼尤悔禍無心倒行益甚自六月釀成政變曹銀張膽明目賄營選舉毀法亂紀中外騰羞當前此彼輩假借恢復法統以相號召川省軍民洞燭奸謀初無隻字表示贊同是以後曹銀之總統無論如何選出在吾川根本上已不能承認特羣小鑄張營謀日亟侵略以充帑選費懸爵以餌羣愚萬一僞選告成大位爲其冒竊而國人不察尙以爲依法產出相與容忍勞必內啟兵戎外隲非笑魚爛之禍卽在目前斯則克武成勳所引爲深懼不得不以辦奸杜亂之義爲我國民一預告之查曹銀自民國紀元嗾使卒伍焚掠京師叛跡已著其後督軍團抗命復甘爲戎首附洪憲則弄兵蜀道竊經略則喋血湘中復辟禍作媚滿胡而稱臣幾輔民柔虐桑梓而縱弟臨案出其轄境寔庇匪以禍國家關中非厥部屬亦戎兵以害黔首凡茲罪狀大者則爲內亂之渠魁細者亦屬刑事之重犯公權且當剝奪被選安有資格在葡墨諸邦軍閥爭選亦有所聞而其人必有功於改革或羣仰其經猷從未有如曹銀之跡行事則悉背共和論爲人則智昏菽麥者此其無功民資格不應預名大選者也國會爲民意機關而北京議場久化爲銅臭腥羶之地議員爲人民代表而在北議員又無非嗜利忘義之流彼卽假託制憲國人且唾棄不遑對所擁戴之大惑又寧能承認此則曹銀雖被僞選出亦歸無效者也矧聞直魯撫吏咸棄職守爲奔走行賄之人衆院議員貢媚強藩以包辦選舉自任凡所割據省分選費莫不勒攤凡所參養廝流閣員都已預定詭謀久暴穢跡昭然任彼當國則神明之宵摩不蒙濫聽其亂法則苞苴之風勢將日熾此則雖僞選不成而我國民對曹銀亦當聲討者也所望咸秉正義共起討賊傾醜類之巢穴蒙巨奸以顯戮散其兄弟聚斂之資以拯菑黎援照明季逆委之罰殲厥黨類庶幾法統眞可重光共管可以永免在蜀民雖久苦鋒鏑武勳等亦媿乏將略而師出戡亂願効前驅上稽占訓大刑則用甲兵敢告同胞禍至幸勿緘默臨電迫切勸示方略熊克武劉成勳暨全川將領叩

廣東各將領反對曹銀賄選電

汪代表精衛並轉各報館鑒近日報訕紙喧謂曹銀以金錢勾結非法議員準備大選希圖盜竊名住不

惜賄賂公行穢德彰聞中外傳笑年來法律凌夷民生憔悴工商坐困盜賊橫行擁重兵居高住者惟知假借威權利用政客苟有局藉無惡不爲而國亂何由戡定邦本何由確立政治何由修明未聞有念慮及之者夫典刑未備爲政在人今曹錕之爲何如人其於國家功罪爲何如知識素養爲何如國人所能知也北京議員之是否合法其立法上之行爲能否成立此種買賣選舉能否有效亦國人所能知也倘任其憑仗兵財之勢爲此鬼蜮之行對於國家公器取捨予奪一唯曹氏軌物既乖政何以正非徒禍國實爲民羞希閔等討賊救國義無返顧去此奸宄唯力是視尙冀國人同聲致討庶勉貽患將來謹佈臆肝祈各奮發滇軍總司令許崇智西路討賊軍總司令劉震寰廣東省長廖仲愷叩東印

譚延闓反對曹錕賄選電

各報館鑒迭讀浙江盧督辦海軍林司令四川熊劉總司令廣東許楊劉總司令廖省長通電列舉作亂武人覬覦名器附逆議員潰亂選舉種種事實聲罪致討義正詞嚴無任慨奮民國締造十有二年禍亂洊至溯其原因皆武人好亂政客鮮恥有以致之然從未有肆無忌憚如今日之甚者吾湘自六年護法以來即不承認北京有合法之政府與國會對於此等盜竊名器壞法亂紀之輩不但如薰蕕之不同器抑且如水火之不相容惟是之故吾湘父老子弟摧鋒鏑轉溝壑以死者後先相望言念及此可勝髮指當此亂賊騶張國紀凌夷延闓惟有仰承大元帥之指麾結合忠義激厲戎行以繼先烈未竟之志而定國本於垂危耿耿此心有如皎日因感嚶鳴之雅遂買芻蕘之言磨盾無文伏惟共鑒譚延闓冬印

駐滬海軍反對曹錕賄選電

孫大元帥各省區軍民長官地方各法團各商會各報館均鑒曹錕出身負販謬管師干衛國非其本懷擁兵徒以自重妄竊三省巡閱之號遙制中央政治之權比年以來攻皖攻奉凡可以爭權奪柄者不惜糜爛人民爲之驅徐驅黎凡所謂倒行逆施者不恤指嚇部曲出之所部吳佩孚教孫升木爲虎作倀蹂躪湘川椒擾閩粵夢想武力之統一摧殘民治之精神罪更浮於師昭禍直同乎闖獻尤敢包藏野心希

冀大選賄賂議士劫持政團掩天下人之耳目竭億萬姓之資穢惡昭彰廉恥斷喪神人之所同嫉覆載之所不容追溯民國肇立焚劫京師津保者誰縱兵耶洪憲僭號假託父老子弟者誰勸進耶國人不至健忘議會豈遂無視我國之大夫豈無人若以凡民之竊竊居元首之尊爲所欲爲忍無可忍凡屬同志誓不承認數月以還我駐滬海軍率同袍澤靜待時機警告不悛悞悟無望用敢臚列逆迹通告國人各省區不乏識時之彥各具愛國之忱抒其義憤鳴鼓而攻取彼凶殘割刃爲快建章兆瑞謹率飲素子弟以從諸君子之後嗚呼綜其罪狀實決波罄竹之難窮苟有鬼神亦入禍天刑之旋至辨明國賊效趙雲大討之師襁落梟雄視陳琳愈風之檄駐滬海軍領袖林建章艦隊司令周兆瑞勸各團體反對曹銀賄選電

(一)各省聯席會議通電曰各省區軍民長官各省省議會各法團各報館均鑒共和國家之組織應以憲法爲軌範我中華民國第一任大總統即根據於憲法一部分之大總統選舉法而產出外得友邦承認內促南北統一國法効力由茲顯著今後國家安危關鍵即視此一線之法統能否依舊保持稍有遷就即種革命惡因此義既明則現時北京所謂大選運動無論進行至何程度我國民均認爲無效同人等內省良知義難緘默謹據法理爲我國剴切陳之元首重任領袖羣倫非大有勛勞於國家及負全國之與望者不克勝此今試問舉國側目之武夫有無此項資格雖其親暱亦未敢公然肯定京保兵變洪憲西侵復辟稱臣既往之咎固無論矣近年黷武營私使全國同胞含冤畢命者數以千萬計吾民茹苦負痛豈能寬恕如國家紀綱未墜早已戮之市朝乃留京議員竟敢認定此等稔惡之徒爲大總統候補人被認者亦以爲舍我其誰居之不疑又電絡繹儼然事實我國民如果對於總統候補資格提出嚴正解釋促其反省何致令羣盲昏說如此猖狂今時機已迫計惟有明白宣言謂依刑律應剝奪公權者縱倖逃法網斷難任其再替尊位此我國民所宜注意者一也總統選舉會依法應由國會議員組織願組織義當自動決不容他人法外之干涉選舉法所謂自行集會所謂任滿前三月意在杜野心家之操縱

此次北京所擬開之選舉會武人通電叱咤於前五千票價誘買於後與法律上自行集會之旨根本不合况所謂任期者有八三月一年三個月與一年五個月又二十三日之聚訟此種枝葉問題在西南護法各省奉浙當局原不重視至假冒恢復法統之曹吳諸人則非俟國會正當解釋終難逃狐狸狐搨之咎在帝國則擅自廢立罪坐篡奪在民國則毀法亂政罪在違憲彼輩既不能自了其法律問題則合法之選舉會終古無由成立強而行之終貽禍種此我國民所宜注意者二也况三分之二之選舉人四分三之得票數法定綦嚴豈利誘威脅所能強致自政變以後守正議員自動南下在津滬簽名領費者達四百餘人格議員輔成等迭次通電聲明在案北京常憲各會流會至三十四次以上可以鐵証十日之預備會號稱過半數事實上顯然作偽婦孺皆知復有在場點秘書孫曜及事前請假被簽名代到之議員瑾婁等五人先後函電証明當日確有冒名頂替情事據報載蒸日院電知其中尚有賄款百萬並雇川書記混列議席種種黑幕預備會之過半數既已百方弊混失信國人則選舉會之三分二數必盡力作偽可以斷言况離京議員列名討曹者已達四百八十人同時斷不能化身爲二出席北京預備會從有一二不肖贊否兩歧按諸法理亦應以在滬之自由表示意思爲憑在北京因暴力強迫而出者當然無效準是則前日之預備會將來之選舉會均無合法成立之可能並不待其竊得總統名義始發見其違法此我國民所宜注意者三也被選資格選舉機關集會程序三者皆陷於非法而民意之向背又顯然與天下以共見於此而猶鯁鯁過慮一若北京所謂大選尙有一顧之價值者藉非至愚則爲寄妄比者國維不張羣言淆亂病在言論家併感情利害諸說爲一談而不衷於國憲致清議威權沉晦不顯善者必灰惡者臙壯國事可哀此爲最痛古者冢宰布治邦國徇以本鐸曰不用法者國有常刑大總統選舉法爲吾國既成之憲法棄而不用是爲國賊有賊不討國民之罪同人等喋喋陳詞不敢逞一己之私臆惟以國憲爲依歸明讀選法以期共喻亦古人鐸徇之微意也凡我同胞盍興乎來各省代表聯席會議公叩卅

(一)法統維持會通電口全體國民公鑒北京偽參議院通過偽衆議院所謂延期案吳景濂王家襄輩  
狼狽爲奸共同矯法之罪愈益昭著殊非口舌所能爭獨怪我主權在握之國民與曹錕吳佩孚之假冒  
法統也聽之而國會內部遂起紛擾於吳景濂等之蔑視人權也聽之而傀儡總統遂指揮步軍統領衙  
門私擅逮捕於該偽會之破毀司法摧殘教育也聽之而偽政府遂敢侵凌司法官毆辱學生優容復優  
容該偽議員益肆無忌憚釀成今日公然賄選之局誰爲爲執之令致之則我國民亦不能辭其咎也我  
國民乎如欲甘心亡國則已苟非然者其速行使主人職權對於法統真僞問題予以明確之裁判並請  
分省調查附逆議員姓名布其罪狀與衆共棄之法統維持會誌

(二)民生協濟會電口廣州孫大元帥天津段合肥先生上海黎黃陂先生唐少川先生岑西林先生奉  
天張總司令衡山譚總司令海軍林總司令雲南唐省長杭州盧督辦貴陽唐督辦各省議會各報館各  
團體國會移滬辦事處均鑒六月十三日政變而後國陷坵墟滯京議員權門走卒咸孳孳以大選是務  
數月以來光怪陸離都門腥穢寔以聞者掩耳言者蹙額姑不論曹氏平日功罪如何觀其執法自便苞  
苴公進形同市販買賣之賄選豈能予人以承認誠如盧督辦感電所謂即令所舉者爲大聖大賢已足  
玷污國會騰笑中外而有餘况營選者爲全國唾棄之劣馴下乘乎國人燭奸鑑惡羣起鳴攻宜矣特是  
彼輩利令智昏率意孤行人言不足恤輿論不足畏掩盡天下志在必成雙節將起時機已迫既非唇舌  
可以挽救更非函電所能收效若不急起圖維根本改造恐將長此混亂永益糾紛地方無清寧之望國  
勢有螻卵之危諸公或爲開國元勳或係締造共和偉人或封疆所寄或民意所托觀此景象豈忍忘懷  
尙祈本愛國護法之初衷排除意見各本良心羣力組合共謀艱辛俾國家信用存一線生機使天下蒼  
生有所仰賴挈領振綱露布聲討所謂伸大義於天下者必光正名名正詞順燕豫雖衆豈能敵天下億  
萬之心檄文所至其有不望風而來歸歟敵會民生爲志豈預政聞惟感禍及眉睫匹夫有責之義謹貢  
芻言願共起圖之民生協濟會上海總部叩昭

(四)工界救亡會電曰全國各工團轉各界均鑒自六月十三日之變我上海工界概夫北洋罪魁曹錕等毀法亂紀營私竊國之行爲日盛家國於危亡之域因樹義幟以爲聲討全國聞風皆曰可殺而萬惡曹錕曾不悛改嗾使劫車奪印之王承斌賣身投靠之吳景濂等進行賄選愈趨愈極十日之非法預選會竟敢預報人冒替出席以冀湊足法定債大欲黑暗荒謬千古未有夫曹錕毒痛海內舉國同憤當選資格早已消失而吳景濂等潛竊之國會早經移滬議員及全國人民一致否認豈有代表民意之資格果其非法選出按諸法律當然無效邇接浙江盧督辦感日通電有以四萬萬國民之人格供一人無價值之犧牲一語義正詞嚴先獲我心所望各省當局秉正義以討賊全國父老咸一致爲後盾則曹錕不足亡也謹布腹心惟速圖之全國工界救亡大會叩

(五)上海各路商聯合會通電曰各省商會教育會農會律師公會學聯合會各團體均鑒政變以來數月於茲迄無辦法以維國是邇者曹錕益無忌憚公然以金錢賄買選舉一班無恥議員亦復奔逐銅臭甘心賣身國民於此苟猶坐視則中華民國將淪於萬劫不復之地務望全國同胞一致奮起反對金錢賄買之大選聲討萬惡之議員以留國家正氣而保國民人格生死存亡千鈞一髮願國人亟起圖之上海三十五路商會聯合會叩東

(六)江蘇公團聯合會通電曰頃者羣兒弄權大盜竊國禍首曹錕兇窮惡極罪莫與京既稽典刑反希大位舉國人民各方領袖靡不怒髮衝冠聲罪致討乘旋仗鉞齊申討賊之軍筆伐口誅共列誅奸之罪具見公理自存十天壞良心未死於人羣誠盛事也第敝公團有二要義亟待聲明者卽反對今茲北京之所號爲大選者都斥其舞弊指其弊賄須知此種選舉不僅是舞弊賄選實屬非法之賄選賄選之舉其事闔知之者稔僞選之說其理深知之者故眇藐視之似無甚關係細按一確畸分輕重也蓋斥其舞弊也爲僞預選會浮報人數及冒名頂替等皆是此僅屬反對吳景濂之個人卽於國會本身之立法機關則已默認之矣斥其營賄者爲其一萬八千之票價肆無忌憚併敬出席之公然發給等皆是亦僅屬

反對其用錢收買向於國會之應選總統亦已點認之矣不知錢至十萬可以通神而况不如人世有羞耻事之拜金猪仔議員萬一金錢魔力竟能吸取猪仔議員至三分之二以上者居然足法定人數居然開成選舉大總統會而曹錕二字居然以及額票數產出則反對者對於舞弊冒報等論調先已無從措詞而權口賄選則行賄必須有證人證物一切完全更須向法庭起訴經法官判決成立始能宣告曹錕之總統爲無效也苟或證據不全法庭不理則國會之選舉權自在曹錕之總統自若試問反對者特根據何種法律之解釋可以宣告否認其不能爲總統也即有數曹錕之罪狀據此以加否認者然罪狀無論若干另屬曹錕個人之行爲尤必得刑章之意決而與國會之選舉總統之當選均不能涉及焉轉令賊派有所藉口指爲反對個人屬於感情用事甚者且可加以破壞法律之名義充其極者曹錕依法選出之後如有反對彼即可以護法之名義討伐之最近賄例即如湖南之趙恒惕氏可以類似果如是則非且因之顛倒法理愈陷於糾紛矣蓋苟承認現在北京所開之國會爲合法國會者無論如何之大法律家均難自圓其說以駁斥其現在之大選會也故敵公團敢正告天下曰去歲恢復於北京之國會並非合法國會故現在北京所辦之選舉即爲非法選舉去歲法統重光等名詞寔曹吳利用此似而非之國會以愚惑全國因民國八年國會已在廣州開正式會議缺席議員已依院法除名依次遞補既經除名便非議員現仍列席北京之國會法律統系當然不能認爲合法國會曹吳以此輩除名議員大都降身北廷之人其志當然與自號北洋正統者相近即欲利用此輩解職分子爲其選舉時捧場之用故必主張繼續民六者其陰謀實伏于此國人不察而猶曰民六民八均無關係豈不哀哉從今以後應請全國一致注意者護法七年歷史俱在國會依約法自行集會成案具存法統所繫當然繼續民國八年以迄九年在廣州所開之國會開合法國會即日取光明態度否認北京之非法僞國會私開非法僞選舉會無論選舉何人概爲私生之非法總統扶本深源使彼奸慝無法措辦猪仔無法招搖名正言順討賊出師天網地維賴以不墜正統大義爲之昭申庶奠邦基而清奴孽

(七)勞工同盟會反對賄選電。口全國各報館轉各省省議會各工團各法團公鑒溯自六月政變以來魑魅現形橫行無忌京都首善之區陵爲污垢不堪之地穢聲四播騰笑友邦何物曹錕實爲禍首種種怪劇罪在一人國之將亡必有妖孽豈謂是歟豈謂是歟夫曹錕不過糾糾一武夫而已出身賊隸無識無知而又蛇蝎性成無惡不作縱兵劫掠京都稱臣媚事清室哀逆稱帝駐兵川湘助桀爲虐者曹錕直皖直奉兩戰逞一人之意氣陷人民於水火之中者曹錕吳佩孚蕭耀南無故慘殺京漢路工乃曹錕所嗾使也吳景濂無故痛歐學生亦曹錕所嗾使也故容陳炯明沈鴻英楊森之徒助彼滋亂擾害川粵間曹是何居心最近又派大批直軍進據岳州希圖蹂躪湘局問曹錕又是何居心種種禍國亂法之罪擢髮難數使國法尙存早應明正典刑矣彼乃不自知悔禍束身待罪以謝國人猶復包藏禍心覬覦總統之位驅黎之後即遣其狐羣狗黨如王承斌高凌霨輩並勾結廉恥喪盡之吳景濂運動大選銅臭薰天不堪入鼻而一般猪仔議員利令智昏不顧民意與王吳等議價賣票曰八千曰萬人言鑿鑿報紙紛傳萬一成爲事實中國前途何堪設想夫總統之資格非在國家建有奇勛功績及爲全國人民所崇拜信仰者不可妄竊此位今曹錕徒仗武力與金錢以強姦民意國人豈可緘默忍辱况吾國早已有一現成之孫大總統目下有何選舉之有惟事機已迫萬難坐視速望諸公及全國父老昆弟同聲不認北京大選促其速醒自退如其再執迷不悟則害羣之馬不除必永無安寧太平之日惟有仲張正義聯請廣州孫大元帥出師討伐傳檄冀北掃盡妖氛敝會同人願盡匹夫之責以爲後盾敢佈區區諸希亮察中國勞工同盟會東

(八)上海學生總會反對賄選電。口國家不幸變亂叢生曹錕以一介武夫北洋走卒遭逢時變盜竊威權袁氏帝制之役助桀爲虐張勳復辟之變陰主其謀凡其所行所爲無不以破壞民國爲職志以剝削人民爲目的倒行逆施舉國同憤近乃橫暴日甚忌憚毫無驅逐黎氏賄買議員以青島官產爲飼猪之資料以人民膏血充大選之費用金佛郎案預備斷送八十兆直魯豫省抵借田賦五百萬人民脂膏國



省領土然充選費喪盡廉恥以求榮貴其身冀登大位不顧國家危亡凡我國民豈忍坐視近聞北京猪仔議員出席人數將足法數非法僞選行將告成敝會以國會任期早滿根本否認現屬賄買更當誓死反對尙望國人同聲義憤一致聲討以維國體而戢大亂不勝企盼之至中華民國學生聯合會總會叩

冬  
(九)各省區同鄉會反對賄選電  
各省區總商會省教育會各法團各報館均鑒國會延期則議員怙惡不悛小之尸位素餐大之敗壞綱紀總統賄選則南北分裂難合小之江浙敢登大之全國糜爛敝會蓄日時艱披髮纓冠東日緊急會議爲國家謀治安爲國民爭人格否認延期國會反對賄選總統議定魚日開市民大會誓死力爭各馬路商界聯合會一致主張自動懸掛旗幟表示民意愛國男兒舍生取義殺身成仁正在今日時機急迫稍縱即逝今不抵抗亦已矣夫敝會同人寧蹈東海而死耳不忍爲曹錕之小民以求活也顧公等何如哉上海各省區同鄉會聯席會叩冬

(十)工商反誼會通電  
全國各公團各報館暨父老兄弟諸姊妹公鑒曹錕禍國人神共憤天地不容跡其北京兵變清室稱臣助袁爲暴蹂躪州湘黨爭內亂黷武窮兵陷國運於萬劫不復驅人民於水深火熱罪惡昭彰刑有餘辜復不知修省謝我國人膽敢賄買議員覬覦大位毀法亂紀肆意橫行武力金錢恃而無恐如果成爲事實則此掠得志吾人寧有噍類我中華民國而此無惡不作穢德彰聞之總統豈不騰笑列邦貽羞全國我國民爲自身利害國家存亡計亟應戮力同心一致聲討雖有犧牲爲毒螫在手莊夫斷臂之計亦所勿惜同人不敢願效前驅激切陳詞伏維鑒察

編者案賄選事起東南輿論反對激烈討曹討議員之文電逐日登載滬報雖事實無所成就然國民人格與政治上之正義昭於人心不可沒也茲就各報所載撮錄十則於右餘件詞旨略同不具錄焉

## 六月十三後叙

寒霄曰予之編本書也直載當時情事不就任何一方參以意見予意以供國民之鑑別而資其匡導予非政治或政論家予之言乃國民之公言也予書既成惟有公之於國民未敢乞藻飾於時賢予亦不能自贊一詞十二年冬予與滬友評論時局涉及政變期內前後因果之故爾時所論即爲吾書之發端茲附於後以備叙論倘不爲贅也

與一葦書

月前至滬時嘗以京滬空氣不同相差幾如寒暑以爲此乃一極可研究之事其時乃在六月十三以後十數日也此次由北來北方情狀正在分贓時期本無特徵可述而東南空氣亦復沈鬱蕭索無前此平且清明之象僕乃大惑今日曾與太炎行嚴略及之然鄙意未能盡也敢以語執事僕語行嚴謂此次政變禍烈於洪憲北京當事與在京議員其罪又大於復辟蓋洪憲復辟之事在政治上實不失爲一種主張此次之變則說不到法律與政治質言之直刑事上之姦盜行爲焉耳在姦盜狀態下談法律政治此一般國民所以厭聞法律厭聞政治也僕以爲此次政變問題純爲國民政治上之人格問題（此語盧子嘉感電中記曾一及之）自一般論者各就法律政治以爲評論國民之心理乃爲之旁皇而不得其歸宿之所在持之者漸弛即之者漸遠僕恐此後將不復感受法律政治上意味甚或不識其爲何物豈特淡然蕩然於此次之政變而已哉執事苟疑吾說請証之以北方論者所謂「逆取順受」之言在一月以前北方雖進行大選而一部分觀察則以爲此事殆如猿公之爲猴戲或如眩人之玩熊狗獅象又或如京語之「鬧玩藝」耳此時則態度漸變而持論者則多謂「賄選之不正然苟能就政局著手收拾而整理之吾人未嘗不樂與觀其後」云云（北京各報每有此種論調）此種論態實可認爲北部多數政治家之心理而其不解此次之事變爲何等問題則可斷言也又試證以東南論者所謂「利平公約」與夫「地方治安生命財產等問題」之各種論調此種論調數月以來吾人習聞之且不能不尊重之即僕涉

筆及此時亦不敢加以輕率之批評所可爲吾說之設者即此種論旨均認此次問題爲法律或政治問題而未嘗認爲「國民政治上之人格問題」亦可斷言也國民對於政治上之觀察其初本不甚明瞭（太炎昨語僕國民並未嘗參政故今日所謂定憲法選總統舉代議士多數均出於僞託）即或偶有直接之感覺表示（如此次教育界之攻擊議員及滬上各界主持正誼之各行動）而中間牽於事勢眩於政象久之而惰力漸起厭惡政治之心理應之而作雖有如何興奮之劑不能進一勺矣僕以爲此次政變如就法律政治爲評論則北方論者所持逆取順受之帝王新政或即東南與西南各省之福音蓋人類苟以「利平」與「地方治安」或「生命財產」爲世界無上之要求則充類盡義雖由姦盜之行爲而可以保持利平治安及其生命財產之事行之者將有道受之者亦不患無詞然試於此中給以一時反覺之機會而告以人類有最可貴重之一物其價值有時乃超出於利平治安與生命財產之上吾知任何民族苟在血氣之倫猶將舍此而取彼而況於數千年歷史文化之所涵濡而淪浹者乎國民政治上之人格爲十年以來之軍閥政客蹂躪摧折危殆盡此次賄選之舉不啻對於全體國民公然加以侮辱議郎昏昏自侮自辱殆又甚焉倘使此種行爲猶得附於一時政變以爲論列而國民且以利平治安與生命財產之故直受之而不辭則今後之所謂法律政治豈非完全欺僞之談吾人寧可無國家而不能爲無人格之人寧可無法律政治而不能舍其人格以求利平治安與生命財產之存在今日之事苟不於最後辯論終結之時得一水落石出之裁判豈惟國內之亂永無已時且恐我大地民族不見齒於世界國民之列可不懼哉僕以爲國民人格論當超於法律論政治論之上法律政治均可截爲斷片而各據其一片以爲論點人格論則不然蓋其旨趣單簡明瞭爲人類精神上之生命所在人類之權利義務由此而生人民之自由平等由此而立法律政治準此以爲原則舍此無以爲人微特不能立國而已日前僕聞滬上某派首領有言「今之軍閥尙能從選舉着手尙知重法」僕竊怪之大盜入人之室據人之產淫人之妻女已而出其所掠奪之財物賄其事主而奴畜之吾人從而諛之曰盜亦有道尙知賄其主人

不其悖哉北京益世報日前有云「英國賄選之風至十八世紀始稍歛戢」此種論調貽禍於國民心理者甚大僕以爲選舉舞弊列入刑章而行賄受賄罪必平等凡此所以保持國民政治上之人格豈有他哉吾人果認定賄選爲國民人格上所不容有之事雖使世界萬國賄選之風至今猶盛我中華國民神明之胃猶將以肝腦塗地滌蕩此種污濁以立於世界民族之上若反之而以爲可且從而公認之則世界上從姦盜強力範圍之下忍辱以求生活者衆矣和平歟治安歟生命財產歟君家嗇老有言「政變自政變江浙自江浙」(雙十節爲某報題詞)噫哉東南名流之言與上述某派首領之論豈非我國民當前之代表何待奉揚西方已戢之惡風爲姦盜張目乎前閱報載齊燮元氏談話有云「選舉之事雖孔孟生於今日猶當以金錢行之」此語尤爲可詫屈映光代人稱臣當時猶以爲駭笑今齊氏追奪數千年死者之人格與赤眉姦及漢后屍體者何異然而吳中人士以勢力爲神聖歌頌齊氏帝天父母其言論影響或與所謂和平公約者同爲一般人士所推服故亦連類及之國民失其自覺與自衛之性力乃至令一般暴客高擁牙蠱恣爲狂論侮辱我全體國民之人格誠不知稍讀孔孟之書者對於齊氏之言感想當何似也南北奔馳凡所見聞類多失望中宵耿耿草此布臆乞與諸友商正之

### 與行嚴書

宿昔之談鄙意未申今日返秣陵旅舍小憩請續陳於左右年來政變迭興各種事業爲之震盪失次就中以教育所受影響爲尤鉅恒人所及見者如經費之竭蹶學校之廢弛教學之不良生徒之荒惰等事均表面易察者耳僕於教育行政辱居當事者之一比年默計教育精神爲惡政治牽制損害之處不知凡幾而尤以此次政變毀及國家綱紀蹂躪國民人格其所以洗伐教育之元氣者爲最酷烈最普遍而最可痛國內師導社習之才不其消乏能力聲氣兩俱薄弱今更舉艱難締造苦心導誘數十年僅存少許之精神爲三數鼠竊狗盜之輩摧挫以盡此後校門以內之公民教育人格教育嚙復能靦顏爲諸生道者卽或忍心屈意以相標飾而此輩竊盜姦利之徒日臨乎其生聽吾儕之言將益其憤痛而廢

學以求逞不聽則麻木委蛇或且反唇譏爲詐僞無恥之教又焉用爲近頃執事與時流論列立國大經至詳且盡獨於事變與教育相關之點缺而未及故敢略陳一二至此後收拾時局之法僕以爲奮鬪之程途終有待於國民之自覺與其自決國民果有痛切之覺悟知無人格之民族不足以建國則當各用其心各奮其力將此二字視同國徽共樹一大纛於禹域之上傳檄天下使來奔赴爲一次國民人格之大激戰成敗且勿預論而國民固已立於主人翁之地位矣倘國民無此決心或不能揭出此種強固鮮明之標識則無論動作云何主張云何終亦聽軍閥之所爲而已雖或以擁護正義爲名不至僞託民意之甚然以軍閥倒軍閥其事之不足恃豈非海內策士之所共見者乎黃陂行止僕殊不欲置論僕既先尼其行嗣聞其爲求盡責任之故毅然南下則亦蹻之楚人笨卒往往拙於事後成敗之計僕意論黃陂來滬當云應不當云安不妥黃陂此去似已恰如題位而止此外則爲國民自身問題黃陂一人豈能左右執事贈黃陂之言未論及南來一節故附述所聞然已贅矣

與一葦書再論國民人格問題

曩與執事書所討論之國民人格問題以在北京不言也故至滬時數爲諸友道之北旋次秣陵致書行嚴涉論及此行李息恩意仍未盡頃讀行嚴所論商榷尤詳私幸有以導吾說也僕於此次政變認爲國民人格問題倡之於致執事一書繼此皆引申前說而已以此之故甚願仍質之於執事藉達於行嚴與諸友之前或更得所進益也

僕致行嚴及與執事前書今已不甚記憶但綜其大意約如左列

- 一。十月五日賄選之案對外爲宣告國家人格破產對內爲宣告國民人格破產
- 二。受賄及行賄之人均爲毀棄國家人格國民人格之罪犯
- 三。國民爲擁護國家與自身之人格起見對於本案之各罪犯當起而誅伐之
- 四。國民誅伐此種罪犯在人格上爲極光明嚴正之事即使不得已而有戰爭亦當認爲「國民爲

爭人格而激戰」以國民爲當事者之主體以人格爲大義與前此軍閥政客利用一時或一黨之政略以犧牲國民者截然不同

僕之楊鑿國民人格問題作爲評斷此次政變之概論大略於此至於國民以何原因而無人格——如行嚴所云沈瀾僞物質文明——及由何種政治施設而自能保持人格——如行嚴所主張无首與業治——原書固未之及且與討論此次政變問題之範圍相距較遠亦未暇具及也行嚴立論之點既與僕異故其對於僕之人格論不免有所懷疑僕所持者爲政治上之根本主義謂其不如是不足以立國不足以施政也而行嚴則誤以爲僕欲翹此作爲解決政變之方法故有「所用邏輯乃成正詞」之疑與「誦孝經退黃巾」之喻實則僕意不如此也僕以爲國民對於政治上之根本主義——國民人格——必先有明瞭之觀察與強固之信仰然後有以辨別政治之良楛而審所致力猝有政變之來則就其所信仰之主義以決其從違其他所以解決政變之主張方法亦必率循奔赴於此種主義之下始能貫徹國民一致自決之大計僕之所持如是而已

人格之義信爲寬泛然在政治上殆已成爲一種原則故政治學者對於國家與政府均以「有人格」爲判斷其義與法庭認定法人或當事人之人格略同由教育上之人格學說釋之則其函義乃包括內部意志上自省自治之力與外部之各方動作能實現其精神生活以成爲身心合一完全自我之主體者而言與以一部分之道德倫理觀念認爲人格之定義者實有廣狹之殊故凡號爲「國民教育」若德育體育智育之舉均必以養成國民健全之人格爲目的（以上所述並詳日人中島半次郎所著人格教育學之思潮）蓋以此爲國家組織之根本精神所在於教育於政治均不可須臾或離也僕之持此義以規察政變也則尤有說立國之不可無人格已成通義而國民政治上之人格觀念與號稱以共和建國之國家其關係尤爲密切建國迄今十有二稔政變迭起靡有甯歲時流政客縱橫一時抵掌華屋之談或曰以法或曰以人或曰以財或曰以兵其視組織國家之事有若塑者之爲偶像俑者之作芻靈以

爲但能自出心裁神彩如生卽紙糊泥塑亦無所不可也者國民對於頻年以來循環百出之政變耳目已亂損害迭經之後厭惡政治之心理乃因之而愈熾其初僅以所經受者爲一種天災時變不可抗之事久之而知其可以趨避也則不問其事之關係於國家於本身者若何但冀物質上稍減痛苦或時間上稍可緩和則亦相與爲一部分之苟焉能自謀而已職是之故政變愈繁國民之政治觀念愈爲薄弱而禍亂相尋之結果犧牲國民無量之生命財產方且未已乃併其政治上之人格觀念而亦犧牲之此實十數年來最可痛心之事而國民於政治上缺乏根本主義之訓練與夫政學家政論家未能就一般國民之品性與政識加以充分之指導殆亦無可爲諱者也

紀綱爲國家人格上條件之一廉恥爲國民人格上條件之一此義實可互見管氏有言禮義廉恥是爲四維四維不張國乃滅亡六月十三之事毀滅國家之四維此國人所共見者也孔氏有言道之以政齊之以刑民猶免而無恥十月五日賄選之案則直道之以無恥齊之以無恥矣一切政刑更何可言吾輩所舉人格上之信條若紀綱廉恥云者既非解決一時政變之方法亦決不足以遏絕貪欺犯罪者之行為而僕乃舉此義反復鬼討而不能釋者一則以爲此次犯罪者之行爲與其結果爲毀棄國家與國民之全體人格故吾人惟有就政治人格問題爲勘定本案之爰書以成爲今後之信讞一則以爲民國雖敵猶爲主權在民之國家此次政變凡國民所定爲政治人格上之信條既爲代表國家代表國民者共同摧毀而無復存在則其事惟有仍訴之國民而促起其意志上之反省以覘察其對於本案之態度與夫能否奮起而爲人格之爭凡此二者爲僕前後持論之範圍至於事實計畫與夫解決事變之方法及政治制度之根本組織不在此範圍之內固不必同一論列也

抑僕有不能不申言者國民不幸而屢值政變其僅有之政識不足以應之而一切政策上之主張方法以情勢紆折事實變化之故吾人亦未能爲之一一指導此際惟有抉其固有之性力與意識俾其自覺自決以策其精神意志之所蘄嚮而人格之義本爲國民意識與性力之所構造國民以其子爾之一身

擔任社會政治之各種事業所以履行其義務而保持其權利者均必由此義爲之扶質而立幹特其事不能單純由政府求之且亦非一手一足一朝一夕之所能致也以故國民教育之事於此必汲汲焉惡政治之影響教育在事實精神兩方均極顯著反之而一時政象之變化與其結果苟正負之一方能予國民以簡單明瞭之印象者則國民所得於事實上之教訓較之教育上所取之效果或尤大庚子之事由於北部無教育之民恣意排外嗣以聯軍之懲創數十年來不敢有仇外之舉此亦政變上之一種教訓所惜者懲創出自外人受之者往往於民族自決之精神蒙極深之損害而無從恢復而在國度幼稚之國民或且始終莫名痛苦懲創之所自來故其所得乃至僅耳比年以來北京所釀政變如洪憲如復辟並此次賄選之案而爲三賄選之禍由政治言烈於洪憲復辟前書已言之由教育言則國民人格上所受之全體損害較之前此送次政變僅由物質上犧牲者十百而有加僕意國民既以共和立國矣共和之根本精神在於國民全體之人格凡於共和政制之下以暴力金錢壓迫損害其國民之公共人格者其禍當如孟氏所喻之洪水猛獸而其罪則亦當與所云臣弑其君子弑其父者同等國民果無一人知有人格則已耳若其知之而且認爲必爭則所以懲創此種罪犯與其爲人格而奮鬪之精神將必由是而起不幸國人頻年對於政變事前失於覺察事後復屈於成敗之勢與多寡之數而各方當局都昧於政治上之根本主義以故反復其道以軍閥倒軍閥以賄制賄既不足以語懲創國民於事實教訓亦復一無所獲徒使國家禍亂滔天不絕而受其損害之多數國民永無生息賠償之望政家法士輒謂此由國家組織之方式不合而於施政者與受治者之根本病痛則略而不言或雖言之而復執主義以爲方法旋即夷諸無所用之之列僕於此甚疑甚懼以爲任何組織國家之法苟行之於吾而有效者亦非俟國家與國民人格掃地之時不能從新樹立任何主張之基礎而吾儕職司教育者在此時期所以指導羣治之途不出於無政必出於無恥二者其將奚擇此實僕所隱痛而不能認此次政變爲一時之枝節問題者也



紀綱廉恥既爲人格上之信條而所謂人格主義者實含有普徧性與繼續性不以中外今昔而有異據此以斷則其時效之久暫分量之成虧似不盡如行嚴所云十日復一日而氣洩及所云生息於財賄之中——國家遇有大奸大盜隳紀綱而毀廉恥以摧挫國民之全體人格者國民爲擁護與恢復其人格計自應積極抵抗或消極而予以否認其抵抗與否認之方法不一其途而其所號召奔赴必歸宿於根本主義之下苟其宗旨明瞭則事實影響正諳之獲申者已多國民之盡力於政治者爲已厚即或不能而暴力與金錢之勢力瀰漫大地而來當之者已自失其政治人格上之領域不能不爲一時之忍受然而論者猶將從事實情勢爲之曲諒譬之處子遇盜飲泣爲歡嬰兒被掠認賊作父在勢無人格之可言然苟力能自拔或成年足以辨別賊之與父者則其恢復人格之心必可以自決一旦奮然不顧以實踐其人格主義社會歷史猶將表演而加以稱道此蓋紀綱廉恥與暴力金錢互爲盪決之關鍵亦即人格在惡政治下奮鬥之歷程又或不然而上之兩說均不值國民之一顧是爲國民之智終不足以自覺力終不足以自決甚或以奸盜勢力所及足以謀及身之生存幸福——如北京之逆取順守說與東南之和平公約——又或認金錢暴力卽爲對方恩義羽翼之保證品——如孫洪伊認以武力金錢辦大選爲尙知尊重國會——此亦不過其人終身爲奸盜污辱終身爲無人格之人而所謂人格主義在政治上之價值自若譬之於法有時被害者不能控訴或判決者不能執行然而法文所規定之意義不因之而消滅而司法者亦決不能以一人一時之事實故障謂爲法文失效乃作爲廢紙而拉雜焚毀之國民政治人格之說亦猶是也

國民苟不知立國之必有人格也則國家之組織與政治之建設均成爲極無意義之事而政象所表現不過爲廟會式魔術式槓房式——友人某君言北京所謂閣員與各部院首領大率如槓房以銅元十數枚雇用之執儀仗者不問冠婚喪祭此輩均可應雇而來分得一面旗一面鼓悠揚就道所擁者之爲人爲鬼在所不問當事者之喜怒哀樂漠然無所動於中也——又或爲貿易式賭博式土匪式而已此類政

象之下本無紀綱之可言以故一切無意識之行動均可隨時發生六月十三之事與庚子拳匪之亂情節略同團邸劫車與當時之扶清滅洋圍攻館亦復相類至六月十六日國會以兩院會合會之議決承認內閣攝政以黃陂之命令爲無效乃與當時清廷之以上諭獎拳匪爲義民者無異至是而國會自身之人格乃摧毀而無遺矣

六月某日僕過衆院某君語以邇日之變乃爲國家人格所關不當認爲黃陂一人之事黃陂之爲人如何姑勿論然諸君擁爲元首者且一載若使土匪流氓式之軍警逐之於前而議員乃認許此輩驅逐之舉動於後國會之人格何在某君默然已而太息曰「實告君我輩議員除喫飯要錢外簡直就不是人那裏配說人格」某君蓋即六月十六日在會場主張認黃陂出京爲棄職而爲高凌霄等發言最力者而其自供之詞則如此「當時毀法亂紀之徒本以此舉爲賄選之第一步假令國會中人能以國法正義爲重一致抵抗聲罷致討則賄選之事不成或變而出於擁戴而國家與國會之人格尙或賴以存在不幸而有六月十六日之會多數議員已盪魂失魄於武力金錢之下不戰而自爲憎服苟欲舍此而屬望軍閥冀其屨及劍及以討賊相號召則尤在所難國內三數魁桀本無討賊之志初不關乎時境之變遷亦無與於紀綱之時效蓋就政治之歷程而言紀綱既毀所以恢復紀綱者惟有撻伐而就根本主義而言即使事實上撻伐有不獲申而立國之不可無紀綱此義仍然不廢若以一時一事而量其效力謂時無討賊之人則紀綱之說有同疣贅則是以國家之大經大法假手於三數魁桀之倫視其勢力消長與喜怒之所寄以爲生死國民且緣此日處於客觀之地以爲此皆軍閥政客策略權利之爭無預我輩之事甚或以其厲已之酷也且日詛其亡之不速尙何義憤之足云僕於此案科罪乃在國會彼議員分子雖既複雜然當時湛然罔識之士認本案爲毀法亂紀因而聯袂出都者不下數十百人一嚴行即爲其中之一一惜夫爾時在津諸君僅以政變投訴於軍閥未能繼續敷陳其義於國民而一般之議郎政客又皆榮於黨派權利之見而忽於自身與國家人格之關繫混混莽莽載肯及瀟行嚴所云乘

間抵隙以求自薦悲同類之情不敵其爭權位之慾者豈惟三數魁桀爲然此眞可爲太息痛恨而無可如何者也

黃陂出京後某議員語僕謂黎之爲人宜有此結果又云何謂政變不過政學會安福系之假名作祟耳其言與行嚴所比擬以爲考驗羣衆心理者絕相似僕告以此事但問是否毀及國家綱紀不必問當事者之爲何黨何人蓋紀綱爲國家人格所關有毀之者則爲國賊在法當共起而誅討之不得謂其所毀者乃爲某人某黨而因以致疑也湯之征葛也爲其殺童子而奪其餉也爲其毀滅國家之人格也行一不義殺一不辜而得天下有所不爲我先哲所持國家人格之義若此其精密也苟明此義則彼時驅逐元首刦車奪印之各罪犯寧待奇比它請始謂其足誅乎惜乎當時北京全無心肝之議員不足以語此也

紀綱不足以控制天下之同情僕亦云然惟國家之賴有紀綱乃其成立之始與其成立之後共同生存之一物若認爲一時之政治策略資之以爲控制同情之具逮夫政變之來毀及紀綱則斷爲紀綱之時效不過如此僕意竊不謂然也

賄選之案以其毀滅國家對內對外之人格也故其罪爲最大與尋常官吏黷職選舉舞弊之罪未可同等比擬當時代表國家之執政諸人與代表國民之議員均已成爲案內之罪犯則真正之當事人惟有屬之於全體國民而國民自身之人格觀念與其擁護國家人格之義務則亦緣此而起僕於本案認爲國民人格問題者意蓋如此至於議員人格之有無與國民人格之存毀似又當分別論列僕以爲賄選成立議員之出席都下者均爲得罪於國家之罪犯與罪犯言廉恥此或感化場所有之不足爲議員喻也吾人既以本案之當事人屬之於國民則立論自當以引起國民之注意爲最先若如行嚴引趙某之言「買賣式之選舉爲民國見慣之事」此非對於代議制度根本懷疑則必有所阿其於賄選案內之各罪犯而以游詞爲之辨護者也

北京益世報月前載有一文歷述曩者歐洲某國選舉買票之事謂政府且有公然爲之經理者僕讀其論許爲賅博然竊惜其未嘗博考世界民主國之大總統以賄得之者若干人當時一票之價格爲數若干是否現款抑係支票有無派員驗款指定銀行之種種手續若其絕無此事則試請我國各大記者舉此次賄選之前後事狀介紹於五洲萬國以作先例未諗我國家之光榮爲何如也

趙某之書僕未及見惟就行嚴所舉數語釋之僕乃不能無惑議員之買賣行爲誠爲習見然就民國選舉大總統之往事加以考証果有一如今日之事者趙某當能備述之若其無也而以爲習見則僕未諗所指者何在且僕甚願趙之注意者此次賄選之案揭發之人乃即有選舉權者而且不一其人而且譁於衆而告訴於國內外之有關係者矣此而乃曰習見僕固未能置辨而行嚴則躬列議席之人未諗果於何時何地而習見之也趙某以揭發賄選之論爲譁於衆而且怪其亢進僕尤有所未喻此次滬上輿論對於本案之態度至爲嚴正至今曹銀之命令不能聯屬於大總統三字之下是亦消極否認之一種表示此種表示是否含有作用以及事實上有無結果能否始終貫徹吾人固不能一一爲之剖析然說得而斷定而且深爲推許者則曰此國民人格觀念之不盡銷滅而國度之前途尙未可量也若如趙可直將取此一線僅存之人格觀念塞井夷竈而遏絕之寧非可詫之事哉抑就輿論言僕所見乃與趙異趙所云譁於衆所云忽然亢進者不過滬上與反直之數省耳至於北部各省區凡在曹氏勢力之下者其鼓吹新大總統之開國鴻猷所云侯之門仁義存焉者殆又自成爲一種輿論未審趙某對之又作何評斷也僕以爲吾人不能因賄選爲習見之事而謂輿論之亢進不足以代表國民之心理尤不能抹倒國民之心理而謂由暴力金錢構成之罪犯行爲國民亦當認爲習見之事而默然承認毋庸譁然亢進以取咎凡此皆僕所致疑於趙說者也皖浙學生之舉動與江蘇教育會以十月五日爲國恥之表示或亦輿論亢進之一斑而僕竊以爲智識階級擁護人格之觀念殆較一般國民爲尤深而其類年爲無人格之政治所激刺者或亦爲尤切吾人苟不能爲無政與無恥之教則亦惟有對之表同情耳然竊有甚

惜者賄選之各議員雖不解人格之爲何物然其中實不乏處子嬰兒之流因智識能力之不完全不能責以自衛其人格至於躬行賄賂之罪犯則莫或敢榜其姓氏夷之羣豕之列僕雖怯懦實不願吾儕教育界有此或茹或吐之態且東南士夫既以賄選爲可恥而於罪犯夥黨所頒布之和平公約用之以爲擁護賄選之武器者乃兢兢焉以弗克奉持是懼是則意志矛盾之甚者也雖然吾人苟欲訓練國民之性力而求得一擁護人格者之先導則必於智識階級中求之學生動作信如行嚴所云用力勤而無當於用然而孱孱學子其自靖自獻於政治者舍此種動作復有何長物哉

行嚴對於國民現狀之評論語極沈痛其觀察亦復精確雖使僕與執事盱衡蚩蚩之衆當亦無從辯護惟僕竊疑國民此種狀態屬於病徵者居多而非其本質或生性使然緣是竊嘗進求其受病之原以爲國人之大病凡涉政治之事皆置身於客體而不審主體之所在凡屬自身之事皆溺志於物質而不究精神之所在坐此二病以致圓顛方趾之衆雖號爲四萬萬而刮驗之結果乃適如行嚴所云虛乎其無人者此非無人乃無人格也積四萬萬一衆而不知求一全體安身立命之所乃至不成其爲全體焉此雖斷爲無人豈得謂過或吾儕今日最大之任務在對於國民此種病態爲之抉發其根株俾病者之起居動作知所注意其力能自衛者或由此而切求所以擁護精神生命之法此僕所謂視夫國民之自覺與自決者是也吾人抉發國民之病態其事乃如醫士之診斷書至於治療之方法藥劑之調製尙未及加以擬議若如行嚴之意以爲投之必且無效是必診斷之未合而非治療方劑之事此其立論所由與僕異也雖然僕於國民受病之深爲狀之危則深有味乎行嚴之言此由行嚴以超然深識觀察政況者久而且遠又躬預代議之列有以洞燭其內情之變化故其評論國情政聞至爲深切著明迥非吾人一孔之見流水之詩曰嗟我兄弟邦人諸友莫肯念亂誰無父母行嚴之論雖與僕殊而其呼邦人昆弟之情與夫念亂之切初無所異惟僕竊緣其說而有進焉者吾人就政象上叩諸國民既有虛乎無人之感而在勢又不能急切於禹域之外別闢一國界別造一民族以實現吾人政策上之主張若坐而待夫鼠

焉狗焉者之自爲脫化則此芸芸之可憐虫孽孔遺傳壽有海嘯陸沈忽焉俱盡之日僕以爲國民之病候既如此矣生死病苦惟病者當之所有最終收拾之法終亦必於主人翁求之吾人既居國民卽爲此主人中之一所應內省自謀之事未可悉數而僕則緣上述診斷所得以爲此後任何立政方法總宜由國民自身切求安身立命之地而勿以政治上全體之生命委之於客觀至於政制組織其途萬殊而立國必有其根本主義且此種主義必須國民一致了解俾全體內部意志有精神上之結合然後國家之基礎由此樹立其他政治建設乃有可言僕之診斷所得者如此故對於治療方法之大意亦復如此蓋醫之爲術苟斷爲內傷勞瘵之疾則必有治本之方如認爲四時寒暑之愈則必有治標之劑其事之相因而起固有如是若徒執手太息以爲疾不可爲或委而去之以待其死此在醫者以客體之規察與夫其爲一夫之病一人之死自無不可而無如國民之病乃爲全體而吾人亦同在此全體危候之中觀於行嚴所論其疾痛慘怛之懷與僕固無少異此其事竊得曰卷舌固聲而可以已哉

行嚴立論之大旨以爲國民無人格必推求其所以無人格之基因緣是以求以爲是皆政制上之惡化乃推本於其所持先首與業治之說關於此義之具體建設僕僅於報端所載行嚴之緒論時一見之而未獲聞其詳然就夙昔所信於行嚴者言果得見之施設譬之痼疾而得和緩膏非民國之幸惟嚴所持者爲政治組織爲治人之事而僕所持者爲政治主義爲人自爲治之事根本論點本自各殊治人之事不信受治之人而信制治之法國不必其無奸盜而治人者輒曰苟用吾法可以路不拾遺夜不閉戶人自爲治之事則不然其事乃不問法之能禁奸盜與否而問人之能相安相忍於奸盜與否換言之則曰非奸盜問題乃事主問題蓋就今日之事而言當其前者因昭昭然其爲奸盜也僕與執事嘗先後遊齊魯矣齊之東海多盜事主某甲被擄而奴於盜者經年力不能自贖久之而與盜習也則亦挾械而爲盜又經年而被捕就戮之日則呼而訴曰我事主而奴於盜者也鞠之者曰否奴可不死汝則盜耳若而人者其初固事主也不免於盜而又不免於死僕之以人格說強聒於國民之前則亦日期於免死而已豈

有他哉行嚴謂由先首與業治之義可以使紀綱人格之說無自而生僕意但冀國民之注意人格而已不已人格高人格按諸僕所擬議實乃逾望惟在此齟齬之下仍各有注重之點行嚴所信者在政制而僕所信者在教育僕意以爲人格非教育不能完成而因無教育以致無人格之國民雖有任何之善良政制苦於無法以爲建設之基礎今試更進一說吾人爲欲實行嚴之主張乃就曹錕高凌霨之流假之以政而以行嚴所喻人類學博士剖驗以後之國民環立而待治由是而朝定先首之制夕舉業治之策於斯時也行嚴與執事與僕憑軾而觀國內之化其與吾人所齟齬者是否有合是亦政制上之一疑問也行嚴謂吾國教育之壞由於貌襲僞工業教育之故此語洵獲我心僕以爲任何教育政策當由國民自出其性力獨立以求剏造襲與僞並爲教育之大戒惟施教之法主義爲先方法爲次果以人格爲立教之主旨則無論工業農業必由我自造而自成之襲與僞之弊其庶幾免乎

黃陂不諱川人之道故其左右無人似係實情惟僕於人才之觀察重在主觀衡人之法亦必先有人格而後有人才又竊以爲真正之人才能爲主義下之臣僕不能爲權勢上之師若友凡往昔所稱某能用某人某能得士與夫近時南北軍閥奴畜政客妾視議員妄冀人才人其金錢祿位之穀中爲之効奔走張聲勢者皆襲百千年來之廢論以天下士爲私有物而不知方今之時所謂人才不如是也又竊嘗持此意以衡量當時之人物而證之於吳佩孚與陳炯明吳與陳不得謂非民國一時之桀而律以人格則均之爲國家之罪人吳之罪不在於黷武而在於附曹陳之罪不在於背孫而在於通敵陳與孫爲同黨本與北面稱臣者不同無沒齒不二之義務彼因不贊成孫爲總統決然以去不幸而出於戰則亦各逞其力如鼠之鬪穴斯已耳乃反顏而與其護法之敵修好求援是之謂自毀其人格雖其勝也猶不如敗况夫北部之圖粵者方欲資之以爲鷹犬耶吳之主張武力統一也不得謂非收拾時局之一種政策惟彼所經營之統一乃適爲曹氏一姓之私計其自處亦不過開國元勛如皇帝時代之功狗而已何預民國國家之事如吳之所爲即使統一不日告成諛之者或擬爲倍越之流而千秋萬世之歷史乃將儕之於

義子家奴之列其功業彌高其人格彌下惜哉民國元首以善用人稱者必數袁氏彼固有其資若友矣然而以金錢術數籠絡當時之人才而陰毀其人格者其罪乃有加其禍迄今或且未沫執是以論黃陂之不善用人吾人又何事爲之諱言哉以上所論信筆縱談過於繁複京塵污濁尠可與言寒空南鴈悠悠我思不自覺飄縷惟賜察而有以教之幸甚



六月十三 下編

一百六十六

## 叙言

建國以來禍變相尋迄無寧歲憂時之士多齟齬於政制之不良而不知殷因夏禮周代殷興人存政舉政制何與焉是故人心正則國必興人心死則國必亡吾國之亂非亂於政制亂於人心也欲正人心先須明是非是非不明則狡黠者每作奸而無忌而賢智之士羞與僉伍遂置理亂於不聞以故甲仆乙興丙亡丁繼仆亡者固非而興繼者未必盡是甚至仆甲之乙復受仆於甲繼丙之丁仍亡之於丙循環報復攘利奪權彼其長惡逢惡之徒今日助甲明日擁乙助甲擁乙者又或轉而助丁擁丙惟利是圖廉恥道喪滔滔皆是習焉不察長此以往國胡以國當癸亥六月十三政變之際毀法亂紀逼宮奪印犴獮之徒靡不自鳴得計吾友寒霄君殺賊有心揭竿無地潛居京畿搜集實錄思明是非而正人心爰將當日行事一一筆之於編顏曰六月十三都爲三十餘萬言其主持正義者亦據實臚列兩兩比照清濁判然是不啻今日之然犀錄也 鄙人丁政變之際揭櫫討賊往來京津滬漢與各方人士相周旋備歷艱辛周知情僞是書彙青將竟而又先厲目焉觀其紀載纖細無訛他日流傳於世不獨可以褫奸人之魄亦且可以堅賢豪之志矣孔子作春秋而亂臣賊子懼寒霄君六月十三之作毋亦有取於春秋之義乎是爲序民國第一甲子長至日松月厂主識於宣南旅次

六月の十三

教書

二

題詞

十三年六月十三日書感寄示寒霄

奪印逼宮戲鬪奇。去年今日盡人知。是如可忍何須說。人格爭存亦費詞。  
陳陳自暴每相因。造化無私忒弄人。故使殺妻求將後。覘顏認賊作尊親。  
依稀怒髮盡衝冠。眞箇揭竿攘臂難。經歲武夫傳疾視。中原依舊夜漫漫。  
幽燕走卒習奴顏。嗾使隨人不辨姦。天爲神州留正氣。東南可抑有中山。  
津梁久客病無憐。血戰玄黃孰是龍。冠蓋京華人氣少。民脂徒豢可憐蟲。  
榴花又接酒顏紅。醉後狂吟不計工。太息頭顱空大好。放教閒睡觸屏風。  
聖湖春色靄如雲。松杏山河悵夕曛。不信書生能殺賊。一燈孤憤詛秦文。  
九城人海影婆娑。萬紙憑陵氣不磨。記取羲黃民族史。昌言耿耿有神呵。

靈隱題寄

六月十三 題詞

中華民國十三年六月出版



編述者 寒霄

發行者 靈隱

印刷者 中華印刷局

發售處 各大書店

定價 大洋壹元

